

দুষ্প্রাপ্য বাংলা সাহিত্য

সম্পাদনা
অর্ণব সাহা



সপ্তর্ষি প্রকাশন

প্রকাশ : ফেব্রুয়ারি ১৯৯৯

প্রচ্ছদ : রাজীব চক্রবর্তী

সপ্তর্ষি প্রকাশন-এর পক্ষে স্বাভাৱীয় রায়চৌধুরী কর্তৃক
৪৪এ, চক্রবর্তী লেন, শ্রীরামপুর, হুগলি থেকে প্রকাশিত
এবং এ্যালবাট্রিস ৩১১এ বি বি চ্যাটার্জি রোড কলকাতা ৪২ থেকে মুদ্রিত

প্রধান বিক্রয়কেন্দ্র

৬৯ সীতারাম ঘোষ স্ট্রিট কলকাতা ০৯ চলভাষ ৯৮৩০৩ ৭১৪৬৭

সপ্তর্ষি-র বই পাবেন

দে'জ, দে বুক স্টোর, বুক ফ্রেন্ড, চক্রবর্তী অ্যান্ড চ্যাটার্জি (কলেজস্ট্রিট)
বুক ওয়ার্ম (উত্তরপাড়া, ৪১ বি টি রোড), বুকস্ (শিলিগুড়ি),
(ভুবনডাঙা, শান্তিনিকেতন)

সংকলন প্রসঙ্গে

উনিশ শতকের সাহিত্য ও সামাজিক ইতিহাসের আলোচনায় আজ সুপরিচিত 'এলিট' সাহিত্যের পাশাপাশি বিপুলভাবে ব্যবহৃত হচ্ছে তথাকথিত 'বটতলা' থেকে ছাপা, ততটা পরিচিত নয় এমন লেখক অথবা অজ্ঞাতনামা লেখক রচিত অসংখ্য বইপত্র, যেগুলি প্রথাগত বিদ্যায়তনিক পাঠ্যক্রমের কাছে এতদিন ব্রাত্য বলে বিবেচিত ছিল। অথচ এইসব বই সে যুগের জনসমাজে প্রচলিত সাহিত্য হিসেবে আমপাঠকের চাহিদা পূরণে সহায়তা করেছিল। এলিট সাহিত্য তথাকথিত শিষ্ট রুচি ও এনলাইটেন্‌ড দৃষ্টিকোণের সাপেক্ষে যে সব সামাজিক সমস্যার ততটা গভীরে প্রবেশ করতে চায়নি, এইসব বই অনায়াসেই ঢুকে পড়েছে সেইসব সমস্যার অন্তরমহলে। অথচ অধিকাংশ ক্ষেত্রেই এইসব লেখকরাও যেহেতু উচ্চবর্ণীয়, কম-বেশি ইংরেজীশিক্ষিত সম্প্রদায়েরই কিছুটা পিছিয়ে-থাকা অংশ, তাই উচ্চবর্ণীয় সামাজিক ডিসকোর্সেরই সম্প্রসারণ বা ভিন্নমাত্রিক উপস্থাপনা এইসব বইতেও লভ্য। সাম্প্রতিক গবেষণায় এইসব বই যথেষ্টই ব্যবহৃত হচ্ছে, অথচ সাধারণ পাঠকের হাতের নাগালে অনেক ক্ষেত্রেই এই বইগুলি সহজলভ্য নয়। সেই প্রয়োজন কিছুটা মেটানোর তাগিদেই এই সংকলন, যেখানে গ্রহণ করা হয়েছে ১৮২৫ থেকে ১৮৮৬-র ভিতর প্রকাশিত এরকম পাঁচটি বই, যেগুলি ভিন্ন ভিন্ন সামাজিক বিষয়বস্তুকে ধরতে চেয়েছে। বইগুলির টেকসট প্রমান করে উনিশ শতকের পরিসরে তথাকথিত 'আলোকায়ন' প্রক্রিয়ার জটিলতা, যেখানে একই ডিসকোর্সের ভিতর ঢুকে পড়েছে বহুমাত্রিক স্বর, যেগুলি কখনো পরস্পরবিরোধী, কখনো পারস্পারিক আপসনির্ভর। সুদীর্ঘ ভূমিকাসহ, আলোচ্য পাঁচটি টেক্সট সংকলন ও সম্পাদনার কাজটি করেছেন তরুণ গবেষক অর্ণব সাহা। আশাকরি সাধারণ পাঠকের চাহিদা কিছুটা হলেও পূরণ করবে এই সংকলন।

বি স য় সৃ চি

ভূমিক: . ৬

দুর্ভাবলাস . ভবানীচরণ বন্দ্যোপাধ্যায় . ৩৩

কলিকৃতুহল . নারায়ণ চট্টরাজ .. ১৫৩

সপত্নী নাটক .. তারকচন্দ্র চূড়ামণি .. ২৪৯

ভ্যালারে মোর বাপ.. ভোলানাথ মুখোপাধ্যায় . ৩৩৯

কেরাণী পুরাণ . অজ্ঞাত .. ৩৭৫

ঐতিহ্য, ধারাবাহিকতা, ‘ছেদ’

‘কতকগুলি অপক্ক কদলী?’

‘সাহিত্যের বাজার দেখিলাম। দেখিলাম, বাস্মীকি প্রভৃতি ঋষিগণ অমৃত ফল বেচিতেছেন; বুঝিলাম, ইহা সংস্কৃত সাহিত্য। দেখিলাম, আর কতকগুলি মনুষ্য নিচু পীচ পেয়ারা আনারস আঙ্গুর প্রভৃতি সুস্বাদু ফল বিক্রয় করিতেছেন—বুঝিলাম, এ পাশ্চাত্য সাহিত্য। আরও একখানি দোকান দেখিলাম—অসংখ্য শিশুগণ এবং অবলাগণ তাহাতে ক্রয়বিক্রয় করিতেছে—ভিড়ের জন্য তন্মধ্যে প্রবেশ করিতে পারিলাম না—জিজ্ঞাসা করিলাম, “এ কিসের দোকান?” বালকেরা বলিল ‘বান্ধালা সাহিত্য।’

...

বিক্রয় পদার্থ দেখিবার বাসনা ইহিল। দেখিলাম—খবরের কাগজ জড়ান কতকগুলি অপক্ক কদলী।’

আফিমখোর কমলাকান্তের দিব্যদর্শনে উনিশ শতকের বাংলা সাহিত্যের বাজার মূলত বালক ও মহিলাপাঠ্য অসার, অত্যন্ত নিচুমানের বইপত্রের জঞ্জাল। এই কণ্ঠস্বরের নেপথ্যে ‘সাহিত্যসম্রাট’ বঙ্কিমচন্দ্রের এলিট উন্নাসিকতা ক্রিয়াশীল। রামমোহন-বিদ্যাসাগর-মাইকেল-রঙ্গলাল-এর ধারাবাহিকতায় যে উন্নত উঁচু দরের সাহিত্যিক উৎকর্ষের সাধনা বঙ্কিমের, উনিশ শতকের গোড়া থেকেই মুদ্রণপুঞ্জির বিস্তার তার পাশাপাশি অন্য এক বিপুল সাহিত্যসম্রাটের জন্ম দেয়। গদ্য-পদ্যে রচিত কাহিনিধর্মী বই থেকে শুরু করে, ধর্মীয় বিনোদন-মূলক, তথাকথিত ‘আদিরসাত্মক’, পোলেমিক্যাল—বিচিত্র জাতের এইসব সাহিত্যিক নিদর্শন আজ আমাদের সামাজিক ইতিহাসের অত্যন্ত গুরুত্বপূর্ণ উপাদান হিসেবে বিবেচিত হচ্ছে। প্রথাগত সংজ্ঞায় এদের ‘বটতলার বই’ অথবা ‘low life of literature’ বলা হলেও এইসব বইপত্র উনিশ শতকীয় সমাজের বহুবিচিত্র ঘাতপ্রতিঘাত, লক্ষণ এবং দিকনির্দেশকে আমাদের সামনে হাজির করে। আরো সঠিকভাবে বললে, এই বইপত্রগুলিকে ‘নিম্নবর্গীয় জনসমাজে প্রচলিত সাহিত্য’ হিসেবেও আখ্যাত করা যায়। যদিও দুর্ভাগ্যের বিষয়, এই বইপত্রগুলি দীর্ঘদিন যাবৎ আমাদের সাহিত্য ও সামাজিক ইতিহাসে ছিল উপেক্ষিত।

এই উপেক্ষার একটি অন্যতম কারণ, উনিশ শতকের গোড়া থেকেই পাশ্চাত্যবাহিত জ্ঞান-যুক্তি-আলোকায়ন জীবনযাপন, সাহিত্য-সংস্কৃতির সর্বত্রই এক বিশেষ ধরনের এনলাইটেন্ড মান নির্ধারণের ব্যাকুল প্রচেষ্টা চালায় এবং পাশ্চাত্যশিক্ষায় শিক্ষিত বাঙালি ‘ভদ্রলোক’ সংস্কৃতি সেই ‘স্ট্যান্ডার্ডাইজড’ প্রক্রিয়ার বাইরে থেকে যাওয়া সব ধরনের সাংস্কৃতিক উপাদানকেই ‘অপরায়িত’ করতে শুরু করে। অথচ ছাপাখানার প্রসার বাংলা মুদ্রিত অক্ষরের ‘গণতন্ত্রীকরণ’

ঘটানোর ফলে, মুষ্টিমেয় ইংরেজিশিক্ষিত বাঙালির নব্য 'পরিশীলিত' রচনার বাইরে দাঁড়িয়ে থাকা শহর-গ্রামের অল্পশিক্ষিত জনসমাজ, মেয়েমহলের পাঠকগোষ্ঠী, মুসলমান সম্প্রদায়—অর্থাৎ বাঙালি পুরুষ 'ভদ্রলোক' সংস্কৃতির যারা চিহ্নিত 'অপর', এমনকি শিক্ষিত 'ভদ্রলোক' শ্রেণিরও এক বিরাট অংশ, যারা চাকরি বা অন্যান্য সামাজিক প্রতিষ্ঠার দিক থেকে ততটা হয়ত্রে সফল নন, যাদের সামাজিক ইতিহাসের ভাষায় lesser bhadralok বা petty bhadralok বলা হয়েছে, তাঁরাও ছিলেন এই সব বইপত্রের সম্ভাব্য পাঠক।^৭ দেশীয় উচ্চবর্ণীয় 'ভদ্রলোক', বিদেশি প্রশাসন, নৈতিক কর্তৃত্বের চোখে অবজ্ঞা-উদ্বেককারী এই ভিন্ন সাহিত্যিক ধারা এক পৃথক সাংস্কৃতিক 'আত্মপরিচয়'-এর হৃদয় দেয়। যদিও সংস্কৃতির ক্ষেত্রে যান্ত্রিক উচ্চ/নিম্নবর্ণীয় বিভাজন সর্বত্র খাটেনা। বরং বহু ক্ষেত্রেই দেখা যায় একই 'ডিসকোর্সিভ প্রাকটিসেস'র ভিতরেই পরস্পরবিরোধী সামাজিক বর্ণের অধিষ্ঠান, একই ধরনের 'ডিসকোর্সিভ ন্যারেটিভ' বা 'সন্দর্ভ বয়ান' উচ্চবর্ণীয় শ্রেষ্ঠ সাহিত্য থেকে শুরু করে নিতান্ত অদক্ষ, ততটা পরিশীলিত নয় অথচ জনসমাজে প্রচলিত বিপুল বইপত্রের ভিতরেও ঠাই পেয়েছে। এই সংকলনে আমরা তেমনই পাঁচটি টেকস্ট গ্রহণ করেছি, যেগুলি তথাকথিত শিল্প সাহিত্যের কুৎকৌশলগত বিচারে হয়তো ততটা উৎকৃষ্ট নয়, ততটা পরিচিতও নয়। অথচ বিদ্যমান সামাজিক 'ডিসকোর্সের' 'রিপ্রেজেন্টেশন' হিসেবে অত্যধিক গুরুত্বপূর্ণ। কয়েকটি বিশেষ সাংস্কৃতিক চিহ্ন এত প্রকটভাবে এদের ভিতর ধরা পড়েছে যে এগুলি ইতিহাসগতভাবে আজ যথেষ্ট অর্থবহ উপাদান হিসেবে পরিগণিত হতে পারে।

গবেষক হান্স হার্ডার উচ্চকোটির সাহিত্যের বাইরে এধরনের জনসমাজে প্রচলিত বিপুল লেখালেখিকে কয়েকটি নির্দিষ্ট সূত্রে ধরতে চেয়েছেন।^৮ এই সূত্রায়ণ-প্রক্রিয়া বর্তমান সংকলনের টেকস্টগুলির ক্ষেত্রেও অনেকাংশেই প্রযোজ্য। তাঁর মতে এই টেকস্টগুলিকে নিম্নক 'প্রাক-আধুনিক' (early modern), শিল্প সাহিত্যের কাল্য মানকে 'পর্য-করতে-চাওয়া অথচ ব্যর্থ, 'অপরিশীলিত রচনা হিসেবে দেখলে এদের নিজস্বতা অনেকাংশে ক্ষুণ্ণ হয়। এই টেকস্টগুলির একটি প্রধান লক্ষণ 'স্বাধীনবিশ্লেষণ' (self observation)। উপর্যুপরি সামাজিক সংঘাত, নতুন-পুরোনোর দ্বন্দ্ব সদা গড়ে-উঠতে থাকা বাঙালি ভদ্রলোকশ্রেণির অ-প্রতিষ্ঠান, ভঙ্গুর, অন্তর্গত চারত্রটিকে প্রকট করেছিল। নতুন-পুরোনোর সহাবস্থানের ফলে উদ্ভূত আত্মপরিচয়ের সংকটই একধরনের বিদ্রোহাত্মক, খুঁট-খসড়া দৃষ্টিকোণের জন্ম দিয়েছে এই সাহিত্যে। তবে সবচেয়ে বেশি গুরুত্বপূর্ণ এই টেকস্টগুলির দেশজ অন-অনুকরণমূলক (indigenous, non-discursive character) চারিত্র। প্রাক-উপনিবেশিক বাংলা ও সংস্কৃত সাহিত্যের ধারাবাহিকতা ও প্রতিসরণ এধরনের টেকস্টে গভীরভাবে লক্ষণীয়। অধিকাংশক্ষেত্রেই প্রাক-আধুনিক সমাজের সাহিত্যিক ও সাংস্কৃতিক ন্যারেটিভের প্রাক-মুদ্রণযুগের স্বল্প উপাদান সমেত বজায় থেকেছে ওইসব টেকস্টে। আসন্ন ছাপা বইয়ের প্রচলন বাংলার সমাজে দৃঢ়মূল হবার পরও এমন অনেক

পাঠকগোষ্ঠী রয়ে যায়, যারা পূর্বতন মৌখিক সাহিত্য এবং পরবর্তী লিখিত সাহিত্য—দুইয়ের মাঝামাঝি স্তরে অবস্থান করছে; কুমকুম সাংগারি এই ঐতিহ্যের সঙ্গে একাত্ম, নতুন পাঠাভ্যাসের সঙ্গে ততটা মানিয়ে নিতে না-পারা অংশটিকে ‘intermediate orality’র মানুষজন হিসেবে চিহ্নিত করেছেন।^১ এই পাঠকগোষ্ঠীর অন্তর্ভুক্তরা সমাজের একাধিক স্তরে ছড়িয়ে ছিলেন—এদের সকলেই অশিক্ষিত বা স্বল্পশিক্ষিত, এমনটা ভাবা ভুল। ‘দুতীবিলাস’, ‘কলিকুতূহল’, ‘সপত্নী নাটক’—তিনটি বইতেই প্রাক-ঔপনিবেশিক ন্যারেটিভের ধারাবাহিকতা ‘ছেদ’-এর সম্মুখীন হচ্ছে। মোটের উপর ঔপনিবেশিক পর্যায়ে, উচ্চবর্ণীয়, কমবেশি ইংরেজিশিক্ষিত অথবা ইংরেজি না-জানা লেখকদের রচিত এই বইগুলি এক সম্পূর্ণ নতুন ঘরানার ন্যারেটিভের সাক্ষ্য দেয়, যেখানে অতীত এবং বর্তমান একই শরীরে মিলেমিশে যাচ্ছে। এই বইগুলির অপর বৈশিষ্ট্য, সামাজিক অন্যায-অব্যবস্থার বিরুদ্ধে একধরনের নৈতিক অবস্থান গ্রহণ—এই সংকলনের সবকটি টেকস্টই যেন সমাজসংস্কারমূলক উদ্দেশ্যে রচিত। সর্বোপরি ভাষাগত বৈশিষ্ট্য। মধ্য উনিশ শতক থেকেই যে মান্য, পরিশীলিত বাংলা গদ্য ও পদ্যের ভাষা গড়ে উঠতে থাকে শ্রেষ্ঠ লেখকদের কলমে, এই টেকস্টগুলির ভাষা তার তুলনায় অনেক বেশি আঁকাড়া, দেশজ চলতি বুলি ও অমার্জিত ভঙ্গিই এদের নিজস্ব লক্ষণ। কিন্তু কোনও প্রাক-নির্ধারিত ভাষাগত স্ট্যান্ডার্ড-এর সাপেক্ষে এই বইগুলিকে পড়তে চাওয়া ভুল হবে। কারণ বাস্তবতার যেসব মাত্রা তথাকথিত ‘উচ্চকোটির’ সাহিত্যে উপেক্ষিত, এই টেকস্টগুলি সেইসব অপেক্ষাকৃত অবহেলিত অংশে আলো ফেলেছে। ফলত এদের ভাষাগত বহিঃপ্রকাশও অনেকাংশে সেই বাস্তবতার সাপেক্ষে নিযুক্ত। এই বইগুলির লেখক-পাঠক উপভোক্তাদের চেতনার নিজস্বতাও এই ভাষা ব্যবহারের মধ্য দিয়ে ধরা পড়ে। অত্যন্ত সংক্ষিপ্ত পরিসরে এই সংকলনের অন্তর্ভুক্ত টেকস্টগুলির বিষয়বস্তুকে স্পর্শ করব আমরা।

‘দুতী বিলাস’ এই পুথি

ভবানীচরণ বন্দ্যোপাধ্যায়-এর *দুতীবিলাস* প্রকাশিত হয় ১৮২৮ সালে প্রাক-ঔপনিবেশিক কামসাহিত্যের উনিশ শতকের প্রথমভাগের একটি শ্রেষ্ঠ উপস্থাপনা। এই বই। প্রাচীন সংস্কৃত সাহিত্য কামসূত্র কোশলঙ্কারভাষীয়া বই, জয়দেবের গীতগোবিন্দ থেকে শুরু করে ২০ শতকের শেষের দিক পর্যন্ত হতে আগেরো শতাব্দী ভারতচন্দ্রের বিদ্যাসুন্দর পর্যন্ত একটি সুপ্রচলিত পুথি। ‘দুতী’ প্রকরণকেই প্রাক-ঔপনিবেশিক নগর কলকাতার সমকালীন পটভূমিতে প্রাতিস্থাপিত করেছেন ভবানীচরণ এই বইটিতে। উনিশ শতকের প্রথমভাগ কলকাতার এক ধনী ব্যবসায়ী লাম্পট্য, পরস্ত্রীসত্ত্বোণ ও বন্দ্যোপাধ্যায়ের কোমলপুত্র এই বই যেখানে অর্থবহ পুরুষের অবাধ বিপুচ্যাব প্রধানতম অনুঘটক। সহায় হিসেবে বিবিধ দর্ভীর চমকপ্রদ রোমাঞ্চকর ভ্রামকা বর্ণিত হয়েছে বিস্তারে। কিন্তু এই ‘দুতী’ সংস্কৃত রসশাস্ত্র প্রকরণের ক্যাটেগরি অনুযায়ী গড়ে ওঠেনি। বরং সমকালীন বাস্তবতার

সঙ্গে এর যোগাযোগ অনেক বেশি। বাৎসায়নের কামসূত্র-এও (তৃতীয় শতাব্দী) অপ্রাপণীয় নায়িকার সঙ্গে মিলন ঘটিয়ে নায়কের অচরিতার্থ বাসনা পূরণের দায়িত্ব ‘দূতী’র। সেখানে দূতী তিন প্রকার—‘নিস্ঠার্থা’, যে দূতী উদ্ভাবনী শক্তির সাহায্যে কার্যসিদ্ধিতে সক্ষম; ‘পরিমিতার্থা’, যে দূতী নায়ক-নায়িকার পারস্পরিক বার্তাটুকুই কেবল বহন করতে পারে চতুরতার সঙ্গে, এবং তৃতীয় দূতী—‘পত্রহারিণী’র কাজ অপেক্ষাকৃত গৌণ।* বৈষ্ণবীয় রসশাস্ত্রেও রাধা-কৃষ্ণের প্রণয়লীলার অনুঘটক দূতী। রূপ গোস্বামীর উজ্জলনীলমণি গ্রন্থে দূতী দুই প্রকার—‘স্বয়ংদূতী’ এবং ‘আপ্তদূতী’। বীরা, বৃন্দা প্রভৃতি ব্রজাঙ্গনাগণ শ্রীকৃষ্ণের ‘আপ্তদূতী’। বীরার প্রত্যুৎপন্নমতিত্ব, নিতানতুন প্রস্তাব রচনার শক্তি শ্রীকৃষ্ণের প্রণয় বিষয়ে বিশেষ সহায়ক। বৃন্দার মনোজ্ঞ চাটুবাচন নায়িকাদের মনে আনন্দ সঞ্চার করে ও শ্রীকৃষ্ণের প্রতি তাদের অনুরাগবর্ধন করে। বীরা প্রগলভ-বচনা, বৃন্দা চাটুজিকুশলা।^১

ভবানীচরণ দূতীপ্রকরণের এই ঐতিহ্য থেকে সরে এসেছেন ‘নতুন নতুন দূতী’র সমকালীনতায়। তাঁর উদ্দেশ্য: ‘গোপনে কেমনে দূতী করয়ে মিলন। / যুবক যুবতী পেয়ে কি করে আচার। / এসব বর্ণন করি করিয়া বিস্তার। / প্রধানা এ গ্রন্থ মধ্যে ইহবেক দূতী। / অতএব, দূতী বিলাসাখা এই পুথি।’ তাঁর কাব্যে দূতী পাঁচ প্রকার: ‘মালিনী’, ‘নাপতিনী’, ‘উড়েণী’, ‘নেড়ী’ এবং ‘সহবাসিনী দাসীরূপা’। এদের ভিতর মালিনী দূতীর চরিত্র, বেশভূষা, এবং দক্ষতা বর্ণনে ভবানীচরণ স্পষ্টতই ভারতচন্দ্রের বিদ্যাসুন্দর-এর অনুসারী। কিন্তু এই দূতীরা সকলেই নিছক নগদ বিদায়ের বিনিময়েই নায়কের উপকার করতে সম্মত হয়। যেমন, মালিনী এই কাব্যের নায়ক শ্রীদেবকে বলে :

গুন ওহে রসরাজ ইকি অতি বড় কাম

টাকা দিলে হইবে উপায়।

অধিক কি কব আর বুঝিবা সকল সার

কোন কর্ম না হয় টাকায়।।

অর্থাৎ, নগর কলকাতায় হৃদয়বৃত্তিও সাফল্যের জন্য টাকার উপর নির্ভরশীল। পূর্ববর্তী কলিকাতা কমলালয় (১৮২৩) বইয়ের শুরুতেই ভবানীচরণ বলেছিলেন ‘কলিকাতা মুদ্রারূপ আপেয় অগাধ জলে পরিপূরিতা ইহ্যাছে’। শ্রীদেব নাগরের সঙ্গে কথোপকথনে নাপতিনী শহরের বিভিন্ন পরিবারের ঐষ্টচরিত্র রমণীদের এক লম্বা তালিকা দেয়: ‘অমুক যারের মাণ্ড’, ‘শালের বহ’, ‘দাসের ভগিনী’, ‘সুবোধ দত্তের বৌ’, ‘অমুক সাহাঃ কন্যা’ প্রভৃতি। কিন্তু জনৈক ব্রাহ্মণকন্যার প্রসঙ্গ উঠতেই অ-ব্রাহ্মণ শ্রীদেব যখন সংস্কারবশত বলে ওঠে ‘যদ্যপি দ্বিজনারী দ্বিচারিণী হয়। / শূদ্রাদির মাতৃভুল্যা গমনীয় নয়।। / ব্রাহ্মণীর মন্দ কথা এনো না কো মুখে:। / ইহ পরকাল ক্রেশে যাবে রবে দুখে।’ তখন তাকে আশ্বস্ত করে নাপতিনী বলে কলকাতার ‘বাজারে’ এহেন জাতপাতগত শুদ্ধতা আজ আর কেউ মানে না, বরং জাতি/জাতি সম্পর্ক কোনো বাধা হয়ে দাঁড়াচ্ছে না কামসম্বন্ধ স্থাপনের ক্ষেত্রে:

কেহ হরে মাসী পিসি জানিল তা প্রতিবাসী
মামি হরে বিশ্বধন আশ।

ভাদ্রবধু হরে কেহ কহি যদি মন দেহ
আছে বড় বাজারে প্রকাশ।।

খুড়ি না শাশুড়ি বাছে শুনি অনেকের কাছে
আর বহু বাজারে শুনিবে।

শ্রীদেব নাগর চরিত্রটির উপস্থাপনার ক্ষেত্রেও ভবানীচরণ ঐতিহ্য থেকে সরে এসেছেন সমকালীনতার প্রেক্ষিতে। ‘অথ শ্রীদেব নাগরের রূপ বেশ বর্ণন’ অংশে সেকালের ধনী বিলাসী নবযুবকের পোশাকের বিবরণ দেবার পর শ্রীদেবকে ‘বিদগ্ধ নায়ক’ আখ্যা দেওয়া হয়েছে। ‘বিদগ্ধ নায়ক’—এই বিশেষণ একটি পারিভাষিক আখ্যা। বৈষ্ণব রসশাস্ত্রীরা এবং সংস্কৃত অলংকারপ্রकरणেও ‘নায়কভেদ’ ব্যাখ্যা করতে গিয়ে নায়কের গুণাবলীর অন্যতম একটি গুণ হিসেবে ব্যাখ্যা করা হয়েছে ‘বিদগ্ধতা’কে।^৯ ষোড়শ শতকের রূপ গোস্বামী শ্রীকৃষ্ণের ব্রজলীলা নিয়ে লেখেন *বিদগ্ধমাধব নাটক*।^{১০} রূপ গোস্বামীর ভাষায় ‘বিদগ্ধ, নবযুবা, পরিহাসবিশারদ ও নিশ্চিন্ত প্রকৃতির নায়ককে ‘ধীরললিত’ বলে।’^{১১} শ্রীদেব নাগর কি ‘ধীরললিত’ নায়কের উদাহরণ? স্পষ্টতই না। কারণ সংস্কৃত সাহিত্যে যে যে চারিত্রিক অভিযুক্তির সাহায্যে নায়কচরিত্র প্রার্থিত আলংকারিক উচ্চতা পায়, ভবানীচরণের নায়ক তার চেয়ে অনেক বেশি একরৈখিক ও লঘুচিন্ত। যেন-তেন প্রকারে যৌন ঈঙ্গা চরিতার্থ করা ব্যতীত মাঝে মাঝে কিছু নৈতিক উক্তি উচ্চারণই কেবল করে সে। ‘দুতীবন্দনা’র মধ্য দিয়ে শ্রীদেব এক ভিন্নতর ‘পুরুষার্থে’র ধারণা ব্যক্ত করে :

দুতী সঙ্গ নিরবধি যদি হয় বাল্যাবধি
লোক তবে পুরুষার্থ হয়।

দেখহ বালক কালে গুরুরূপে পাঠশালে
দুতী আসি নিকটে উদয়।।

আর নিজ নারী প্রতি যাহার না থাকে মতি
মতি তার নারী প্রতি যায়।

জানিলে তাহার মর্ম সাধিতে আপন ধর্ম
নিজ মূর্তি ধরেন তথায়।।...

অতএব দুতী ভক্তি করি তাহে অনুরক্তি
সাক্ষী দেখ কৃষ্ণ অবতার।

দুতীরে করিয়া বল বৃন্দাবনে বাসস্থল
রসময় করেন প্রচার।।

উনিশ শতকীয় নবযুবকের লাম্পট্যের গাইডলাইনে কী অনায়াসেই ঠাই করে নিয়েছে পৌরাণিক কৃষ্ণের বৃন্দাবনলীলা। আর অবিমিশ্র শৃঙ্গারই যে এই বিপুল বিভ্রাটালী যুবকের জীবনে একমাত্র আকাঙ্ক্ষা তা প্রার্থিত কামিনীর কাছে আত্মপরিচয় ব্যক্ত করতে গিয়ে নিজেই বলে শ্রীদেব :

শ্রীদেব নাগর নাম শৃঙ্গার নগরে ধাম
লেখাপড়া জ্ঞানগুণ কেবল নাগরী।
কামপুরে জমিদারী সে কর্মেতে বাস্তু ভারি
তালুক রক্ষার হেতু আছি বাসা করি।।
বিবাহের নাই আশ পরবাসে বারমাস
সুখে থাকিবার জন্য ব্যয় করি ধন।...

অনঙ্গমঞ্জরীর সঙ্গে দ্বিতীয়বার মিলনের সময় বৈষ্ণববেশী শ্রীদেব 'ঠিক যেন চৈতন্য সাজিল। / মুখে হরি হরি বোল / অন্তরেতে গণ্ডগোল / ভাবি রূপ অনঙ্গমঞ্জরী'—বৈষ্ণবী ভাবাদর্শের এক চূড়ান্ত বাতায় ঘটেছে এখানে উদ্দেশ্যমূলকভাবে। উনিশ শতকীয় 'কামসাহিত্য'-এ, 'আধুনিকতা'র যুগোপযোগী প্রতیسরণের এ এক প্রকৃষ্ট নিদর্শন। মধ্যযুগীয় বৈষ্ণব সাধনার ভিতর যে উচ্চতর 'essence' দাবি করা হত, উনিশ শতকের ব্রিটিশ কলকাতায় তা আজ লম্পট ধনীপুত্রের বাসনা চরিতার্থকরণের উপকরণ মাত্র।

ওপনিবেশিক কলকাতার সামাজিক ইতিহাসের এক জীবন্ত ছবি পাওয়া যায় এই বইটিতে। এই সামাজিক ইতিহাস উনিশ শতকের প্রথমার্ধের সম্পন্ন পরিবার, স্বামী-স্ত্রী সম্পর্ক এবং পিতৃতান্ত্রিক-পুরুষতান্ত্রিক আধিপত্যের ভিতর যৌন অবরোধের বিরুদ্ধে গৃহস্থ মেয়েদের নিজস্ব শারীরিক 'উপভোগ' (pleasure) উৎপাদনের কথা বলে। 'নাগর নিকটে গোপীর পরিচয়' অংশে গোপী যখন পিতৃকুল-স্বশুরকুলের পরিচয় দেয়, তখন বোঝা যায় সম্পন্ন গৃহস্থ পরিবারের এই মেয়েটি কোনো না কোনোভাবে পরিবার থেকে বিতাড়িত, যৌন পদস্থলনের সূত্রেই হয়তো তাকে ঘরছাড়া হতে হয়েছে। ১৮৫৩ সালে কলকাতার ৪ লক্ষ জনসংখ্যার মধ্যে বারবণিতার সংখ্যা ১২,৪১৯। এদের মধ্যে একটা বৃহদংশই উচ্চবর্ণীয় পরিবারের মহিলা, যৌননৈতিক স্থলনের কারণে যারা একবার পরিবারচ্যুত হয়ে আর পরিবারে ফিরতে পারেনি।^{১২} সমকালীন সরকারি হিসেব অনুযায়ী ঐ বারো হাজারের মধ্যে দশ হাজার মহিলাই ছিলেন হিন্দু কুলীন পরিবারের কন্যা ও বিধবা। তাকে বলে বিধবা তারে / বেশ্যা কে বলিতে পারে / গণিতে গোপীর পতি অস্থির মিহির। গোপীর এই বর্ণনা তাকে সমকালীন সমাজশ্রেণিক্রিতেই স্থাপন করে। আসল ভবন চব্বিশের বর্ণনায় 'স্বজাতির পক্ষ নলে / রতি যেনা দান করে / বেশ্য বলি খাতির তার শাস্ত্র অনুসারে।'—গোপীকে সরাসরি কামসূত্রের 'বিশ্বকর্ম্মবিবরণমা' অনুসারে আদলে পাড়ে নেবার প্রয়াস। এটিও ভবানীচরণের কারণে ঐতিহ্যকে সমকালীনতার আঙ্গিকে ধরার চেষ্টা। আর 'তসরের ঠেঁটা পবন' শব্দ ত্রিলোক কবী রোড়ক দ্বিতীয় প্রথম অন্য একাধিক উনিশ শতকীয় ঠেঁটকবীর এক পড়েছে। যেমন, নারায়ণ চট্টোপাধ্যায়ের লেখা কলিকৌতুক নাটক 'সুখের' একটি দৃশ্যে পড়েছে সহজিয়া বৈষ্ণবদের আখড়ায় অবাধ যৌন চরিত্রের উল্লেখ। আসলে মেদিনীর সামাজিক শ্রেণিক্রমেও সহজিয়া বৈষ্ণবদের নতুন চরিত্রের সম্পর্কে এধরনের অভিযোগ প্রচলিত ছিল। অনেক সমাজতন্ত্র মতিলার ঠাই হত এধরনের প্রান্তিক ধর্মীয় গোষ্ঠীগুলির

মধ্যে। ভবানীচরণের ‘সহবাসিনী দাসীরূপ দূতী’ যখন শ্রীদেব নাগরের কাছে অনঙ্গমঞ্জুরীর কথা বলতে গিয়ে ‘গোসা করে পরে মোরে করে চোটপাট। / পুলিশে পাঠাতে চায় শুনে মোটমাট।।’ —এ হেন উক্তি করে, তখন এই ঔপনিবেশিক প্রশাসনের সরাসরি উল্লেখ কাব্যের চরিত্রগুলিকে সমকালীন করে তোলে।

আবহমান সংস্কৃত ও বাংলা প্রাক্-ঔপনিবেশিক সাহিত্যে ‘আলম্বন’ ও ‘উদ্দীপন’ বিভাবের যে অলংকারশাস্ত্রসম্মত প্রকরণ তৈরি হয়েছিল, ভবানীচরণের কাব্য তা থেকেও সরে এসে কয়েকটি নতুন উপাদান সংযোজিত করেছে। বিশ্বনাথ কবিরাজের সাহিত্যদর্পণ অনুসারে ‘যেসকল পদার্থ রসকে উদ্দীপিত করে, তারাই উদ্দীপনাবিভাবসমূহ’—‘যো যস্য রসোদ্দীপনবিভাব সঃ তৎস্বরূপবর্ণনে বক্ষ্যতে’।^{১৩} অর্থাৎ, ‘আলম্বন’ বা পাত্রপাত্রীরূপ object-এর ‘দেশকালাদি’-কেই বলে ‘উদ্দীপনবিভাব’। বিশ্বনাথের ভাষায় ‘ইহাতে ‘আদি’ শব্দে চন্দ্র, চন্দন, কোকিল, সাপ, ভ্রমর, ঝঙ্কার প্রভৃতি বুঝায়’। দূতীবিলাস-এর ‘ঋতুরাজ বসন্তের আধিপত্য’ অংশে (‘শীতল সুগন্ধি মন্দ বহিছে পবন। / বিয়োগী জনের হয় কামিনীতে মন।।’) উদ্দীপন বসন্ত ঋতু প্রাক্-ঔপনিবেশিক সাহিত্যতত্ত্বের অনুসারী, কিন্তু যে স্থলে নায়িকাকে দেখে নায়কের হৃদয়ে বাসনার সঞ্চার হয়েছিল সেই স্থানটি হল উত্তর কলকাতার গৃহস্থ বাড়ির ছাদ :

সুখের অনল সম সস্তাপ জন্মায়।
সুস্থির হইতে নারে পারে ছাতে যায়।।
মলয় মারুত তাহে লাগে তার গায়।
অস্থির হইয়া কামে চারিদিকে চায়।।
অন্য মৌখোপরি নারী দাড়াইয়া ছিল।
অর্ধেক শরীর তার দেখিতে পাইল।।
সুন্দরীর মুখ চক্ষু গুণ নিরখিয়ে।
বিতর্ক করিছে কত কামেতে মজিয়ে।।
ছাতে পুনর্বীর আর তারে না দেখিয়া।
বারান্দায় বৈসে আসি মলিন হইয়া।।

এরপর টেকস্ট-এর প্রথমাংশে বেশ কয়েকবার ঐ ছাদ ও ছাদে নায়িকাকে দর্শন করে নায়কের কাতরোক্তি বর্ণিত হয়েছে। তবে উনিশ শতকীয় সামাজিক ইতিহাসের যৌন আচরণ-অভিব্যক্তি, সমাজ ও যৌননৈতিকতার এক অনুপঞ্জ্য অভিব্যক্তি ধরা পড়ে শ্রীদেব নাগর-অনঙ্গমঞ্জুরীর স্বামীর মধ্যকার সম্পর্কের যৌন টানাপোড়েনটি লক্ষ্য করলে। উনিশ শতকের শেষার্ধের হিন্দু জাতীয়তাবাদ হিন্দু পরিবারে মহিলাদের স্বৈচ্ছাচারিতা, যৌননৈতিকতার শিথিল গড়ন, অ-নিয়ন্ত্রিত যৌন উদ্দীপনা-কে চিহ্নিত করেছিল এবং ‘পরিবার’ নামক ধারণাটিকে পুনর্বিদ্যস্ত করে, নিরন্তর শিক্ষা, আলোকায়ন এবং অনুশাসনের দ্বারা পরিবারের প্রেক্ষাপটে নারীর ভূমিকা পুনর্নির্দিষ্ট করতে চেয়েছিল। এবং এই ‘অভীজ্ঞা’ নিজের যথার্থ প্রমাণের জন্য যে যে সামাজিক উপাদানগুলিকে

প্রাক্শর্ত হিসেবে ধরে নিয়েছিল তার একটি প্রধান বিষয় ছিল মেয়েদের যৌন অভিব্যক্তি, অতিরেক (excess)। একাধিক সমকালীন সাক্ষ্য এবং সাম্প্রতিক গবেষণা থেকে জানা যায়, উনিশ শতকের প্রথমার্ধের বাঙালি অন্তঃপুরে মেয়েদের কথাবার্তার অনেকটাই জুড়ে থাকত আদিরসাত্মক বিষয়বস্তু। আদিরসাত্মক গল্প শোনা ছিল মেয়েলি বিনোদনের এক প্রিয় উপায়। এই পরিবেশে বালিকা বয়স থেকেই মেয়েরা যৌনতা বিষয়ে অকালপক্ক হয়ে উঠত। ১৮৩৯ সালে জনৈক ইংরেজ মিশনারি মহিলা লিখছেন অন্তঃপুরের বাঙালি মেয়েরা—

“will sit for hours in circles willing away the time in silly obscene conversations, to which none but an christian experienced female can safely hazard exposure.”^{১৪}

এই পারিবারিক কাঠামোয় অনঙ্গমঞ্জরীর মতো গৃহবধূর অভাব ছিল না, যারা বেশ্যাসক্ত স্বামীর অবহেলা এবং অমনোযোগের কারণে নিজেদের অবদমিত বাসনা চরিতার্থ করত পরপুরুষের সান্নিধ্যে। মালিনী অনঙ্গ সম্বন্ধে শ্রীদেবকে বলেছিল ‘রসিক যুবার প্রতি যত্ন তার অতি। / যেহেতু অকৃতি বড় শুনি তার পতি।।’ এবং এই গোপন মিলনে সহায়তা করত অনঙ্গের দাসী গোপী এবং দূরসম্পর্কের পিসি। পিসির পরামর্শে সন্তান উৎপাদনের জন্য শ্রীদেবের সঙ্গে নিয়মিত মিলনের অনুমতি স্বামীর কাছ থেকে আদায় করার আগে পর্যন্ত বিভিন্ন কৌশলে তারা মোট ছ’বার মিলিত হয়েছে। প্রথমবার পিসিকে দেখতে যাবার নাম করে স্বামীর কাছ থেকে অনুমতি আদায়, দ্বিতীয় মিলনে বৈষ্ণব আখড়ায় শ্রীদেব নাগরের বৈষ্ণবের ছদ্মবেশ ধারণ, তৃতীয় মিলনে শ্রীদেব দাসীরূপ ধারণ করে অনঙ্গের অন্তঃপুরে এসে উপস্থিত হয়েছে, চতুর্থ মিলনে নায়ক ধারণ করেছে দ্বিজবেশ, নায়িকাকে সঙ্গে করে কালীঘাটে উপস্থিত হয়েছে পিসি এবং সেখানে ঘরভাড়া করে রাত্রিবাস ও মিলন ঘটেছে দুজনের। এই কালীঘাটেই অনঙ্গমঞ্জরীর পিসির প্রতি গোপনে আকৃষ্ট হয় শ্রীদেব। এরপর পিসির পরামর্শে স্বামীর অনুমতি নিয়ে বাড়িতে সখের যাত্রার আয়োজন করে অনঙ্গ। ‘পল্লীগ্রামস্থ নারীবেশ’ ধারণ করে অন্তঃপুরের মেয়েমহলে ঢুকে পড়ে শ্রীদেব এবং নায়ক নায়িকার পঞ্চমবার মিলন সাধিত হয়। এরপর অনঙ্গর পিসির সঙ্গে শারীরিকভাবে মিলিত হয় শ্রীদেব। ষষ্ঠ মিলন হয় তারকেশ্বরে। পঞ্চিমধ্যে ‘রাত্রি একঘরে হৈল সবাকার বাস / শ্রীদেব কৌশলে পুরে দুহাকার আশা।’ কাহিনির শেষে পিসি কৌশলে অনঙ্গর স্বামীকে রাজি করিয়েছে নিঃসন্তান স্ত্রীর গর্ভে পরপুরুষের সন্তান ধারণ করানোয়, কারণ বংশরক্ষার জন্যই একাজ করা একান্ত প্রয়োজন। এই সুযোগে শ্রীদেবও অনঙ্গমঞ্জরীর গৃহে অনুপ্রবেশের সুযোগ পেয়ে যায় এবং অবাধে ‘কখনো রজনী যোগে কখনো দিবসে। / প্রত্যহ আইসে যায় অনঙ্গের বশে।।’ কিন্তু গৃহাভ্যন্তরে প্রবেশের পরেও পিসির সঙ্গে মিলিত হওয়া থেকে বিরত হয়নি শ্রীদেব, এমনকি নিজগৃহে গোপীদাসীকে পেয়ে তাকেও ছাড়েনি সে। ফলে শ্রীদেবের প্রতি অনঙ্গমঞ্জরীর মান, শ্রীদেবের পালটা অভিমান।

ক্রমে অনঙ্গমঞ্জরীর গর্ভে শ্রীদেবের ঔরসে তিন পুত্র হয়, তাদের প্রত্যেকের এবং অনঙ্গের ব্যয়ভার বহন করে নিঃস্ব হয়ে পড়ে শ্রীদেব। পরিবারে পুনঃপ্রতিষ্ঠিত স্বামীপুত্রবতী অনঙ্গমঞ্জরী শ্রীদেবের সঙ্গে সমস্ত সম্পর্ক ছিন্ন করে। হতাশ, ব্যর্থ, শ্রীদেবের কাতর আক্ষেপোক্তির মধ্য দিয়ে কাহিনির শেষ হয়।

দুর্ভাবিলাস-এর টেকস্ট উনিশ শতকের প্রথমার্ধের বাঙালি সমাজের একাংশে প্রচলিত 'কাম'-এর নৈতিকতা ও সুখবোধ (pleasure) সংক্রান্ত এক অনবদ্য উপস্থাপনা। অপেক্ষাকৃত বিস্তারিত পরিবারগুলিতে পুরুষের বেশ্যাসক্তি এবং অন্তঃপুরের মহিলাদের পরপুরুষগমন —সেযুগের অধিকাংশ পত্রপত্রিকায় একটি চালু বিষয় হিসেবে ছাপা হত। দুর্ভাবিলাস-এও অনঙ্গের স্বামী রাতে বাড়ি থাকত না, কিন্তু তার স্ত্রীর পরপুরুষ সম্ভোগের সম্ভবত সেটাই একমাত্র কারণ নয়। কারণ শ্রীদেবের সঙ্গে মিলিত হবার পরেও স্বামীর সঙ্গে একইভাবে শারীরিক মিলন চালিয়ে গিয়েছে সে। অর্থাৎ, সে যা করেছে অত্যন্ত সচেতনভাবেই করেছে। অন্তরে শ্রীদেবকে ধারণ করেই সে পতির সঙ্গে মিলিত হয়েছে :

রঙ্গভঙ্গ দেখি তার পতি গেল ভুলিয়া।

পালঙ্কেতে শুলো গিয়ে নিল বুকে তুলিয়া॥

রসে বসে রাত্রিশেষে নিদ্রা যায় হইয়া

অনঙ্গের নাহি নিদ্রা শ্রীদেবেরে ভাবিয়া॥

এখানে একধরনের স্বৈচ্ছাধীন, স্বয়ংচালিত নারীসত্তার ছবি পাওয়া যায়, যে তার নিজের শরীর/সুখভোগের ক্ষেত্রে অন্য কারো মুখাপেক্ষী নয়। এই স্বাধীন যৌনসত্তার কথাই যেন প্রকট হয় দাসীরূপধারী শ্রীদেবের উক্তিতে, যেখানে রামচন্দ্র ও জরৎকার মুনির স্ত্রীর প্রতি নিষ্ঠুরতার প্রেক্ষিতে বলা হয়—‘অতএব দেখে শুনে স্বামী চাহি নাই। / স্বামীর অধিনী হলে কোন সুখ নাই॥ / উপপতি করি যদি দূরে যায় দোষ। / এ যুক্তি করিলে থাকে সকলে সন্তোষ॥’ সখের যাত্রা দেখতে আসা শহরে মেয়েরাও মন্তব্য করেছিল, পল্লীগ্রামের মেয়েদের জীবনে কোনো স্বাধীনতা নেই (শুনে নাকে হাত দিয়ে কহে নারীগণ। / হেন যারা সহে ধিক্ তাদের জীবন॥)। অনঙ্গ তারকেশ্বরে সন্তানের জন্মের জন্য মানত করতে যাবার যুক্তি হিসেবে স্বামীকে বলেছিল: ‘সদা মত্ত হৈয়ে থাক লৈয়ে বারাজনা। / আথেরে কি হবে তার নাহি বিবেচনা॥ / ... সন্তান না হলো মোর যৌবন না রয়। / তুমি যেন কথা শুন সে তো বশ নয়॥’ উনিশ শতকের শেষার্ধের যৌনতার ডিসকোর্সেও বারবার বলা হয়েছে এদেশীয় ধনী ব্যক্তিগণ অল্পবয়স থেকেই অতিরিক্ত গুরুপাত করেন বলেই তারা সন্তানের জন্মদানকালে কার্যত ব্যর্থ হন।^৭ পরবর্তী যৌনতার ডিসকোর্সের একটি সামাজিক মতামতগত ভিত্তি দুর্ভাবিলাস-এর কাহিনীতেও লভ্য। তারকেশ্বরে জনৈক সম্মানসীমার ভবিষ্যৎবাণী-সংক্রান্ত মিথ্যা কথা বলে যেদিন অনঙ্গমঞ্জরী স্বামীকে রাজি করাল অন্য পুরুষের ঔরসে গর্ভধারণ করতে, সেদিন রাতে নিয়মমাফিক রতিক্রিয়ার পর উভয়ের পারস্পরিক সম্পর্কহীনতার ছবিটি প্রকট হয়: ‘রতি রস রঙ্গ হইল যেন শাস্ত্র পালা। / উভয়ের মনে অন্য করে দায় টালা॥ / তাদের

বাসর যেন হয় কারাগার। / দুজনে দুঃখিতমানে ভাবে অনিবার।।' আর পরপুরুষ-সংসর্গের মাধ্যমে গর্ভোৎপাদনের বিষয়টি অনঙ্গের পিসি যে যুক্তিতে অনুমোদন করিয়েছে তার মধ্য দিয়েই উনিশ শতকের প্রথমার্ধের বাঙালি সমাজে যৌননৈতিকতার এক পৃথক চিত্রের পরিষ্কার হয়:

পুত্র প্রয়োজন স্নেহ অবশ্য গৃহীর।
ব্যক্ত পুরানেতে দেখে লেখন স্মৃতির।।
পণ্ডিতের আপন বংশ রাখিবার তরে।
আত্ম হতে না হইল অন্য মত করে।।
পাণ্ডুরাজ্য হৈতে পুত্র না হলো কুস্তীর।
উপপত্তি জন্য বিধি দিলেন সূরীর।।
লোকলজ্জা ভয় তুমি তাহারে পারিবে।
গোপনে আসিবে কেহ কে ঢাক মারিবে।।
সুজনবাবুর কথা শুনিয়াছ কানে।
উপপত্তি সঙ্গে মাগু পাঠায় বাগানে।
কিছুদিন থাকে কথা শেষ কিবা রয়।
কলঙ্ক কি বশ সব কালে লোপ হয়।।
অতএব শাস্ত্র সিদ্ধ লোক ব্যবহার।
ইথে পাপ লজ্জা কেন হইবে তোমার।।

অতঃপর তিন পুত্রের জন্মদানের পর পারিবারিক ও সামাজিক পরিসরে প্রতিষ্ঠালাভের সঙ্গে সঙ্গে শ্রীদেবের প্রয়োজন সঙ্গ হয়েছে অনঙ্গমঞ্জরীর জীবনে। আর শ্রীদেব আক্ষেপ করেছে, কীভাবে 'অনিত্য সাধন'-এর কারণে তার জীবন হারবার হয়ে গিয়েছে। সাধারণ গৃহীর্ ইতিকর্তব্য সম্পাদনে অনীহাই যে তার পতনের মূল কারণ, এ কথাও কবুল করেছে সে। ভারতীয় পুরুষার্থ সাধনায় 'ধর্ম', 'অর্থ' ও 'কাম'-সাধনই 'মোক্শের' উপায়। যে ব্যক্তি এদের ভিতর কোনো একটির অতিরিক্ত চর্চা করে, সে-ই জীবনে সামঞ্জস্য হারায়। শ্রীদেবের কাতরোক্তি সেই সামঞ্জস্যহীনতার যন্ত্রণা থেকেই : 'গৃহী হয়ে গৃহে থাকি না করি বিবাহ। / গৃহস্থের মত কর্ম না হলো নির্বাহ।। / ঔরসে জন্মিল পুত্র বংশ না রহিল। / আপনার পিতৃপিণ্ড আশা না থাকিল।। / আমার সমান আর নাহি বুদ্ধিহীন। / সংসারী নহিক আমি নহি উদাসীন।। / নিত্য সেই নিত্যানন্দ তাঁরে না ভাবিয়া। / ভাবিলাম কামিনীবে কামেতে মজিয়া।।' শ্রীদেবের পতনের মূল কারণ কর্তব্যকর্মের যথাযথ গুরুত্ব না বোঝা—আবহমানকালব্যাপী ভারতবর্ষীয় পুরুষার্থ সাধনার কাঠামোর ভিতরেই এভাবে 'কাম'-কে স্থাপন করতে চান ভাবনীচরণ।

দুতীবীলাস-এর সর্বাপেক্ষা আকর্ষণীয় উপাদান এর নায়ক-নায়িকার রতিবিহারের অনবদ্য বর্ণনা। এই বর্ণনা আধুনিক 'পর্নোগ্রাফিক' (pornographic) বর্ণনার চেয়ে একেবারেই আলাদা। এখানে যৌনঙ্গ এবং যৌনমিলনের অনুপুঙ্ক্ত বর্ণনা বাস্তবানুগ নয় (non-realistic), বরং একধরনের সরস আবরণ দ্বারা

আবৃত। প্রাক্-ঔপনিবেশিক গীতগোবিন্দ (১২শ শতক), শ্রীকৃষ্ণকীর্তন (১৫ শতক), রোমান্টিক কিসসা সাহিত্য (যেমন: লোরচন্দ্রানী, ১৭ শতক), সর্বোপরি ভারতচন্দ্রের বিদ্যাসুন্দর (১৮ শতক) দ্বারা প্রভাবিত ভবানীচরণের ভাষাভঙ্গি। এক্ষেত্রে প্রাক্-ঔপনিবেশিক ‘কামসাহিত্য’র সম্প্রসারণই তাঁর কাব্যে লক্ষণীয়। যেমন, ধরা যাক, তাঁর কাব্যের ‘বিপরীত শৃঙ্গার’-এর সঙ্গে বিদ্যাসুন্দর-এর ‘বিপরীত বিহার’-এর বর্ণনাগত সাযুজ্য :

লাজের মাথায় হানিয়া বাজ।
সাধয়ে রামা বিপরীত কাজ।।
ঘন অবিলম্ব নিতম্ব দোলে।
ঘুন ঘুন ঘন ঘুঞ্জঘুর বোলে।।
আবেশে ছাঁদি ধরে ভুজ্যুগে।
মুখ পুরে মুখ কর্পুর পুগে।।
দংশয়ে পতির অধরদলে।
কপোত কোকিলা কুহরে গলে।।
উথলিল কামরস জলধি।
কাম মত সুখ নাহি অবধি।।^{১৬}

(বিদ্যাসুন্দর: বিপরীত বিহার)

তুলনীয়, দূতীবিলাস-এর ‘পঞ্চম মিলনে খেলাচ্ছলে বিপরীত শৃঙ্গার’:

লাজ বাদ সাদে আসি আঁখি ভরে।
কামদেব আরো মনে ব্যস্ত করে।।
কটিদেশ* তুলে ঘন শব্দ করে।
জলবিন্দু তাতে তবু নাহি সরে।।
অবলা হইয়া সবলারি মত।
বহু কষ্ট পেলে নারী পারে কত।।
বিধিমতে কামে কত বজ্র মারে।
পরে বারি ঢালে মুঘলের ধারে।।

দূতীবিলাস-এর ‘চতুর্থ মিলনে’ ‘কালীঘাটে রন্ধন’ অংশে নায়িকার কুচ নিয়ে যে রসলাপ তাও বিদ্যাসুন্দর-এর অনুরূপ। বিদ্যাসুন্দর-এর ‘কুচপদ্মকলি কবিরাজ করে। / ধরিতে তরুণী পুলকে শিহরে’-র মতোই এখানেও পাই: ‘কুচ দুটি নিয়ে করে বার্তাকি বুঝিল। / কামানলে সে দুটারে ভাল পোড়াইল।।/ পুনঃ পুনঃ কাটি দিয়া নাড়ে চাড়ে ঢাকে। / বারম্বার টিপে দেখে যদি শক্ত থাকে।।’ এছাড়াও বিদ্যাসুন্দর-এর অনুকরণে একাধিকবার নায়কের ছদ্মবেশ ধারণ (দ্বিজ ব্রাহ্মণের রূপ, দাসীরূপ, পদ্মীগ্রামস্থ নারীরূপ ধারণ), রাজসভায় সুন্দরকে দেখে ‘নারীগণের পতিনিন্দা’র অনুকরণে ‘মেয়ে মজলিসে নারীদের প্রতিরূপ বর্ণনা’ (এখানে মেয়েরা পতিনিন্দা করেনি, বরং চাকুরীজীবী ব্যস্ত স্বামীদের নিয়ে তাদের প্রচ্ছন্ন গর্বই প্রকাশিত হয়েছে এখানে, এবং স্বামীদের কর্মব্যস্ততার সুযোগে তারা

কী ধরনের আপেক্ষিক স্বাধীনতা ভোগ করে, সে কথাও বর্ণিত হয়েছে) প্রভৃতি উপাদানের ক্ষেত্রে ভবানীচরণ ঐতিহ্যের অনুসারী। পুরুষের নারীবেশ ধারণে উল্লেখ (cross-dressing) মহাভারত, পুরাণ, কামসূত্র থেকে শুরু করে মধ্যযুগীয় সাহিত্যে বারবার উল্লিখিত হয়েছে নায়ক-নায়িকার মিলনের অনুষ্ঠানে পিসি এবং দাসীদের সঙ্গে প্রার্থিত পুরুষকে দেখে নায়িকার মান, নায়ক কর্তৃক তার মানভঙ্গ, দাসীর শরীরে সন্তোষচিহ্ন দেখে নায়িকার অভিমান—প্রভৃতি বর্ণন স্পষ্টতই বৈষ্ণব সাহিত্যের রাধা-কৃষ্ণের প্রণয়লীলার আদলে আঁকা হয়েছে। অর্থাৎ, প্রাক-ঔপনিবেশিক কামসাহিত্যের ধারাবাহিকতার যুগোপযোগী ‘প্রতিসরণ’ (shiftment) এবং ‘পুনঃস্থাপন’ই (relocating) ভবানীচরণের দৃতীবিলাস কাব্যের প্রধান বৈশিষ্ট্য।

কলির কীর্তি/কেরানিবৃত্তি

জয়ন্ত গোস্বামীর দীর্ঘ পরিশ্রমলব্ধ গবেষণাবই সমাজচিত্রে ঊনবিংশ শতাব্দীর বাংলা প্রহসন-এ প্রায় ৫০৫ টি উনিশ শতকীয় প্রহসনের সংক্ষিপ্ত বর্ণনা বা নাম রয়েছে, তার মধ্যে অন্তত ৩১টির শিরোনামে কোনো না কোনোভাবে কলিযুগের প্রত্যক্ষ উল্লেখ পাওয়া যায়। ভারতীয় পুরাণকল্পনায় কলিযুগের বিবরণ একটি সুপ্রাচীন বিষয় হলেও উনিশ শতকের ঔপনিবেশিক সমাজের একটি পরিচিত ঘরানা হিসেবে সমকালীন সময়কে ‘কলিযুগ’ হিসেবে বিশেষভাবে চিহ্নিত করার পিছনেও যে বেশ কয়েকটি গুরুত্বপূর্ণ সমাজতাত্ত্বিক কারণ থাকতে পারে এবং ঔপনিবেশিক সমাজমনের এক বিস্তৃত অনালোকিত অংশকে তা প্রকাশ করতে পারে, এই বিষয়টি তাত্ত্বিক আধারে ধরেছেন গবেষক স্মিত সরকার।^৭ তিনি দেখিয়েছেন ঔপনিবেশিক আধিপত্য, অর্থনৈতিক-রাজনৈতিক ও সাংস্কৃতিক পরিবর্তন, বিশেষত পাশ্চাত্য জ্ঞান-যুক্তি-এনলাইটেনমেন্ট দেশীয় সমাজে যে বিপুল ভাঙাগড়া, উত্থানপতন ও সমাজস্থিতির অদলবদল ঘটায়, তার প্রভাব, প্রতিক্রিয়া ও অভিঘাত সমাজের সব স্তরে সমানভাবে পড়ে নি। রামমোহন-বিদ্যাসাগর-বঙ্কিম-কেশবচন্দ্র প্রমুখ তথাকথিত নবজাগরণের লব্ধপ্রতিষ্ঠ প্রতিনিধিরা যদি হন রেনেসাঁস-আলোকপ্রাপ্তির নিরিখে ক্রমঅগ্রগতির প্রতীক, সেক্ষেত্রে ‘কলিযুগ’ ঠিক উলটো, এখানে সময়ের রৈখিক প্রগতির বদলে চক্রাকার সময়মাত্রার (cyclical time) অধঃপতিত, ক্ষয়িষ্ণু স্তরটির বিবরণই প্রাধান্য পায়। তুলনামূলক high-culture-এর জগতে ‘কলিযুগ’ একটি হাল্কা ঠাট্টা তামাশার উপাদান হলেও, ‘কলিযুগ’-সাহিত্যের লেখকেরা এই যুগটিকে অবক্ষয়ের চরম স্তর হিসেবে চিহ্নিত করেছেন। এই সাহিত্যের সাপেক্ষে নিম্নবর্গীয় intellingsentsia-র এক বিস্তৃত জগতের সন্ধান পাওয়া যায়। এ হল এমন এক ধরনের ‘নিম্ন মধ্যবিত্ত’ জগৎ: অধিকাংশ ক্ষেত্রেই কলকাতা, মফস্বল শহর বা গ্রামের পড়ন্ত উচ্চবর্গীয় ব্রাহ্মণ পণ্ডিত (এদের traditional literati-ও বলা যায়), সেই সঙ্গে ইংরেজি শিক্ষা অল্পবিস্তর পেয়েও যারা বিশেষ বস্তুগত সাফল্যের মুখ দেখেননি, প্রতিষ্ঠিত-উকিল-ডাক্তার-অধ্যাপক-সাংবাদিক-লেখকদের

চেয়ে অনেকটা নীচে পড়ে-থাকা ভদ্রলোক চাকুরিজীবী কুলশিক্ষক এবং সর্বোপরি অফিসের কেরানি—এই অন্তর্বর্তী স্তরের চৈতন্যে কলিযুগ ভাবনা একধরনের প্রভাব ফেলেছিল, তা কলিযুগ সাহিত্যের প্রচলিত টেকস্টগুলি পড়লেই বোঝা যায়।^{১৮}

কলিযুগ-কল্পনার বিস্তারিত বর্ণনা পাওয়া যায় মহাভারতের বনপর্বে। মার্কণ্ডেয় মুনি যুধিষ্ঠিরকে বলেছেন: সত্য-ত্রৈতা-দ্বাপর যুগের পর কলিযুগ আসবে। রাজারা তখন হবে অত্যাচারী, স্লেচ্ছ। ব্রাহ্মণেরা স্বীয় কর্তব্য, জ্ঞান, আচার বিস্মৃত হয়ে শূদ্রের সেবা করবে; শূদ্রের আর্থিক ক্ষমতা বাড়বে, তারা ব্রাহ্মণদের ধর্মীয় অধিকার কেড়ে নেবার চেষ্টা করবে; মেয়েরা স্বয়ংবরা হবে, স্বামীদের শাসন করবে, বিবিধ যৌন ব্যভিচার দেখা দেবে। অনাবৃষ্টি দৃষ্টিভ্রম ইত্যাদির মধ্য দিয়ে প্রাকৃতিক দুর্যোগে কলিযুগের সমাপ্তি ঘটবে, মহামানব পৃথিবী ডুবে যাবে—তারপর বিশাল সমুদ্রের মধ্যে ছোট্ট দ্বীপে বালক নারায়ণের শরীরের ভিতর দেখা দেবে নতুন সত্য যুগের সূচনা। আরম্ভ হবে আর একটি চক্রবর্ত চতুর্যুগ। আবার অন্যত্র বলা হয়েছে: সম্ভলগ্রামের বিষুভক্ত ব্রাহ্মণসন্তান কঙ্কি দুই রাজাদের দমন করে সত্য যুগের সূচনা করবেন।^{১৯} পরবর্তী পুরাণ-উপপুরাণ সমূহেও কলিযুগের নেতিবাচক দিকগুলি ফুটে উঠেছে, বৌদ্ধ ও তান্ত্রিক ভাবধারার সঙ্গে একত্র হয়ে। অর্বাচীন কঙ্কিপুরাণে কলিযুগের প্রতিভূ বিশাসনপুরের রাজা কলি। কলির সেনাবাহিনীতে নানা স্লেচ্ছ জাতি ও চণ্ডালরাও সামিল। কীকটপুরের বৌদ্ধদের কঙ্কি দমন করেন। কলির রাজ্যশাসনে পুরুষরা রমণীদের শাসনাধীন। সব ধরনের তথাকথিত ‘অনাচার’ দমন করে ব্রাহ্মণদের আচার ও প্রাধান্য এবং কঠোর জাতিভেদ পুনঃপ্রতিষ্ঠা করা, কাম্য নৈতিক আদর্শ হিসেবে অধিকার-ভেদভিত্তিক চতুর্বর্ণের ‘সত্যযুগ’কে ফিরিয়ে আনাই বিষুগ অবতার কঙ্কির উদ্দেশ্য।^{২০} উনিশ শতকের দ্বিতীয়ার্ধে যেমন কঙ্কিপুরাণের বঙ্গানুবাদ ছাপা হয়, তেমনই বিভিন্ন ধরনের লেখায় কলিযুগের প্রত্যক্ষ ও পরোক্ষ কল্পনা প্রকাশিত হতে শুরু করে। এই বইগুলিতে কলিযুগের মূল লক্ষণ: স্লেচ্ছ রাজা, অধঃপতিত ব্রাহ্মণ, উদ্ধত শূদ্র, মেয়েদের হাতে অতিরিক্ত ক্ষমতা ও মেয়েদের ব্যভিচার, স্বামীকে বশ করে রাখা, যুক্তিবাদের প্রভাবে ধর্মের অবক্ষয়, অর্থগণ্ডু স্বার্থপর দম্পতির কারণে যৌথ পরিবারের ভাঙন, সর্বোপরি অতি সাধারণ চাকুরিজীবী কেরানিদের ভয়ানক দুরবস্থা। উনিশ শতকের বাংলাদেশে দ্রুত পরিবর্তনের ফলে যেসব সামাজিক বদল ঘটে চলছিল, একধরনের বিশেষ স্তরের সমাজমনের কাছে সেই পরিবর্তনগুলি হয়তো এধরনের সুপরিচিত ‘চিহ্ন’ সমূহের ভিতর দিয়েই ধরা পড়ছিল। যে নির্দিষ্ট সামাজিক অংশের কথা আগে বলা হয়েছে, নতুন যুগের পরিস্থিতিতে ততটা মানিয়ে-নিতে-না-পারার ফলে তাদের হতাশা, উৎকর্ষা, পশ্চাৎপদ রক্ষণশীলতায় আস্থা খুঁজতে চাওয়ার মধ্যেই এই বিশেষ লক্ষণগুলিকে সর্বজনীন করে তোলার ব্যাখ্যা মিলতে পারে। বর্তমান সংকলনের কলিকুতূহল, সপত্নী নাটক, কেরাণিপুরাণ, ভালায়ে মোর বাপ—সবকটি বইতেই উপরোক্ত কলিযুগের লক্ষণগুলি কমবেশি বিদ্যমান।

১৮৬০ সালে প্রকাশিত শ্রীহরিপ্রসাদ মুখোপাধ্যায় রচিত কলির রাজ্যশাসন বইতে কলিরাজ্যের প্রভাবে যে ভয়াবহ সামাজিক অনাচার সমূহ সংঘটিত হবে, তার বিস্তারিত বর্ণনা রয়েছে। কলির যোগ্য সহচর এখানে কাম, মোহ, মদ, মাৎস্য প্রভৃতি রিপু। এমনকি ক্রোধের পত্নী ‘দেব’, লোভের পত্নী ‘অসন্তোষ’ও এই অভিযানে সামিল। কলির ইচ্ছা তার রাজত্বে প্রবঞ্চনা, দাসকর্তৃক প্রভুহত্যা, কুলীনের বহুবিবাহ, কুলীনকন্যাদের পরপুরুষে আসক্তি, বৈষ্ণবদের মদ্য মাংস ভক্ষণসহ কৃষ্ণনাম গ্রহণের মতো পাপাচার ঘটবে। কিন্তু এই টেকস্টে সমকালীনতার অনুপ্রবেশ ঘটেছে অদ্ভুতভাবে। ব্রিটিশ তথা ইউরোপীয় রাজশক্তির প্রভাবেই যে আমাদের নিজস্ব সামাজিক স্থিতিশীলতা নষ্ট হতে বসেছে, সেকথা বোঝাতে লেখক কয়েকটি আশ্চর্য গল্প ব্যবহার করেছেন। স্বয়ং লোভ ‘অহিফেন’ বা আফিং রূপ ধারণ করে এবং ‘মোহ’ চরসরূপ ধারণ করে দিগ্বিজয়ে বেরিয়েছে। আর ‘কাম’ ‘মদ’ রূপ ধারণ করে কালাপানি পেরিয়ে ব্রিটিশ জাতিরও সর্বনাশ সাধন করেছে :

সূরা কন ক্ষমা কর এ দাসের দোষ ধর

এ জন্মে সাধিব তব কার্য্য।

আনি দেহ ইস্টিমার হইয়া সাগর পার

বশ করি আসি সেই রাজ্য।।...

শুনে কলি দেন সায় আজ্ঞা পেয়ে মদ যায়

উপনীত বিলাত নগরে।

ছুটিল সৌরভ তার পেয়ে সেই সমাচার

জয়ধ্বনি প্রতি ঘরে ঘরে।।...

চোলে যেতে টলে পদ হয়ে ভাবে গদগদ

আধ আধ বচনে বচন।

মাতিল যতেক গোরা যেন নদয়ার গোরা

নদে ছেড়ে বিলাত গমন।।

পাইয়া সুরার তার নানাবিধ নাম তার

রাখিলেন ইংরাজ সকল।

ব্রান্ডি আর ওয়াইন সুধার স্যাম্পেন জিন

যার গন্ধে ক্ষিতি টলমল।।^{২১}

স্পষ্টতই ‘কলিযুগ’ কল্পনাব যে মাত্রা এখানে চিহ্নিত, তাতে ঔপনিবেশিক শাসক গোষ্ঠীকেও অধঃপতিত বর্তমানের ছকে ফেলে দেখানো হয়েছে। নারায়ণ চট্টরাজ প্রণীত কলিকুতূহল বইতেও কলির আধিপত্য ও দিগ্বিজয়ের প্রসঙ্গে সমকালীনতাকে গ্রহণ করা হয়েছে। এখানে কলি তার নতুন রাজধানী নির্মাণ করেছেন ‘কলিকাতা’ তথা কলকাতায়:

এত ভাবি সেই কলি নিজকার্য্যে সুকৌশলী

ক্লাইব সাহেব বেশ ধরি।

বাণিজ্য করা কপটে সুরধুনীপূর্ব্বতটে
বিরচিল অপূর্ব নগরী।।

এইরূপ মনোহর নির্মাণ করি নগর
কলিকর্ত্তা বলি রাখে নাম।

গুণনিধি কহে সার কলি তব এইবার
পরিপূর্ণ হবে মনস্কাম।।

এই বইতে মহাদেবের কাছ থেকে বরপ্রাপ্ত হয়ে কলি তার অনুচরদের সঙ্গে মজ্জণা করেছে। অনুচরেরা যথাক্রমে কন্দর্প, দ্বৈষদন্ত এবং মায়ামোহ। কন্দর্পের প্রভাবে বসন্তের আগমন, কামিনীদিগের কামোদ্ভব ও যুবাগণের বিবেকনাশ ঘটেছে। রমনীগণ কামের প্রভাবে নৈতিকতা বিসর্জন দিয়ে গৃহাভ্যন্তরে অনাচার ঘটানো, নিজের দাদার শয্যায় উপগত হচ্ছে:

মদনমদঅলসে / প্রদোষে নিদ্রার রসে/
শয়নে আছি বিরসে / দাদার শয্যায় গো।।...
আছি গৃহ অঙ্ককারে / কেবা বল দেখে কারে /
দাদা অবিজ্ঞতসারে / শুভিল তখনি গো।।
বধূভ্রমে দাদা মোরে / চূষন করে অধরে /
ধৈর্য্য কি তেজিয়া ধরে / অমনি ছুটিল গো।।

কলির প্রভাবে যুবকগণের বিবেকনাশ অংশে কামের নিম্নাভিমুখী, ধ্বংসাত্মক গতি সম্পর্কে বলা হচ্ছে: পাপালয়ে হয় যদি নারী / তথাপি তাহারে কভু তেজিতে না পারি।। / ...পরলোকে হৈলে দুঃখ কে দেখিবে পরে / এখনতো করি মজা ঘরে কিষা পরে।। / আর জন কহে এত ভাব কেন ভাই। / রসসঙ্গমে পাপ তাপ কিছু নাই।। / ...যে জন না দেখিয়াছে বেলাতী ষোড়শী। / সেই বলে সুললনা স্বর্গের উর্ব্বশী।।

এখানে ঐতিহ্যগত যুগকল্পনা প্রত্যক্ষ বর্তমানকে আত্মসাৎ করতে চাইছে। কলির সহচর 'দ্বৈষ দন্ত'-র প্রভাবে শাক্ত ও বৈষ্ণবের ভিতর তীব্র দ্বন্দ্বের সূচনা হল। ক্রোধ রিপূর বশবর্তী হয়ে বৈষ্ণব শাক্তকে বলছে: "আমি তত্ত্ব শুনিয়াছি ও পণ্ডিত সমাজেও বাস করিয়াছি কিন্তু "মাদারচোত" তত্ত্ব কখন শুনি নাই এবং মাদারচোত পণ্ডিতের সহিত কখন বসবাস করি নাই..."। এই স্ল্যাং ব্যবহার এই টেকস্টের পাঠকসমাজ ও পাঠকুচি সম্পর্কে খানিকটা আন্দাজ পেতে সাহায্য করে। সমগ্র মধ্যযুগের বাংলায় শাক্ত-বৈষ্ণবের কলহ একটি প্রচলিত ঘটনা, কিন্তু সমকালের ফ্রেমে সেই ইতিহাসকে ধারণ করা এক ভিন্ন ন্যারেটিভের জন্ম দেয়। কলির অপর দুই সহচর মায়ামোহ, মোহ এবার ইউরোপীয় মিশনারি রূপে হিন্দুধর্মকে ধ্বংস করতে উদ্যত হল:

ভারত সাম্রাজ্য পেয়ে মায়ামোহচর।
ভাবে কিসে হবে ধর্মভ্রষ্ট সব নর।।...
এই হেতু দেশে যবে আসে মিসনরী।

আজ্ঞা দেন তা সবারে ভাসাইতে তরী।।...
এই লাগি জানি তারা ভিন্ন অধিকার।
শ্রীরামপুরেতে বাস করিল প্রচার।।...
তাহাদের সমাশ্রয় লয়ে মিসনরী।
আরভিল ধর্মকৃষি মার্শমেন করী।।
হাটে মাঠে যীশুবীজ করিতে বপন।
নিযুক্ত হইল যত প্রভুদুতগণ।।

হিন্দু পণ্ডিত ও খ্রিস্টান মিশনারির ধর্মীয় বাগবিতণ্ডা আঠারো-উনিশ শতকের সামাজিক ইতিহাসের ভগ্নাংশকেই উপস্থাপিত করে। একইভাবে ব্রাহ্ম যুবক ও ব্রাহ্মণ পণ্ডিতের ধর্মকলহও এই টেক্সট-এর প্রত্যক্ষ সমকালকেই হাজির করেছে। তবে কলিকুতুহল-এর সবচেয়ে আকর্ষণীয় অংশ ‘আদিসুর রাজার বেশে কলির তন্মহিষীতে উপগতি’ এবং ‘কলি-অংশে বল্লাল সেনের জন্ম এবং কুলমর্যাদা সংস্থাপন’। উনিশ শতকের মধ্যভাগেও কৌলিন্যপ্রথার বিষময় পরিণাম বাংলার সমাজে দৃশ্যমান ছিল এবং শিক্ষিত এলিটের একটি প্রধান অংশ এই প্রথার বিরুদ্ধে কলম ধরেছিলেন, বিধবাবিবাহ ও বহুবিবাহের স্বপক্ষে-বিপক্ষে সামাজিক মতামত ও বিতর্কে সরগরম ছিল পত্রপত্রিকা ও ছাপাখানা। সেই সোশ্যাল অ্যাক্টিভিজম সমাজসংস্কারমূলক অসংখ্য ডিসকোর্সের জন্ম দিয়েছিল। নারায়ণ চট্টরাজের এই বই তথাকথিত এলিট ঘরানার বাইরে থেকেও সেই চলমান ‘ডিসকার্ভিড প্র্যাকটিসে’ অংশগ্রহণ করেছে। এক্ষেত্রে পুরাণকল্পনা, ইতিহাস, লোকশ্রুতি—সবই মিলেমিশে গিয়েছে বর্তমানের প্রেক্ষিতে। ‘কুলীন কন্যাগণের দুর্গতি’ এবং ‘অকুলীন ব্রাহ্মণদিগের বিড়ম্বনা’-অংশে বল্লাল সেনকে সমালোচনায় বিদ্ধ করা হয়েছে, ‘কলির স্ত্রী পুরুষ প্রভৃতির ব্যবহার’-কে বল্লাল সেন প্রবর্তিত কুপ্রথার অবশ্যম্ভাবী ফল হিসেবে দেখানো হয়েছে, আর কলিকুতুহল-এর অন্তিম পর্বে ‘অথ বিধবাবিবাহের আয়োজন’ অংশে:

আবাল বিধবা যারা মরি মরি কত তারা
ক্রেণ সহ পতির বিরহে।
সদা ভাবে হে ঈশ্বর এ যন্ত্রণা ঘোরতর
ঘুচাও নতুবা প্রাণ দহে।।...
বুঝি এই অনুরোধে করুণা কর্তব্যবোধে
তা সবার স্বপক্ষে ঈশ্বর।
বিবাহ দিতে আবার করেছেন অঙ্গীকার
অনুভবে জেনেছি অন্তর।।

এখানে ‘ঈশ্বর’ আর কেউ নন, স্বয়ং ‘করুণাসাগর’ ঈশ্বরচন্দ্র বিদ্যাসাগর। ১৮৫৫ সালে প্রকাশিত হয় বিদ্যাসাগর রচিত বিধবাবিবাহ প্রচলিত হওয়া উচিত কিনা এতদ্বিষয়ক প্রস্তাব প্রথম ও দ্বিতীয় খণ্ড। ঠিক তার দু’বছর আগে লেখা কলিকুতুহল বইতে অখ্যাত লেখক নারায়ণ চট্টরাজ ঈশ্বরচন্দ্র ও বিধবাবিবাহ

আন্দোলনের স্বপক্ষে মত প্রকাশ করছেন। উনিশ শতকের ‘পপুলার’ সংস্কৃতি হিসেবে ‘কলিযুগসাহিত্য’ রক্ষণশীলতাকেই সমাজসংরক্ষণের একমাত্র মাপকাঠি ধরে নিয়েছিল—এই ধারণাকে স্বীকার করেও বলতে হয়, সেযুগের পক্ষে বৈপ্লবিক সমাজসংস্কারমূলক কঠোরগুলিকেও এখানে গুরুত্ব সহকারে ঠাই দেওয়া হয়েছে। এভাবেই ঐতিহ্যের ধারাবাহিকতা সমকালীনতার চাপে নানাবিধ ‘ছেদ’-এর সম্মুখীন হচ্ছে—এখানেই এই টেক্সটগুলির গুরুত্ব।

জ্ঞানাকুর পত্রিকার পৌষ, ১২৮২ বঙ্গাব্দ সংখ্যায় প্রকাশিত হয়েছিল একটি রম্যগদ্য: ‘কেরানী মেমোরিয়েল’। সুরলোকে প্রজাপতি ব্রহ্মার এজলাসে জনৈক ব্যারিস্টার বঙ্গীয় কেরানি সম্প্রদায়ের দূরবস্থা বর্ণনা করতে গিয়ে বলেছেন:

পৃথিবীতে যদি কোন অবসরশূন্য দুর্ভাগ্য জীব থাকে তবে সে বঙ্গীয় কেরানী। ঘর্ম্মাক্ত কলেবরে অর্থোপার্জন করিয়াও যাহার অন্নকণ্ট দূর হয়না—সন্তানগুলিকে মানুষ করিবার জন্য যাহার বিব্রত হইয়া বেড়াইতে হয়—পরিবারের মোটা ভাত, মোটা কাপড় জুটিয়া উঠা যাহার পক্ষে ভার হয়—ঔষধ, পথ্য ও ডাক্তারের দর্শনী অভাবে যাহার পরিবারবর্গের রোগোপশম হয় না—প্রতিবেশিনীর ন্যায় বস্ত্রালঙ্কার হইল না বলিয়া যাহার রমনী শত শত থিকার দিতে থাকে—এমন ব্যক্তি পৃথিবীতে কে আছে? বঙ্গায় কেরানী।^{২২}

কেরানিজগতের দুঃখদুর্দশার বর্ণনা উনিশ শতকের দ্বিতীয়ার্ধের কলিযুগ-কল্পনার একটি কেন্দ্রবিন্দু। কেরানিজীবন নিয়ে রচিত অসংখ্য লেখালেখির মধ্য দিয়ে এই জগতের বেদনা বর্ণনার একটি বিশেষ ধরন প্রতিষ্ঠিত হয়েছিল। ‘রামকৃষ্ণ কথামৃত’ও কামিনী-কাঞ্চন এবং কেরানির চাকরিজীবনের দাসত্বের কথা মিলেমিশে গিয়েছে কলিযুগের অন্যতম লক্ষণ হিসেবেই। যেহেতু স্কুলকলেজ উত্তীর্ণ কমবেশি ইংরেজিশিক্ষিত এক বিপুল ‘ভদ্রলোক’ শ্রমশক্তি নিয়োজিত হয়েছিল এই পেশায়, তাই কেরানিজীবনের সূত্রে অধঃপতিত ‘কলিযুগে’ এক বৃহৎ নিম্নবর্গীয় হিন্দু ভদ্রলোকজীবনের অন্তর্বেদনা প্রকাশিত হয়েছে এইসব লেখায়। এই মানুষদের চৈতন্যের জগতে হতাশা, ভয় ও উৎকণ্ঠার কারণ নিছক অর্থনৈতিক নয়, বরং অধস্তন মানসিকতায় সম্পূর্ণ বিজাতীয় পরিবেশে, নতুন কর্মসংস্কৃতির সঙ্গে খাপ খাওয়াতে না পারা, অত্যধিক কাজের চাপ, ঘড়ি-মাপা সময়ের কঠোর শৃঙ্খলে বাঁধা কাজের ধরন, খনতাত্ত্বিক সমাজের নিয়মানুবর্তিতা, সময়ের অনুশাসন, উর্ধ্বতন কর্তৃপক্ষের সামনে সর্বদা অবদমিত হবার আশঙ্কা — এগুলিই বড় হয়ে উঠেছে এখানে। সেইসঙ্গে পূর্বের টিলেঢালা অনুশাসনবিহীন সময়মাত্রার সঙ্গে নতুন সময়সংস্কৃতির বিরোধও এই কেরানিমনের বেদনার অন্যতম কারণ হয়ে দেখা দিয়েছে।^{২৩} পূর্বোক্ত ‘কেরানী মেমোরিয়েল’ রচনায় বলা হয়েছে:

ইহাদের আহ্বারের অবকাশ নাই, নিদ্রার অবকাশ নাই। প্রাতঃকালে

উঠিয়াই স্নানের উদ্যোগ—ক্রমে স্নান, আহারের কথা কি—নাকে মুখে প্রদান মাত্র।... অমনি আপিস অঞ্চলে দৌড়। আপিসে গমন করিয়া নানাবিধ ফরমাইস সরবরাহ করিতে হয়। তাহার উপর আবার... বাজেওয়ালার পদাঘাত, ব্লডিনিগর প্রভৃতি সুধাময় সন্মোহন সহ্য করিতে হয়। রাত্রে বাটী আসিবার সময় মূলতবি কাজের প্যাকেট বগলে করিয়া আনিতে হয়।...

প্রায় সমসাময়িক অন্য একটি নাটকেও কেরানিজীবনের নিয়মানুবর্তিতার জাঁতাকল সম্পর্কে দুই কেরানির কথোপকথন:

নন্দ। না হে সাহেবটা বড় strict, ১১টা বেজে গেলে যদি অফিসে যাই তাহলে বড় রাগ করে।

হীরা। বলি তুমি ত বড়বাবু তোমার উপরেও জুলুম হয় নাকি?

নন্দ। আমার উপর সেরকম নয়, তবে under clerk-দের check-এ রাখা চাই ত—সেইজন্য attendance register-টা introduce করিছি। ...এতে একটা সুবিধেও আছে—সকলেই ভয় করে।^{২৪}

এই বিবরণের প্রায় প্রত্যেকটা দিকই নিপুণভাবে ধরা পড়েছে বর্তমান সংকলনের কেরানীপুরাণ বইতে। তবে কেরানীপুরাণ-এর অন্তিম অংশে কেরানিজীবনের দুর্দশা থেকে মুক্তির যে দিকনির্দেশ দেওয়া হয়েছে, তার ভিতর জাতীয়তাবাদী বক্তব্যের একটি নির্দিষ্ট প্যাটার্ন বেরিয়ে আসে। লেখকের মতে কেরানিদের দুর্বস্থার কারণ মূলত তারা নিজেরাই। তীব্র প্রতিযোগিতার বাজারে বাঙালি জাতির উদ্যমহীন চরিত্রের প্রধানতম বহিঃপ্রকাশ নিছক কেরানিবৃত্তিকেই জীবনের মোক্ষ মনে করা। বিপরীতে কৃষিকার্য, শিল্পস্থাপন—প্রভৃতি সমবেত উদ্যোগে অংশগ্রহণের মাধ্যমেই সমগ্র জাতির দুর্দশামোচনের চাবিকাঠি লুকিয়ে রয়েছে। পূর্বোক্ত ‘কেরানী মেমোরিয়েল’ রচনাটিতেও ‘কেরানি-প্রধান’ ‘উদ্যমশূন্যতা’কে দোষারোপ করে বলা হয়েছে: ‘যতদিন তাহারা স্বাধীন বৃত্তি অবলম্বন করিতে না পারিবে, ততদিনে তাহাদের... পাপের প্রায়শ্চিত্ত হইবে না। ...জাতীয় গৌরব রক্ষায় তাহাদের যত্ন নাই, যে পরিমাণে সেই যত্ন হইবে, সেই পরিমাণে তাহাদের উন্নতি হইবে।’ এভাবেই জাতীয়তাবাদী ডিসকোর্সের এক বিশেষ চেহারা প্রকট হচ্ছে এখানে। যে উন্নয়ন-মূলক ডিসকোর্সের ভিতর ঢুকে পড়ছে হতভাগ্য কেরানিজীবন নিয়ে লেখা অখ্যাত রচয়িতাদের ‘কলিযুগ’-আখ্যান, বাস্তবতার উপাদান রদবদল ঘটাস্থে মিথের শরীরে।

সপ্তদশমসমস্যা, দাম্পত্যসংকট, ‘কলির বউ হাড়জ্বালানী

উনিশ শতকীয় ‘ভদ্রলোক’ চৈতন্যে পাশ্চাত্য জ্ঞান-যুক্তি-এনলাইটেনমেন্ট প্রবেশ করেছিল ইউরোপের সঙ্গে স্বচ্ছ ঐক্যের ভিত্তিতে নয়। বরং ‘পার্থক্যের’ (difference) সাপেক্ষে। পাশ্চাত্য ‘আধুনিকতা’র কোন্ কোন্ উপাদান দেশীয় প্রেক্ষিতে কতখানি গ্রহণযোগ্য, কীভাবে গ্রহণযোগ্য, দেশীয় বাস্তবতার সাপেক্ষে

তার কতটা অদলবদল ঘটানো দরকার, কতটাই বা তার কার্যকারিতা—এ সম্পর্কে চুলচেরা বিশ্লেষণ উনিশ শতকের দ্বিতীয়ার্ধের পত্রপত্রিকায় শুরু হয়। বিশেষত জাতীয়তাবাদী ভাবধারার বিকাশের সঙ্গে সঙ্গে এই বিষয়গুলি ক্রমাগত আলোচনার ‘ক্ষেত্র’ হয়ে ওঠে। এক্ষেত্রে পরাধীন ‘জাতি’র চৈতন্যে ‘অন্দর’/ ‘বাহির’ বিভাজনটি (inner domain/outer domain) অত্যন্ত গুরুত্বপূর্ণ হয়ে ওঠে। বাইরের বাস্তব কর্মময় জগতে আমরা ব্রিটিশের পদানত। সেখানে আমাদের ‘স্বাধীনতা’ নেই। তাই পরাধীন ‘জাতি’র আপেক্ষিক ‘স্বাধীন ক্ষেত্র’ হিসেবে ‘গৃহাভ্যন্তর’টি অনেক বেশি গুরুত্ব পেতে থাকে এবং সেই সঙ্গে বাঙালি হিন্দুর পরিবার, দাম্পত্যসম্পর্ক, পরিবারে মা, স্ত্রী, বিশেষত নারীর ভূমিকা নিয়ে নতুনভাবে মতামত গড়ে উঠতে থাকে। ‘পরিবার’ যদি হয় কাল্পনিক ‘জাতিরাষ্ট্র’র একক, তবে আদর্শ গৃহনির্মাণ-এর (household-family) ধারণাটি হয়ে দাঁড়ায় সবচেয়ে জরুরি ইতিকর্তব্য, কারণ ‘গৃহ-দাম্পত্য-অন্দরমহলের’ পুনর্গঠন, পুনর্বিন্যাস ও আদর্শ ছাচে তার নতুন চেহারাটি তৈরি করে নেবার মধ্যেই রয়েছে আপেক্ষিক স্বরাটত্ব অর্জনের চাবিকাঠি। তাই একদিকে যেমন হিন্দু পরিবারের অভ্যন্তরীণ কুপ্রথাগুলির বিরুদ্ধে লাগাতার কলম চালানার প্রয়োজন দেখা দেয়, তেমনি পরিবারের অন্যতম কেন্দ্র হিসেবে হিন্দু রমণীর চারিত্রিক আদর্শ হয়ে ওঠে এক নতুন ‘ডিসকোর্সিভ’ ক্ষেত্র।^{২৫} উনিশ শতকের প্রথমার্ধ থেকেই কৌলীন্য প্রথা, পুরুষের বহুবিবাহ এবং নারীর সাপত্তা তথা হিন্দু উচ্চবর্ণীয় পরিবারের সপত্নীসমস্যা নিয়ে সচেতনতা গড়ে ওঠে। ঈশ্বরচন্দ্র বিদ্যাসাগর, অক্ষয়কুমার দত্ত, ভূদেব মুখোপাধ্যায়ের প্রবন্ধ যেমন বিষয়টির গভীরে গিয়ে সচেতনতা গড়ে তোলার চেষ্টা চালায়, তেমনই ১৮৫৪ সালে রামনারায়ণ তর্করত্নের কৌলীন্যপ্রথাবিরোধী কুলীনকুলসর্বস্ব নাটক থেকে শুরু করে বিপিনবিহারী সেনগুপ্তের হিন্দুমহিলা নাটক (১৮৬৬), রামনারায়ণের নবনটব (১৮৬৬), দীনবন্ধু মিত্রের জামাইবারিক (১৮৭২), হরিশচন্দ্র মিত্র-র সপত্নীকলহ (১৮৭২), হরচন্দ্র ঘোষের সপত্নীসরো (১৮৭১), মনোমোহন বসু-র প্রণয়পরীক্ষা (১৮৬৯), এমনকি দামোদর মুখোপাধ্যায়ের সপত্নী (১৯০৪) পর্যন্ত অসংখ্য নাটকে কৌলীন্য ও সপত্নী-সমস্যাকে চিত্রায়িত করা হয়েছে। তবে এক্ষেত্রে গোড়ার দিকের রচনা হিসেবে তারকচন্দ্র চূড়ামণি-র সপত্নী নাটক-এর (১৮৫৮) ঐতিহাসিক গুরুত্ব অসীম। এই নাটকে তিন বিবাহিতা অথচ স্বামীসঙ্গবঞ্চিতা কুলীন কন্যা কাদম্বিনী, নিতম্বিনী ও চঞ্চলার কথোপকথন থেকে জানা যায় ভূধর প্রথম স্ত্রী সৌদামিনী থাকা সত্ত্বেও দ্বিতীয় বিবাহের উদ্যোগ নিচ্ছেন। সৌদামিনী সন্তানহীন, তদুপরি ভূধরের মা ও বোন মনে করে সৌদামিনীর প্রতি ভূধরের আকর্ষণ ও আনুগত্য দূর করা দরকার, তাই তারা উদ্যোগ নেয় ভূধরের দ্বিতীয় বিবাহের। উপরোক্ত অন্যান্য নাটকগুলির মতোই এখানেও স্বামীর দ্বিতীয় বিবাহের আয়োজনে স্ত্রী সৌদামিনী মানসিক যন্ত্রণায় ভেঙে পড়ে। নাটকের শেষে সে আত্মহত্যার ব্যর্থ চেষ্টা করে। কুচক্রী শাশুড়ি তাকে পারিবারিক গুরুদেব রসিককৃষ্ণ গোস্বামীর কাছে পাঠায় গুরুদেবের শারীরিক আসঙ্গলিঙ্গা চরিতার্থ

করার জন্য। এই সবকটি নাটকেই স্বামীর ভালোবাসা, যত্ন, তার উপর আধিপত্যের মাত্রা, নিজের সন্তানদের অধিকারের সীমা ইত্যাদিকে কেন্দ্র করেই সপত্নীরা কলহপরায়ণ হয়ে উঠেছে ও এর ফলে গোটা পরিবারই প্রভাবিত হয়েছে। নবনাটক-এর দ্বিতীয় পঙ্কের স্ত্রী চন্দ্রকলা স্বামীর প্রতি কোনো পৃথক ভালোবাসা, মমতা বা শ্রদ্ধা পোষণ করে না, কেবল নিঃসপত্ন অধিকারের সাপেক্ষেই স্বামীর মূল্য নির্ধারণ করে সে:

পুরুষ পরশমণি সতি্যি দিদি বটে,
পরশে কাঞ্চন তার তাও লোকে রটে।
কিন্তু সে পরশ যদি অন্যে গে পরশে,
অমনি পুরুষ হয়ে সে পরশ বসে।...
কদাচ কটাক্ষ-পাতে অন্যে যার নাই,
সহস্র বদনে দিদি তার গুণ গাই।
কানা, খোঁড়া, কুঁজো, অন্ধ, হয় বা বধির,
অথবা নির্ধন কিম্বা কুৎসিত শরীর।
অন্য নারী পিশাচীতে যে আবিষ্ট নয়,
তাহার রমণী ধন্য সর্বলোকে কয়।^{২৬}

প্রণয়পরীক্ষা নাটকেও সপত্নীর প্রতি বড় বউ মহামায়া ঈর্ষাপরায়ণ। সে বলে:

আমরা দু সতীনে যেন তৌলে উঠবো, আর তার মন যেন তার
কাঁটা হবে, সেই কাঁটা যদি আমার দিকে ঝোঁকে, তবে সব বজায়
থাকবে; যদি সমান থাকে, তাতেও থাকবে, আর যদি ছোট বৌর
দিকে ঝোঁকে, তবে সব মরবে।^{২৭}

কিন্তু অচিরেই হিন্দু পরিবার, গৃহস্থালি, গৃহের অভ্যন্তরে স্ত্রীর কর্তব্য, স্বামী-স্ত্রীর সম্বন্ধ, পরিবারে মায়ের অবস্থান সংক্রান্ত এক নতুন ‘ডিসকোর্সিভ’ আদর্শের জন্ম হয়। অর্থাৎ প্রচলিত হিন্দু পরিবারের অভ্যন্তরের অপকৃষ্ট রুচি, ‘অনাধুনিক’ রীতিনীতির স্থলে এক নব্য ‘আধুনিক’ আদর্শায়নের প্রক্রিয়া সূচিত হয়। অষ্টা-উনিশ শতকের এই লেখালেখিতে যেন অনেক ক্ষেত্রেই প্রাচীন হিন্দু ঐতিহ্যকেই নবকলেবরে ‘আধুনিক’ পরিবারের অভ্যন্তরীণ কাঠামোয় প্রতিস্থাপিত করার প্রয়াস দেখা যায়, কিন্তু খুঁটিয়ে লক্ষ করলেই বোঝা যাবে এ নিছক ঐতিহ্যের পুনরাবিষ্কার নয়, বরং আমাদের সম্পূর্ণ পৃথক এক নিজস্ব ‘আধুনিকতা’র সাপেক্ষে ঐতিহ্যের পুনর্নির্মাণ। স্বামী-স্ত্রী যে পরস্পরের পরিপূরক, তাদের সম্বন্ধ যে দৈনন্দিন দেনাপাওনার চেয়েও অনেক বেশি গভীর আধ্যাত্মিকতায় মণ্ডিত, পরিবারের সুখশান্তির জন্য যে রমণীর ভূমিকাই সবচেয়ে বড়—এহেন তাত্ত্বিক কাঠামো নতুনভাবে নির্মিত হতে শুরু করে। তথাকথিত ‘পশ্চাৎপদতা’ ঘুচিয়ে এ যেন এক নতুন কল্প-ঐতিহ্যের পুনঃস্থাপন, যার সাপেক্ষে আমাদের ‘আধুনিকতা’র সম্পূর্ণ পৃথক অ-ইউরোপীয় নিজস্বতার ক্ষেত্রটিকে চেনা যায়।^{২৮} শুধু তাই নয়, আদর্শ গৃহিণীর কর্তব্য সংক্রান্ত নব্য ডিসকোর্সের মধ্য দিয়ে উনিশ শতকীয়

পুরুষতত্ত্ব আসলে নিজস্ব রক্ষণশীলতাকেই নবকলেবরে রীতিমতো ‘লিঙ্গাত্মক’ দৃষ্টিকোণ থেকে দৃঢ়মূল করে তোলে। গৃহলক্ষ্মী (১৮৮৪) অথবা জয়কৃষ্ণ মৈত্র রচিত রমণীর কর্তব্য (১৮৯০) জাতীয় অসংখ্য বইপত্র এই নব্য পুরুষতাত্ত্বিক জাতীয়তাবাদকেই প্রতিষ্ঠিত করতে চায়।^{১০} ১৮৭৬ সালে প্রকাশিত, ভোলানাথ মুখোপাধ্যায়ের ভ্যালারে মোর বাপ প্রহসনটি সেই পুরুষতাত্ত্বিক জাতীয়তাবাদের একটি সুলভ বাজারচলতি চটুল রূপ, যেখানে অতিরিক্ত স্ত্রীবশ্যতা পুরুষকে কীভাবে নির্বীৰ্য করে তোলে, তার একটি রং-চড়ানো চালু প্যাটার্ন অঙ্কিত হয়েছে। সমকালীন দুটি প্রবন্ধের প্রাসঙ্গিক উল্লেখ প্রহসনটির অন্তর্গত চরিত্র বুঝতে সাহায্য করবে। ১৮৯৪ খ্রিস্টাব্দে বামাবোধিনী পত্রিকায় প্রকাশিত একটি লেখায় সন্তানের জীবনে মায়ের ভূমিকা সম্পর্কে বলা হয়েছে:

ভগবানের প্রকৃতিরূপা, সন্তানের সাক্ষাতে সাক্ষাৎ ঈশ্বরী মাতৃদেবীর প্রতি ভক্তি ও উপাসনায় সন্তান যে মোক্ষলাভের অধিকারী হয়, সে কথা...বুঝিতে ...পারিলে, মাতৃভক্তির খনি, আৰ্য্যভূমি ভারতবর্ষ আজি ভক্তিহীন সন্তানদিগের জন্য মরুভূমিপ্রায় হইত না।... যে দেশে সন্তানের হৃদয়ে মাতৃভক্তি আছে, সে দেশে স্বর্গের চিত্র আছে। যে মানব প্রকৃত মুক্তির আকাঙ্ক্ষী, সে আগে মাতৃভক্ত হউক; সে যাহা চাহে তাহাই পাইবে।... এমনও দেখা যায় যে স্বার্থপরতাতেই হউক বা আর যাহাতেই হউক, স্বামী-স্ত্রীর হৃদয় বিচ্ছিন্ন হইয়াছে, এমনও দেখা যায় প্রাপ্ত বয়সে পুত্রকন্যা, ধন মান, বিদ্যা বুদ্ধি, সুখ সম্পদের মোহে পড়িয়া জীবনের দেবতা মাতা পিতাকে বিস্মৃতি-স্রোতে ভাসাইয়া দিয়াছে। কিন্তু মানবের এমন কোনও অবস্থা নাই, মানব-জগতে এমন কোনও অপরাধ নাই যে তাহা দ্বারা মাতৃম্নেহ পরাস্ত হইতে পারে—...ভগবান বলিয়া ডাকিলে যাহার হৃদয় শুষ্ক থাকে, ‘মা’ বলিয়া ডাকিলে তাহার হৃদয়ও ভিজিয়া যায়।... তবে এ কথা কুসন্তানের জন্য নহে।^{১১}

ঐ একই পত্রিকার ১৮৬৯ সালে প্রকাশিত অপর একটি রচনায় আদর্শ স্ত্রীর গুণাবলি কেমন হওয়া উচিত সে সম্পর্কে বলা হয়েছে:

স্বামীর গুণে বা দোষে যেমন অনেক পত্নী ভালো বা মন্দ হয়, আবার পত্নী হইতেও অনেক স্বামীর স্বভাব ভালো বা মন্দ হইয়া থাকে।...ভারতবর্ষের নারীগণ যে এত হীনবল ও দুরবস্থাাপন্ন, অনেক স্থলে স্বামীদের উপরে ইহাদেরও অতুল প্রভাব। শান্ত প্রকৃতি ভাৰ্য্যার গুণে কত পতি শান্তভাবে বহু পরিবারের সহিত কালযাপন করিতেছেন এবং দুরন্ত ভাৰ্য্যার দোষে কত স্বামীও হিংসা দ্বেষপরায়ণ হইয়া ভ্রাতৃবিচ্ছেদ, পিতামাতার সহিত কলহ বিবাদ করিতেছেন ইহা কে না দেখিতে পান? দুঃখের বিষয়, আমাদিগের স্ত্রীলোকদিগের ভীৰুতা, স্বার্থপরতা, কুসংস্কার ইত্যাদি দোষে স্বামীদিগের প্রকৃতি দূষিত হইতেছে এবং তাহাতে সমুদয় সমাজের

বহুতর অনিষ্ট হইতেছে। বিদ্যাবতী ও সদৃশগাথিতা স্ত্রীলোকের সংখ্যা
যত অধিক হইবে, ততই তাহাদের দৃষ্টান্তে পরিবার সকল বিশুদ্ধ ও
সুখী হইবে।”

ভালাারে মোর বাপ প্রহসনে নায়ক কলিরকাপ স্ত্রীর বিজয়কালীর এতদূর
বশ্যতা স্বীকার করে যে নিজের বাড়িঘর স্ত্রীকে লিখে দেয়, বৃদ্ধা মাতাকে বাড়ি
থেকে তাড়িয়ে দেয়, এমনকি ভেড়ার পোশাক পরে নিজের স্ত্রৈণতা প্রতিষ্ঠিত
করে। শেষ দৃশ্যে ভগ্নীপতি বরেন্দ্রবাবুর উক্তিযে যেভাবে ভৎসিত হয়
কলীরকাপ: “লেখাপড়া যা শিখেছিলে, তা তোমার ভয়ে ঘি ঢালা হয়েছে।
কেবল টাকা উপায় কোন্সেই যে মনুষ্য নামের যোগ্য হয় এমত বোধ করো
না!... স্ত্রৈণতাটিও বড় সহজ বিষয় নহে। দেখ, এক স্ত্রৈণতার জন্য তুমি যে
মহাপাতক কোরেচ, পৃথিবীতে তাহাপেক্ষা আর কি পাপ আছে বল? জন্মভূমিকে
পণ্ডিতেরা স্বর্গের গরিয়সী বলেন, আর জননীর তুলনা তাহারা কিছুরই সহিত
দিতে পারেন নাই—”

—স্বল্পখ্যাত প্রহসনের চরিত্রের উক্তি, পূর্বোক্ত প্রবন্ধের যুক্তিক্রমের সঙ্গে যখন
হুবহু মিলে যায়, তখন বোঝা যায়, এই দুই ধারাই আসলে একটাই ‘ডিসকোর্সিড
প্র্যাক্টিস’-এর অন্তর্গত। ১৮৬৪ সালে প্রকাশিত এক অখ্যাত প্রহসনেও স্ত্রীবশ্য
স্বামীকে একইভাবে শিক্ত করা হয়েছে:

ধিক্ ধিক্ শত ধিক্ এমন বেটায়।
আপনি থাকিতে মাতা ভিক্ষা করে খায়।।
মাগ ছেলে নিয়ে আপনি থাকে সুখে।
মাতা ঠাকুরানী হোতা মরিতেছে দুঃখে।।
পরকালে নিতে হবে এ পাপের ভার।
নরকে পড়িয়া তখন হবে ছারখার।।...
সমাপ্ত হইল এই রসের কাহিনী।
তাই বলি কলির বউ বড় হাড়জ্বালানী।।”

নব্য জাতীয়তাবাদের উপযোগী সবল ‘পৌরুষের’ (masculinity) অনুসন্ধান
ও বন্দনাই এই টেকস্টেও প্রকট হয়েছে। এই সংকলনের সবকটি টেকস্টই
এভাবেই উনিশ শতকীয় ‘আধুনিকতা’র নিজস্ব চরিত্রটি ‘গণপরিসরে’ ঠিক
কীধরনের চেহারা নিয়েছিল তার বিভিন্ন খণ্ডাংশকে প্রকাশিত করে। ঐতিহ্যের
পুনর্নবীকরণ, প্রাক-আধুনিক আদর্শ ও ভাবের ধারাবাহিকতা কীভাবে এক জটিল
প্রক্রিয়ায় পাশ্চাত্য আধুনিকতার সংস্পর্শে এসে ‘ছেদ’ ও পুনঃস্থাপনের প্রক্রিয়াটি
সূচিত করে তার ভাষাংশের পরিচয় এই টেকস্টগুলি।। উচ্চকোটির তথাকথিত
শিল্প সাহিত্যের সমান্তরাল প্রকাশনা হিসেবে এধরনের অসংখ্য টেকস্ট দৈনন্দিন
বাস্তবতার নিরিখে উনিশ শতকীয় চৈতন্যের গণচরিত্রকে ধারণ করে আছে।
আজকের পাঠকের কাছে, এর ঐতিহাসিক ও রাজনৈতিক চরিত্রটি, অন্তত এদিক
থেকেই গুরুত্বপূর্ণ হয়ে উঠতে পারে।

অর্ণব সাহা

কলকাতা বইমেলা ২০১০

উল্লেখপত্র

১. বড়বাজার, কমলাকান্তের দপ্তর; বঙ্কিমচন্দ্র চট্টোপাধ্যায়, সম্পা. ক্ষেত্র গুপ্ত, কলকাতা, ১৯৯২, পৃ.৪৬
২. এই নিম্নবর্গের সাহিত্য সম্পর্কে তাত্ত্বিক আলোচনার জন্য দ্রষ্টব্য : The High Enlightenment and the Low-life of Literature in Pre-Revolutionary France; Robert Darnton; *Past and Present* 51, May 1971
৩. অপেক্ষাকৃত বিস্তারিত আলোচনার জন্য দ্র. উনিশ শতকের আদিরসাত্মক বই; অর্ণব সাহা; *পর্নোটোপিয়া*; অবভাস, ২০০৮; পৃ.৯-পৃ.৪১
৪. দ্র. The Modern Babu and the Metropolis : Reassessing Early Bengali Narrative Prose (1821-1862); Hans Harder; *India's Literary History : Essays on the Nineteenth Century*; ed. Stuart Blackburn & Basudha Dalmia, New Delhi, 2004; p.392-p.394
৫. দ্র. *Politics of the Possible : Essays on Gender, History, Narratives, colonial English*; Kumkum Sangari; London, 2002; p.xiii
৬. দ্র: বাৎসায়নের কামসূত্র, 'দৃতীকর্মণী' অধ্যায়, অনু: গঙ্গাচরণ বেন্দ্য বিদ্যাসাগর, সম্পা: ত্রিদিবনাথ রায়, কলকাতা, ১৯৮৬, পৃ. ২৭৪-২৭৫
৭. উজ্জ্বলনীলমণি, রূপ গোস্বামী, সম্পা: শ্রীহীরেন্দ্রনারায়ণ মুখোপাধ্যায়, কলকাতা, ১৩৭২ বঙ্গাব্দ, পৃ.১৮-২০
৮. কলিকাতা কমলালয়, ভবানীচরণ বন্দোপাধ্যায়, দুষ্প্রাপ্য সাহিত্য সংগ্রহ, খণ্ড-১, সম্পা: কাঞ্চন বসু, কলকাতা, ১৯৯৭, পৃ.৭২
৯. উজ্জ্বলনীলমণি, রূপ গোস্বামী; পূর্বোক্ত। এর 'নায়কভেদ' অংশে 'নায়ক'র গুণাবলীর তালিকা: 'সুরম্য, মধুর, সর্বসুলক্ষণাক্রান্ত, বলিষ্ঠ, নবযৌবনাধিত, সুবক্তা, প্রিয়ভাষী, বুদ্ধিমান, সুপণ্ডিত, প্রতিভাধিত, বিদগ্ধ, চতুর, সুখী, কৃতজ্ঞ, দক্ষিণ, প্রেমবশ্য, গভীর, বরীয়াণ, কীর্তিমান, নারীজনমনোহারী, নিত্যনতুন, অতুল্য কেলিসৌন্দর্যবিশিষ্ট ও বংশীনির্গণকারী বা সুমধুর সুরশিল্পী। পরিশেষে মন্তব্য: 'এই সকল মাধুর্যগুণের অধিকারীই সুযোগ্য নায়ক ও মধুর রসাস্বাদনের শ্রেষ্ঠ আধার বা অবলম্বন'।
১০. বাংলা সাহিত্যের ইতিবৃত্ত, ২য় খণ্ড, অসিতকুমার বন্দোপাধ্যায়, কলকাতা ১৯৯৬, পৃ. ২৬১-২৬৩
১১. উজ্জ্বলনীলমণি, রূপ গোস্বামী; পূর্বোক্ত সংস্করণ, পৃ.৪
১২. দ্র: অশ্রুত কণ্ঠস্বর, সূমন্ত বন্দোপাধ্যায়, কলকাতা, ২০০২, পৃ. ২২
১৩. দ্র: সাহিত্যদর্পণ; শ্রীবিধ্বনাথ কবিরাজ প্রণীত, সম্পাদনা ও বঙ্গানুবাদ: শ্রীবিমলাকান্ত মুখোপাধ্যায়, কলকাতা, ১৩৮৬, পৃ. ১৭৮
১৪. দ্র: Hindoo Female Education; P. Chapman; London, 1893, p.28; উদ্ধৃত; *The Changing Role of Women in Bengal* (1949-1905); Meredith Borthwick, Princeton, 1984, p.18
১৫. ধনী লোক সম্ভানলাভে বঞ্চিত কেন? ; চিকিৎসা সম্মিলনী, ১৮৮৬; উদ্ধৃত;

সাময়িকী, (প্রথম খণ্ড), সম্পা. প্রদীপ বসু, কলকাতা, ১৯৯৮ পৃ.২০৮

১৬. দ্র. অন্নদামঙ্গল; ভারতচন্দ্র রচনাসমগ্র, সম্পা. ড. ক্ষেত্র গুপ্ত, ড. বিষ্ণু বসু, কলকাতা, ১৯৭৪, পৃ.২৩৮

১৭. এই বিষয়ে পথিকৃৎ গবেষণা : Renaissance and Kaliyuga: Time, Myth and History in Colonial Bengal; Sumit Sarkar; *Writing Social History*, New Delhi, 1997 p.186-p.215; Colonial Times: Clocks & Kali-yuga; Sumit Sarkar; *Beyond Nationalist Frames: Relocating Postmodernism, Hindutwa, History*, New Delhi, 2002; p.10-p.37; এছাড়াও অন্ত্যউনিশ শতকে নব্য হিন্দু ভক্তিবাদের উত্থান ও কলিযুগ ভাবনার প্রত্যক্ষ যোগ বিষয়ে তাঁর অসামান্য গবেষণা: কলিযুগ চাকরি ভক্তি : রামকৃষ্ণ ও তাঁর সময়; সুমিত সরকার, অনুবাদ : দেবব্রত পালধি; কলকাতা, ২০০২

১৮. সুমিত সরকার এই কলিযুগ কল্পনাকে সংজ্ঞায়িত করেছেন এইভাবে; “Kaliyuga... became a language for expressing the anguish, frustration and resentments of less successful educated men of the higher castes. It offers an entry point into a partially distinct ‘lower middle class’ world, ideal-typically embodied in the declining traditional rural literati and the city clerk (kerani)... the tonalities of kaliyuga, however, could appear at times also to the high bhadrakalok in their darker moods, for colonial domination kept the self-image of the successful enterprising male always fragile, unstable, open to racist humiliation.”
দ্র. Renaissance and kaliyuga; Sumit Sarkar, পূর্বোক্ত, *Writing Social History*; p.191

১৯. কালীপ্রসন্ন সিংহ অনূদিত মহাভারত, পশ্চিমবঙ্গ নিরক্ষরতা দূরীকরণ সমিতি, কলকাতা, ১৯৭৪; এর ২য় খণ্ডের ‘কনপর্বে’র ‘মার্কণ্ডেয় সমস্যা’ অধ্যায়ে কলিযুগ কল্পনার বিবরণ রয়েছে। পৃ. ১৮৭-পৃ.১৯০

২০. কঙ্কিপুরাণ, কালীপ্রসন্ন বিদ্যারত্ন অনূদিত; ১০ম সংস্করণ, কলকাতা, ১৯৬২

২১. কলির রাজ্যশাসন; জীহরিপ্রসাদ মুখোপাধ্যায় প্রণীত, কলিকাতা, চাঁপাতলা বাঙ্গলা যন্ত্রে মুদ্রিত; সন ১২৬৭ সাল, পৃ. ৩২

২২. কেরানী মেমোরিয়েল, লেখকের নাম নেই; জ্ঞানাক্ষর, পৌষ ১২৮২, পৃ. ৬৮-পৃ.৭৫

২৩. কেরানীজীবনের অন্দরমহল নিয়ে একটি বিস্তৃত গবেষণায় ধরা পড়েছে এই নিম্নবর্ণীয় জীবনের বেদনার স্বরূপ: ‘Subaltern location succinctly describes their bureaucratic status and their social standing. The Bengali clerks in colonial administration had to suffer ‘racial discrimination in recruitment, pay promotion even in seating arrangement within office. Along with this there was a good measure of bureaucratic domination by British office masters. There was no scope for job satisfaction as it was a routine work of low skill. All these gave rise to a collective sense of negative social esteem—deprived, dominated, even humiliated.’ দ্র. *Colonial Clerks: A Social History of Deprivation and Domination*; Dalia Chakrabarti, Kolkata, 2005, p.xiii২৩.

২৪. কেরানিচরিত; প্রাণকৃষ্ণ গঙ্গোপাধ্যায়, কলকাতা, ১৮৮৫, পৃ. ১৩

২৫. প্র. The Nation and Its women; Partha Chatterjee; *The Nation and Its Fragments: Colonial and Postcolonial Histories*; New Delhi, 1999. p.116-p.134
২৬. নবনাটক; রামনারায়ণ তর্করত্ন, ১৮৬৬; উদ্ধৃত; সমাজসংস্কার আন্দোলন ও বাংলা নাটক, (১৮৫৪-১৮৭৬); গোলাম মুরশিদ, ঢাকা, ১৯৮৪, পৃ.১৯৩-পৃ.১৯৪
২৭. প্রণয়পরীক্ষা, মনোমোহন বসু; ১৮৬৯; উদ্ধৃত; পূর্বোক্ত; গোলাম মুরশিদ; পৃ. ১৯২
২৮. উনিশ শতকীয় বাঙালি হিন্দু 'আধুনিকতা'র এই নিজস্ব চেহারাটি নিয়ে গুরুত্বপূর্ণ বেশ কয়েকটি গবেষণার ভিতর উল্লেখযোগ্য: আমাদের আধুনিকতা; পার্থ চট্টোপাধ্যায়; *ইতিহাসের উত্তরাধিকার*, কলকাতা, ২০০০, পৃ. ১৭১-১৮৬; *Postcoloniality and the Artifice of History*; Dipesh Chakrabarty; *Provincializing Europe: Postcolonial Thought and Historical Difference*, New Delhi, 2001, p.27-p.46
২৯. প্র. The Virtuous wife and the well ordered Home: The Re-Conceptualization of Bengali women and their worlds; Judith Walsh; *Mind, Body and Society: Life and Mentality in Colonial Bengal*, ed. Rajat Kanta Ray, New Delhi 1995, P. 331-359.
৩০. প্র. মাতৃভক্তি ও মাতৃ-উপাসনায় সন্তানের মুক্তি, বামাবোধিনী পত্রিকা, ভাদ্র-আশ্বিন, ১৩০১ বঙ্গাব্দ। উদ্ধৃত; সাময়িকী (২য় খণ্ড), সম্পা. প্রদীপ বসু, কলকাতা ২০০৯, পৃ. ১৯১-পৃ. ১৯৩
৩১. প্র. স্বামীর উপর স্ত্রীর প্রভাব; বামাবোধিনী পত্রিকা, ফাল্গুন ১২৭৬ বঙ্গাব্দ, উদ্ধৃত; সাময়িকী, পূর্বোক্ত, পৃ. ২৯৪
৩২. হাড়জ্বালানী; শ্রীযুক্ত গোলাম হোসেন কর্তৃক প্রণীত, কলকাতা, গরাণহাটা স্ট্রীটে ৯২ নং ভবনে এ্যাক্সলো ইণ্ডিয়ান ইউনিয়ন যন্ত্রে মুদ্রিত, সন ১২৭১ সাল। পৃ.১৫

শ্রীশ্রীজগদীশ্বর ।

শরণং ।

দূতী বিলাস

নামক কাব্য

শ্রীভবানীচরণ বন্দ্যোপাধ্যায়

কর্তৃক

“সুকোমল পল্লরাদি নানাছন্দ রচিত...

আদিরস ভক্তিরস ঘটিত...সুদৃশিক রসদায়ক পুস্তক” ।

১৮২৫

দূতীবিলাসের আখ্যাপত্রের অনুলিপি

দুতীবিলাস
ভবানীচরণ বন্দ্যোপাধ্যায়

আখ্যাপত্রে প্রাপ্ত বিবরণ

শ্রী শ্রী জগদীশ্বর শরণং 'দুতীবিলাস' নামক কাব্য।
ভবানী চরণ বন্দ্যোপাধ্যায় কর্তৃক
আদি রস ও ভক্তি রস ঘটিত পিযুষ প্রবন্ধে পয়ারাদি
নানাবিধ ছন্দে
বিরচিত হইল।

ইদানীং শ্রীরসিকলাল চন্দ্রের আদেশ অনুসারে
কলিকাতা, গরাণহাটা স্ট্রীটে, ৯৩ নং ভবনে
অ্যাংলো ইন্ডিয়ান যন্ত্রে।

শকাব্দ ১৭৮২
মূল্য ৬ আনা, ছয় আনা

শ্রীশ্রী দুর্গা

শরণং ।

॥ অথ গণেশ বন্দনা ॥

গণেশ গিরীশ সূত গজেন্দ্র বদন
লম্বোদর বিঘ্নহর বিশ্বাদি কারণ
শরণ লইনু প্রভু তোমার চরণে ।
দয়াময় দয়া কর দীন হীন জনে ॥

॥ সূর্য্য বন্দনা ॥

ভাস্কর কর তব তমোহর অতি ।
তামস মানস মম কর অবগতি ॥
তিমিরারি চিহ্নের তিমির কর নাশ ।
মলিন মনেতে প্রভু কর আসি বাস ॥

॥ দুর্গা বন্দনা ॥

দুর্গে তব দুর্গা নাম দুর্গাক্ষর নাশি
দুর্গ হরা হৈমবতী হর দুর্গরাশি ॥
তুমি শক্তি তোমা ভক্তি বিনা মুক্তি নহে ।
ত্বমেকাদ্যা মহাবিদ্যা বেদে বিদ্যা কহে ॥

॥ শিব বন্দনা ॥

শিবের শিবদ শিব অশিব নাশক।
ভীষণ ভাষণ যম ভয় নিবারক।
শাস্তমূর্তি শাস্তভাব শাস্ত তব গুণ।
সংহার সময়ে গুণ সংহারে নিপুণ॥

॥ বিষ্ণু বন্দনা ॥

বিশ্বধর বিষ্ণু বিশ্বময় বিশ্ব পাল।
বিশ্ব ব্যাপি বিশ্বকর তব মায়া জাল॥
মায়াতে মোহিত বিধি পুরাণ বচন।
পাঁচে এক ভাব ভনে ভবানীচরণ॥

॥ মহাকবিকে নমস্কার ॥

নলিনজ পুলিনজ বাস্মীকজ কবি।
তথা কবিকুল মান্য যথা মান্যরবি॥
কবিগুরু পাদপদ্মে কোটি কোটি মতি।
ভবানীচরণ করে করিয়া বিনতি॥

॥ সরস্বতী বন্দনা ॥

সতী সত্যা সরস্বতী, স্বচ্ছশ্বেত রূপবতী,
বাণী বীণা বাদ বিনোদিনী।
শারদা সুসিতাম্বর, শিশু শশী খণ্ড ধরা,
মহাবিদ্যা বিদ্যা বিধায়িনী॥
সিত সরসী জামনা, স্মিত সুখী সুবদনা,
ভগবতী ভব ভয় হরা।
সুমুক্তা মণ্ডিত গলা, মনোহর কণ্ঠকলা,
লেখনী লিখিত ধৃত করা॥
কুচভর নতকায়ী কমলা সপত্নী মায়া,
মহেশা সুরেন্দ্র সেবিতা।
বেদাগম নিগমাদি, তন্ত্রমন্ত্র যন্ত্রবাদি,

ধীর জপগণ আরাধিতা।।
 বর প্রদা বাগ্‌দেবী, ত্বদীয় চরণ সেবি,
 মহাকবি বিধি বেদব্যাস।
 অন্য আর কবি যত, বর্ণিয়াছে শত শত,
 পুরায়েছে মনো অভিলাষ।।
 ভবানীচরণ দীনে, কৃপাময়ী কৃপাহীনে,
 কিঞ্চিৎ করুণা কর পাত।
 এই গ্রন্থ রচিবারে, অকৃতী মা যেন পারে,
 করি পাদপদ্মে প্রণিপাত।।

॥ গ্রন্থের সূচনা ॥

নিবেদন শুন সব রসিক সুজন।
 যে কারণে এই গ্রন্থ হইল রচন।।
 কলিকাতা নগরস্থ নিম্নাশ্রিতচরণ।
 মল্লিক উপাধি তিনি প্রতাপে রাবণ।।
 কীর্তির তুলনা তুল্য পাওয়া নাহি যায়।
 মৃত্যু কীর্তি ঘোষে লোকে ভীষ্ম মৃত্যু প্রায়।।
 আট পুত্র তাঁহার সকলে গুণবান।
 এক্ষণে তাঁহার সাত জন বর্ধমান।।
 তার মধ্যে সপ্তম স্বরূপচন্দ্র নাম।
 দেব গুরু দ্বিজে ভক্তি অতি কৃপাবান।।
 ধনী গুণী মানী লোক মান্য করে মানে।
 এক দিন সেই জন বসিয়া বাগানে।।
 বহুতর বিস্তর লয়ে গুণিসব।
 করিতেছিলেন নানা আনন্দ উৎসব।।
 নানা রস রাগরঙ্গে প্রসঙ্গ উঠিল।
 মুদ্রাক্ষরে বহুগ্রন্থ প্রকাশ হইল।।
 কিন্তু আদিরস কাব্য দেখিতে না পাই।
 যে দেখি ভারত কৃত নব্য কিছু নাই।।
 এখন কতক নব্য নায়ক মজিয়া।
 করে কত রস নানা নায়ক লইয়া।।
 সে রস বর্ণিলে ভাল গ্রন্থ এক হয়।
 তাহারা কুকর্ম্ম ত্যজে ইথে সুখোদয়।।

সভাস্থ সকলে বলে তাঁহার নিকটে।
 এই মত গ্রহ করা যুক্তিসিদ্ধ বটে॥
 অনন্তর কহিলেন বিজ্ঞ বিচক্ষণ।
 ব্যক্তি কোথা পাব গ্রহ করিবে রচন॥
 কেহ পরে কহিলেন তাঁহার কথায়।
 ভবানীচরণ নাম বন্দ্যো উপাধায়॥
 সমাচার চন্দ্রিকা আকর তাঁরে জানি।
 তাঁহা হইতে হইবেক এই অনুমানি॥
 সকলের সহ তিনি করিয়া মন্ত্রণা।
 আদেশ দিলেন গ্রহ করিতে রচনা॥
 তাঁহার বিনয় বাক্য স্বীকার করিয়া।
 কি ভাবে রচিব গ্রহ না পাই ভাবিয়া॥
 ভাবিতে ভাবিতে ভাব হইল উদয়।
 নূতন নূতন দূতী আছে কতিপয়।
 প্রবলা হইয়া তারা নবো করে বশ।
 কত স্থানে কত মতে করে কত রস॥
 দূতী ভক্তি দূতী স্তুতি করে বহুজন।
 গোপনে কেমনে দূতী কয়য়ে মিলন॥
 যুবক যুবতী পেয়ে করে কি আচরণ।
 এ সব বর্ণন কবি করিয়া বিস্তার॥
 প্রধান এ গ্রহ মন্দো হইবেক দূতী।
 অতএব দূতী বিলম্বাথা এই পৃথি৷
 ভবানীচরণ ভাবি এ সকল মনে মনে।
 আলোচনা করি গ্রন্থারম্ভল রচনে॥

॥ অথ গ্রন্থারম্ভ : দূতীর বন্দনা ॥

॥ দূতী বিলাস ॥

৷ প্রপদ্য হৃদ ৷

দূতী দয়' যারে হয়, সে করে কামেরে হয়,
 বিবাহ বিরহী সেই নারে।
 দূতী নিজে নিরুপমা, গুণে নাই তার সমা,
 কামুকে সর্বদা শাস্ত করে॥
 কেশ বেশ গুণযুতা, সুপুরুষ নৃপসুতা,

সুন্দর সুন্দরী যত আছে।'
 কানা খোঁড়া অঙ্গহীন, যেবা হয় কামাধীন,
 দুতী ধন্যা তা সবার কাছে।।
 যেবা বাঞ্ছা করে যারে, এনে দিয়ে তোষে তারে,
 জাতি কুল মজাইতে পারে
 দুতীর শরণে লোক, ভুলে যায় পুত্রশোক,
 কোন দুঃখ নাহি লাগে তারে।
 সবে বলে দুতী তুমি, আসিয়া এ কর্মভূমি,
 কত রূপ ধর বহুরূপা।
 গুনিয়াছি লোক মুখে, পঞ্চ রূপে থাক সুখে,
 তব গুণে কুরূপা সুরূপা।।
 কত শত ছল ধর, কামিনীর কুল হর,
 কে বঝিতে পারে তব মায়া।
 ভবানীচরণ ভনে, তোমার সাধন জানে,
 নিজ গুণে দেহ পদ ছায়া।।

॥পঞ্চ প্রকার দুতী॥

॥ প্রথমা দুতী মালিনী রূপা॥

॥ পয়ার॥

নাগরী নাগর মনোহর সুভাষিনী।
 পূর্ণোন্মত্তে প্রসিদ্ধা দুতী ছিলেন মালিনী।।
 তাহা হৈতে আনায়েছে পৃষ্ঠ আদি হলে।
 উভয়ের অভিলাষ পুরিত কৌশলে।।
 এক্ষণে অধিক জনে পুষ্পাদি চন্দনে।
 ক্ষান্ত মতি হয়ে আছে দেবের অর্চনে।।
 যাঁহাদের পুষ্পেতে আছয়ে প্রয়োজন।
 তাঁহাদের নিজের আছয়ে কুসুম কানন।।
 কেহ কেহ ঐশ্বর্য করে পুষ্প নানা জাতি।
 মল্লিকা মালাতী যুতি বেল বক জাতি।
 এরূপে সজ্জনে করে পূজাদি নিব্বাহ।
 মালিনী কেবল যায় হইলে বিবাহ।।
 সুতরাং এক্ষণেতে সকল ভবনে।
 মালিনীর গমন অভাব করি মনে।।

পরেতে যে রূপ দূতী ধরেন ভাবিয়ে।
ভবানীচরণ ভনে মনে বিচারিয়ে॥

॥ দ্বিতীয়া দূতী নাপিতিনী রূপ ॥

॥পয়ার॥

শুভ ও সৌন্দর্য কৰ্ম করে যে কামিনী।
সে কৰ্ম না সিদ্ধ হয় বিনা নাপিতিনী॥
লয়ে নখ রঞ্জনী ও মাংসের ছেদক।
চূপড়িতে ঘসা বামা আর অলঙ্কর॥
অস্ত্রপুৰে প্রবেশিয়ে বহু সমাদরে।
স্ত্রীলোকের হস্ত পদ আদি শোভা করে॥
নারীর উৎসব কৰ্ম যত হয় তায়।
নারীগণ নিমজ্বিতে নাপিতিনী যায়॥
এই হেতু নানা স্থানে গমন ইহার।
ইহা হৈতে কৰ্মসিদ্ধ হয় রসিকার॥
এ কারণে দূতী ভাল নাপিত গেহিনী।
প্রধানা বলিয়া খ্যাতা রস সঞ্চারিণী॥
নাপিতিনী দূতী বড় এক দোষ তার।
না ডাকিলে কোন স্থানে যাওয়া তার ভার।
এরূপেতে কৰ্ম যদি সিদ্ধ নাহি হয়।
ভবানীচরণ পরে অন্যরূপ কর॥

॥ তৃতীয়া দূতী উড়েনী রূপ ॥

॥পয়ার॥

গোপ গোপী দধি দুগ্ধ করে বিকিকিনি।
ইহাতে প্রধানা এবে উড়িয়া গোপিনী॥
উড়েরা বেহায়া হয় উড়েনী প্রবলা।
দুগ্ধ দধি বেচিবারে বড় নলা গলা॥
স্বদেশী বিদেশী বাসে যায় অনায়াসে।
কত বোল বলে ছলে রস নানা ভাসে॥
পুর চারিণীর কাছে অস্ত্রপুৰে গিয়ে।
দুগ্ধ দেয় কথা কয় হাসিয়ে হাসিয়ে॥

বিদেশী বিয়োগী বাবু যদি টের পায়।
 বহু বেশে তার বাসে অনায়াসে যায়।।
 বলে যোগাইব দুঃখ বাবুজী কোথায়।
 হেসে হেসে ঠারে ঠারে ভুলাইতে চায়।।
 হাব ভাব দেখে তার কেহ দুঃখ লয়।
 তাহে যেবা নাহি ভুলে নানা কথা কয়।।
 দুঃখ দিয়া থাকি আমি বড় বড় ঘরে।
 মোর কাছে দুঃখ লও দিব সেই দরে।।
 বৈকালে আসিয়া দুঃখ আওটিয়া দিব।
 সহরের সমাচার তোমারে কহিব।।
 ইহাতে তাহার দুঃখ কেবা নাহি চায়।
 জল বেচে ছলে কলে যাতে টাকা পায়।।
 গৃহস্থের বাড়ী আর বাসাড়ের বাসে।
 দুই বেলা দুঃখ দেয় সবে ভালবাসে।।
 ইহাতে এ দূতী প্রতি সকলে সন্তোষ।
 কিন্তু কিছুকাল বাস এই মাত্র দোষ।।
 কামিনী কহিবে কথা অবকাশ পরে।
 এ কারণ অন্য দূতী প্রয়োজন করে।।
 ভবানীচরণ কহে ভারতী সহায়।
 অন্য দূতী গুণ কহি মনো দেহ তায়।।

॥ চতুর্থ দূতী নেড়ী রূপা ॥

।।পয়ার।।

হরিনাম মালা হাতে করে হয় নেড়ী।
 কখন তা ছেড়ে ছুড়ে হাতে করে বেড়ী।।
 পাচিকা হইয়া করে কোথাও রন্ধন।
 নানা দ্রব্য পাক করি করান ভোজন।।
 প্রেমের তরঙ্গ আর রসের তরঙ্গ।
 যে সকল গ্রন্থে নানা রসের প্রসঙ্গ।।
 কোথাও করেন পাঠ হইয়া পাঠিকা।
 পরমার্থ পথ বলে ভুলায় নায়িকা।।
 বলিহারি যাই নেড়ী কেমন মগ্নায়।
 শৃঙ্গার সুখেতে প্রেম যথার্থ ঘটায়।।

মধু মৃদুস্বরে পাঠ করে অন্তঃপুরে।
 শুনে কামিনীর কৰ্ম ধৰ্ম যায় ঘুরে।।
 রসিকা সে রস শুনে মহা সমাদরে।
 বিহারের আশ তার হয় পরে পরে।।
 নিৰ্জ্জন সময় পায় রন্ধনের কালে।
 বিবিধ রসের কথা কয় পাকশালে।।
 সকলে ভুলায় প্রেম তরঙ্গের বলে।
 সতী নারী মজে তার কথার কৌশলে।।
 পাক পাঠ করে পরে নিজ গৃহে যায়।
 সন্ধ্যার পরেতে ফিরে বাসায় বাসায়।।
 রসের বৈষ্ণবী নেড়ী গুণেতে প্রচুর।
 গানেতে ভুলায় মন বিদেশী বাবুর।।
 উভয়ের মনঃ প্রীত করতে সে পারে।
 এ হেতু প্রধানা নেড়ী দূতি বলি তারে।।
 কামিনীর সঙ্গে কিন্তু দিবানিশি নয়।
 সৰ্বদা সঙ্গিনী বিনা কৰ্ম নাহি হয়।।
 অতএব সদা সঙ্গি সঞ্চারিকা চাই।
 ভবানীচরণ কহে শুন বলি তাই।।

।।পঞ্চম দূতী সহবাসিনী দাসীরূপা।।

।।পয়ার।।

দাসী দূতী ইদানী সে প্রধানেতে গণ্যা।
 দুর্ঘট ঘটায়্যা দেয় এই হেতু ধন্যা।।
 পুরচারিণীর সঙ্গে হইয়া সঙ্গিনী।
 অন্তঃপুরে থাকে সদা নিকট বস্তিনী।।
 সৰ্বদা সময় পায় দিবস রজনী।
 সময় বুঝিয়া তবে ভুলায় রমণী।।
 নিৰ্জ্জন স্থানেতে থাকে সদা সংগোপনে।
 অতএব নিপুণা সে প্রবৃত্তি জননে।।
 নিত্যকৰ্ম করি পরে হইয়া বিদায়।
 আহার করিতে মাত্র নিজ গৃহে যায়।।
 সে সময়ে গুপ্ত কৰ্ম কথা কয়ে থাকে।
 শুনে মনে বুঝে যায় যদি কেহ ডাকে।।

এমত দূতীর সঙ্গে কথোপকথনে।
 উভয়ে কহিতে পারে যার যেবা মনে।।
 দাসী হৈতে অবশ্যই অভিলাষ পুরে।
 কামিনী কামুক দৌহে দাসী গুণ বুঝে।।
 এ কারণ দাসী দূতী স্বরূপ প্রধান।
 যুবতী সন্তোষ করে পরে সোনা দানা।।
 হইল নির্ণয় গ্রহে সব সঞ্চারিকা।
 পরে কহি কিসে মিলে নায়ক নায়িকা।।
 ঋতুরাজ বসন্তের হলে আগমন।
 বিরহী জনার হয় কাম উদ্দীপন।।
 তখন দূতীর হয় অতি প্রয়োজন।
 সিদ্ধদেব মত আইসে করিলে স্মরণ।।
 ভবানীচরণ কহে স্মরি রতি পতি।
 বসন্ত বর্ণন করি মন যথা মতি।।

।।ঋতুরাজ বসন্তের আধিপত্য।।

।।পয়ার।।

ঋতু মধ্যে প্রধান বসন্ত ঋতুরাজ।
 দুঃখী সুখী করে লোক গুন তাঁর কাজ।।
 কি শক্তি বর্ণন করি বসন্ত রাজার।
 সংক্ষেপেতে আধিপত্য কহি কিছু তাঁর।।
 কোকিল নকিব হয়ে অগ্রে রব করে।
 পতাকা পল্লব শাখা তরুগণ ধরে।।
 মলয় পবন মস্ত্রি সঙ্গে আগমন।
 গায়ক এমর গানে সন্তোষ রাজন।।
 কামিনী যৌবন করি পৃষ্ঠে ভর করি।
 কাম চলে আগে সেনাপতি ভার ধরি।।
 এক্রূপে আসিয়া রাজ্য করে অধিকার।
 উচিত বিহিত পরে করেন প্রজার।।
 বসন্ত রাজার রাজ্য আনন্দিত মনে।
 জীবজন্তু সুখে থাকে কানন ভবনে।।
 প্রফুল্ল সকল তরু নষ্ট হয় কুল।
 রসাল রসেতে মগ্ন সরস মুকুল।।

শীতল সুগন্ধি মন্দ বহিছে পবন।
 বিয়োগি জনের হয় কামিনীতে মন॥
 ভবানী কহিছে হেন বসন্ত সময়।
 বহু সুখি লোক মধ্যে এক মহাশয়॥

॥ অথ শ্রীদেব নাগরের রূপ বেশ বর্ণন ॥

।।পয়ার।।

শ্রীদেব নাগর নামে নায়ক প্রধান।
 রূপে গুণে ধনে মানে না দেখি সমান॥
 সুবর্ণ বরণ কায় নবীন নাগর।
 ঈষৎ গোঁফের রেখা নবীন নাগর॥
 পরম সুন্দর অতি মনোহর বেশ।
 সংক্ষেপে কিঞ্চিৎ কহি বেশের বিশেষ॥
 কালা কলকাদার ধুতি উত্তম ঢাকাই।
 পরিয়াছে সেই বস্ত্র যার সম নাই॥
 বুক মসলিন ভাল তার একলাই।
 অঙ্গে সুশোভিত এক লিনুর স্রজাই॥
 হীরা পান্নাদার গোটা কিহ্মারির তাজ।
 বাঁকায়ে দিয়েছে শিরে যেমত মেজাজ॥
 কুটিল কুন্তল কাটা ঘষিয়াছে তায়।
 তাহার উপরে টুপি কিবা শোভা পায়॥
 মতির ঘোঁসার কণ্ঠা গল দেশ সাজে।
 হিন্দু চিহ্ন বিন্দুভাবে ভালে শোভে লাজে।
 হীরক অঙ্গুরী বামকর কনিষ্ঠায়।
 ডালি করে নবরত্ন তজ্জ্বলী শোভায়॥
 সুবর্ণ সুন্দর গোট কটিদেশে দিয়ে।
 স্বর্ণের শিখলে চাবি রাখে বুলাইয়ে॥
 গোড় তোলা মাথা নেড়া টটবাঁবি জুতা।
 পদদ্বয়ে আছে তার শোভা অদ্ভুত॥
 বামহাতে ধরিয়াছে স্বর্ণ গুড়গুড়ি।
 দেখি মদনেতে মজে যুবতী কি বুড়ি॥
 ভবানী কহিছে ঐ বিদগ্ধ নায়ক।
 আনন্দে করিছে গৃহে লইয়া গায়ক॥

॥ অথ শ্রীদেবের বিরহ বর্ণন ॥

॥পয়ার॥

গায়ক করিছে গান নানা রাগ রঙ্গ।
 কত মত গীত গায় যুবতী প্রসঙ্গ॥
 নায়ক গায়ক প্রতি শুনে সুখে কয়।
 বাহার গাইতে হয় বসন্ত সময়॥
 বাহার গাইতে যদি নায়ক কহিল।
 বাহার তাহার পর গাইতে লাগিল॥
 একে সে বিয়োগী তায় বাহার শুনিয়া।
 বিরহ অনল গানে দিল জ্বালাইয়া॥
 গানে সে অনল বাড়ে নাহি পরিত্রাণ।
 ব্যাকুল হইল তাহে নায়কের প্রাণ॥
 সুস্বর অনল সম সস্তাপ জন্মায়।
 সুস্থির হইতে নারে পারে ছাতে যায়॥
 মলয় মারুত তাহে লাগে তার গায়।
 অস্থির হইয়া কামে চারি দিগে চায়॥
 অন্য মৌখপরি নারী দাড়াইয়া ছিল।
 অর্দ্ধেক শরীর তার দেখিতে পাইল॥
 সুন্দরীর মুখ চক্ষু গুণ নিরখিয়ে।
 বিতর্ক করিছে কত কামেতে মজিয়ে॥
 ভবানীচরণ কহে হইয়া সতর্ক।
 কামুক কামিনী হেরে করিছে বিতর্ক॥

॥ নায়িকার প্রতি নায়কের বিতর্ক ॥

॥পয়ার॥

নারী মুখে নীরজ কি নিশাকর বটে।
 অস্থির চিন্তের চিন্তে স্থিরতা না ঘটে॥
 নয়নেতে নানামতে তর্ক করি কয়।
 সরোজ কি শফরী বা স্মরশর হয়॥
 কুচ দেখি করে কত তর্ক তারপর।
 কনকের কৌটা কি কলসী মনোহর॥
 কামদেব দামামা কি জগত জিনিয়া।

অধোমুখে রেখে গেল না এলো ফিরিয়া।
 পরে মনে ভাবে এটা কামিনী তো নয়।
 তড়িৎ কি তারা বা কনকলতা চয়।।
 আপাতত আশ্রম মনে বিতর্কিয়া পরে।
 কামী এ কামিনী বটে এই স্থির করে।।
 নীরজ নীরসস্থলে প্রফুল্ল না থাকে।
 নিশাকর কর দিনে দিবাকর ঢাকে।।
 অতএব এতো বটে বিমল বদন।
 কিন্তু কি করিয়া বিধি করিল সৃজন।।
 নিশ্চয় মীনের মৃত্যু স্থলে জল বিনা।
 সুতরাং মীন কভু বলিতে পারিনা।।
 স্মরের শরের সহ সমান নয়ন।
 ক্ষণমাত্র নিরীক্ষণে জুলিতেছে মন।।
 কুচ বটে কিন্তু কনকের কাস্তি তায়।
 এই হেতু কনক কলসী বলা যায়।।
 কোটা কবে কও কিন্তু এই যুক্তি রবে।
 নতুবা কি নবীনার কুচ কোটা হবে।।
 রস শূন্য স্বর্ণে কোটা করয়ে নির্মাণ।
 কামিনীর কুচরসে পীযুষ-পলান।।
 দামামা ছাড়িয়া কাম কভু নাহি রয়।
 কাম যুদ্ধ জয়ধ্বনি বিনা কোথা হয়।।
 তড়িৎ তরলা তাকে কে দেখিতে পায়।
 ধনাগমে সমাগম হলে দেখা যায়।।
 তারা কি কখন দেখা যায় দিনমানে।
 দিবাকর কর দিনে নিজ গুণ টানে।।
 কনকের কাস্তি বটে কিন্তু লতা নয়।
 লতার উপরে গিরি কেবা হেনু কয়।।
 এইরূপে রমণীর রূপ স্থির করি।
 পরে মনে করে লক্ষ্মী অথবা অমরী।।
 ইন্দ্রাণী অপ্সরী কিম্বা হবে বিদ্যাধরী।
 উর্বশী কি পরী রাজকন্যা মনে করি।।
 নিগূঢ় না জানি মনে বিবেচনা করে।
 মানসে মানবী বটে স্থির করে পরে।।

কমলা কটাক্ষ হলে কামনা পূরিত।
 কামে মত্ত কেন চিত্ত কুবুদ্ধি ঘটিত।।
 অমরী অমর পুরে শুনি সদা রয়।
 না পড়ে পা পৃথিবীতে পুরাণেতে কয়।।
 ইন্দ্রাণী কি কারণে নিজ লোক ছাড়ি।
 আসিবেক মর্ত্যলোকে মনুষ্যের বাড়ি।।
 পরম রূপসী পরী পাখা দুটি আছে।
 অপ্সরী প্রভৃতি থাকে পুরন্দর কাছে।।
 রাজকন্যা বলা যেতো রাজবাড়ি হলে।
 কে পারে কহিতে শেষ এই রূপ বলে।।
 বাসনা পূরিত তবে কহিয়া সে রূপ।
 নয়নে রসনা যদি দিত বিশ্ব ভূপ।।
 একে দেখে অন্য বলে কি কব কাহার।
 বিবিরো ওমতি নৈল হয় হয় হয়।।
 সে রূপ হেরিয়া মন না হক হারায়।
 কেমনে মিলিবে তবে ভাবিছে উপায়।।
 কামিনী কটাক্ষবাণ হানে তার পরে।
 ত্বরিত তড়িৎ প্রায় প্রবেশিল ঘরে।।
 নাগর দেখিল একি অন্ধকার ময়।
 একেবারে চন্দ্র সূর্য্য দুই অস্ত হয়।।
 ভবানীচরণ ভনে এই অনুমানে।
 মজিবে মজার কূপে যাবে ধন মানে।।

।। নাগর নায়িকা নিরীক্ষণ করিয়া প্রত্যাশায়
 মনে উদ্যোগ করিতেছেন।।

।। ত্রিপদী।।

না দেখে কামিনী পরে, ব্যস্ত হয়ে আসি ঘরে,
 কামানলে তনু জ্বর জ্বর।
 সে দুঃখ কহিব কত, বারি হীন মীন মত,
 মন পোড়ে নাগর কাতর।।
 যুবতী যৌবন জলে, জুড়াইবে স্মরানলে,
 পোড়া মনে ভাবেন উপায়।
 এ দুঃখে হইতে পার, উপায় না দেখি আর,

জাগরণে যামিনী পোহায়।।
পরদিন দিনমানে, সুশীতল জল স্নানে,
মিষ্টান্ন ভোজনে অনাদর।
সেই অনির্বচনীয়, কামিনীর কমনীয়,
যৌবন বুঝিয়া সরোবর।।
তাহাতে তনুর তরি, ভাসাবেন মনে করি,
কাণ্ডারি কে হইবে তাহার।
মনে পড়ে মালিনীরে, থাকে সরোবর তীরে,
তারে ডাকি করি মুলাধার।।
সে ঘটাবে প্রিয়তমা, কেহ নাহি তার সমা,
সে আইলে হইবে উপায়।
ভবানীচরণ কয়, দিন নাহি আর রয়,
সূর্যদেব অস্ত গিরি যায়।।

।। নায়ক নিকটে মালিনী দূতীর আগমন।।

।।পয়ার।।

পদ্মিনী বঁধুর হয় গমন সময়।
বিরোগী বঁধুর আশা পুরাণ নিশ্চয়।।
প্রত্যক্ষ দেবের কৃপা হইল উপায়।
প্রথমে মালিনী রূপা আইল তথায়।।
মালিনী সুন্দরী ছিল বিধাতার বাজি।
বয়স হয়েছে কিছু তবু মাজা মাজি।।
শ্যামল বরণ রামা অর্দ্ধেক বয়েস।
ভুবন ভুলাতে পারে যদি করে বেশ।।
আকর্ষণ পর্যন্ত তার কুমুদ নয়ন।
ভুরু সেই মত বিধি করেছে সৃজন।।
দস্ত সব করে কাল দিয়ে গোলা মিশি।
তার মধ্যে শশী দুই আলো করে নিশি।।
পীনস্তন ছিল অতি কি কহিব হয়।
তবু তারে এক্ষণে শ্রীফল বলা যায়।।
নিতম্ব হয়েছে ভারি ক্রমে বাড়িয়াছে।
দেখে যদি কেবা নাহি যায় পাছে পাছে।।
দেখে শুনে রূপ বেশ লোকে পড়ে ঘুরে।

পরিধেয় বাস খাস বাগানের ডুরে ॥
 বুটা মুকুতার নত নোলক সহিত ॥
 স্বর্ণের পবিত্র হার গলায় শোভিত ॥
 সোনালি সহিত পলা শঙ্খকড় করে ॥
 রূপার তাবিজ আছে বাজুর উপরে ॥
 মালিনী এরূপ বেশ করিয়া বিস্তার ॥
 বৈকালেতে বেলফুলে গাঁথি মালা হার ॥
 সেই পথে যায় যথা নায়ক ভবন ॥
 বলে বেল ফুল চাই যবে মজে মন ॥
 স্বর শুনি মালিনী এ নায়ক বুঝিল ॥
 তটস্থ হইয়া তবে তাহারে ডাকিল ॥
 শুনিয়া মালিনী কহে কে ডাকেরে ভাই ॥
 কে কোথায় কেন ডাকো বেল ফুল চাই ॥
 কাতর নাগর হাসি যায় তার কাছে ॥
 আমি ডাকিয়াছি মাসি কিছু কথা আছে ॥
 কথায় আশয় বুঝে বাসায় আইল ॥
 আইস আইস বৈস মাসি কহিতে লাগিল ॥
 আর্ন্তস্বরে করপুটে আর অকপটে ॥
 নিজ অভিলাষ কয় মালিনী নিকটে ॥
 শুন শুন গত দিনে দিবা অবসানে ॥
 পরম সুন্দরী এক দেখি এই স্থানে ॥
 ইহাতে আমার প্রতি সেই রসবতী ॥
 তাজিল অপাঙ্গ শর অসহ্য সে অতি ॥
 অন্তরে সে শরে আমি হয়ে জ্বরজ্বর ॥
 নিবারণ কিসে হবে ভাবিয়ে ফাঁপর ॥
 প্রমত্ত চঞ্চল চিত্ত চকোর আমার ॥
 ব্যাকুল হয়েছে বড় নাহিক নিস্তার ॥
 শুনেছি তোমার গুণ করহ বিহিত ॥
 ধনে পরিতুষ্ট হবে হইব বাধিত ॥
 ভবানীচরণ বলে নাহি কোন ভয় ॥
 এখন শুনহ তবে মালিনী কি কয় ॥

॥ মালিনীর সহিত নায়কের কথোপকথন ॥

॥ ত্রিপদী ॥

শুন হে নাগর বাবু, দেখিয়া হয়েছে কাবু,
পর ঘর ঢোকা বড় দায়।
এ নাহে তোমার কর্ম্ম, বোঝালে বুঝিবে মর্ম্ম,
ইথে বাধা আছে পায় পায়।।
শুন এ প্রেমের ধারা, তাতে রত আছে যারা,
ধন মান তুচ্ছ জ্ঞান করে।
টাকা পানে নাহি চায়, যেবা যত চাহে পায়,
তিলেক না ভাবে তার তরে।।
শুন ওহে রসরাজ, ইকি অতি বড় কাম,
টাকা দিলে হইবে উপায়।
অধিক কি কব আর, বঝিবা সকল সার,
কোন্ কর্ম্ম না হয় টাকার।
নাগর বুঝিয়া ছলে, সন্তোষ বদনে বলে,
একি মাসি কেমন হিতম্ভী।
বড়িতে যে প্রেম হয়, সে প্রেম সুখদ নয়,
প্রেম মনে ভাল বাসাবসি।
নাগর কামের দায়, টাকা দিয়া গণিকায়,
পীড়া উপসম মাত্র করে।
তারে যেন প্রেম ভালো, দিক্ দিক তার তরো,
প্রেম কি দিল্পদ ছড়ি সরে।।
সে প্রেমের অভিলাষী, কেবল নাগর বর্ষী,
কোন কোন লোক দেখে থাকি।
চড়িয়া চেয়েও গড়ি, নিত্য বার বেশা বড়ি,
বড়ি দেয় প্রেম তার ফাঁকি।।
এমত যে প্রেমকানী, তেমত নহিত অশনি,
লোক লজ্জা পাইব যাহাতে।
তাতে বার পায় শোভা, যদি পাই মনোলোভা,
তারে বার করিব ইহাতে।
ইথে যদি কর শ্রম, তবে দুর্গাইব ভ্রম,
দান শক্তি আছে কিবা নাই।
মালিনীর মন দিয়ে, দুমোহর তাতে দিয়ে,

বলে লও খাইবে মিঠাই।।
 মালিনী কহিল সাপ, বলে ভাল মোর বাপ,
 তাই বলি কেন নাহি হবে।
 ভবানীচরণ স্মরি. মালিনী কি ভাব ধরি.
 কহিতেছে মন্দ মৃদু রবে।।

।। মালিনীর নাগরকে আশ্বাস প্রদান ।।

।। পয়ার।।

মালিনী পাইয়া মুদ্রা সন্তোষ হইল।
 করিব তোমার কৰ্ম নায়কে কহিল।।
 আমি তারে ভাল জানি অতি রসবতী।
 রসিক যুবার প্রতি যত্ন তার অতি।।
 যেহেতু অকৃতি বড় শুনি তার পতি।
 দেখে লোক বোধ করে যেন পশুপতি।।
 আজি কালি তার কাছে যাব ফুল ছলে।
 বিরলে আনিয়া আমি কহিব কৌশলে।।
 অদ্য তবে ঘরে যাই দিবা অবসান।
 স্বস্থানে মালিনী পরে করিল প্রস্থান।।
 নায়ক তাহার আশা করিয়া ধারণ।
 রহিলেন স্থির মনে চাতক যেমন।।
 প্রভাতে মালিনী আসি মলিন বদনে।
 কহিতে লাগিল কবে নায়ক সদনে।
 আজি কামিনীর কাছে যেতেছিনু ছলে।
 ফুল দেখি দেবালয় যেতে দ্বারি বলে।।
 অন্তরে প্রবেশ করা হইল মোর ভার।
 নাপিতিনী যায় দেখি মানা নাহি তার।।
 মোহিনী বাগানে বাস মতি তার নাম।
 তারে ভার দিলে পুরাইব মনস্কাম।।
 আমি ত সচেষ্ট আছি কি করিব হয়।
 এই কথা বলে মাগি ভোগা দিয়ে যায়।।
 নায়ক শুনিয়া মনে ভাবে সর্বনাশ।
 মালিনী করিবে স্থির ছিল যে বিশ্বাস।।
 এখন কি করি আর ভাবিলেন পরে।
 ভবানী কহিছে খেদ না ধরে অন্তরে।।

॥ মালিনীর কথায় নায়কের খেদ ॥

॥ প্যার ॥

রূপসীর রূপ নদী অকূল পাথার।
কেমনে পাইব কূল না জানি সাঁতার ॥
মালিনীর বাক্য তাতে হইল তরঙ্গ।
ইহাতে হরিবে প্রাণ হতেছে আতঙ্গ ॥
যদি সে তরুণী তরি হয় গুণবতী।
শুনিলে সে গুণ হেতু পাঠাইবে মতি ॥
তবেই তরিতে পারি রূপ পারাবার।
নহে ত নিমগ্ন হব নাহিক নিস্তার ॥
মনন কটাক্ষ বাণে ঘেরিল শরীর।
বসন্ত বাতাস বহে তাহাতে অস্থির ॥
আর তার অতিশয় অনঙ্গ তুফান।
উপায় না ভাবা যায় হইতেছে জ্ঞান ॥
অভাব কুস্তীর ভয় আছে সম্ভাবনা।
ইহাতেই বুঝি মম না পুরে বাসনা ॥
শ্রমী তার দ্বারি আদি আছে জল চর।
ভ্রমিতেছে ইতস্ততো বিষম দুস্তর ॥
মালিনী কহিল স্থির মতি যদি হয়।
তবে তরিবারে পার ভয় করি জয় ॥
কবে সেই মতি পাব কোথায় বা মতি।
মতি মত বোধ হয় রেখেছে যুবতী ॥
মালিনী তো বলে গেল যেই স্থানে বাস।
ধন্যার্থ জনের কথা কে করে বিশ্বাস ॥
অঘোর নাগর ঘোর অকূলে পড়িল।
কন্দর্পের স্তুতি কর ভবানী কহিল ॥

॥ নাগর উক্ত কন্দর্পের স্তব ॥

৷ প্যার ॥

কন্দর্প হে কতগুণ কহিব তোমার।
কটাক্ষ করিয়া কর কামের সঞ্চার ॥
অনঙ্গে, হে অঙ্গহীন তথাপি অঙ্গব।

অঙ্গপূরে প্রবেশিয়া কর জর জর॥
 স্মর ওহে শর তব চিনিতে না পারি।
 কি করে হে ত্রিভুবন হলে জয়কারী॥
 দর্পক, দর্পিত জনার দর্প কর দূর।
 দয়াসিদ্ধ দয়া কর দীন কামাতুর॥
 মনসিজ, মনে জন্ম মন দক্ষ কর।
 মনেরে কটাক্ষ করি মনেতে বিহর॥
 পঞ্চশর পঞ্চাননে করেছে অস্থির।
 গুনেছি চঞ্চল চিত্ত হয়েছে বিধির॥
 পুষ্পধন্ব পুষ্পধনু লইয়া বেড়াও।
 পঞ্চপুষ্প বাণ তাতে কিরাপে চড়াও॥
 করহীন, কেমনে হে দিতেছ টঙ্কার।
 সর্বজীবে শরক্ষেপ একি চমৎকার॥
 কামদেব, কামকেলি কর নিরন্তর।
 কেলিতে কম্পিত কেন কর কলেবর॥
 অন্যায় করিয়া যেবা করয়ে রমণ।
 মুলাধার তুমি তার তোমারি কারণ॥
 রতিপতি, রমণে মুদিত সব আছে।
 সদা ভয় মনে হয় জাতি যায় পাছে॥
 কুসুমেশু, কুসুমিতা কামিনী লইয়া।
 যুগাসনে যুবতীরে দেহ মিলাইয়া॥
 আত্মভূ, হে আত্মমতে কর অধিকার।
 ঋণিতে তোমার মত সামর্থ্য কাহার॥
 প্রদ্যুম্ন, প্রমদা সহ প্রমোদ জন্মাও।
 উভয়েরি মনোমত মদনে জাগাও॥
 মদন, হে মন্তকরি যুবক যুবতী।
 জ্ঞানহত হয়ে করে বিপরীত রতি॥
 তুমি হে মকরধ্বজ দেহি কামরসে।
 ভঙ্গ নাহি হয় যেন অসম সাহসে॥
 মনমথ, মনোরথ মনে পাছে রয়।
 স্থির মতি নহে মম সদা এই ভয়॥
 মীনকেতু মিথ্যা তব করি আকিঞ্চন।
 স্থির মতি বিনা কভু নাইয় সাধন॥

সার, ও হে মন সদা করিছ মর্দন!
 আমারে যেমন কর অন্যো কি এমন।।
 সম্বরারি, সম্বরণ কর ধনুর্বাণ।
 আতঙ্ক হয়েছে বড় কাঁপাতেছে প্রাণ।।
 কাম, হে কাতরে কহি কমল চরণে।
 কান্ত কান্তা বিয়োগের দক্ষ কর মনে।।
 বিরল অনল একে হয়েছে প্রবল।
 শরঘৃত হবনেতে কর না উজ্জ্বল।।
 সম্প্রতি আমারে কর কিঞ্চিৎ করুণা।
 মতি, মোরে আনে দিয়ে পুরাও বাসনা।।
 ভবানী কহিছে মতি কামানের তরে।
 বিকালে কামিনী কাছে যায় বেশ করে।।

॥ মতি নাপিতিনী বেশ করিয়া যায়
 নাগরের সহিত পথে সাক্ষাৎ।।
 ॥ লঘু ত্রিপদী।।

দিবা অবসানে, চলিল কামানে,
 করিয়া মতি সুবেশ।
 সে বেশ বর্ণন, শুন বিচক্ষণ,
 কি শোভে চাঁচর কেশ।।
 নাসার উপরে, চারু রেখাপরে,
 ঘষিয়া তিলক মাটি।
 মুখচন্দ্র ভাঁতি, চারুদন্ত পাতি,
 তাহে মিসি পরিপাটি।।
 সহজ সুন্দর, দুটি ওষ্ঠাধর,
 তাহে তাম্বুলের শোভা।
 সেরূপ মাধুরী, যেন কামপুরি,
 কামিজন মনোলোভা।।
 কৃষ্ণ কলেবর, তপতমোহর,
 তাহে হেমদানা আর।
 রস অভিলাষী, মুখে মৃদুহাসি,
 কি দিব উপমা তার।।
 মলমল পরি, কটিতে তেনরি,

বাহির করিয়া দিয়ে।
 ফিরে ফিরে দেখে, চমকে চমকে,
 কে নাহি ভুলে দেখিয়ে।।
 চূপড়িটি কাঁকে, বসনেতে ঢাকে,
 প্রকাশিছে নিজ রূপ।
 পথেতে চলিছে, কটাক্ষে ছলিছে,
 উথলিয়া রস কূপ।।
 এরূপে দেখিল, নায়ক ভাবিল,
 বুঝি মতি এই হবে।
 ইহাই অন্তরে, ভাবি সমাদরে,
 তাহাকে ডাকিল তবে।।
 ভবানীচরণ, কহিছে তখন,
 কামদেব কৃপা করি।
 রূপনদী তার, ইহবারে পার,
 নাগরে দিলেন তরি।।

।। নাপিতিনীর সহিত নাগরের কথোপকথন।।

।। পয়ার।।

মতিকে সকল কথা নায়ক কহিল।
 ঈষদ হাসিয়া মতি কহিতে লাগিল।।
 মালিনীকে বলেছিলে একি তার কর্ম।
 মতি বিনা কেবা জানে যুবতীর মর্ম।।
 উপায় করিয়া দিব যাতে তারে পাও।
 তারে তো আনিতে পারি আর কারে চাও।
 দেখিতেছ ছোটখাট বয়ো বহু নয়।
 কিন্তু সে জনার হতে অসাধ্য কি হয়।।
 যারে দেখে তুমি এত হয়েছ পাগল।
 তারে বড় বড় আছে রূপসী সকল।।
 অমুখ রায়ের মাণ্ড পরম সুন্দরী।
 দেখেছ পালের বহু যেন বিদ্যাধরী।।
 আর এক জনা আছে দাসের ভগিনী।
 কড়ে রাঁড়ী তবু ছুঁড়ি স্থির সৌদামিনী।।
 সুবোধ দম্ভের বৌ বিখ্যাত রূপসী।

অমুক সাহার কন্যা নাম যার শশী।।
এসব যুবতী মধ্যে যারে মন চায়।
এখনি আনিতে পারি তোমার বাসায়।।
ভাল মনে পড়িয়াছে মোর প্রতিবাসী।
অমুক ঠাকুর নারী এরা তার দাসী।।
ইহাতেই বুঝে দেখ শক্তি কার বড়।
ঘটাইতে পারি আমি তাবড় তাবড়।।
শুনিয়া নাগর কয় শুন শুন মতি।
সকলে সুন্দরী বটে হবে রসবতী।।
তার মধ্যে कहিলে যে ঠাকুরের নারী।
এ বড় রহস্য কথা শুনিতে না পারি।।
ব্রাহ্মণ বর্ণের গুরু শুনহ নিশ্চয়।
ব্রাহ্মণীরা মাতৃসম সর্ব শাস্ত্রে কয়।।
ব্রাহ্মণী গমনে পাপ কত কেবা জানে।
মননেতে মহাপাপ পুরাণে বাখানে।।
ব্রাহ্মণের সেবা করা শূদ্রের স্বধর্ম।
তাহে তীর্থ যাগ যজ্ঞ সিদ্ধ সব কর্ম।।
সেবক হইয়া সেবে সে পদ পঙ্কজ।
সেই শূদ্রে নাহি করে সে হয় অন্ত্যজ।।
ব্রাহ্মণের মর্যাদা জানেন নারায়ণ।
ভৃগুপদ চিহ্ন তিনি করেন ধারণ।।
অবিদ্যা সবিদ্যা যত ব্রাহ্মণ সমান।
সকলি বিষ্ণুর দেহ কন ভগবান।।
যদ্যপিও দ্বিজনারী দ্বিচারিণী হয়।
শূদ্রাদির মাতৃতুল্যা গমনীয়া নয়।।
ব্রাহ্মণীর মন্দ কথা এনোনাক মুখে।
ইহ পরকাল ক্রেশে যাবে রবে দুখে।।
অন্য অন্য যে সকল করে নাহি চাই।
করহ উপায় মতি তারে যাতে পাই।।
ভবানীচরণ কহে নায়ক ধীমান্।।
রসিকের চুড়ামণি অতি সাবধান।।

॥ নাগরের প্রতি নাপিতিনীর যুক্তি প্রদান ॥
 ॥ দীর্ঘ ত্রিপদী ॥

শুনিয়া কহিছে মতি, উপদেশ তার প্রতি,
 ওহে রসরাজ কেন ত্রাশ।
 ধিক সে রসিক ছার, মরণে বিচার যার,
 সে কেন হে প্রেমে করে আশ।।
 রসিক রসের তরে, সকলে সে মজা করে,
 বাছিবেক সে বাছা যাহার।
 বিচারিয়া কোন জন, রমণেতে করে মন,
 শুনে ভ্রম যাইবে তোমার।।
 শুনহ আমার যুক্তি, রমণী রমণে মুক্তি
 কেন ইতে করহ বিচার।
 গুরুপত্নী অহল্যায়, ইন্দ্র উপগত তায়,
 রাবণ হরিল সীতা আর।।
 বালি ভার্য্যা তারাসতী, তাকে হরে কপিপতি,
 নিজ সূতা হরে ব্রহ্মা শূনি।
 ধীরবর পরাশরে, ধীবরের সূতা হরে,
 যাতে জন্মে বেদব্যাস মুনি।।
 এইরূপে দেবগণে, সন্তোষে যুবতী জনে,
 পাপ কেনে হইবে রমণে।
 ভুবন মথনে মন্ত, মনুষ্যের শুন তত্ত্ব,
 কহিলে বুঝিবে মনে মনে।।
 কেহ হরে পিসি মাসি, জানিল তা প্রতিবাসী,
 মামি হরে বিশ্বোধন আশ।
 ভাদ্রবধু হরে কেহ, কহি যদি মন দেহ,
 আছে বড় বাজারে প্রকাশ।।
 খুড়ি না শাশুড়ি বাছে, শূনি অনেকের কাছে,
 আর বহু বাজারে শূনিবে।
 ইহা হতে আর আছে, তোমার বাসার কাছে,
 কহিলে তা এখুনি বুঝিবে।।
 জান দেব দত্ত সূত, তার গুণ অদ্ভুত,
 ভার্য্যা যার অতি রূপবতী।
 সে হইল পুত্রবতী, ফিরিল কর্তার মতি,

ব্রাহ্মণীর হৈল উপপতি।।
 শুনি তার সতী নারী, বুঝে পতি পাপকারি,
 রোগচ্ছলে পরাণ ত্যাগিল।
 পুনঃ করিল সংসার, অনুপম রূপ তার,
 দ্বিজ পত্নী তবু না ছাড়িল।।
 বহুকাল করি ভোগ, ভোগেতে হইল রোগ,
 কাশী গেল গৃহে রাখি নারী।।
 সুসন্তান ছিল ঘরে, হরি নিল বিমাতারে,
 ব্রাহ্মণী হরণ গেল হারি।।
 অতএব মহাশয়, কেন ইথে কর ভয়,
 রসিক কি করে ভেদ নারী।
 ভবানী কহিছে কত, সাক্ষী তুমি চাও যত,
 আরো কত দেখাইতে পারি।।

॥ মতির যুক্তির পর নাগরের উত্তর প্রত্যুত্তর ॥

॥ পয়ার ॥

নায়ক শুনিয়া সব কহে রাম রাম।
 অগম্যা গমন করে বিধি যারে বাম।।
 এসব কথায় আর নাহি প্রয়োজন।
 যে কথা কয়েছি তার কর আয়োজন।।
 তোমার শুনিয়া কথা হই প্রত্যয়।
 প্রবৃ্ত্তি জন্মিয়া রাজি করহ নিশ্চয়।।
 কথা শুনে কি করিব কায়েতে জানিব।
 কায়ে কায়ে দেখা যাবে সকলি বুঝিব।।
 শুনিয়া কহিতে সবি সে যে বড় ঘর।
 সেখানেতে সরাসর যাওয়াই দুষ্কর।।
 না ডাকিলে তার ঘরে কে যাইতে পারে।
 আমি যেতে পারি সেতা কামানের বারে।।
 এক জোড়া মতি মোরে পার যদি দিতে।
 তবে সেই ছুতা করে যাইব বেচিতে।।
 তখনি আনিয়া তার হাতে মতি দিল।
 পায়্যা মন মত মতি নাগরে কহিল।।
 শীঘ্র আমি যাব সেথা রহিল কামান।

বিলম্বে নাহিক ফল দিবা অরসান।।
 বিদায় হইনু ত্বরা যাইতে হইবে।
 কালি আসি কব সব গুনিতে পাইবে।।
 মতি ভ্রমে মতি দিল নাগর সুমতি।
 ভবানী কহিছে কিবা করে দেখ মতি।।

।। নাগর সমীপে মতি পুন আসিয়া নান্নিকার সম্বাদ কহিতেছে।।

।। একবলি।।

পর দিন আসি কহিছে মতি।
 গিয়াছিনু সেথা লইয়া মতি।।
 দিদি দিদি বলে ডাকিনু গিয়ে।
 তখনি আইল স্বর শুনিয়ে।।
 কি খাসা বসন ভূষণ পরি।
 বসিল কপাট আড়াল করি।।
 অনেকে বাহিরে দাঁড়ায়্যা আছে।
 এই ভয় কেহ নীরঞ্জে পাছে।।
 সুন্দরী চম্পক বরগী বালা।
 রূপে তার ঘর করে উজ্জ্বলা।।
 সুমেরুর বড় বড়াইঃ ছিল।
 পীন স্তন দেখি খাট হইল।।
 বদন বিমল আভা দেখিয়ে।
 বিধু কলা ক্ষয় হয় ভাবিয়ে।।
 নয়ন দেখিলে খঞ্জন তায়।
 আপন নাচন ভুলিয়া যায়।।
 ক্ষীণ মাজা অতি নিতম্ব পীন।
 উপমা কি দিব সকলি ক্ষীণ।।
 কুটিল কুণ্ডল মস্তক ভরি।
 লাজ পেয়ে বনে যায় চামরী।।
 নাসার তিলক করিয়ে জ্ঞান।
 তিল ফুলে হয় কামের বাণ।।
 করি কর বিধি কাটিয়া নিল।
 হস্ত পদ গতে গঠিয়া উঠিল।।
 আর কি তেমন হবে রূপসী।

আহা মরি যেন কনক শশী।।
বাহির করিল বদন খানি।
ইঙ্গিতে কহিনু সঙ্কেত বাণী।।
শুনি ধনী কহে কেমন জন।
রূপগুণ তব কহি তখন।।
জিনিয়ে হরিতাল বদন মানি।
নবীন পুরুষ মধুর বাণী।।
মদন মোহন রসের কূপ।
রসময় তনু রসিক ভূপ।।
হেন মনে হয় নদের চাঁদ।
কামিনী ধরিতে পেতেছে ফাঁদ।।
আঁখি মুখ হস্ত পদ দেখিয়া।
নলিনী জলেতে রহিল গিয়া।।
ভাগ্যবস্ত শাস্ত বড়ই ধীর।
তব প্রেম আশে যেন ফকীর।।
কুলে শীলে শুনি বড় মানিতে।
দ্বিতীয় না দেখি ধন দানেতে।।
তাহাতে সম্মত, হলো যুবতী।
সঙ্কেত করিয়া লইলু মতি।।
তবে কহি দেখা হইবে কবে।
কহিল সুযোগ পাইব যবে।।
ইয়ে ইয়ে কহিবে তাঁরে।
সব কব এসো কামান বারে।।
এই স্থির করে সে দিনে কবে।
ইথে বুঝি কিছু গোণ হবে।।
নিত্য নিত্য যাওয়া নাহিক মোর।।
যদি যাই যেন হইয়া চোর।।
তুমি হইয়াছ কাতরা অতি।
সদা কহ শীঘ্র এনে দে মতি।।
ইথে তাড়াতাড়ি কেমনে হয়।
মোর মনে এই রয়েছে ভয়।।
ভয় পেয়ে স্থির করেছি মনে।
মন দিয়ে শুন হবে যেমনে।।

দুবেলা যে জন যাইতে পায়।
 পায় সে তাহায় কহিতে তায়॥
 অতএব সেই উপায় কর।
 দুঃখ দেয় সেতা উড়েনী সার॥
 তারে ডেকে বল নাহিক লাজ।
 তবে হতে পারে ত্বরায় কাজ॥
 আমি যাই তারে ডাকিয়া দিব।
 পরে মোর সব বুঝিয়া নিব॥
 ভবানীচরণ ভাবিয়া কয়।
 তারিণীরে ডাকা উচিত হয়॥

॥ নাপিতিনীর কথায় নাগরের খেদ॥

॥ পয়ার॥

শুনিয়া মতির কথা ভাবিত নাগর।
 মনেতে হয়েছে খেদ হইয়া কাতর॥
 মতি মাগি নষ্ট লোক ইতি মন্দ অতি।
 ছলনা করিয়া বুঝি হরিলেক মতি॥
 আপনি পারগ তায় অন্যরে ডাকায়।
 কিসেতে প্রতীত হবে এমন কথায়॥
 এমন কার্য্যেতে প্রাণ জুড়ায় যে জন।
 ফলে তার কাছে ফাঁকি এই সে রটন॥
 মতি গেলে তাহে বড় নাহি হয় ক্রেশ।
 কি জানি কেমন কর্ম্ম কে করিবে শেষ॥
 কেমনে কুস্কণে হয় হেরিয়াছি তায়।
 বুঝি বিধি বিদেশেতে বিপাকে মজায়॥
 নয়নে লেগেছে রূপ কেমনে পাসরি।
 একে পায় আর হয় এই ভয় করি॥
 কাতর হয়েছি আমি রূপ ভাবে যার।
 সে যদি জানিত মোর এই সমাচার॥
 অবশ্য তাহার লোক আসিত হেতায়।
 নাপিতিনী বলে নাহি ইহাই বুঝায়॥
 রাখিতে না পারি প্রাণ হৃদয় মাঝারে।
 যায় যায় যায় প্রাণ না হেরে তাহারে॥

আছে মাত্র উড়েণীর আসার আশয়।
 চিনি তারে নাহি জানি কোন্ স্থানে রয়।।
 কোন মতে নায়ক না দেখিয়া উপায়।
 অস্থির হইয়া গৃহে পরে ছাতে যায়।।
 কাতর হইয়া সদা সেই দিকে চায়।
 সেজন বারেক উঠে এই অভিপ্রায়।।
 ছাতে পুনর্ব্বার আর তারে না দেখিয়া।
 বারান্দায় বৈসে আসি মলিন হইয়া।।
 মতি গিয়ে উড়েণীরে সকল কহিল।
 শুনি সর বেশ করি ত্বরায় আইল।।
 ভবানীচরণ কহে উড়েণী মিলিল।
 তৃতীয় দূতীর কথা রচিতে হইল।।

।। সর উড়েণীর নাগর নিকটে আগমন।।

।। দীর্ঘ ত্রিপদী।।

গুনহ্ সরোর রূপ, কহিব স্বরূপ রূপ,
 অপরূপ কে বর্ণিতে পারে।
 গব্ব নহে দীর্ঘাকার, নিতম্ব বড় দেহ তার,
 বর্ণে অমাবস্যা নিশি হারে।।
 তরিত্রা দিয়েছে গায়, কিবা শোভা হয় হয়,
 কজ্জালে করেছে চক্ষু বড়।
 লালপেড়ে কটকিয়ে, সাড়ি পরা কাছা দিয়ে,
 কয়েছে কৌপীনে কটি দুট।।
 দেশী খাড়ু তুচ্ছ করে, রৌপ্য গড়গড়ে পরে,
 দু হাতে তাবিজ বাজু বন্ধ।
 শ্রেষ্ঠিত সিন্দূর ভালে, সর্ষদাই পানগালে,
 দুহু ভাণ্ড কাঁখে কথা দ্বন্দ্ব।।
 দুগ্ধ নিয়ে পাড় পাড়া, চলে দিয়ে হাত লাড়া,
 হস্তিনী আকার সুগন্তনী।
 হিন্দি অর্দি কেতে পারে, দুগ্ধ নাহি বেচে ধারে,
 চক্ষু ঠারে দেখায় গন্তানী।
 এইরূপে যায় সর, সবে বলে সর সর,
 না সরিলে ওনায় সুব্বর।

নাগর মনেতে জানি, সর এই অনুমানি,
 ভাবে বুঝি দুঃখ অবসর।।
 অতি সমাদরে ধীরে, ডাকিলেন উড়েণীরে,
 এস সর দুগ্ধ দিতে হবে।
 সর তো তাহাই চায়, কুটার ভিতরে যায়,
 মনে বুঝিয়াছে যাহা কবে।।
 তথাচ তাহার সনে, রসকিছু করি মনে,
 প্রকাশি আপন বাচালতা।
 ভবানী যে রস কয়, উড়েণী রসিকা হয়,
 উড়ে ভাষে করে রসিকতা।।

।। সরোর উড়ে ভাষায় নাগরের সহিত রসিকতা।।

।। ললিত ছন্দ।।

সত্য কৌচি মু তোতে দুধ দিমি নেই।
 আলো মো দুধ খাই কৌড়ি পারিবু দেই।।
 মো সেরেক দুধ দেই পাঁচ টাকা নিমি।
 তু আউ কৌচি সালো মু তোতে না দিমি।।
 নটখট করচু কাই মতে ছাড়ি দে বাট।
 উচ্ছার হইচি মু জিব পথর ঘাট।।
 আলোথরে মু অছি নন্দ শাশ শশর।
 দুধ বিকি করি মু কাই যাউচি ঘর।।
 মতে কড় ঘর নিজিবি দুধ দিমি চল।
 আউকি কোয়াড় কু পাঠাব বল।।
 তু মতে মিছি মিছি ডাকুচি ভাই।
 মতে কেতে দব তো টাকা দেখি কাই।।
 ভবানীচরণ কয় সর জাতি কোড়।
 অন্য কিছু নাহি জানে কেবল কোড় কোড়।।

।। নাগরের সহিত উড়েণীর কথোপকথন।।

।। একবলি ছন্দ।।

শুনে উড়ে কথা না বুঝে নাগর।
 ভাবে টাকা চায় নাহিক ডর।।

কেন সর তুমি ভাব এমন।
 ঠিক মূল্য দিব দেখ তখন।।
 পাঁচ সাত টাকা যোগ্য কিতা কব।
 শতাবধি টাকা ছাড়া কথা না কব।
 তোমারে কি জন্যে ভাব ডেকে আনা।
 কবে না কি কারে করি হে মানা।।
 একদিন আমি উঠি ছাতে।
 ওমুকের বহু দেখিছে তাতে।
 পরম সুন্দরী ওই রূপের ফাঁদে।
 মন পড়িয়াছে পরাণ কাঁদে।।
 তারে ফাঁদ তুমি ঘটাতে পার।
 তবে দুঃখ হতে হইব পার।।
 নাগর কহিল আর কি কব।
 শুনে সর কহে বুঝি সব।।
 শুনাই ওহে রসিক রাজ।
 আমা হতে হবে তোমার কাজ।।
 আছে কি মোর তথায় ভ্রম।
 বাধা সাধা করা কতেক শ্রম।।
 হবে হবে তুমি সুস্থির হও।
 দিব দিব এনে দুদিন রও।।
 কলে বলে কিবা আটক রয়।
 আনিব তাহারে কাহারে ভয়।।
 পাবে পাবে তুমি তাহারে হেতা।
 যাব যাব আমি এখনি সেতা।।
 যাহা যাহা ধনি বলিবে মোরে।
 কব কব কালি আসিয়া ভোরে।।
 বলহ দেখি কি দিবে তবে।
 হাতে হাতে সেই হাসিয়া লবে।।
 নিতি নিতি যাই তাহার বাড়ি।
 ছলে বলে এনো ঢাকাই সাড়ি।।
 হেসে হেসে বলে রসের কথা।
 একা থাকে কেহ নাহিক তথা।।
 নিশানা করে রসিক পোলে।

রসে বশে আঁখি থাকিব মেলে।।
 কোন কোন দিন ছাতের পরে।
 বঁধু মধু আসে ভ্রমণ করে।।
 হয় হয় যদি তোমারে পায়।
 বুদ্ধি শুদ্ধি ভুলে মজিয়া যায়।।
 এমনি এমনি পুরুষ চায়।
 বটে বটে বলে ভবানী তায়।।

।। নাগরের প্রতি সরোর আশ্বাস প্রদান।।

।। লঘু ত্রিপদী।।

সরোর কথায়, ঋষি মজে যাব,
 কামুক আছে কোথায়।
 নাগরের মন, করিল হরণ,
 দিলেক আশ্বাস তায়।।
 নায়ক ভাবিল, মঙ্গল হইল,
 সর পারে মন নেয়।
 শুনি ততক্ষণে, বস্ত্রের কারণে,
 চারিটি মোহর দেয়।।
 কহিলেন শুন, সর তব গুণ
 তুষ্ট হও যারে, তুষ্ট কর এত
 সেজন থাকয়ে সুখে।।
 অতএব বলি, যাও শীঘ্র গতি,
 বস্ত্র কিনে দিবে তারে।
 স্বর্ণমুদ্রা নিয়ে, গেল আশ্বাসিত,
 মিষ্ট বাক্যে যত পারে।।
 নাগর বাসাতে, রহিল আশাতে,
 সর যায় তার বাড়ি।
 চলে শীঘ্র গতি, যথায় যুগতী,
 দূরে গেল কেনা সাড়ি।।
 প্রবেশি অন্তরে, কহে মৃদু স্বরে,
 তুমি রূপসীর সার।
 শুন কিবা কব, হেরে রূপ তব,
 পুরুষের বাঁচা ভার।।

বাবু একজন, বড়ই সুজন,
 পড়িয়াছে তব পিছে।।
 শুনি শিহরিল, সরকে কহিল,
 কেন বল মোরে মিছে।।
 হয়ে পরাধীন, আছি চিরদিন,
 তুমি তো সকলি জান।।
 কোন সুখ নাই, মর্যো আছি ভাই,
 বাঁচি যদি যায় প্রাণ।।
 শুন সর বলি, হবে ঢলাঢলি,
 যদি শুনে ঘুন যান।
 কর্তা বাটী আছে, ঘরে এসে পাছে,
 তবে হবে অপমান।।
 লজ্জা পাছে পাও, আজি চলি যাও,
 কহিব শুনিব পরে।
 সর তা শুনিয়ে, ভবিতা হইয়ে,
 দ্রুত গেল নিজ ঘরে।।
 ধনাপহরণে, নায়ক ভবনে,
 আসি পর দিনে কয়।
 ভবানীচরণ, করিল রচন,
 সর মতি মত নয়।।

।। সর নায়িকার সম্বাদ নায়ক নিকটে কহিতেছে।।

।। পয়ার।।

সর আসি বলে বাবু কি কর বসিয়ে।
 ভাল ফেরে ফেলিয়াছ সে কথা কহিয়ে।।
 না জানি কেমন মিষ্ট সুখ পেয়েছিলে।
 মধু মাখা কথা কয়ে মোরে কিনে নিলে।।
 তব লাগি ভেবে ভেবে হইন্ অঙ্গার।
 রেতে চক্ষু বুজি নাই দোহাই গঙ্গার।।
 কালিকার পরিশ্রম শুন তবে কই।
 টাকা নিয়া ঘরে যাই হেন মেয়ে নই।।
 তখনি বাজারে গেনু কাপড় কিনিতে।
 তার মনে ধরে সাড়ি না পাই দেখিতে।।

দোকানে দোকানে ভাই ঘুরে ঘুরে মরি।
 ভাল সাড়ি না পাইয়া ভাবি কিবা করি।।
 তার পরে দেখি এক চেনা লোক যায়।
 যেমন কাপড় চাহি কহিনু তাহায়।।
 সে আমারে সঙ্গে করে নিয়ে নিজ ঘরে।
 এক জোড়া সাড়ি দিল বড় সস্তা দরে।।
 বাজারে তেমন সাড়ি কার সাধা পায়।
 তার জোড়া এক পোন টাকায় বিকায়।।
 আমি তারে চক্ষু ঠেরে কত ভোগা দিয়ে।
 ষোল গুণা টাকা দিয়ে পরে এনু নিয়ে।।
 সেথা হতে দুগ্ধ নিয়ে গেনু তার বাড়ি।
 দিদি বলে ডেকে দেখাইনু সাড়ি।।
 তার পর সব কথা ভেসে কৈনু তারে।
 শুনে বলে সর্বনাশ কি হবে আমারে।।
 ওলো সব জেনে শুনে কেমনে বলিস।
 নষ্ট দুষ্ট মত মোরে কখন দেখিস।।
 তুই মোর বাড়ি ছুঁড়ি দুবেলা আসিস।
 কড়ু কিছু শুনেছিস বলিতে পারিস।।
 এই কথা শুনে মোর মনে হৈল ভয়।
 এলোমেলো কথা কয় রাজি বা না হয়।।
 পরে পায় ধরে বলি মোর কথা লও।
 আমার খাতিরে ভাই তারে রাজি হও।।
 অনেক কথার পর শেষ হল রাজি।
 মন তার বুঝিয়াছি নহে কারসাজি।।
 কিন্তু এক কথা ভাই বলেছে তখন।
 বলো তারে দেখা হবে যো পাব যখন।।
 মোর সেথা বহুকাল থাকা নাহি হয়।
 কেমনে বুঝিব তবে সুযোগ সময়।।
 সম্মতি তাহার আমি করিয়া এসেছি।
 সুযোগ সময় জন্য উপায় ভেবেছি।।
 কিশোরী নেড়ীর নাম শুনিয়া থাকিবে।
 তাহা হইতে তুমি তার সময় বুঝিবে।।
 তাহারে তোমার কাছে পাঠাইয়া দিব।

আজিকে বিদায় হই পরেতে আসিব।।
এ কথা कहিয়া সর করিল প্রয়াণ।
শুনি নাগরের যেন উড়ে গেল প্রাণ।।
কিন্তু সর গিয়ে সব নেড়ীকে कहিল।
নেড়ী শুনি শীঘ্র করি বাসায় চলিল।।
ভবানীচরণ কহে নাগরে মজ্জায়।
ধরা পাখি হাতে দিয়ে উড়ে নী উড়ায়।।

॥ কিশোরী নেড়ীর সহিত নাগরের সাক্ষাৎ ॥

তসরের ঠেঁটী পরা,	নাশায় তিলক করা,
পানগুয়া গাল ভরা,	গোলাবি রঙ্গের গামছা কাঁধে,
নেড়ী বলা অতি ভুল,	ঘষা মাথা ফাঁপা চুল,
লাজ পায় অলি কুল,	পড়িয়া কুণ্ডল রূপ ফাঁদে।।
তুলসী মালার হরি,	তেনর পরেছে তার,
গলে শোভা চমৎকার,	আর সোনা দানা মনোহর।
মোটা গোট কটি মেলে,	চাবিশিক্রি তাহে ঝুলে,
ভাবে যেন পড়ে ঢুলে,	-গৌরঙ্গে অনঙ্গ নিরন্তর।।
বয়স বিহিত কুচ,	কাপড়েতে করি উচ,
তথাপি স্বর্ণের কুচ,	লাগে ভাব থাকিলে অন্তর।
আড়ে আড়ে পিছে চায়,	ভাবে আছে কে কোথায়,
দেখে যারে ঠেরে যায়,	বিধুমুখে হাসি স্বতন্তর।।
কথায় কথায় ভঙ্গি,	অনঙ্গেরে করে সঙ্গি,
এক নেত্রে কত রঙ্গি,	দশনে মদন ভঙ্গি মিশি।
ক্ষণেকে মুদিত আস্য,	ক্ষণে হয় সুপ্রকাশ্য,
ক্ষণে ক্ষণে পরিহাস্য,	পুরুষে মজ্জায় দিবানিশি।।
এ ভাবে কিশোরী যায়,	নাগর দেখিতে পায়,
সে ভাব বর্ণন দায়,	ভাবক যে মনে সেত বুঝিবে।
ভবানীচরণ কয়,	শুন বাবু রসময়,
আর না করিও ভয়,	নেড়ী হতে সন্ধান পাইবে।।

॥ কিশোরী নেড়ীর প্রতি নাগরের উক্তি ॥

॥ লঘু চৌপদী ॥

নাযক বিস্তর করে,
প্রকাশিছে মৃদুস্বরে,
অমুক কামিনী হেরে,
মিলনে মনন করে,
মনোদুঃখে দিন যায়,
প্রাণ তারে সদা চায়,
মালিনী ও মতি সর,
তাহাতে কাঁপে অন্তর,
মতি করেছিল তায়,
বলেছিল সে কথায়,
এসো কামানের বারে,
ইথে যদি হতে পারে,
কিন্তু কামানের বারে,
অতএব ঠেকে ভারে,
সর সদা সেই ঘরে,
তাহারে বলিল পরে,
পরে সর নিয়ে ভার,
নাম করে সে তোমার,
ইইয়াছি অস্থির,
তবে ইই সুস্থির,
শুনেছি তোমার যশ,
তুমি তারে করে বশ,
শ্রমের তরঙ্গ বল,
তাহে জ্বালি কামানল,
তোমা বিনা এই কস্ম,
রাখহ আপন ধর্ম,
ভবানীচরণ বলে,
কর বাবু কুতূহলে,

কিশোরীর করে ধরে,
মনো অভিলাষে।
পড়েছি বিষম ফেরে,
হয়েছি উদাস ॥
ইইনু দীনের প্রায়,
না দেখে উপায়।
ইইয়াছে অবসর,
বল কে ঘটায় ॥
তাহাতে পুরিয়া যায়,
আজি যাও মতি।
মনোবাঞ্ছা জানিবারে,
হয়েছে সম্মতি ॥
কে বল যাইতে পারে,
কহিল আমায়।
গমনাগমন করে,
ইইবে উপায় ॥
নাহিক পাইল পার,
বলিল বিশেষ।
তুমি যদি কর স্থির,
ঘুচে এই ক্রেশ ॥
জান ভাল প্রেমরস,
বুঝাইতে পার।
সে বড় আশ্চর্য্য কল,
যুবতীরে সার ॥
কে বুঝিতে পারে মস্ম,
করো না বঞ্চনা।
জুড়াবে যুবতী জলে,
কিশোরী সাধনা ॥

॥ নাগরের প্রতি কিশোরীর উক্তি ॥

॥ ত্রিপদী ॥

কিশোরী শুনিয়া বাণী, জুড়িয়া যুগল পানি,
কহে আমি অতি ক্ষুদ্র প্রাণী।
মোরে এত সমাদর, অকারণ গুণাকর,
কহি শুন আমি যাহা জানি ॥
বুঝিনু তোমার মন, লুটিবা পরের ধন,
সে বড় কঠিন ঠাই ভাই।
আঁকাবাঁকা ব্রজবাসী, দ্বারে আছে রাশি রাশি,
মুখ দেখে আমি ভয় পাই ॥
খোট্টা তারা বড় ঠেঁটা, বাপে নাহি মানে বেটা
প্রভু বাক্য করে ব্রহ্মজ্ঞান।
যদি মুখ তুলে চায়, ভয়ে প্রাণ উড়ে যায়,
কর সাধ্য অন্দরেতে যান ॥
চেয়ে যদি হেসে যাই, নাহি বুঝে বলে যাই,
মাতা হেট করিয়া পলাই।
চাকর বাকর যারা, ধনে বশ হবে তারা,
কিন্তু ঐ ঝাটারা বলাই ॥
সে বড় হে লোক খাসা, পিরীতের করে আশা,
প্রেম আশে কত কথা কয়।
তারে রাজি করা যায়, সেটা বড় নতুন দায়,
শাশুড়ী নন্দ নাহি ভয় ॥
অতএব মনে করি, এ কর্ম করিতে পারি,
কিন্তু বহু শ্রম ধন ব্যয়।
কেবল টাকার শ্রাদ্ধ, নৈলে হবে অপরাধ,
এই সত্য করহ, প্রভায় ॥
শুন হে নাগর রাজ, আমা চতে এই কাণ
নাহি হতে পারে বাবু শ্রম ॥
রাত্রি সেতা থাকি নাই, ইহাতেই ভাবি নাই,
যাতে হবে শুনহ বিশেষ ॥
গোপী দাসী কাছে থাকে, দিদি দিদি বলে ডাকে,
আর ভালবাসে অতিশয়।
তারে যদি বল তবে, এই কর্ম সিদ্ধ হবে।

গোপী বই করি সান্ন 'নয়।।
 সেও লোক ভাল বড়, তারে যদি ধরে পড়,
 অনায়াসে পুরাবে বাসনা।
 সে যবে বাসায় যাবে, সেসময় দেখা পাবে,
 বলো তারে নাহিক ভাবনা।।
 আকৃতি প্রকৃতি কয়ে, বাসস্থল জানাইয়ে,
 কিশোরী চলিল নিজ বাসে।
 নাগর করিছে খেদ, নেড়ী আশা হল ছেদ,
 না জানি ঘটিবে কত মাসে।।
 সকলেরি এক মন, হরণ করিবে ধন,
 ভোগ দিয়ে করে না উপায়।
 ভবানীচরণ কয়, হলো বাবু সুসময়,
 দেখ গোপী নিজ গৃহে যায়।।

।।গোপী দাসীর রূপ বর্ণন।।

।। দীর্ঘ ত্রিপদী।।

তথায় পাইয়া সাড়ি, গোপী পরে যায় বাড়ি,
 পরিধেয় ভাল বটে কিন্তু পুরাতন।
 পেড়ে নীল আছে ভাল, ঈষৎ হতেছে কাল,
 সে কাল সেজেছে ভাল, দাসীর কারণ।।
 বাম করে কাণ্ট লুটি, বগাল বেগুন দুটি,
 চেলের পুটলি এক আছে ডান হাতে।
 হেলে দুলে যায় চলে, কাহারে না কিছু বলে,
 রূপের গৌরব করে বুঝায় তাহাতে।।
 এক ছড়া দানা গলে, বিধবা বলার ছলে,
 চুড়ি পলা আদি কিছু নাহি ধরে করে।
 বয়স হয়েছে ভারি, যুবতীর ভাব ধারি,
 তাহার জোরেতে তুচ্ছ করে যুবা বরে।।
 একমাত্র পতি যার, সধবা বলিয়া তার,
 খ্যাতি করে দেখ এই জগৎ সংসারে।
 স্বজাতির পঞ্চ নরে, রতি দান যেবা করে,
 বেশ্যা বলি খ্যাতি তার শাস্ত্র অনুসারে।।
 ভবানীচরণ ভনে, শুন সবে স্থির মনে,

নিভা নব পতি বিনা যেবা নহে স্থির।
কে বলে বিধবা তারে, বেশ্যা কে বলিতে পারে,
গণিতে গোপীর পতি অস্থির মিহির।।

॥ নাগর নিকটে গোপীর আগমন ॥

॥ একাবলী ছন্দ ॥

রূপবতী গোপী চলিয়া যায়।
ঘরে বসি নাগর দেখে তায়।।
গোপীকে চিনিয়া ডাকিল তবে।
মোর কথা কিছু শুনিতে হবে।।
শুনি ক্ষেপা গোপী হইল অতি।
রোষে ভাষ কহে নাগর প্রতি।।
ও মাগো ইনি কে ভাল তো দায়।
চেনা নয় কথা কহিতে চায়।।
পথে চলে যেতে কতই পাপ।
না জানি কতই আছেন কাপ।।
লোক বুঝে কথা কহিতে হয়।
ভাল মানুষের ধারা তো নয়।।
জান না যে আমি কেমন মেয়ে
অষ্টম মঙ্গলা দিব কি গেয়ে।।
যার ঘরে আমি করি চাকরি।
তারে যদি এই সম্বাদ করি।।
থোতা মুখ ভোতা হয় এখনি।
শুনে চুপ করে নাগর মণি।।
গোপী মনে মনে হাসে অমনি।
কাঁচা নাগরের গতি এমনি।।
কিন্তু এটা জানা উচিত হয়।
না জানি আমারে কি কথা কয়।।
পুন ভাবে বুঝি আমারে চায়।
এই ভাবে তার বাটীতে যায়।।
মৃদু মৃদু হেসে জিজ্ঞাসে তায়।
হাতে কাঠে হাসি ঠেকিয়া যায়।।
গোপী আসি তার বসিল পাশে।

নাগর আপন সরস ভাবে।।
 শুন শুন গোপী আমার কথা।
 শুনিলে হৃদয়ে পাইবে ব্যথা।।
 আমি একদিন ছাতেরো পরে।
 উঠেছিঁনু বায়ু সেবন তরে।।
 কোন্ সুধামুখী হেন সময়।
 সৌধপরি ভ্রমে আপনালয়।।
 রূপ হেন যেন হীরক রাশি।
 সেইরূপ হৃদে পশিল আসি।।
 হীরে হেনরূপ হৃদয় ধরে।
 হীরা ধারে যেন বুক বিদরে।।
 যদি সেই নিশি পরশ হয়।
 তবে বাঁচে প্রাণ দেহেতে রয়।।
 তুমি সহচরী শুনেছি তার।
 যদি কর দুঃখ সাগর পার।।
 তরিবারে তরি নাই তোমা বৈ।
 মনে এই ভাবি তব সোমা কৈ।।
 ভবাণীচরণ কহিছে সার।
 গোপী হতে তুমি হইবে পার।।

।। নাগরের কথায় গোপীর উত্তর প্রত্যুত্তর।।

।।পয়ার।।

গোপী সেই কথা শুনে ছাড়িল নিঃশ্বাস।
 এসেছিঁনু ভাল বুঝে করিয়া বিশ্বাস।।
 কি কথা কইলে তুমি ইকি সর্বনাশ।
 এইরূপে করে কত ভঙ্গী হা হতাশ।।
 মাথার উপরে মাথা কে ধরিতে পারে।
 কিসের অভাব তার কে কহিবে তারে।।
 এমন কথার মধ্যে মোরা থাকি নাই।
 বুঝিনু মহৎ তুমি বৈশ ঘরে যাই।।
 গোপী গোসা করে যায় নাগর ফিরায়।
 সমাদরে হাতে ধরে নিকটে বসায়।।
 শুন গোপী যদি ইথে তুমি দেহ মন।

সাধ্য তব সিদ্ধি করা নহে দুঃখটন ॥
 তোমায় আমায় ভাল পরিচয় নাই।
 বিদেশী বিয়োগী দেখি কর দূর ছাই ॥
 মালিনী কিশোরী মতি গোয়ালিনী সর।
 দানে দেখিয়াছে জানে বিশেষ বিস্তর ॥
 তাহারা তৎপরা আমি ঐ কৰ্মে জেনে।
 বহুবিধ ধনে মানে তুষেছিঁনু এনে ॥
 কারু হতে কোন মতে কৰ্ম যদি হতো।
 আমা হতে নানা মতে দূরে রতো ॥
 ঘটায় ঘটক হয়ে তুমি যদি দেও।
 মতোমত ধন দিব আর কিনে নেও ॥
 যদ্যপি নবীনা তুমে ধারা প্রবীণার।
 বুদ্ধিমতী নাহি দেখি সমান তোমার ॥
 পথে মোরে স্পষ্ট করে ঘরেতে আসিয়ে।
 মিষ্টবাক্যে জিজ্ঞাসিলে বিরল হইয়ে ॥
 ভাবে বুঝি সন্মোহের মেয়ে তুমি হবে।
 রূপ ধারা সুচতুরা নীচ কেবা কবে ॥
 স্বামী হীনে শোকাকুলে মনো দুঃখ পেয়ে।
 চেটো হয়ে চাকরিতে আছ লজ্জা পেয়ে ॥
 মান্যা ছিলে ক্ষণ মনে সদা ছোপ ছোপ।
 মরমেতে মরে আছ ছাড় ফোপ কোপ ॥
 আমার আশার আশা পুরাইতে বিধি।
 সুন্দরীর সহচরী সেই করে বিধি ॥
 চঞ্চল আমার চিন্ত করে দেও স্থির।
 ধন মান দিয়ে অসম করিব সুস্থির ॥
 ইহাতে চন্দ্রিকাকর পুরিলেন সায়।
 আশা ফাঁস দিল দেখে গোপীর গলায় ॥

॥ নাগর নিকটে গোপীর পরিচয় ॥

॥পয়ার॥

শুনিয়া কহিল গোপী ওগো মহাশয়।
 কেমনে বুঝিলে তুমি মোর পরিচয় ॥
 সন্মোহের মেয়ে বল কি দেখিলে গুণ।

মরণ নাহিক মোর কপালে 'আগুন'।
 চিনেছো আমায় তুমি ভাঁড়ালে কি হবে।
 মোর মাথা খাও আর কারে নাহি কবে।।
 পরিচয় মোর তবে শুনহ বিশেষ।
 আমার বাপের বাড়ি আকনা মহেশ।
 পিতৃ নাম নরোত্তম কুলীন কায়স্থ
 জাণুলী শ্বশুর বাড়ি কুটুম্ব সমস্ত।।
 শ্বশুর স্বামীর নাম কেমনে ধরিব।
 আকার ইঙ্গিতে আমি সকলি কহিব।।
 দেখেছ যাহারে তুমি তার স্বামীনাম
 মোর শ্বশুরের নাম এই কহিলাম।।
 স্বামীর কি কথা কব বিধি মোর ধর্ম
 রাজার বেটার মত ছিল নাম ধর্ম
 পিসাসের বহিন পো বড় সরকার।
 নকুড় দস্তুর মামি ননদ আমার।।
 বিধু বস শুনিয়াছি খুড়া মোর যার
 মামাতো দেবর মোর দেওয়ান রাজার।।
 আর কত কব বাবু কৈতে বুক ফাটে।
 দেখে লোক চিনে ফেলে যাইনাকো ঘাটে।।
 তোমার কথায় আমি হইলাম ভুট্ট
 প্রথমে বলেছি শব্দ হইও নাকে! কুট্ট।।
 আমি এই কথা আজি কহিয়া দেখিব।
 রাজি যদি হয় তবে তোমারে কহিব।।
 বেলা হৈল যাই আমি আর কি করিব।
 দেখি যদি পারি তবে বিকালে আসিব।।
 নাগরের কাছে গোপী হইয়া বিদায়।
 দ্রুত গতি গেল পরে আপন বাসায়।।
 রক্ষন ভোজন গোপী করি শীঘ্রগতি।
 অন্য দিন হতে ত্বরা করিলেক গতি।।
 ভবানী কহিছে যাহা নায়ক কহিল।
 গোপী গিয়ে কামিনীয়ে কহিতে লাগিল।।

॥ গোপী দাসীর সহিত নান্নিকার কথোপকথন ॥

॥ একাবলি ছন্দ ॥

সদাই তোমায় করিলো মানা।
ছাদে গেলে কথা হইবে নানা॥
তব রূপখানি যে জন হেরে।
বাড়ি বেড়ে সেই ঘুরিয়া ফেরে॥
নলিনী কাননে ভ্রমর গতি।
তাহা ঘুচাইতে কাহার শক্তি॥
কত শত জন এমনি করে।
আনাচে কানাচে ঘুরিয়া মরে॥
যুবাজন গলে রূপের ফাঁস।
দেও যারে সে যে ভাবে আকাশ॥
সম্প্রতি এমনি ছাতেরো পরে।
উঠেছিলে বটে শুনলো পরে॥
তাতে একজন পড়েছে ফেরে।
দেখা দিয়ে তারে বিস্ফেছ শরে॥
তব সঙ্গে সঙ্গ হবার আশে।
কত জনে টাকা দিল অনাসে॥
শুন তবে তার বিশেষ কই।
প্রথমে তোমার মালিনী সুই॥
পরে সর মতি কিশোরী নারী।
ভোগা দিয়ে হাত মেরেছে ভারী॥
অবশেষে বুঝি বুঝিয়া শেষ।
আমারে ধরেছে জেনে বিশেষ॥
আমি যদি তাতে না দিনু সায়।
কাতর হইয়া ধরিল পায়॥
ধনে গুণে রূপে নাগর বটে।
সব আশা পুরে যদি সে ঘটে॥
পতো ফতো বঁধু দেখিয়া ভোল।
পিরিতের কথা সবাই তোল॥
কোন ঠেঁটা এনে পুড়িব পোড়া।
এরে এনে দিব মিলিবে জোড়া॥
এখন তোমার কথা পাইলে।

হবে কি না হবে যাই জানিলে॥
 ভবানী স্মরিয়া কহিছে পরে।
 রমণী বদনে হাসি না ধরে॥

॥ গোপীর প্রতি নাথিকার উক্তি ॥
 ॥ লঘু ত্রিপদী ॥

শুনে রসবতী, কহে গোপী প্রতি,
 নাগর দেখিব তব।
 যেমন কহিলে, এমন হইলে,
 এনে দিলে তার হব॥
 রসিক নাগর, গুণের সাগর,
 কামিনীর মনোলোভা।
 কিসেতে মজিবে, আমারে ভজিবে,
 কেমন পাইবে শোভা।
 তুমি যত বল, আমি বুঝি ছল,
 কহিতেছ ঠাট করে।
 যদি হেন পাও, নিজে মজে যাও,
 কেন দিবা প্রাণ ধরে।
 সান্ধি দেখ তার, কি কহিব আর,
 মালিনী কিশোরী মতি।
 সর উড়ে রাঁড়ি, করে বাড়াবাড়ি,
 ভুলাইল তার মতি।
 ইথে বুঝা যায়, যেবা যাহা পায়,
 কেবা তারে তাহা দেয়।
 জানি তব ঠাট, করিতেছ নাট,
 মোর মনে এই নেয়।
 বুঝি নু সকল, কেন মিছে বল,
 তুমি যত হিতকারী।
 সুনাগর শ্রিয়ে, আছ তারে নিয়ে,
 সকলি বুঝিতে পারি।
 ভবাণীচরণ, কহিতেছ তখন, ‘
 নীচগামী সে তো নয়।
 এ সব রমণী দাসী বা কুটুনি,
 সে জন তোমারি হয়॥

॥ নায়িকার সহিত গোপীর কথোপকথন ॥

॥ ললিত পয়ার ॥

শুনিয়া গজবে গোপী শুমোর করিয়ে।
 গুরু গঙ্গা গোঁসাঞের দোহাই বলিয়ে॥
 মোর মনে ছিল মিটার তব সাধ।
 হিতে বিপরীত দেখে বিধি সাথে বাদ॥
 আমার আমার করে মরি যার তরে।
 সে যে আপন করে না জানে অন্তরে॥
 হিয়ের মাঝেতে হিত করিবারে চাই।
 তবু তাতে ভিন্ন ভাব ভাল তো বলাই॥
 মনে মনে বুঝে বুঝে কিবা না করেছি।
 কোথায় কোথায় গিয়ে নাগর এনেছি॥
 মুঠ মুঠ টাকা তারা মোর ঘরে যুয়ে।
 অর্ধেক অধিক রাত্রি থাকিত যে শুয়ে॥
 কত কথা কইত তারা কিছু শুনি নাই।
 ধর্ম জ্ঞানে মর্ম কথা তোমার দোহাই॥
 সত্য এমন কিছু বুড়ি হই নাই।
 চাই যদি যুবা জনে মজাই॥
 সে সব ছেড়েছি শুন তোমার খাতিরে।
 ভাল না ভাবিয়ে ইথে মন্দ বল ফিরে॥
 বুঝিনু বুঝিনু তবে বড়র মর্ম।
 কি তব তোমার দোষ কালের এ ধর্ম॥
 ভোগা দিয়ে ভাল দেখে নাগর আনিয়ে।
 মুই তারে নিয়ে আছি তোমায় না দিয়ে॥
 এমন করিয়া থাকি হইবে প্রকাশ।
 যৌবন জুলিয়া যাবে হবে সর্বনাশ॥
 গোপীর বিরস মুখ দেখিয়া যুবতী।
 ভাবিল মনেতে দাসী ত্রৈলোক্য অতি॥
 বিনয় করিয়া তবে গোপীকে বুঝায়।
 ভাল গোপী গোসা তোর হলো কি কথায়॥
 বুঝায়্যা যুবতী কয় কেন কর রোষ।
 কৌতুকে কহিনু দোষ অন্তর সন্তোষ॥
 এ কথা বলে মাত্র করেছি তামাসা।

নাগর লইয়া তুমি আছ বড় খাসা।।
 প্রাণ ধরে আমরা কি দিবে সে নাগরে।
 মনোমত ধন কেবা দেয় অন্য পরে।।
 এত বুঝি বড় অসঙ্গত কথা নয়।
 নবীনা নাগর ছেড়ে কেবা কোথা রয়।।
 যদি বল নাগর আনেছি যার তরে।
 তাহারে না দিয়ে আমি রেখেছি ঘরে।।
 দাসী হয়ে রঙ্গরসে দিবা নিশি থাকি।
 ইহা হৈতে কটু কথা আর কিবা বাকি।।
 কিন্তু সেতো এখনো আমার হয় নাই।
 হলে হতো গালাগালি বলেছ যা তাই।।
 এক কথা বুঝিতে লো পারি বা না পারি।
 বলেছি তাকে তোর মন হলো ভারি।।
 বহিরঙ্গ হতে যদি তবে কি তা বলি।
 মনে করেছি যে গোপীর মন ছিলি।।
 তাতে মোর হয়ে গেল হিতে বিপরীত।
 একে হয় আর যারে বিধাতা বঞ্চিত।।
 ক্ষমা কর গোপী তোর ধরি দুটি হাতে।
 পরাণ কেমন করে তোমার গোসাতে।।
 মোর মাথে হাত দিয়ে সত্য করে কবে।
 তারে মোরে এনে দিয়ে বাঁচাইবে কবে।।
 ভবানীচরণ ভাবি যুবতীরে বলে।
 নাগর তোমার হবে রবে কুতূহলে।।

।। মিষ্টবাক্যে সুতুষ্ণ গোপীর যুবতী প্রতি যুক্তি প্রদান।।

।। পরায়।।

মধুর মিনতি বাক্যে গোপী হইল বশ।
 যুবতীর প্রতি যুক্তি কহিছে সরস।।
 শুন লো সুন্দরী তবে সুখে পুর সায়।
 কি কথা কহিব সেথা কহ লো আমায়।।
 বুঝে সুখে বল ভাই যাহা মনে ধরে।
 মিছা মজাইলি গোপী বলো নাকো পরে।।
 মতিবালা প্রভৃতি গহনা যত চাবে।।

অমনি তখনি সে তো শুনিলে পাঠাবে।।
 সাথে সাথে যদি নেও কিন্তু হবে দোষ।
 ঠিক ঠিক কথা কই করো নাক রোশ।।
 গহনা গাঁঠা বড় লেঠা ভাল না সে আশ।
 পরিলে দেখিলে সবে হইবে প্রকাশ।।
 টাকাটুকি নিলে থুলে কে জানিতে পারে।
 বিবেচনা করে কহ কহিব তাহারে।।
 বিলম্ব বিস্তর আর করা মত নয়।
 বলেছি বিকাল বেলা যাইব নিশ্চয়।।
 এলোমেলো কথাতে কেবল গেল বেলা।
 মিছা মিছি বকাবকি যেন ছেলে খেলা।।
 আসল কর্মের কথা কও কিছু মোরে।
 আমি মনে বুঝে তারে কব ঘোরে যারে।।
 কহিছে চন্দ্রিকাকার গোপী সব জান।
 মুখ দেখে মন কথা বুকে টেনে আন।।

।। গোপী প্রতি নাট্যকার অনুমতি ।।

।। লঘু ত্রিপিদী ।।

শুনি চন্দ্রাননে, সহাস্য বদনে,
 সখী সম্বোধনে-দাসীরে কয়।
 যাও গোপী তথা, বুঝে কবে কথা,
 যেন সেখানেতে কেহ না রয়।।
 বিরলে আনিয়ে, বলিবে বুঝিয়ে,
 বল দেখি তুমি কি দিতে পার।
 তার আশা পাবে, তবে তুমি চাবে,
 তিন গুণ যত হবে তাহার।।
 যদি রাজী হয়, কবে মহাশয়,
 পাক্ষীতে করে আমি আনিব।
 ইসারা করিবে, আমারে কি দিবে,
 শুনে যাই আজি আনিয়া দিব।
 যেন লাজে ঠকে, এস নাক যাকে,
 লম্পট পুরুষ ভুলাতে পারে।
 ভবানীচরণ, কহিছে তখন,
 গোপী শুনে যায় কহিতে তারে।।

॥ গোপী নাগর নিকটে গমন করিয়া নান্নিকার সখাদ কহিতেছে ॥

॥ অন্ত্যযমক পয়ার ॥

গোপনে গমন করে গোপী তাড়াতাড়ি।
 গস্তানী গমনকালে করে বাড়াবাড়ি।।
 নাগরের বাহরের ঘরে ধীরে ধীরে।
 গোপী গিয়ে প্রবেশিয়ে দেখে ফিরে ফিরে।।
 একাকী নাগর আছে নাহি গোলমাল।
 কহিতে লাগিল তবে কবে তিলে তাল।।
 সেই কথা কয়ে সেথা খাই গালাগালি।
 সে তো দিল আর দাসদাসী শালাশালী।।
 তুমি বড় লোক বলে করি জাঁকজাঁক।
 নাহি শুনে এরে পরে করে ডাক ভোক।।
 গোসা করে পরে মোরে কহে চোটপাট।
 পুলিসে পাঠাতে চায় শুন মোটমাট।।
 শুনে মোর অঙ্গ তবে কাঁপে থরথর।
 দুই চক্ষু জল মোর ঝরে ঝর ঝর।।
 বুক দুড় দুড় করে প্রাণ ছটফট।
 ভেবে তবে তার পায়ে ধরি চটপট।।
 গোসা গেল হাতে ধরে করে টানাটানি।
 তাহা দেখে দাসদাসী করে কানাকানি।।
 চুপে চুপে আমি যত করি ঘোরঘোর।
 চাকর বাকর দেখে করে সোরসার।।
 তাদের মিনতি করি দিনু ফাঁস ফাঁস।
 সকলে করিনু রাজী দিয়ে ঘুস ঘাস।।
 কেন বা এ কস্মে হাত দিনু হায় হায়।
 তোমার জন্যেতে হলো প্রাণ যায় যায়।।
 অনেক দুঃখেতে তবে করি রাজরাজি।
 এসব করিতে বেলা হলো সাঁজাসাঁজি।।
 দেওয়া থোয়া কথা এবে কর ফুট ফাট।
 মনোমত নাহি দিলে সব ছুটছাট।।
 আমি গেলে তবে কথা হবে পাকাপাকি।
 আজিগে আনিব তাকে নহে ফাঁকাফাঁকি।।
 ভরায় বিদায় কর শত্রু পায় পায়।

সুন্দরী! আসিয়া শোভা দিবে গায় গায়।
ভাবানীচরণ করে লও সায় সায়।
মিলন হইবে মিলে যাবে টায়টায়।।

।। সুসম্বাদে গোপীর প্রতি নাগরের উক্তি ।।

।।পয়ার।।

সুসম্বাদ শুনে সুখে কহিছে নাগর।
গোপী তব গুণ গাব কি আর বিস্তর।।
হয় হয় তোমার হয়েছে অপমান।
প্রাণপনে ধনেমানে করিব সম্মান।।
দানহীনে দয়া দানে দুঃখ কর দূর।
অতুল ঐশ্বর্য্য হবে উন্নতি প্রচুর।।
কখন কেমনে কর্ম্ম সিদ্ধি হবে কবে।
দেয়াথোয়া কথা কিছু অন্যথা না হবে।।
মনে মনে কর বা বুঝিবে মোর আশ।
পঞ্চাশ মোহর করে দিব মাস মাস।।
আর কি কহিব বল আছে কিছু বাকী।
কথায় কহিনু সবু পাছে বুঝ ফাকি।।
অতএব অতিশয় কথা কিছু নয়।
কর্ম্ম সিদ্ধ হলে হয় ফলে পরিচয়।।
পাঁচশ মোহর ভাল মোড়ক করিল।
পত্র দরশনি বানি গোপী হাতে দিল।।
মুদ্রা নিয়ে গোপী তবে মুখ পানে চায়।
তিনগুণ চাওয়া গেল মনে লাজ পায়।।
ভাবানী কহিছে লোভি কামিনীরে থিক্।
রফা করা দূরে গিয়ে আশার অধিক।।

গোপী নাগরের স্থানে মোহর পাইয়া বার্তা লইয়া কামিনীকে কহিল।।

।। ত্রিপদী।।

গোপী যেথা পায়ে লজ্জা দেখ তার সজ্জা গজ্জা,
আর দান মনের আশায়।
রসিক নাগর বর ধন দানে অকাতর
দেখে গিয়ে সুন্দরীরে কয়।

আমারে থাকুক ধিক্ তোমাকেও ততোধিক্,
 টাকা চাওয়া হলো লঙ্কাবধিকর।
 তার কথা কি কহিব, ঠিক যেন সদাশিব,
 আহামরি কেমন সুন্দর।
 অতি বড় মিষ্ট শাস্ত, কামিনীর প্রিয়কাস্ত
 মধুমাখা কথাগুলো কয়।।
 কি খাস! পোষাক পরে, টাকাকড়ি তুচ্ছ করে,
 বাবুগিরি করে অতিশয়।।
 বশ হবে তার গুণে, চমকে যাবে দান শুনে,
 এই দেখ আজি কি দিয়েছে।
 রফা কি করিব তার, আজলা পুরে দিতে চায়,
 বাক্স ভরে মোহর রেখেছে।।
 তোমার দৌলতে কত, জানি বাবু শত শত,
 এর চাকরের যোগ্য নয়।
 কথা আর কত কব দেখিলে বুঝিবে সব,
 শীঘ্র চল বিলম্ব না হয়।।
 তোমার আশার তরে, আছে সে মরমে মরে,
 গেলে তুমি না জানি কি করে।
 ভবানীচরণ ভাষে, বাকি দুই ভুজ পাশে,
 রাখিবেক হৃদয় উপরে।।

।। নাগরের নিকটে নাথিকার গমনোদ্যোগ।।

।।পয়ার।।

শুনিয়ে সন্তোষ পেয়ে কহিতে যুবতী।
 কি আর ওজর ভবে যাব শীঘ্রগতি।।
 বেহারা ডাকিয়া তুমি এনে রাখ দ্বারে।
 কোন্‌খানে যাবে যেন জানতে না পারে।।
 আমি গিয়ে গা ধুয়ে গহনা পরি ঘরে।
 বেহারা বাহিরে রেখে এসো তুমি পরে।।
 কর্তার কাছেতে আমি সাজগোজ পরে।
 খাবার দাবার তার যাব হাতে করে।।
 সে সময় কবে এসে মুখ কর ভার।
 পিসির হয়েছে পীড়া জ্বর অতিশার।।

চক্ষে দেখে এনু আমি বড় বাড়াবাড়ি।
 সঙ্গে সঙ্গে পালকি মোর দিল তাড়াতাড়ি।।
 পরে যা কহিতে হয় আমি কব তারে।
 গোপী গেল তখনি বেহারা আমিবারে।।
 ভবানীচরণ কহে রস কব কারে।
 ছেনালের কত হল কে বুঝিতে পারে।।

॥ বেশ করিয়া নায়িকার পতির অনুমতি লইয়া নাগর নিকটে গমন।।

॥পয়ার॥

গোপীকে কহিয়া গৃহে করিল যে বেশ
 কিঞ্চিৎ কহিব যদি না পারি বিশেষ।।
 কুটিল কুস্তল কাল কপাল উপর।
 সৌদামিনী জিনি সিঁথি অতি শোভাকর।।
 কাণবালা কর্ণফুল কর্ণেতে পরেছে।
 মনোহর মুক্তা গোচ্ছা তাহাতে দিয়েছে।।
 মুক্তায় মণ্ডিত লত্ নাশায় দুলিছে।
 মঞ্জনে মার্জিত দস্ত দামিনী খসিছে।।
 মুক্তালোচ্ছা গলদেশে সাজে সাতনরি।
 হীরাপান্না ধুকধুকি আছে শোভাকরি।।
 বাহতে পরেছে বাজু হীরাতে জড়াও।
 পরেছে তাবিজ কোলে করিয়া মেলাও।।
 ধানি মুড়কি মরদানি পৈছে আছে হাতে।
 নবরত্ন অঙ্গুরীর শোভা করে তাতে।।
 হীরার পূলেতে স্বর্ণবালা সুশোভিত।
 কটিতে কনকচন্দ্র হার মনোনীত।।
 চাবিশিক্রি তাহে পুন দিয়েছে বুলায়ে।
 পদাঙ্গুলে আছে চুটকি ছান্নাতে মিশায়ে।।
 সুবর্ণের গোল মল পরিয়াছে পায়।
 পরেছে ঢকাই সাড়ি অঙ্গ দেখা যায়।।
 এই বেশে স্বামী গৃহে প্রবেশ করিল।
 দাসী আসি পূর্ব মত কহিতে লাগিল।।
 শুনিয়া কপট কথা ভাবিতা ভবিনী।
 ভর্তার নিকটে ভাবে কহিল কামিনী।।

পিসিকে আমার বলে আর কেহ নাই।
 যদি তুমি বল তবে আমি সেতা যাই।।
 কর্তাটি ভাবিত হয়ে দিলেন বিদায়।
 কামের তীরের ন্যায় সোয়ারিতে যায়।।
 ভবানীচরণ বলে সে রূপ ভাবিলে।
 ভুলে লোক জপতপ. কি হয় দেখিলে।।

।। নাগর নিজালয়ে উৎকৃষ্ট এবং নারিকার সহিত প্রথম মিলন।।

।।শেষক শব্দে পয়ার।।

ভাবিত নাগর গৃহে ভাবে এলো এলো।
 গোপী পাকা কথা কহে কভু নহে এলো।।
 সেই বলে গেছে আজি পুরাইব আশা।
 কি জানি কেমন করে হবে তার আসা।।
 আসার বিলম্বে মন প্রবোধ না মানে।
 পুরাও কামনা কালি বলে পূজা মানে।।
 বারাণ্ডায় গিয়ে পথ দেখে ঘড়ি ঘড়ি।
 রাত্রি কত হলো বলে কভু দেখে ঘড়ি।।
 আশা না হইলে গোপী এসে খাড়া খাড়া।
 সমাচার দিবে বলে আছে কান খাড়া।।
 এমন সময় গোপী দ্বার খোল বলে।।
 নাগর ভাবিল এলো মম ভাগ্য বলে।।
 সোয়ারি ভিতরে এনে দ্বারে দিল খিল।
 পরম আনন্দে হাসে করে খিল খিল।।
 কামুক কামিনী পেয়ে ডাকিল তাহাতে।
 চিন্তনীয় চিন্তামণি মিলিল তাহাতে।।
 মনে ভাবিতেছে হেন কপাল কাহার।
 যতনে রতন মিলে শাস্ত্রে আছে বিধি।
 এই হেতু আশা পূর্ণ করিয়াছে বিধি।।
 উজ্জ্বল করিল পুরী তোমার সুবর্ণ।
 পরশে এ লৌহ দেহ হইবে সুবর্ণ।।
 দেখিব তোমার মুখ ছিল না যে মনে।
 কি কব কাহারে তুমি মিলিল যেমনে।।
 বহু দুঃখ দিয়ে আগে এলে তার পর।

যা হউক কিনে নিলে ভেবনাক পর।।
 তাপ পাপ পলাইল আনন্দ অপার।
 কামের সাগর আর নাহিক অপার।।
 এক্ষণে পালঙ্গে বৈশ তবে শোভা পায়।
 ভবানী কহিছে বসাইবে ধরে পায়।।

॥ নাগরের প্রতি নাগিকার উক্তি ॥

।। ত্রিপদী ।।

শুনিয়ে নাগিকা পরে, কহিছে নাগর বরে,
 নাসায় তুলিয়া দিয়ে কর।
 দেখিয়া তোমার রীত, মনেতে হইল ভীত,
 স্থির হলে হবে সুখকর।।
 এসেছি তোমার কাছে, সকলি হইবে পাছে,
 আগে মোর কথা দুটি শোন।
 যদি বড় ক্ষুধা পায়, কেহ না দু হাতে খায়,
 এই মাত্র হলো দেখা শুনা।।
 আগে পরিচয় কর, কি জাতি কি নাম ধর,
 কোথা ঘর কি জন্যে এখানে।
 কহ যদি শুনি আগে, -- যদি মোর মনে লাগে,
 তবে বসি যেখানে সেখানে।।
 শুনেছি গোপীর মুখে, সদা তুমি থাক সুখে,
 পীরিত করিতে নাকি চাও।
 তাহা যদি করা হয়, শুন তবে মহাশয়,
 চক্ষু কর্ণে বিবাদ ঘুচাও।।
 গোপনেতে কথা ক্রমে, এসেছি হে মনো ভ্রমে,
 প্রেম করি যদি নাহি যায়।।
 ভবাণী চরণ কয়, কামিনী কঠিন হয়,
 এই ছলে লম্পট মজায়।।

॥ কামিনী নিকটে নাগরের পরিচয় ॥

।। ত্রিপদী ।।

শুনিয়া নাগর কয়, যাতে তার মন লয়,
 হেন পরিচয় দেয় করিয়া বিস্তার।

দুখিলাম তুমি অতি, সুচতুরা বুদ্ধিমতী,
 শুন তবে পরিচয় বিশেষ আসার।।
 শ্রীদেব নাগর নাম, শৃঙ্গার নগরে ধাম,
 লেখাপড়া জ্ঞান গুণ কেবল নাগরী।
 কামপুরে জমিদারি, সে কস্মেতে ব্যস্ত ভারি,
 তালুক রক্ষার হেতু আছি বাসা করি।।
 ক্ষত্রিয় কুলোদ্ভব, কেবা করে পরাভব,
 বাপ বহু ধন রেখে গিয়াছেন স্বর্গে।।
 মাতা সহোদর ভাই, দারা সূত কেহ নাই,
 মায়াপুরে নিজ বাড়ী আছে গোষ্ঠীবর্গে।।
 বিবাহের নাহি আশ, পরবাসে বারমাস,
 সুখে থাকিবার জন্য ব্যয় করি ধন।।
 শুন শুন সত্য কই, কাহার অধীন নই,
 তব প্রেমধীন হইয়াছে মন।।
 কামনা পূরণ বাশে, কি রজনী কি দিবসে,
 সঙ্কানে আকুল মন অতিশয় ছিল।।
 তোনারে পাইয়া অদ্য, গিয়াছে সে দুঃখ সদ্য,
 সৃষ্টির হইল মন বাসনা পুরিল।।
 প্রার্থনা প্রার্থন মনে, কালিকার শ্রীচরণে,
 যেন এই সঙ্গ ভঙ্গ না হয় কখন।।
 তব সব পরিচয়, পাইয়াছি সুনিশ্চয়,
 কিন্তু নাহি জানি নাম বলিতে এখন।।
 নাম শুনে করি নাম, তবে পুরে মনস্কাম,
 অধিক কি কব আর শুন প্রাণ ধন।।
 ভবানীচরণ কয়, যে জন শরণ লয়,
 কামিনী করুণা করে তার বশ হন।।

॥ নাগর নিকটে নারিকার পরিচয় ॥

॥ দীর্ঘ ত্রিগদী ॥

শুনিয়া যুবতী কয়, নাম শুনে রসময়,
 কি হইবে তব কাম বল দেখি শুনি।।
 তত্ত্ব মন্ত্র বলে ছলে, বশ করি করতলে,
 আমারে রাখিবে শুণে বুঝি তুমি গুণী।।

নাম কি বলিতে হবে, শুন নাম বলি তবে,
 গুৰু নাম আছে মোর অনঙ্গমঞ্জরী।
 অদ্যাবধি হলো নাম, পুরিল হে মনোঙ্কাম,
 নাম অনুরূপ নাম শ্রীদেব নাগরী॥
 শ্রীদেব নাগর শূনে, বাধ্য হয় তার গুণে,
 সুখের সাগরে উঠে ভাসিয়া ভাসিয়া।
 কামিনী কমল পানি, গ্রহণ করিল টানি,
 কহিতে লাগিল পরে হাসিয়া হাসিয়া॥
 এত পূণ্য করি নাই, তোমাতে গৃহেতে পাই,
 কি পুণ্যেতে তুমি মোরে হইলে সদয়।
 আমি এই মনে করি, দাসী দূতী রূপ ধরি,
 কামনা পুরাতে গোপী হইল উদয়॥
 সহজাত দয়াবতী, দূতী দয়া নামে রতি,
 দাসীরূপে দেখে দৌহে মিলাইয়া দিল॥
 ভবানীচরণ ভণে, নাগর বুঝিয়ে মনে,
 দূতীগুণ বর্ণি স্তুতি কহিতে লাগিল॥

॥ নাগর উক্তি দূতী স্তুতি ॥

॥ ত্রিপদী ॥

নাগর করিছে স্তুতি, আমি বুঝিলাম দূতী,
 পুরুষের সুখের উপায়॥
 চিরকাল দূতী গতি, বিনা নহে স্থির মতি,
 মনে বিবেচিলে জানা যায়॥
 দূতী সঙ্গ নিরবধি, যদি হয় বাল্যাবধি,
 লোক তবে পুরুষার্থ হয়।
 দেখে বালক কালে, গুরুরূপে পাঠশালে,
 দূতী আসি নিকটে উদয়॥
 না হইলে জ্ঞানোদয়, কদাচ নাহিক হয়,
 যুবকালে ঘটক রূপিনী।
 দূতীর হসীম দয়া, আহা তাকি যায় কয়া,
 যে রূপেতে বিবাহ সাথিনী॥
 নানারূপ নানাস্থলে, বিষয়ে আবৃত হলে,
 দূতীর দালাল রূপ হয়॥

সে রাপেতে হয়ে সভ্য, বাগিজে করায় লভ্য,
 যাতে ধনি পুরুষ নিশ্চয়।।
 আর নিজ নারী প্রতি, যাহার না থাকে মতি,
 মতি তার নারী প্রতি যায়।।
 জানিলে তাহার মৰ্ম্ম, সাধিতে আপন ধৰ্ম্ম,
 নিজ মূৰ্ত্তি ধরেন তথায়।।
 প্রকৃতি পুরুষ কৃতি, দুতী হন সবাকৃতি,
 দুতী গুণ শুনি অতিশয়।।
 প্রকৃতি পুরুষ হলে, কুটুনী কোটনা বলে,
 ভূমণ্ডলে নাম খ্যাত হয়।।
 অতএব দুতী ভক্তি, করি তাহে অনুরক্তি,
 সাক্ষি দেখে কৃষ্ণ অবতার।।
 দুতীকে করিয়া বল, বৃন্দাবনে বাসস্থল,
 রসময় করেন প্রচার।।
 আমি মূঢ় অনুমানি, দুতী স্তুতি কিবা জানি,
 দুতী গুণ জ্ঞানবানে গায়।।
 দুতী গুণ পরিমাণ, লিখিলেন ভগবান্,
 বেদব্যাস শ্রীকৃষ্ণলীলায়।।
 দুতী মন্ত্র উপাসনা, করি করে আরাধনা,
 দুতী করে দুঃখ নিবারণ।
 ভবানী কহিছে রাম, স্তুতি উক্তি রচিলাম,
 কামে মুগ্ধ জনার কারণ।।

॥ প্রথম মিলনে কামযুদ্ধ ॥

॥ পয়ার ॥

উভয় সন্তোষ মনে পেয়ে পরিচয়।
 অবধান কর সবে কামযুদ্ধ হয়।।
 অনঙ্গমঞ্জরী আর শ্রীদেব নাগরে।
 উভয়ে মিলিয়ে পরে কামযুদ্ধ করে।।
 সে যুদ্ধ বর্ণন শুন অপূর্ব্ব ঘটন।
 বুঝিবে সে রস সব রসিক সুজন।।
 যৌবন রাজ্যেতে নব রাজ দুই জন।
 কুচ নাম কামিনী হৃদয় সিংহাসন।।

গুরুতর কলেবর অতি মনোহর।
 প্রবল প্রতাপে আজ্ঞাবহ যুবা নর।।
 নৃপতি নিকটে নম্রমুখে যুবা আছে।
 কটাক্ষ করিলে কর দিতে গেল কাছে।।
 মনোনীত করে কুচ হয়ে হস্তমন।
 প্রজা যুবা নরে পরে করে আলিঙ্গন।।
 আলিঙ্গন কালেতে আনন সেনাপতি।
 রাজার নিকটে হৈল প্রিয়তম অতি।।
 রাজ্য আজ্ঞা অনুসারে মর্যাদা করিল।
 প্রথমে প্রজার মুখে সুধা বরিবিল।।
 কুচরাজে কররূপে ঐশ্বর্য্য অতুল।
 দেখে ঘেষে কামরাজে হল কোপাকুল।।
 আপন সেনার পরে অনুমতি করে।
 করগে দশনদস্ত গণ্ডের উপরে।।
 নখরূপ সেনা করে রাজারে আঘাত।
 কর হেতু কুচরাজে হইল উৎপাত।।
 চপল নয়ন ছলে ভুরু ধনু লয়ে।
 ছাড়িল কটাক্ষবাণ দয়াশূন্য হয়ে।।
 বাহু গিয়ে বহুবিধ করিয়া বন্ধন।
 প্রজারে লইয়া যায় কামের ভবন।।
 প্রজাপরে কাম ঘরে করিয়ে প্রবেশ।
 লুটিল ভাণ্ডার আর না থাকিল শেষ।।
 যুবতী যুবক দৌঁছে বিজয়ী হইল।
 স্বীয় সেনা লৈয়া কামরাজ পলাইল।।
 যুদ্ধকালে দুই অঙ্গে করিতে মিলন।
 বিচ্ছেদের ভয়ে ত্যক্ত বসন ভূষণ।।
 যুবতী বিজয়ী যবে হৈল সেই রণে।
 পুরস্কার করিল আপন সেনাগণে।।
 উরু গুরুতর যোদ্ধা তাহে বস্ত্র দিল।
 চরণাভরণ দিয়ে চরণ তুঘিল।।
 বাহুযুগে বলয়াদি দিল অলঙ্কার।
 কুচ রাজচক্রবর্তী তারে মতিহার।।
 কর্ণকে কুস্তল দিল জিনি পূর্ণ শশী।
 নাশায় নোলক দানে তুঘিল রূপসী।।

শোভাকর সিঁতিজালে করায় শোভন।
 এইরাপে সেনাগণে করিল তোষণ॥
 আতর গোলাপে অঙ্গ করিল শীতল।
 কেবল বাঙ্কিয়ে ফেলে স্বসৈন্যকুণ্ডল॥
 বিনাইয়া ছিল বেণী জিনি নাগপাশ।
 আলিয়ে পড়িয়াছিল পাইয়া সে ত্রাস॥
 সুশীতল জলপান করি তারপর।
 নায়ক নায়িকা বসি পালঙ্ক উপর॥
 এলাচি লবঙ্গ আর জৈতী জায়ফলে।
 মিশ্রিত মগাই পান খায় কুতূহলে॥
 রঙ্গরসে রজনী হৈল অবসান।
 কোকিল ললিতরাগে করিতেছে গান॥
 কোকিলাদি রব শুনি কহিছে কামিনী।
 উপায় বলহ প্রাণ পোহায় যামিনী॥
 কি করিব কেন বিধি করে ছিল দিন।
 দিন হেতু বুঝি দীন হব দিন দিন॥
 অভাগীর ভাগ্যহেতু অরুণ উদয়।
 কপাল গুণেতে রাহু নাহি এ সময়॥
 লোক লজ্জা ভয় কেন দিয়েছিলে বিধি।
 না থাকিলে নিরবধি পাইতাম নিধি॥
 সুখের উপরে দুঃখ সহ্য নাহি যায়।
 আমার কপালে বিধি ঘটাইল তায়॥
 বিলম্ব না সহ্যে প্রাণ করহ বিদায়।
 কিন্তু ভাবি বজ্রসম বিদায়ের দায়॥
 কি করিব যদি তাতে থাকয়ে জীবন।
 তবে হলে হতে পারে পুন দরশন॥
 ভবানী কহিছে হেন নারী প্রাণধন।
 যারে ছেড়ে যায় তার উচিত মরণ॥

।নাগর নিকটে অনঙ্গের বিদায়ে তজ্জন্য শ্রীদেবের খেদ॥

॥ পয়ার॥

বিদায়ের কথা শুনি শ্রীদেব নাগর।
 কহিছে করুণা করি হইয়া কাতর॥
 প্রাণপণ করে প্রাণ পেয়েছি তোমায়।

কিরাপে হে কোন্ প্রাণে করির বিদায়॥
 আর কিছুকাল থাকি করি নিরীক্ষণ।
 আখি স্থির হলে প্রাণ করিবে গমন॥
 কিন্তু পাপ আছে লোক লজ্জা অভিশয়।
 কুলনারী কর তুমি কলঙ্কের ভয়॥
 রজনী হইল শেষ থাকা অনুচিত।
 আমি কি কহিব বুঝে করহ বিহিত॥
 প্রাণরূপ পক্ষী তব সঙ্গেতে চলিল।
 এ দেহ পিঞ্জর পক্ষি ছাড়িয়া রহিল॥
 এই কর প্রাণেশ্বরী যেন পুন পাই।
 তোমার নিকটে ভিক্ষা এই আমি চাই॥
 বিদায় কি দিব প্রাণ করি অনুমান।
 সবেধন ছিল মন করিয়াছি দান॥
 সামান্য ধনেতে প্রাণ তুষিব কি আর।
 বিষয় বিভব যত সকলি তোমার॥
 যদি মত হয় দাস দাসীর কারণ।
 বাক্স খুলি লও তব যাহা চায় মন॥
 এই কথা বলে তারে চাবি দিল ফেলে।
 মুঠায় মুঠায় মুদ্রা নিল অবহেলে॥
 ভবানী কহিছে ভাল বিদায় হইল।
 উভয়ের মনোবাঞ্ছা বিধি পুরাইল॥

॥ নায়ক নিকটে নায়িকার বিদায় লইয়া নিজ গৃহে গমন॥

॥ পয়ার ॥

নাগরের স্থানে পরে লইয়া বিদায়।
 পালকি চড়িল গিয়ে গোপী সঙ্গে যায়॥
 বেহারার দাম তারা পথে পথে পায়।
 কি জানি কর্তার কাছে পাছে গিয়ে চায়॥
 বাটী পদার্পণ মাত্র বেহারা বিদায়।
 পরে কহে শুন গোপী কি হইল হয়॥
 পিসি নাহি যানে কিছু এ সব প্রকার।
 শীঘ্র তুমি তারে গিয়ে কহ সমাচার॥
 ইঙ্গিত করিলে পিসি তখনি বুঝিবে।

তিনি না জানিলে তবে মজাবো মজিবে॥
 গোপী কহে আমি বুঝি এ কস্মে নূতন।
 আমারে তোমার পিসি জানে বিলক্ষণ॥
 তুমি যেন জান নাকো এ আর কেমন।
 যাতে হাত দিই তাতে ঠেকেছ কখন॥
 তোমরা দুজনে মত্ত হইলে যখন।
 আমি গিয়ে তার কাছে কহিনু তখন॥
 তাঁরে সাবধান করে এসেছি তখনি।
 ভবানী বাখানে শুনে সাবাসি কুটুনি॥

॥ দ্বিতীয় মিলনে নাগরের বৈষ্ণব বেশ ধারণ॥

॥ দীর্ঘ ত্রিপদী॥

শুনিয়া গোপীর মুখে, সুন্দরী ভাষিল সুখে,
 নির্ভর হইয়া রসবতী।
 গৃহ কস্ম তেয়াগিয়ে, শয়ন আগারে গিয়ে,
 গোপীকে কহিল শীঘ্রগতি॥
 তারে না দেখিয়া মরি, দেহ লো উপায় করি,
 পুরাতন দেখিব কেমনে।
 কত মত যুক্তি করে, সুন্দরী কহিল পরে,
 স্থির হইল উভয় মিলনে॥
 গোপী গিয়ে বল তায়, স্পষ্টবাদি আখড়ায়,
 থেকো আজি বাবাজীর বেশে।
 বলে যেও আখড়ায়, সমাদর করে তায়,
 আমি যাব দিবসের শেষে॥
 গোপী এই কথা নিয়ে, নাগরের কাছে গিয়ে,
 বলিল যা কামিনী কহিল।
 ভাবিল নাগর রাজ, বৈষ্ণব রাজার সাজ,
 প্রেম বেশে ধরিতে হইল॥
 সে বেশ কহিব কত, কহি কিছু পারি যত,
 নাগর দর্পণ করি করে।
 স্মরিয়া শ্রীচক্রপাণি, তিলক কুতলি আনি,
 প্রথমে তিলক সেবা করে॥
 ঘষিয়া তিলক মাটি, দিল করি পরিপাটি,

বাহুমূলে শঙ্খচক্র রেখা।
 দিয়া বৃন্দাবনী থাবা, সর্ব্বাস্ত্রে ছাবিল ছাবা,
 রাধাকৃষ্ণ হরিনাম লেখা॥
 তুলসীর কণ্ঠি গলে, নাম মালা করতলে,
 হাতে কানে গলে তিন ছড়া।
 চন্দন মিশ্রিত করি, তুলসী মস্তকোপরি,
 কৌপীন পরিল চিরি গড়া॥
 মলমলে ষোড় করে, ঢাকিল কৌপীন পরে,
 আতরাদি সুগন্ধি মাখিল।
 সহজে সুবর্ণ কায়, নামাবলি দিল তায়,
 ঠিক যেন চৈতন্য সাজিল॥
 মুখে হরি হরি বোল, অন্তরেতে গগুগোল,
 ভাবি রূপ অনঙ্গমঞ্জরী।
 ভবানীচরণ কয়, বিলম্ব উচিত নয়,
 শুভ যাত্রা কর শীঘ্র করি॥

॥ নাগরের বৈষ্ণব বেশে আশ্রয় গমন॥

॥পয়ার॥

এইরূপ নাগর বৈষ্ণব বেশ করি।
 বাহির হইল পথে স্মরিয়া শ্রীহরি॥
 পথে গুণগুণ স্বরে গোরাগুণ গায়।
 দয়া কর ওহে গৌর কলির উপায়॥
 জীবের নিস্তার হেতু জীব কায় ধরি।
 নবদ্বীপে শচীসূত হইলে গৌরহরি॥
 অচিতে চেতন ওহে তুমি পার দিতে।
 আর কেবা পারে জগজন বুঝাইতে॥
 শ্রীহরি চৈতন্য নাম প্রেমেতে বিলাও।
 সংসার অসার সুখ নামেতে ভুলাও॥
 প্রেম ভক্তি কল্লতরু তোমার মুরতি।
 প্রেম বন্ধ পারিষদ কেশব ভারতি॥
 কপট সন্ন্যাসী বেশ করিয়া ধারণ।
 সঙ্গে সঙ্গি লয়ে প্রভু করহ ভ্রমণ॥
 কি ভাবে ভ্রম হে প্রভু বুঝা নাহি যায়।

গৃহী উদাসীন প্রভু কে চিনে তোমাঃ।।
 হরি হয়ে বল হরি সদা রসনায়।
 ভবানী কহিছে হরি রাখ রাসা পায়।।

শ্রীদেব নাগর আখড়ায় উপনীত---পরে অনঙ্গমঞ্জরীসহ
 দ্বিতীয় মিলনে কামসাগর মস্থন।।

।।পয়ার।।

প্রেমেতে কাতর একে অনঙ্গের বানে।
 অধিক বাড়িল প্রেম গোরা গুণ গানে।।
 স্মরিয়া সে প্রাণেশ্বরী অনঙ্গ মঞ্জরী।
 আখড়ায় উপনীত হৈল ত্বরা করি।।
 আখড়াধারী বসিয়াছে অতি বড় সৎ।
 নেড়া নেড়ী শ্রীদেবেরে করে দণ্ডবৎ।।
 আইরু বৈস বাবাজী বলিয়া সম্বোধিল।
 সমাদর পেয়ে সেথা নাগর বসিল।।
 আখড়াধারী শ্রীকৃষ্ণের প্রসঙ্গ করিল।
 নাগর উত্তর তার করিতে লাগিল।।
 অস্ত গেল দিনমণি যামিনী হইল।
 সে সময়ে ডুলি করি কামিনী আইল।।
 নাগরের বেশ দেখি ভাবে মনে ধনী।
 হায় হায় কিরূপ বৈষ্ণব চূড়ামণি।।
 বাবাজী বলিয়া তারে ডাকিল অনঙ্গ।
 শুনিয়া নাগর হরি কথা দিল ভঙ্গ।।
 মন্তুরাম মন্তুমনে গৃহ মধ্যে বায়।
 তাহা দেখি নেড়া নেড়ী বাহিরে পলায়।।
 এস ওহে প্রাণনাথ অনঙ্গ কহিল।
 সে বাকাতে কামানল দ্বিগুণ বাড়িল।।
 কামের সাগর প্রেম উঠে উথলিয়া।
 নাগর নিভাতে চায় মস্থন করিয়া।।
 মস্থন করিতে বৈসে শ্রীদেব নাগর।
 মহাসুখী হয় পায় রত্ন বহুতর।।
 প্রথমে দেখিল চন্দ্র বিমল বদন।
 পরেতে হেরিল ভাল মুকুতা দশন।।

তার পরে করে বিধি কুচ স্বর্ণ দিল।
 ঐরাবত হস্তিকর পদদ্বয়ে নিল।।
 মৈনাক পর্বত ভাবে নিতম্ব দেখিয়া।
 কল্পতরু শাখা বহি ধরিল কষিয়া।।
 মস্থনের দণ্ড কাম সাগরে পশিল।
 পরে সুধা যুবতীর মুখেতে উঠিল।।
 তাহা পান আশে দস্তে রশনা ধরিল।
 পানপাত্র করি পান করিতে লাগিল।।
 নাগর সাগর মছে করে সুধাপান।
 অনঙ্গমঞ্জরী ভরি দিল মুখে পান।।
 সুধাপান করে পান খায় সুখোদয়।
 নিভাইল কামানল জলে জলময়।।
 সে সময়ে স্থিরে হেরে নয়নে নয়ন।
 ছাড়িছে নিশ্বাস দৌহে অতি ঘনে ঘন।।
 অবশ হইয়া দৌহে দৌহারে ছাড়িল।
 লণ্ড ভণ্ড ছিল বস্ত্র উঠিয়া পরিল।।
 কামের সাগর মথি উভয়ে বিদায়।
 বিচ্ছেদ বিবের ভরা অবশেষে পায়।।
 নিজ নিজ গৃহে পরে গেল দুই জনে।
 ভবানী কহিছে পুন মিলন কেমনে।।

।। তৃতীয় মিলনের উপায় চিন্তা।।

।। দীর্ঘ পয়ার।।

অনঙ্গমঞ্জরী পরে দ্রুত ঘরে আসিয়া।
 স্বামী কাছে শুতে গেল আহালাদি করিয়া।।
 আসিতে হয়েছে গৌণ এই মনে ভাবিয়া।
 নানা ছল করে কথা কহিতেছে হাসিয়া।।
 স্বামীর ধরিয়া গলা বৈসে কাছে বসিয়া।
 পরিধেয় পীতবাস পড়িতেছে খসিয়া।।
 রঙ্গ ভঙ্গ দেখি তার পতি গেল ভুলিয়া।
 পালঙ্কেতে শুভ্রো গিয়ে নিল বুকুে তুলিয়া।।
 পতির ধরিল গলা দুই হাতে ছান্দিয়া।
 সে রাখিল হৃদয়েতে দুই করে বান্দিয়া।।

পুরায় মনের সাধ কাম কুপে মজিয়া।
 অলসে অবশ হৈয়ে সুখে দিল' ছাড়িয়া।।
 রসে বসে রাত্রি শেষে নিদ্রা যায় শুইয়া।
 অনঙ্গের নাহি নিদ্রা শ্রীদেবেরে ভাবিয়া।।
 রজনী করিল ভোর ভাবনাতে জাগিয়া।
 প্রত্যাষেতে শয্যা হতে দৌছে গেল উঠিয়া।।
 গোপী দাসী আসি মিশি জল দিল আনিয়া।
 রূপসী ঘষিছে মিশি আরশিতে দেখিয়া।।
 মুখ ধুয়ে গোপীকে নিকটে কহে ডাকিয়া।
 আজি তাকে কিসে পাব কহ দেখি বুঝিয়া।।
 যদি আজি নাহি পাই তবে যাব মরিয়া।
 গোপী কহে পাবে তারে আজি ঘরে বসিয়া।
 আসিতে কহিব হেথা দাসীরূপ হইয়া।
 অনঙ্গ সন্তোষ হলো এই কথা শুনিয়া।।
 তখনি কহিল গোপী এসো গিয়ে বলিয়া।
 শুনিয়া নাগর কাছে গেল গোপী চলিয়া।।
 নাগরে কহিছে কিবা কর ঘরে থাকিয়া।
 আজি সেথা যেতে হবে দাসী বেশ ধরিয়া।।
 মিঠায়ের থাল মাথে করে যাবে ঢাকিয়া।
 দ্বারে কবে গৃহিণীর পিসি দিল পাঠাইয়া।।
 এই কথা বলে গোপী গেল দ্বারা করিয়া।
 ভবানী কহিছে পরে দাসীরূপ রচিয়া।।

।। তৃতীয়া মিলনে নাগরের দাসীরূপ ধারণ।।

।। পয়ার।।

শ্রীদেব সাজিয়ে দাসী দাসীর কথায়।
 প্রেমরসে বশ হৈয়ে দাসী হতে চায়।।
 নাগরের প্রতি হয় মদনের কোপ।
 যে হেতু তাহার কোপে মুড়হিল গোপ।।
 মিশিতে মাজিল দণ্ড কি কব বাহার।
 যেন লিখি রাখে নাম মদন রাজার।।
 পরিল মলমল ঠোঁট গলে দিল হার।
 কাপড়ে গড়িল কুচ কত শোভা তার।।

ঘষা পরচুল শিরে যেন চাঁদ ঘন।
 অনঙ্গ যুবতী রূপ করে আচ্ছাদন।।
 সুবর্ণ অঙ্গুরী পরে চতুরের চূড়া।
 কটাক্ষেতে যুবা হয় যত থাকে বুড়া।।
 মিঠাইয়ের থালা নিয়ে সাজিল যুবতী।
 লঙ্কা কবুতর জিনি বামারূপে গতি।।
 সঙ্ক্কার সময়ে গেল অনঙ্গ আশ্রয়।
 নব চাকরাণী দেখি দ্বারিগণ কয়।।
 কাঁহাসে আতহো আর কোন্ ভেজ দিয়া।
 গোপীর শিখান কথা দ্বারীকে কহিয়া।।
 প্রবেশ করিল পরে বাটীর ভিতর।
 গোপী দাসী নিয়ে গেল ধরি তার কর।।
 অনঙ্গমঞ্জরী শুনি নিকটে আইল।
 রঙ্গ ভঙ্গ দেখি তার বিস্ময় হইল।।
 সম্মুখে আসন দিয়া শীঘ্র বসাইল।
 কেমনে আইলে তবে জিজ্ঞাসা করিল।।
 শুনিয়া নাগর তারে সকল কহিল।
 দ্বারে আসি দ্বারিরে যে রূপে প্রবোধিল।।
 অনঙ্গ শুনিয়া শিবে করাঘাত করে।
 পিসির হইল দাসী এ দাসীর তরে।।
 নাগর কহিছে প্রাণ তোমার লাগিয়া।
 দাসীর যে সব কৰ্ম্ম আস্যাছি শিখিয়া।।
 দাসী হয়ে তোমারি করিব দাসীপনা।
 কেবল সেবিব নাহি চাহি মাহিয়ানা।।
 সুন্দরী শুনিয়া রস করিতে লাগিল।
 নাম ধাম কেবা কান্ত জিজ্ঞাসা করিল।।
 নাগর হাসিয়া তবে কহে কুতূহলে।
 করে কত রস পরে পরিচয় ছলে।।
 কামপুরে জন্মেছি নগরে এবে ধাম।
 অনঙ্গ মঞ্জরী দাসী এই মোর নাম।।
 জন্মাবধি বিধবা হে পতিহীনা আমি।
 স্বামীর কুরীতি দেখি নাহি করি স্বামী।।
 সীতাপতি রামচন্দ্র জ্ঞান অকারণে।

পরীক্ষা লইয়া সীতা পাঠাইলা বনে॥
 জরৎকার মুনি কথা বিদিত সংসার।
 তপন কামিনী সঙ্গে করে যে প্রকার॥
 অতএব দেখে শুনে স্বামী নাহি চাই।
 স্বামীর অধিনী হলে কোন সুখ নাই॥
 একমাত্র দোষ আছে পতি না থাকিলে।
 রতিপতি পীড়া দেয় বিয়োগী দেখিলে॥
 উপপতি করে যদি দূরে যায় দোষ।
 এ যুক্তি করিলে থাকে সকলে সন্তোষ॥
 আমি না ঠেকিব কভু বিয়োগের দায়।
 নিযুক্ত হইয়া রব তোমার সেবায়॥
 অনঙ্গ কহিছে শুন ওহে গুণরাশি।
 তুমি মোর প্রাণধন আমি তব দাসী॥
 অধিক হইল রাত্রি ভাবে ধনী মনে।
 লইয়া পালঙ্ক পরে তোবে আলিঙ্গনে॥
 আলিঙ্গনে তুষ্ট হয়ে দাসী যেতে চায়।
 রমণী চুসিয়া মুখ করিল বিদায়॥
 ভবানী কহিছে দাসী গুণ কব কারে ।
 শুনিলে নাগর সব দাসী হতে পারে॥

॥ চতুর্থ মিলনোপায় কালীঘাট গমন॥

॥ লঘু ত্রিপদী॥

দাসী গেল ঘরে, ধনি ভেবে মরে,
 কালি কি সে পাবে তারে।
 শয়নেতে থাকে, স্বামী এসে ডাকে,
 জাগাইতে নাহি পারে॥
 হাতে ধরে তোলে, কভু করে কোলে,
 তবু মুখে কথা নাই।
 দেখে মানবতী, কহে প্রাণ পতি,
 যাহা বল করি তাই॥
 মোর মাথা খাও, আর রক্তে নাও,
 যদি নাহি কথা কও।
 প্রাণে মলে তবে, কহিলে কি হবে,

বলি যদি কথা লও ॥
 পিসির পীড়ায়, পূজা মানা যায়,
 কালীঘাটে দিতে হবে।
 আপনি মানিলে, তবু তো না দিলে,
 পূজা নাহি আর রবে ॥
 দাসী এসেছিল, আমারে কহিল,
 কালি যাবে পূজা দিতে।
 আমি যেতে চাই, যদি বল যাই,
 আমারে আসিবে নিতে ॥
 সুজন শুনি, যাইতে কহিল,
 এই কথা বই নয়।
 অনঙ্গ শুনিয়া, উঠিল হাসিয়া,
 পরে কত কথা হয় ॥
 তার পরে যত, কহিব তা কত,
 বুঝিবে সব আশায়।
 স্বামী হল বশ, করে রঙ্গ রস,
 স্বপনে নিশি পোহায় ॥
 প্রভাত হইল, গোপীরে কহিল,
 সব ঠিক হইয়াছে।
 কহিনু তাহায়, সে দিলে বিদায়,
 যাও তুমি পিসি কাছে ॥
 তাঁরে সব কবে, পূজা দিতে হবে,
 কালীঘাট আজি চল।
 যাবে তারপর, নাগর সত্বর,
 তারে এই কথা বল ॥
 হয়ে পুরোহিত, যাইবা ত্বরিত,
 থাকিবা মুদি দোকানে।
 গোপী তৎপরা, গেল করি ত্বর,
 কহিল উভয় স্থানে ॥
 পরে শীঘ্রগতি, যথায় যুবতী,
 আসি সমাচার দিল।
 সুন্দরী শুনিয়া, সুখেতে ভাসিয়া,
 বেহারা ডাক কহিল ॥

স্বামীকে কহিয়া, বিদায় লইয়া,
বেশ করিতেছে ঘরে।
শ্রীচন্দ্রিকাকর, শুনিয়া নিকর,
সে বেশ কহিছে পরে॥

॥ নায়ক নায়িকার কালীঘাট গমন—নাগরের দ্বিজবেশ ধারণ॥

॥ দীর্ঘ পয়ার॥

কনক বরণী বালা নাহি রূপ তুলনে।
পদ্মরাগমণি যেন ঢাকে শ্বেত বসনে॥
চঞ্চল নয়ন পরে অতি ঘোর অঙ্কনে।
শোভা হল স্বর্ণপদ্মে যেন নাচে খঙ্কনে॥
নাসাতে মুকুতা দিতে গেল তার তুলনা।
তিলফুল টীয়াপাখি গেলে মর্ষ বেদনা॥
মণিময় ভূষণেতে ভূষিল শ্রী অঙ্গ।
রতিভ্রমে অনঙ্গেরে ধরে বা অনঙ্গ॥
দশ দিগ আলো করে হেন রূপে সাজিল।
পিসি সঙ্গে ঢুলি করি কালীঘাট চলিল॥
নাগর সেখানে গিয়ে নিজ বেশ ছাড়িল।
ধনী যজ্ঞমান আছে হেন দ্বিজ হইল॥
কোমল শরীর অতি পদ্মগন্ধ বহিছে।
শত শত মনমথ জিনি রূপ ধরিছে॥
মোটা উপবীত শ্বেত শোভা পায় অসীমা।
অর্ধচন্দ্র ফোঁটা ভালে ভূদেবের ভঙ্গিমা॥
পীতাম্বর জোড় পরে উত্তরীয় করিয়া।
অক্ষমালা জপ করে কালী কালী বলিয়া॥
সঙ্কেত স্থানেতে যায় দ্বিজ বেশ ছলিয়া।
অনঙ্গ পৌছিয়ে ডাকে পুরোহিতে বলিয়া॥
রূপসী কহিল পিসি পুরোহিত আইল।
পিসি পুরোহিত দেখে বিপরীত ঘটিল॥
হেতা আইস বৈস কহে সমাদর করিয়া।
শ্রীদেব শুনিয়া বৈসে তার পাশ ঘেঁষিয়া॥
হেরিয়া হরিল মন পাব কিসে ভাবিয়া।
অনঙ্গেরে করে রামা মনে স্থির করিয়া॥

অনঙ্গমঞ্জরী যাও গঙ্গা স্নান করিতে।
 পুরোহিত আমি থাকি পূজা কার্যে তরিতে॥
 পিসির মনস্থ ভাব অনঙ্গ না বুঝিল।
 স্নানেতে চলিল তার গোপী সঙ্গে চলিল॥
 নির্জন পাইয়া রামা পুরোহিতে কহিছে।
 তবরূপ দেখে মন কামানলে দহিছে॥
 পিপাস হয়েছি তব প্রেমে নারী গলিতে।
 কৃপা কর পূজা করি নাহি পারি বলিতে॥
 শ্রীদেব ভাবিয়া ভাল পিপাসেরে কহিল।
 শুনি সুখে রসবতী পূজা দিতে বসিল॥
 ভবানী ভাবিয়া সেই পূজা কথা কহিল।
 শ্রীদেব তাহার পূজা কি ভাবেতে লইল॥

॥ অনঙ্গের পিসি কর্তৃক শ্রীদেবের পূজা॥

॥পয়ার॥

প্রথমে মুদির গৃহে স্থাপিল আসন।
 ইহাগচ্ছ তিষ্ঠ পূজা করহ গ্রহণ॥
 আবাহনে তদাসনে শ্রীদেব আইল।
 বাহু প্রসারিয়া রূপ হৃদয়ে ধরিল॥
 সেই ধ্যান মনে ভাবি কর পদ্মোপরে।
 আহা মরি প্রাণ মস্ত্রে সমাপন করে॥
 পাদ্য অর্ঘ্য আচমন সকলি চূষন।
 নৈবেদ্য শ্রীফল দুটি করে নিবেদন॥
 শীঘ্র শীঘ্র পূজা সারে অনঙ্গ স্মরিয়া।
 দক্ষিণান্তে করে পূজা মহামুদ্রা দিয়া॥
 পূজা যোগ্য ছিল মতি বৃদ্ধিদান করি।
 তুমি প্রাণপতি স্তুতি করিল সুন্দরী॥
 না জানি করিতে স্তব কিন্তু বর চাই।
 অনঙ্গ না জানে যেন দরশন পাই॥
 পূজান্তরে তুষ্ট হয়ে শ্রীদেব নাগর।
 গোপনে তোমার ঘরে যাব দিল বর॥
 ভবানী কহিছে দৌহে অবসর পরে।
 অনঙ্গ পূজিবে কালী আয়োজন করে॥

॥ কালী পূজার আয়োজন ॥

॥ পয়ার ॥

ফুল বিশ্বপত্র দিল আর জবামালা।
 সন্দেশ কিনিয়া রাখে কত শত থালা॥
 আতপ তণ্ডুল যদি আনে শত মণ।
 নানা উপচার ফল নৈবেদ্য রচন॥
 ধূপধূনা অগুরু গুগগুল দীপ আর।
 চন্দনাদি গন্ধদ্রব্য বিবিধ প্রকার॥
 পট্টসূত বস্ত্র কত কে করে গণনা।
 স্বর্ণমতি হীরকাদি জড়াও গহনা॥
 খাল গাডু বাটা বাটি কতই বাসন।
 শয্যা আদি নানাদ্রব্য হৈল আয়োজন॥
 হেনকালে স্নান করি অনঙ্গমঞ্জরী।
 ত্বরায় আইল সেথা গোপী সঙ্গে করি॥
 এ সকল দ্রব্য লয়ে সুখেতে সুন্দরী।
 পুরোহিত সঙ্গে আর পিসি সহচরী॥
 প্রথমে প্রবেশে নাট মন্দির ভিতরে।
 তথায় সে সব দ্রব্য রাখে থরে থরে॥
 পূজার দেখিয়া ঘটা ভাবে অধিকারী।
 এ যদি যজমান হয় তবে হাতসারী॥
 শ্রীদেব নিকটে কহে করিয়া বিনয়।
 আমার পালায় দিন শুন মহাশয়॥
 তব পুরোহিত হই পুরুষানুক্রমে।
 চিনিতে না পার তুমি ভুলিয়াছ ভ্রমে॥
 শ্রীদেব শুনিয়া পরে পূজা ভার দিল।
 অধিকারী হস্তমনে পূজা আরম্ভিল॥
 ব্রাহ্মণ পণ্ডিত বহু আছিল সেখানে।
 কেহ বলে চণ্ডী পড়ি তোমার কল্যাণে॥
 কোন দ্বিজবর হোম করিতে চাহিল।
 কেহ কালী নাম জপ করিব কহিল॥
 কেহ বলে রাণাজবা দিব শ্রীচরণে।
 একপ কহিয়া সব বৈশে যোগাসনে॥
 তেজঃ পুঞ্জ দ্বিজ সব ভৈরব আকার।

সূর্য্য সম তেজ্জ কারো কারো জটা ভার ॥
 কারো গলে অক্ষ কারো স্ফটিকের মাল ॥
 কেহ কালী কালী বলি বাজাইছে গাল ॥
 আগম নিগম আদি নানা শাস্ত্র জানে ॥
 দণ্ড করি কথা কহে কারে নাহি মানে ॥
 সকলে করহ কৰ্ম্ম শ্রীদেব কহিল ॥
 অনুমতি পেয়ে সবে প্রবর্ত্ত হইল ॥
 ভবানী কহিছে পরে কালী নাম স্মরি ॥
 স্তুতি আরম্ভিল মাকে প্রদক্ষিণ করি ॥

॥ শ্রীদেব উক্ত কালীস্তব ॥

॥ লঘু ত্রিপদী ॥

জগত জননী, জগত পালিনী,
 জগত বিলয় কারিনী ।
 ত্রিতাপ নাশিনী, ত্রিলোক তারিণী,
 ত্রিপুরারি মনোহরিণী ॥
 করাল রসনা, করাল দশনা,
 করাল বরণিঃ সারিণী ।
 বিভীষণ বেশা, বিভীষণ কেশা,
 বিভীষণ ভয় বারিণী ॥
 কিরীট ভালিনী, কিরীট পালিনী,
 কিরীট ভয় সংসারিণী ।
 ভয়দ হাসিনী, ভয়দ ভাষিণী,
 ভয়দ কৃশাণু কারিণী ॥
 জলদ ঘোষণা, জলদ বরণা,
 জলদ চিকুর ধারিণী ।
 শিব প্রদায়িনী, শিব সিমন্তিনী,
 শিব হৃদিপদ চারিণী ॥
 সমর সজ্জিত, সমর লজ্জিত,
 সমর নিহত মুণ্ডিণী ।
 শোণিত ভূষিতা, শোণিত নিন্দিতা,
 শোণিত বিধৃত ভূষিণী ॥
 কটি সুপীবরা, কটি ধৃত করা,

কটি বিরাজিত কিঙ্কণী।
 বরাভয় করা, বরাসি বিধরা,
 বরা মুণ্ড করা বাঙ্কণী।।
 ভব ভয় হরা, ভবরূপ ধরা,
 ভব মন মোহ কারিণী।
 ভাষিছে ভবানী, ভরষা ভবানী,
 ভবভার তার তারিণী।।

॥ চতুর্থ মিলনে কালীঘাটে রক্ষন ॥

॥পয়ার॥

পূজা অঙ্গ সাজ করি বাসায় আইল।
 কালীর প্রসাদ সবে বাঁটিয়া খাইল।।
 অনঙ্গের পিসি ছলে কহিল নাগরে।
 তুমি গিয়ে পাক কর ঘরের ভিতরে।।
 পাক আয়োজন সব অনঙ্গ করিবে।
 রক্ষন হইলে পরে বাহিরে আসিবে।।
 না করো বাহুল্য আজি করো ভাতেপোড়া।
 শীঘ্র শীঘ্র কর্ম্ম সারো আছে কত পোরা।।
 চতুর চতুরা দৌহে সঙ্কেত বুঝিল।
 অবিলম্বে গৃহ মধ্যে প্রবেশ করিল।।
 পাক আয়োজন শুন নবরসতর।
 রক্ষন করিতে বৈসে শ্রীদেব নাগর।।
 পূর্বেতে নাগর মুখ হাঁড়িপোড়া ছিল।
 যুবতী যৌবন জল তাহাতে ঢালিল।।
 উভয়ের কামানল তখনি জ্বলিল।
 মন চালু দিয়া পাক করিতে লাগিল।।
 কুচ দুটি নিয়ে করে বার্তাকি বুঝিল।
 কামানলে সে দুটোরে ভাল পোড়াইল।।
 পুনঃ পুনঃ কাটি দিয়া নাড়ে চাড়ে ঢাকে।
 বারম্বার টিপে দেখে যদি শক্ত থাকে।।
 রক্ষন হইল শেষ জল ছিল তায়।
 ফেণ গালি কামানল তখনি নিভায়।।
 অনল নিভিল শব্দ ফৌসফাঁস হয়।

ফিস ফিস করি দুই জন কথা কয়॥
 পিসাস বাহিরে কহে শুন গো জামাই।
 ত্বরা করে কর্ম সারো আর বেলা নাই॥
 শ্রীদেব শুনিয়া পরে আইল বাহিরে।
 হিসাব করিয়া টাকা দিলেক মুদিরে॥
 পুরোহিত পূজকাদি যতেক বাস্মাণে।
 পরিতোষ করিলেক দান বিতরণে॥
 পিসাসেরে কহে পরে শুন গো শাওড়ি।
 বয়সেতে কাঁচা বট সম্পর্কেতে বুড়ি॥
 পায় ধরি বলি বাছা যেন দয়া রয়।
 এই কাম কারো কালি যাতে দেখা হয়॥
 শুনে জামায়ের প্রতি কহিল সুন্দরী।
 সম্বাদ পাঠাব কালি কথা স্থির করি॥
 এই কথা বলে তারা সোয়ারি চড়িল।
 কালীকা প্রণাম করি শ্রীদেব চলিল॥
 পিসি সঙ্গে অনঙ্গ আপন ঘরে যায়।
 ভবানী কহিছে ভাব মিলন উপায়॥

॥ পঞ্চম মিলনের উপায়॥

॥ ত্রিপদী॥

অনঙ্গ আইল ঘরে, গৃহ কর্ম করি পরে,
 পিসিরে গোপীরে ডাকি বলে।
 উপায় বল গো পিসি, কেমনে পোহাব নিশি,
 কালি তারে পাব কোন স্থলে॥
 তারে যদি নাহি পাই, জাতি কুলে দিব ছাই,
 দেখিয়া এ দুঃখ কেবা সবে।
 শুনি তার পিসি কয়, কেন'তুমি কর ভয়,
 যুক্তি দিব যাতে সব রবে॥
 স্বামী একা আছে তোর, তাহাতে করিলে জোর,
 যা মনে করিবে তাহা হবে।
 রেতে তো বাহিরে যায়, আজি ধরে বৈস তায়,
 যেতে আমি নাহি দিব কবে॥
 তাহাতে ঠেকিবে দায়, ধরিবে তোমার পায়,

তুমি সে সময় কবে তাঁরে।
 যাবে সেতো রবে সুখে, আমি রব মনোদুঃখে,
 এ পোড়া সহিতে কেবা পারে।।
 সুখ সাধ ঘুচাইব, গালাগালি খাওয়াইব,
 আজি আমি কভু নাহি ছাড়িব।
 তবে যেতে পাবে তথা, যদি মোর রাখ কথা,
 বুঝি কবে অবশ্য রাখিব।।
 তখন না করি ভয়, বল যদি মন্ত হয়,
 বাটাতে সখের যাত্রা দিব।
 ঢাকা কড়ি যা লাগিবে, পিসি তাহা সব দিবে,
 তোমার কেবল স্থান নিব।।
 ইহাতে সে রাজি হলে, তার পর দিব বলে,
 যাহাতে আনিতে পার তায়।
 শুনি ধনি তুষ্ট অতি, পরে ঘরে এলো পতি,
 আহার করিয়া পুনরায়।।
 অনঙ্গ ধরিল তারে, আর কি যাইতে পারে,
 পিসির শিক্ষার কথা কহে।
 শুনি সেই গুণনিধি, তখনি দেলেক বিধি,
 বলে ছাড় বিলম্ব না সহে।।
 স্বীকার করায়ে দমে, ছেড়ে দিল নরাধমে,
 পরে পিসি গোপী এলো কাছে।
 কহে রাজি করিয়াছি, পিসি কহে গুনিয়াছি,
 তোমারে যে কথা কহিয়াছে।।
 সে কথায় কায নাই, এখন যা বলি তাই,
 কর তাহা যাহা প্রয়োজন।
 ভবানী কহিল তবে, এক্ষণ করিতে হবে,
 যাত্রার সকল আয়োজন।।

।। সখের যাত্রার আয়োজন।।

।।পয়ার।।

যাত্রা জন্য যুক্তি করে যামিনী পোহায়।
 সে সব রচনা হলে পুতি বেড়ে যায়।।
 উঠি অনঙ্গের পিসি গোপীকে কহিল।

তোমাকে নাগর কাছে যাইতে হইল॥
 অনঙ্গের নাম করে শ্রীদেবে কহিবে।
 নারী বেশ ধরি আজি যাইতে হইবে॥
 সখের সুযাত্রা আজি হবে সে বাটিতে।
 কুটুম্বের মেয়ে বহু আসিবে দেখিতে॥
 বাসায় থাকিবে তুমি নারী বেশ খরে।
 সঙ্ক্যার পরেতে নিয়ে যাব ডুলি করে॥
 তার পরে দুইশত টাকা চেয়ে নিবে।
 টাকা নিয়ে শীঘ্র করে মোরে আনি দিবে॥
 অনঙ্গের পিসি যত গোপীকে কহিল।
 গোপী সেথা গিয়ে বলে টাকা আনি দিল॥
 টাকা হাতে পেয়ে ভাল নাগরে ভাবিল।
 অনঙ্গের প্রতি পরে কহিতে লাগিল॥
 সখের যাত্রার মধ্যে ভাল কোন্ দল।
 যারে বল তারে আনি আছে মোর বল॥
 শুনি ভাল বলে জোড়াসাঁকোর আসল।
 আর যত দল আছে সকলি নকল॥
 অনঙ্গের পিসি তার পুছন্দ শুনিয়া।
 তুষ্ট হয়ে কহিতেছে গোপীকে ডাকিয়া॥
 দলের প্রধান মিত্র জানিতে পারিবে।
 মোর ভাইঝির বাড়ি যাত্রা আজি হবে।
 অনেকে আসিবে হেথা সেকথাও কবে॥
 একে মোর নাম তায় অনেক আশায়।
 তখনি হইবে রাজী তারা তাই চায়॥
 সেথা হতে ত্বর করে কুটুম্বের বাড়ি।
 নিমন্ত্রণ করিবারে যাবে তাড়াতাড়ি॥
 আমাদের অন্তরঙ্গ যত মেয়ে আছে।
 বিশেষ করিয়া কবে সকলের কাছে॥
 সখের সুযাত্রা আজি শুনিতে যাইবা।
 অনঙ্গের নাম করে নিমন্ত্রণ দিবা॥
 গোপী এই কথা শুনে তখনি চলিল।
 অনুমতি মত সব স্থানেতে কহিল॥
 বাজার হইতে পরে আনায় মিঠাই।

গালিচা দুলিচা বাতি যাহা যাহা চাই।।
 নিমজ্জিত নারীগণ আসিতে লাগিল।
 রাত্রির সম্প্রদা যত তাহারা আইল।।
 তোপের পরেতে সব বাতি জ্বলাইল।
 সম্প্রদা সাজিল সং যাত্রা আরম্ভিল।।
 দলপতি বেদিনী সে সাজিল আপনি।
 গীত ঐ দাঁতের পোকা খসাই এখনি।।
 এ যাত্রার সংগীত অনেকে তা জানে।
 দেখেছে নয়নে লোক শুনিয়াছে কানে।।
 সে সব রসের কথা যদি লেখা যায়।
 রসধাম নামে এক গ্রন্থ হয় তায়।।
 অতএব কহি যাহা গ্রন্থ প্রয়োজন।
 রসিকা কি করে ঘরে করিয়া গোপন।।
 নিমজ্জিত নারীগণ লইয়া যুবতী।
 নানা সং গান দেখে শুনে রসবতী।।
 হেনকালে গোপী যায় নাগরের কাছে।
 গিয়ে দেখে নারীবেশ ধরে বসে আছে।।
 দেখিয়া কহিছে গোপী এ কেমন বেশ।
 ভবানী কহিছে শুন বেশের বিশেষ।।

।। নাগরের পদ্মীগ্রামস্থ নারীবেশের কারণ।।

।।পয়ার।।

পরিয়াছে খাসা সাড়ি কাশী সাড়ি তার।
 কুসুমে রঙ্গীন ভাল বড় আঁচলাদার।।
 মেথিতেল দিয়া মাথা আঁচড়িয়া বাঁদে।
 দিয়েছে সিন্দুর ভালে যেন রবি চাঁদে।।
 কালি দিয়ে উলকি পরেছে ভুরুমাঝে।
 তদুপরি সুবর্ণের টিকা ভাল সাজে।।
 বিনা কর্ণফুলে কানে বুঝকা দোলায়।
 সোনার ঠোসের লং আছে নাসিকায়।।
 চাপাকলি স্বর্ণমালা হাঁসলি রূপার।
 গলায় দিয়েছে সব শোভা কত তার।।
 বাউটী পৈইছা লৌহ রূপাতে বাঙ্কান।

রূপার মাদুলী হাতে রেশমে গাঁথান॥
 বড় মোটা বাঁকা মল পরিয়াছে পায়।
 আর অলঙ্কার ঢাকা নাহি দেখা যায়॥
 এরূপ দেখিয়া গোপী কহিতে লাগিল।
 পাড়াগাঁয়ে বহু বেশ কেবা শিখাইল॥
 এক্ষণে বিলম্বে আর নাহি প্রয়োজন।
 ডুলি আনিয়াছি ইথে কর আরোহণ॥
 অবিলম্বে কালী বলে ডুলিতে চড়িল।
 অতিবেগে গিয়ে ডুলি তথায় পৌঁছিল॥
 অন্তরে প্রবেশ করে গোপীর সহিতে।
 নাগর আইল ধনী পাইল দেখিতে॥
 অন্য অন্য যুবতীর পার্শ্বে বসাইল।
 নাগর ঘোমটা টানি লজ্জা জানাইল॥
 অনঙ্গ আসিয়া তার নিকটে বসিল।
 করে ধরি তবে তারে কহিতে লাগিল॥
 দেখ্ লো নূতন বৌ এ যাত্রা কেমন।
 পাড়াগাঁয়ে দেখেছিস কখন এমন॥
 পাড়াগাঁয়ে মেয়ে কভু ঘোমটা নাহি খোলে।
 ফিসফিস করে কথা-কহে ঘুমে ঢোলে॥
 দেখে শুনে ইনি কেটা জিজ্ঞাসে সকলে।
 অনঙ্গ বিশেষ করে কহিছে কৌশলে॥
 হুগলির পূর্ব্ব হালি সহরেতে ঘর।
 পিসির ভাগিনা বহু গোষ্ঠীপতি ঘর॥
 সম্প্রতি সে দেশ থেকে পিসি আনিয়াছে।
 কোথাও নাহিক যায় ভাবে আগে পাছে॥
 সোজাসুজি লোক বহু কথা নাহি জানে।
 এসেছে অবধি কথা নাহি শুনে কানে॥
 যতক্ষণ আছে হেথা কথা না কহিবে।
 বেশভূষা দেখ যদি সকলে হাসিবে॥
 তাড় বাজুবন্ধ গয়না পরেছে রূপার।
 কাঁকালে তেনরি গোট আর চন্দ্রহার॥
 মোম দিয়ে পেটেপেড়ে খোঁপা বান্ধিয়াছে।
 বাঁপাতার আছে যেন ঝুলিতেছে গাছে॥

লজ্জার নাহিক সীমা ঘোমটা সাত হাত।
 ভাতারের ভাবনায় নাহি বুচে ভাত।।
 সন্ধ্যা জ্বলে পরেতে ঘুমায় নিরবধি।
 আমি এই মত দেখি এসেছে অবধি।।
 ঘুমেতে কাতরা হয়ে ঢুলে পড়ে যায়।
 অনঙ্গ তাহারে লয়ে শোয়াইতে যায়।।
 দেখে শুনে নারীগণ পরস্পর কহে।
 পাড়ার্গেয়ে মেয়েগুলো কেহ ভাল নহে।।
 তার মধ্যে কহে কেহ গলিত যৌবনা।
 পুরুষের গুণ কহি করি বিবেচনা।।
 তামাসা দেখিতে যদি কোন মেয়ে চায়।
 ভাতারের মত নৈলে যেতে নাহি পায়।।
 আপন খুসিতে কেহ দেখিবার তরে।
 যে যায় তাহাকে স্বামী ঝাঁটা পিটা করে।।
 শুনে নাকে হাত দিয়ে কহে নারীগণ।
 হেন যারা সহে দিক তাদের জীবন।।
 বুঝহে রসিক কহে শ্রীচন্দ্রিকাকর।
 নারীগণ পতিগণ কহে পরস্পর।।

॥ পতিগুণ বর্ণনা ॥

॥পয়ার॥

পাড়ার্গেয়ে পুরুষের শুনিয়া কুধারা।
 নিজ পতি গুণ কহে রসিকা যাহারা।।
 শুনে এক রসবতী কহে মৃদুস্বরে।
 দেওয়ান আমার পতি আমদানি ঘরে।।
 ইংরাজী পারসী বিদ্যা কিছুই না জানে।
 দস্ত করি কর্ম করে কারে নাহি মানে।।
 সাহেবের সব কথা নাহি বুঝে শুনে।
 অথচ তাহারে ভালবাসে তার গুণে।।
 কুঠী হতে আসিয়া বাহিরে জল খায়।
 গাড়ি চড়ি তখনি বাগানে চলি যায়।।
 দ্বারেতে দ্বারির প্রতি আজ্ঞা আছে তার।
 সে বাটীতে না থাকিলে ছকুম আমার।।

ইহাতেই বুঝ মনে নাহি পারি কিবা।
 অতএব পতিগুণ বুঝি নিশি দিবা।।
 শুনি কোন সুরসিকা কহিতেছে পরে।
 সদর মেটের কন্ম মোর স্বামী করে।।
 তাড়াতাড়ী কুঠী যায় তবু রাত্রি হয়।
 বাটী আসি বাহিরে থাকিয়া কথা কয়।।
 কাপড় ছাড়িয়া যায় বাবুর বাটীতে।
 চাকরে ছকুম করে যাইবা আনিতে।।
 সে তখন যেতে পারে যখন পাঠাই।
 ইথে কোন কন্ম সিদ্ধি নাহি হয় ভাই।।
 অন্য রসবতী কহে একি বড় গুণ।
 খাতার মুছরি পতি কাগজে নিপুণ।।
 ঠিকঠাক কাম বুঝে হয় উপনীত।
 সব আশা পুরে মোর যাহা মনোনীত।।
 ভুল ভ্রমে যদি গৃহে এসে অসময়।
 কাগজ লইয়া বৈসে আনমনে রয়।।
 কহে কোন কামিনী করিয়া অহঙ্কার।
 মোর পতি অতি বড় ঘরে তবিলদার।।
 কত লোকে টাকা দেয় থোক থাক পায়।
 রেতে ঘরে এসে বৈসে মজ্জুদ মিলায়।।
 সে সময়ে কারো কথা নাহি শুনে কাণে।
 কাছ দিয়ে কেহ গেলে চায় না তা পানে।।
 মজ্জুদ মিলিয়ে গেল হয় বড় খোস।
 কিছু যদি দেখে শুনে নাহি ধরে দোষ।।
 হাসি খুসি করিয়া বেড়ায় ফিরে ঘুরে।
 এমন পতির গুণ কেবা নাহি বুঝে।।
 কেহ কহে পতি মোর ব্যাকের পোদ্দার।
 আর যত বেনে আছে তাঁরা তাঁবেদার।।
 ফাল্‌স নোট তাঁবা মেকী চেনে সে চকিতে।
 কেবা পারে তার ঘরে মেকী চালাইতে।।
 টাকাই সে ভাল চেনে আর কিছু নয়।
 টাকা তার হাতে দিলে পরকিয়া লয়।।
 শুনি কেহ কহে ভাব যেন রাজরাণী।

কত কব পতি গুণ নিজে সে' করানি।।
 ইংরাজী মেজাজ তার করে ষ্টহাট।
 বিদ্যার জাহাজ ভাই জানে কত ঠাট।।
 নকল করিতে পারে মাছি না এড়ায়।
 ছল ছাড়া কৰ্ম নাহি করে বে দাঁড়ায়।।
 ফিটফাটে সদা থাকে রুটি ঘণ্ট খায়।
 ময়লা গলিজ কিছু দেখিতে না চায় ।।
 সুখেতে সদাই থাকে ঘরে নাহি রয়।
 ঘরে যবে এসে সাপ দেখে খুসি হয়।।
 বেআড়া কুত্সিত লোক দেখিতে না পারে।
 সোয়াকিন লগ্না থাক বলে ঘোরে ঘারে।।
 কহিছে রমণী কোন শুন পতি গুণ।
 শুনিলে শত্রুর মুখে পড়ে কালি চুন।।
 পতি মোর করে চিনে বাজারে দোকান।
 ঘরে বাহিরেতে ভাল দোকান সাজান।।
 সাজাতে কসুর নাই দুদিক সমান।
 কোথায় কি হয় তার করে না সন্ধান।।
 এইরূপে পতিগুণ করে নারীগণ।
 অধিক হইল রাত্রি যাত্রা সমাপন।।
 মণ্ডা মিঠাই খিলি কত এনেছিল।
 সম্প্রদায়ে লোক যত প্রথমে খাইল।।
 আহাৰাদি করি তারা যাইতে চাহিল।
 অনঙ্গের পিসি আসি বিদায় করিল।।
 তারা গেলে উঠাইল বিছানা বালিস।
 ভবানী বলিছে পরে মেয়ে মজলিস।।

।। মেয়ে মজলিসে প্রমত্তা খেলা।।

।।পয়ার।।

মেয়ে মজলিস কথা উচিত জানিয়ে।
 অনঙ্গের পিসি তবে তাদের লইয়ে।।
 খাওয়ায় সুখাদ্য যত আয়োজন ছিল।
 তাদের সহিত কিছু আপনি খাইল।।
 ভোজনান্তে সকলে বসিল সভা করি।

তাকিয়া লাগায় তারা লজ্জা পরিহরি।।
 গোপী দাসী সাজি আনি দিল পান দান।
 কত মত ভুকুটী করিয়া পান খান।।
 কাহারো আলবোলা এলো কার গুড় গুড়ি।
 সকলে তামুক খায় নবীনা কি বুড়ি।।
 এ সব হইলে পরে রাত্রি কিছু ছিল।
 প্রেমিকারা প্রেমারা খেলা আরম্ভিল।।
 যাও থাক এই শব্দ কেহ কেহ কহে।
 কেহ বা মৌরেন্ত ডাকে কেহ তাহা সহে।।
 সাবাসি কাগজ বলে কোন রসবতী।
 শুনিয়া কাগজ ফেলে খেলুড়ী যুবতী।।
 প্রমারা খেলায় সবে হইয়াছে মত্ত।
 অনঙ্গ কি করে ঘরে কেবা লয় তত্ত্ব।।
 অনঙ্গ শ্রীদেব দুঁহে শুইয়া তথায়।
 ভবানী কহিছে শুন কি খেলা খেলায়।।

।। পঞ্চম মিলনে খেলাচ্ছলে বিপরীত শৃঙ্গার।।

।। তোটকু ছন্দ।।

নব নাগর কামকুপে মজিয়া।
 কত খেল খ্যালাে রমণী লইয়া।।
 কামিনী কমলে হৃদয়ে উঠিল।
 নলিনী তখনি মৃণালে বাঙ্কিল।।
 মধুপে অধরে মধু পান করে।
 ধনী ক্ষীণ কটি ধরি করে ধরে।।
 কামে মত্ত হয়ে মৃদু মন্দ স্বরে।
 যুবতী কহিছে প্রাণনাথ বরে।।
 হাত দেহ বুকে বড় ভয় করে।
 এখনো মদনে হানিতেছে শরে।।
 তুমি রূপধারী রতিনাথ মত।
 গুণ ধরি নামে আরো কব কত।।
 অতি শীঘ্র কর হর কামজ্বালা।
 কামে জোর কর নাহি বুঝ বালা।।
 গুনি প্রাণ পতি কহে তার প্রতি।

হৃদি উঠি করো বিপরীত রতি॥
 করি ইচ্ছা মতে স্মরে দূর কর।
 শুনি ধ্বনি মনে হলো হৃষ্টতর॥
 লাজ বাদ সাদে আসি আঁখি ভরে।
 কামদেব আরো মনে ব্যস্ত করে॥
 কামে মত্ত দেখে লাজ লাজ পেয়ে।
 টুটিল ছুটিল কোথা রয়ে যেয়ে॥
 পরে পতি কোলে ধনি পড়ে ঢুলি।
 প্রিয় পড়ি অধো বৃকে নিল তুলি॥
 হৃদি সরোবরে ধ্বনি উঠে সুখে।
 যেন পদ্মশোভে ভাসে অধোমুখে॥
 ঘন কেশে আরো অতি ঘোর মশী।
 উভয়েরি তাহা ঢাকে মুখশশী॥
 মৃদুহাস্য মুখে অতি চিত্ত লোভা।
 যামিনীতে যেন দামিনীর শোভা॥
 কটিদেশ তুলে ঘন শব্দ করে।
 জলবিন্দু তাতে তবু নাহি সরে॥
 অবলা হইয়া সবলারি মত।
 বহু কষ্ট পেলে নারী পারে কত॥
 পুন পালটিয়া নাথ উঠে বৈসে।
 তবু নাহি তাহে বাহুবন্ধ খসে॥
 বিধিমতে কামে কত বজ্র মারে।
 পরে বারি ঢালে মুষলের ধারে॥
 গোপনে দুজনে করে রঙ্গছলে।
 ভবানী কবি তোটক ছন্দে বলে॥

। সভা ভাগিন্যা নারীগণের নিজালয়ে গমন॥

।।পয়ার।।

নাগর লইয়া সুখে অনঙ্গমঞ্জরী।
 রতি রস রঙ্গেতে রজনী শেষ করি॥
 আইল সভায় যথা সুরসিকাগণ।
 দেখি তার পিসির চঞ্চল হৈল মন॥
 ভাবে সবে সভা ভাগি যাইবে যখন।

শ্রীদেবেরে লয়ে আমি যাইব তখন॥
 সভা ভাঙ্গিবার চেষ্টা তখনি করিল।
 রাত্রি কত আছে বলে কারে জিজ্ঞাসিল॥
 প্রমারায় মন্ত ছিল যত নারীগণ।
 নিশি শেষ শুনি সবে হলো সচেতন॥
 সভা ভাঙ্গি উঠি সবে নিজ ঘরে যায়।
 অনঙ্গ বিনয় করি করিল বিদায়॥
 সেই গোলমালে যায় যুবা বহরুপী।
 অনঙ্গের পিসি তার সঙ্গে চুপি চুপি॥
 আপনার ডুলির মধ্যে তারে তুলি নিল।
 ছুরা করি সেথা হতে বেহারা আনিল॥
 পরম আত্মদে রামা বাটীতে পৌঁছিল।
 নাগর লইয়া পরে পালকে বসিল॥
 পুরাই মনের সাধ মনেতে ভাবিল।
 ভবানী কহিছে সাধ বিধি পুরাইল॥

॥ অনঙ্গের পিসি সহ শ্রীদেবের ক্রীড়া ॥

॥পয়ার॥

পালকে শুইয়া কহে রাত্রি আর নাই।
 বিলম্ব না কর আর শুন হে জামাই॥
 শুনিয়া সঙ্কেত তার বুঝিল ইঙ্গিতে।
 সন্তোষে নিদ্রিত কামনারে জাগাইতে॥
 দুই পদ ধরি করে বসিল এমনি।
 গলা ধরি ধনী মুখ চুম্বিত অমনি॥
 নীরস রসনা দেখে নাহি রস লেস।
 নাগরে কহিছে করি অনঙ্গের দ্বেষ॥
 আহা মরি এ চাঁদ বদন সুধা রাশি।
 নিঙ্গড়ে লয়েছে সব সেই সর্বনাশী॥
 রজনীর শেষে প্রাণ কমল ফুটিল।
 ভাগ্য হেতু মধুকর ঘুমায়ে রহিল॥
 মধুপরিপূর্ণ পদ্ম অলি না জাগিল।
 কি হবে উপায় প্রাণ আশা না পুরিল॥
 রমণীর খেদ শুনি শ্রীদেব কাতর।

সন্তোষের পরে রস করিতে ফাঁপর।।
 কামিনীর কাম আশা পুরাবার তরে।
 অলি জাগাইতে কুচপদ্ম কলি ধরে।।
 কত আকিঞ্চন করে তবু নাহি উঠে।
 লাজে হেট মুখে রহে কিছু নাহি ফুটে।।
 বহু কালে বহু শ্রমে ভ্রমর উঠিল।
 অর্দ্ধফুল পদ্বিনীর মধ্যে প্রবেশিল।।
 জাগিল মধুপ আর কে করে সান্ত্বনা।
 মত্ত হয়ে পিয়ে মধু নাহি বিবেচনা।।
 কামিনীর কামনা পুরায়ে মধুকর।
 যামিনী পোহায় পুন হইল কাতর।।
 অরুণ উদয় হয় শ্রীদেব দেখিল।
 তুষিয়া প্রাণের প্রিয়া বিদায় হইল।।
 নারী বেশে ডুলি চড়ি বাসায় চলিল।
 পথি মধ্যে চৌকিদার দেখিতে পাইল।।
 বেহারারে কহে ওরে ডুলি কোথাকার।
 ডুলি খাড়া রাখ রাখ কহে বার বার।।
 ডুলি রাখি ভয় পেয়ে বেহারা পলায়।
 চৌকিদার চোর বুঝি কাপড় উঠায়।।
 ভবানী কহিছে সাধু চোর হয় বেশে।
 চৌকিদার সাথে কথা শুন সব শেষে।।

।। শ্রীদেব নারীবেশে চৌকিদারের হাতে পতিত।।

।। মালঝাপ পয়ার।।

চৌকিদার বলে কার পরিবার বল।
 সত্য হবে মান রবে নাহি করো ছল।।
 এ থানার জমাদার দুরাচার বড়।
 তার ঠাই রক্ষা নাই সব জড় সড়।।
 ঘরে আছে তার কাছে কেহ পাছে কহে।
 আমি চাহি করি রাহি তারে নাহি সহে।।
 সে তোমারে কারাগারে রাখিবারে কবে।
 বস্ত্র আর অলঙ্কার লবে তার হবে।।
 তার পরে তব ঘরে দক্ষ করে যাবে।

আঁকা বাঁকা পাকা পাকা করে টাকা চাবে।।
 সব যাবে লজ্জা পাবে আর যাবে কুল।
 সত্য কবে জ্ঞাতি রবে নাহি হবে ভুল।।
 চৌকিদারে বলে আরে নারী কার কহ।
 অতিশয় ভাল নয় পরিচয় লহ।।
 গুণধাম মোর নাম রতি গ্রাম বাসা।
 নহি নারী বেশধারী যাত্রা করি আসা।।
 চৌকিদার শুন সার কি বা আর কবে।
 রাখ মান ভুষাখান করি দান সবে।।
 শুনে বলে ইহা হলে যাবে চলে তবে।
 যে তোমারে ধরিবারে কেবা পারে কবে।।
 করি দান পেয়ে ত্রাণ ঘরে যান পরে।
 লাজ পেয়ে যায় ধৈর্যে ঘরে যেয়ে ডরে।।
 বলে বাপ একি পাপ মনস্তাপ করে।
 ভবানীর কথা স্থির শুনে ধীর রবে।।

।। চৌকিদারের হস্ত হইতে উদ্ধার হইয়া মনে আক্ষেপ ও ধবোষ।।

।। ত্রিপদী।।

গৃহে বসি সেই দিন,- করি মুখ অমলিন,
 ভাবেন কি হইল আমার।
 ধরেছিল চৌকিদার, মান রাখি অলঙ্কার,
 এলেম কি হবে আর বার।।
 এরূপ গমন দায়, চোর দশ দিন যায়,
 অবশ্য সাধুর একদিন।
 প্রহরী তো ধরেছিল, ধন পেয়ে ছেড়ে দিল,
 সেই যেন ছিল ধনহীন।।
 দ্বারি যত আছে দ্বারে, স্বদ্যপি ধরিতে পারে,
 তখনি শুনিবে স্বামী তার।
 ধনে নাহি রবে মান, কি জ্ঞানি বা যায় প্রাণ,
 তার হাতে না হবে নিস্তার।।
 এ প্রকারে যাওয়া ভার, কেমনে বা যাব আর,
 নাহি গেলে কেমনে বাঁচিব।
 করিলাম প্রেম সাধে, বুঝি বিধি বাদ সাধে,

কি জানে কি ঘটে কি করিব ॥
 আর বার করে মনে, দিক থাকু সেই জনে,
 প্রাণ ভয়ে নারী প্রেম ছাড়ে।
 রসিকা প্রেমের তরে, কেহ বা যদাপি মরে,
 রসিকের কাছে যশ বাড়ে ॥
 রাবণ সীতার আগে, দশ মুখ অনায়াসে,
 দিয়াছিল জগতে বিদিত।
 পেয়েছি পদ্মিনী তায়, এক মাথা যদি যায়,
 তাতে আমি না হত খেদিত ॥
 ভবানী এ স্থির করে, রাখে প্রেম যাতে রহে,
 কাছে যাবে যেরূপ কহিবে।
 অনঙ্গ মঞ্জরী ঘরে, ভাবে কি উপায় করে,
 কিসে প্রেম তরঙ্গ বহিবে ॥

॥ চিরমিলনের অনুপায় ভাবিয়া অনঙ্গের খেদ ॥

॥ ত্রিপদী ॥

সাহসে বুদ্ধির জোরে, যে প্রকারে যায় চোরে,
 গেনু এলো হইল মিলন।
 যোগেযোগে এ প্রকার, দেখা হল পাঁচ বার,
 বার বার না হয় তেমন ॥
 এই ভেবে মৌনী হয়, বিরহ হইলোদয়,
 মনোজের শরতে কাতর।
 স্মরিয়া শ্রীদেব রূপ, কহে মরি অপরূপ,
 আর কি হেরিব মনোহর ॥
 গোপীকে ডাকিয়া বলে, পাব আর কোন ছলে,
 উপায় না দেখি কোন মতে।
 অতএব শুন বলি, কুলে দিয়ে জলাঞ্জলি,
 ঘর ছাড়ি রব তার সাতে ॥
 হেন উপপতি যার, তার নিজ পতি ছার,
 সংসারেতে প্রয়োজন নাই। -
 গৃহ ধর্ম নাহি চাই, তারে যদি সদা পাই,
 লাজের মুখেতে দিব ছাই ॥
 একে সেই সুনবীনা, কেহ নাহি সুপ্রবীনা,

প্রবোধ কে দিবে সে সময়।
 বিরহে কাতর হয়, স্বর তারে অতিশয়,
 শরাঘাতে করিল প্রলয়॥
 ভাগ্যে গোপী কাছে ছিল, প্রবোধ কিঞ্চিৎ দিল,
 তোমার পিসিরে ডেকে আনি।
 কেন এত কর ভয়, যজ্ঞগাতে কি না হয়,
 মন্ত্রিণী প্রধানা তিনি জানি॥
 গোপী তাঁরে প্রবোধিয়ে, সেখানে কহিল গিয়ে,
 শুনি ধনি তখনি আইল।
 অনঙ্গের পিসি কবে, যাতে তুই ভাগ রবে,
 ভবানীচরণ বিরচিল॥

॥ অনঙ্গের পিসির অনঙ্গ প্রতি চির মিলনের সুযুক্তি প্রদান॥

॥পয়ার॥

অনঙ্গের পিসি আসি বৈসে তার পাশে।
 কি জন্য ভাবিছ বাছা বলিয়া জিজ্ঞাসে॥
 কহিলো গো পিসি তাহা তুমি কি জান না।
 তার বিরহেতে মরি উপায় বল না॥
 শুনি সেই রসবতী করিল প্রবোধ।
 অবোধের মত ভাব হইয়া সুবোধ।
 গোপীকে বলেছো তুমি কাতর হইয়া॥
 বাহির হইতে চাহ সংসার ছাড়িয়া।
 ছিছি বাছা হেন কথা এনোনাক মুখে॥
 যা মনে করি বা কর ঘরে থেকে সুখে।
 দেখ দেখি আমি যুবা বিধবা হয়েছি॥
 কুটুম্বের মান্য আছি কিনা করিতেছি।
 ঘরে থাকি উপপতি করি যত চাই॥
 কেবা দোষ দিতে পারে তবু স্বামী নাই।
 তুমি ভাতারের মাপু তব কথা কিবা॥
 তার শিরে তাল রাখি সকলি পারিবা।
 সুশাসিত পতির গৃহিণী যেবা হয়॥
 পরকে করিতে কৃপা তার কষ্ট নয়।
 নির্যোথে সংসার ছাড়ে হয় মানহীন॥

সংসারে থাকিলে বড় সুখ চিরদিন।
 গৃহস্থ যুবতী প্রতি অনেকের আশা।।
 সর্বকালে পতি যার আছে অনুদাস।।
 পশ্চাৎ সন্ততি হলে হয় সে গৃহিণী।
 তখন অধিক মান্য স্বামী সোহাগিনী।।
 কুলটার সুখ যে যৌবন যতকাল।
 তারপর হয় তার কতই জঞ্জাল।।
 তোর মত হাবা মেয়ে না দেখি কলিতে।
 এজ্ঞেতের মধ্যে নাই পারি তো বলিতে।।
 শুনহ উপায় বলি রবে চিরদিন।
 দুদিক থাকিবে দৌড়ে হইবে অধীন।।
 ইহা বলি বহু যুক্তি শিক্ষাইয়া দিল।
 স্বামীকে কহিবে আজি অনঙ্গ কহিল।।
 শুনিয়া অনঙ্গ হাসে গেল আঁখি নীর।
 ভাল বলিয়াছ পিসি এই কথা স্থির।।
 নাগরের কাছে তবে গোপীকে পাঠায়।
 বুঝায়ে কহিবে যেন ভয় নাহি পায়।।
 গোপী সেথা গিয়ে সব নাগরে কহিল।
 আহ্লাদে আটখান হয়ে দুঃখ পাসরিল।।
 গোপী সাত্ত্বিক পেয়ে বিদায় হইল।
 অনঙ্গেরে আসি কহে ধরা পড়ে ছিল।।
 শুনিয়া অনঙ্গেরে কঁাদে না পারে ফুকুরে।
 ভবানী কহিছে খেদ যাবে সব দুরে।।

॥ অনঙ্গ মঞ্জরীর পতির নিকটে তারকেশ্বর গমন প্রার্থনা ॥

॥পর্যায়॥

সঙ্ক্যার পরেতে ঘরে এলো তার পতি।
 কাছে আসি কহে হাসি অনঙ্গ যুবতী।।
 সदा মন্ত হয়ে থাক লৈয়ে বারাজনা।
 আখেরে কি হবে তার নাহি বিবেচনা।।
 এ সকল ধন কড়ি বাড়ি অলঙ্কার।
 কে ভোগ করিবে পরে আছে কে তোমার।।
 সন্তান না হলো মোর যৌবন না রয়।

তুমি যেন কথা শুন সে তো বশ নয়।।
 এক্ষণে যুবতী আছি হবে আশা আছে।
 তবু বাঁজা বলে লোক যাই যার কাছে।।
 মনোদুঃখে মরি আর কত লজ্জা পাই।
 এ কারণ তারকেশ্বরেতে যেতে চাই।।
 ধন্য দিয়ে রব সেথা তেরাত্রি করিব।
 সন্তান হবে না হবে বুঝিতে পারিব।।
 তোমার কি মত এতে বল দেখি শুন।
 মনে কিছু ভেবো নাক তারা ঋষি মুনি।।
 শুনিয়া তাহার স্বামী ছাড়িল নিশ্বাস।
 কার সঙ্গে যাবে কারে করিব বিশ্বাস।।
 অবশ্য উচিত দেবদ্বারে চেষ্টা করা।
 কিন্তু সে কঠিন বড় যায় প্রাণ হারা।।
 তপনে তাপিত হবে এ যে চৈত্র মাস।
 পথে যেতে কত ক্লেশ সেথা উপবাস।।
 এ দুঃখ সহিতে যাবে করিয়া আশ্বাস।
 যদি মন্দ কথা রটে হবে সর্বনাশ।।
 অনঙ্গ শুনিয়া কহে সে পার কেমন।
 পিসি সঙ্গে যাবে কেন ভাবিছ এমন।।
 প্রথর তপন বটে ডুলিতে কি ভয়।
 উপবাস ভয় কভু নারীর না হয়।।
 ব্রাহ্মণের মেয়ে যত কত ব্রত করে।
 বার মাস উপবাস করে নাহি ডরে।।
 ব্রাহ্মণেরা তুষ্ট তাতে আরো দিন বিধি।
 উপবাসে কিবা ভয় শুন গুণনিধি।।
 ব্রজবাসী সঙ্গে যাবে কি করিবে চোর।
 অতএব কোন দুঃখ না হইবে মোর।।
 মিছামিছি কেন তুমি ভাবনা করহ।
 কালি দিন ভালো যাবে যদি তুমি কহ।।
 শুন গুণধাম কহে কালি তুমি যাও।
 গোপী সঙ্গে যাবে আর যারে যারে চাও।।
 পতির হরিল মতি অনঙ্গমঞ্জরী।
 ভবানী কহিছে সুখে পোহায় শর্বরী।

॥ পতির অনুমতি প্রাপ্ত হইয়া অনঙ্গের তারকেশ্বরে গমন ॥

॥পয়ার॥

প্রভাতে পতির মত কহিল গোপীরে।
 এখনি ডাকিয়া তুমি আনহ পিসিরে॥
 পরে প্রাণ নাথে কবে হয়েছে উপায়।
 তারকেশ্বরেতে আজি যাব বলো তাঁয়॥
 গঙ্গাপার হবো মোরা হাটখোলা ঘাটে।
 আগে যদি যাই রবো শালিকার মাঠে॥
 তাঁরে বলো সেজেগুজে যেতে পালকিতে।
 হাটখোলা পার হলে পাইবে দেখিতে॥
 এতেক শুনিয়া গোপী চলিল ত্বরিত।
 প্রথমে পিসির কাছে হৈল উপনীত॥
 কহিল পিসিরে তার পরেতে নাগরে।
 শুনিয়া শ্রীদেব ভাসে আনন্দ সাগরে॥
 গোপী গিয়ে দেখে ঘরে যাবার সংযোগ।
 হেনকালে পিসি এলো হইল সুযোগ॥
 গোপী দাসী ব্রজবাসী আর পিসি সঙ্গে।
 চলিল অনঙ্গ মৃদু হাস্যমুখ রঙ্গে॥
 শ্রীদেব করিল যাত্রা মঙ্গল হইবে।
 প্রথমে দেখিল বামে শব কুস্ত শিবে॥
 দক্ষিণে হেরিল গাভী মৃগ আর দ্বিজ।
 কালী কালী বলে মুখে মনে মন নিজ॥
 উভয়ের হইল দেখা সুরধনী তীরে।
 সকলে মিলিয়া পরে যায় ধীরে ধীরে॥
 পথে এক রাত্রি থাকে হয়ে পুলকিত।
 প্রাতে উপনীত হৈল যথা মনোনীত॥
 শ্রীদেব সেখানে গিয়া ভিন্ন বাসা করে।
 অনঙ্গ পিসির সহ রহে স্থানান্তরে॥
 স্থানাদি করিল সবে আপন বাসায়।
 ভবানী কহিছে পরে পূজা দিতে যায়॥

॥ তারকেশ্বরের পূজা ॥

॥ পয়ার ॥

প্রবেশিয়া পুরী সবে মিলিল তথায়।
প্রথমে প্রণাম করি মোহন্তের পায়॥
পরেতে মন্দির মধ্যে প্রবেশ করিল।
পূজা দ্রব্য সঙ্গে ছিল তথায় রাখিল॥
স্মরিয়া বিষ্ণুর নাম বসিল পূজায়।
গঙ্গাজল দুগ্ধ ঢালে শিবের মাথায়॥
অঞ্জলি পুরিয়া বিশ্বদল দিল কত।
দ্রোণ অর্ক আদি পুষ্প পেয়েছিল যত॥
আনন্দে পূজিছে দিয়ে প্রিয় পত্র ফুল।
ঘৃত চিনি মধু রস্তু আতপ তণ্ডুল॥
প্রদান করিল সব মস্তক গহুরে।
বম বম শব্দে বহু গালবাদ্য করে॥
করতালি দেয় আর বগল বাজায়।
গদগদ ভাবে মনঃ স্থির তব পায়॥
যুবতী সে ভাবে ভোর পুলকে পুরিল।
অনঙ্গ শ্রীদেববর মনেতে চাহিল॥
ভবানীচরণ কহে নহে অসম্ভব।
পাইবা বাঞ্ছিত আশুতোষে কয়॥

॥ শিবের স্তুতি ॥

॥ পয়ার ॥

অহে শঙ্কু শুভদ কি কব তব গুণ।
বেদবেত্তা বেদব্যাস বলে না সগুণ॥
অঙ্গে ঈশ ঈশদ ঈশং কর কৃপা।
তব কটাক্ষেতে কত ক্ষিতিপতি নৃপা॥
পশুপতি পশুসম হয়েছি অজ্ঞান।
কৃপাময় কৃপা করি কর কৃপাদান॥
অহে শিব শিবদ অশুভ কর নাশ।
কালান্তক কালভয়ে হয়েছে হতাশ॥
শূলিশূল দিয়ে মম শূল কর দূর।
তব শূল বিনা শূল না হইবে দূর॥

মহেশ্বর মহিমা কি কহিব তোমার।
 আগম নিগমে প্রভু নাহি দেখি আর।।
 ঈশ্বর ঈশ্বর সবে তোমার প্রসাদে।
 দয়াময় দয়া কর পড়েছি প্রমাদে।।
 সর্ব সর্ব বেদে বলে সর্বময় তুমি।
 তেজস্ আকাশ সমীরণ জলভূমি।।
 ঈশান ঈশান কোণে আছে অধিষ্ঠান।
 ইহা বলি বলি সেই কোণে করে দান।।
 শঙ্কর শঙ্কর নাম কল্যাণ কারণ।
 কাতরে করুণা কর কৃতান্ত বারণ।।
 হে চন্দ্রশেখর শিরে ধরি শশধর।
 ভালে বসি ভাল শশী হলো শোভাকর।।
 ভূতেশ ভূতের সঙ্গে শুনি সহবাস।
 পঞ্চভূত হৈতে মোরে করহ নিরাশ।।
 হে খণ্ড পরশু খণ্ড খণ্ড পাপরাশি।
 পাপ করে সঙ্গী হয়ে আছি গৃহবাসী।।
 শিরিশ গিরিশ গিরি কন্যা লয়ে দান।
 কামনা পুরালে হলো শিখরি প্রদান।।
 মৃত্যুঞ্জয় মৃত্যুভয়ে ভাবিত অন্তর।
 অশান্ত কৃতান্ত শুনি ঘোর ভয়ঙ্কর।।
 কৃষ্ণিবাস কৃত কৃত্য কর হে আমায়।
 বিষয় বাসনা কৃষ্ণি বাসনা পুরায়।।
 পিনাকি পিনাক তব আমি ভিক্ষা চাই।
 পাপিষ্ঠ পাপের মাথা কাটিয়া ফেলাই।।
 উগ্র উগ্র মূর্তি শুনি উগ্র হয় করি।
 দীননাথ দয়া কর উগ্র মূর্তি হরি।।
 কপর্দি কঠিন কটা জটাজুট ধারি।
 কটা জটা ঘটা ছটা কহিতে না পারি।।
 ক্রীকঠ হে কঠ শোভা কি কহিব আর।
 কালকুট গলে গিয়ে হলো শোভাকার।।
 সিতিকঠ কঠ কাল কুটেতে শ্যামল।
 খল কাল কুট ভাল হইল সরল।।
 ভুলাইলি কপাল কপাল করে করি।

কপালের কপাল কি আহা মরি মরি॥
 বামদেব দেববন্দ হইতে সুন্দর।
 রজত পর্বত যিনি শোভা কলেবর॥
 ত্রিলোচন ত্রিলোচন করেছে ধারণ।
 এক চক্ষে চকিতেছে কর নিরীক্ষণ॥
 স্বরহর শরের শরীর করি ক্ষয়।
 করিলে করুণা করি মনেতে উদয়॥
 গঙ্গাধর ধরি শিরে সুর শৈবলিনী।
 ত্রিলোক জননী তিনি ত্রিলোক তারিণী।
 ভব তুমি তোমা হৈতে ভবের প্রকাশ।
 বিনাশ করহ ভব ভব অভিলাষ॥
 ভবের চরণ ভাবি ভবানীচরণ।
 আশুতোষ স্তব আশু করিল রচন॥

॥ শ্রীদেবের যোগীবেশ ধারণ পূর্বক নান্দিকার নিকট গমন॥

॥ একাবলি ছন্দ॥

পূজা পরে স্তুতি করি অশেষ।
 মহাস্ত দক্ষিণা দিলেক শেষ॥
 পরে সে তাহাতে বাসায় চলে।
 অনঙ্গের পিসি শ্রীদেবে বলে॥
 কত মত বেশ ধরিলে কত।
 আজি হতে হবে যোগীর মত॥
 যাও তবে তুমি যেখানে বাসা।
 রেতে যাবে সেথা পুরিবে আশা॥
 বাসে গিয়ে তবে প্রসাদ খায়।
 হেনকালে দেখি দিবস যায়॥
 শ্রীদেব সাজিছে মহেশ বেশ।
 মহেশ গুণের নাহিক লেশ॥
 কালাপেড়ে ধূতি দূরে ফেলিল।
 গেরুয়া বসন ভাল পরিল॥
 মুকুতার মালা রাখিল ঘরে।
 অক্ষমালা আর স্ফটিক পরে॥
 চন্দন আতর গোলাপ নীরে।

ফেলিয়ে বিভূতি মাখে শরীরে॥
 শিরেতে ধরিল কৃত্রিম জটা॥
 তারা হেন তার বরণ কটা।
 উষ্মীষ বাঙ্কিল শোভিল ভাল।
 বগলে আসন বাঘের ছাল॥
 অর্ধচন্দ্র ফোঁটা করে কপালে।
 শশিকলা তায় হইল ভালে॥
 ঢুলু ঢুলু আঁখি অরুণোদয়।
 মুখে সদা শিব সদাই কয়॥
 সন্ন্যাসীর বেশ ধরিয়া যায়।
 অনঙ্গ যুবতী আছে যথায়॥
 দ্বারে বজ্রবাসী বসিয়া আছে।
 সন্ন্যাসী আইল তাহার কাছে॥
 কহে কাঁহা গেলিসে দোনো মাই।
 আশীষ দেনেকো আয়াহৌ ভাই॥
 ব্রজবাসী প্রতি হুকুম ছিল।
 অনঙ্গ যেখানে কহিয়া দিল॥
 সন্ন্যাসী প্রবেশি ঘরে দেখিল।
 পিসি সঙ্গে ধনী বসিয়া ছিল॥
 দেখি ধনী কহে এসো গোঁসাই।
 পিসি তার কহে কি গো জামাই॥
 আমি সবাকারে দিব গো বলে।
 অনঙ্গের তরে সন্ন্যাসী হলে॥
 গুণমণি কহে বুঝি আভাস।
 আজ্ঞা বহই অনঙ্গ দাস॥
 হয়েছি গো আমি তোমার দাসী।
 সন্ন্যাসী হইনু এখানে আসি॥
 যখন যেমন হুকুম পাই।
 অমনি তখনি করি গো তাই॥
 দাস দাসী থাকে আজ্ঞার তাবে।
 তুমি কেন বাছা বুঝ না ভাবে॥
 শুনি ধনী মনে বাখানে তায়।
 কতগুণ তব হয় রে হয়॥

এতশুণ যেই তেঁই পারিলে।
 মোর অনঙ্গের মনো হরিলে॥
 পিসি সম্বোধিয়ে কহে রূপসী।
 খেতে কিছু বল এখানে বসি॥
 সম্যাসী কহিছে যোগীর ধারা।
 যাগ আগে করে যোগী যাহারা॥
 আমি যোগী যাগ করিব আগে।
 যাগ বিনা কিছু মনে না লাগে॥
 অনঙ্গ কহিল কেমন যাগ।
 যাগ ফল মোরে দেবে কি ভাগ॥
 ভবানী কহিছে দেখলো পরে।
 নাগর যাগের সুযোগ করে॥

॥ ষষ্ঠ মিলনে তারকেশ্বরে কামযাগ॥

॥পয়ার॥

কোমল বিমল বেদীজঘন যুগল।
 তার মধ্যে হোম কুণ্ড বরাঙ্গ সুতল॥
 নবীন সম্যাসী বসি বেদির উপরে।
 কাম তন্ত্র মতে কামযাগ করে॥
 দীপান্ত মানস পূজা মনোজের করি।
 বাহ্যে নিবেদিল কুচফল হস্তে ধরি॥
 মৃগাক্ষী কটাক্ষে জ্বালি দিল কামানল।
 বসন্ত বাতাসে অগ্নি করিল প্রবল॥
 বিধিকৃত শোক ত্রব এক যাগে ছিল।
 আত্মতি দিবার লাগি বিভাগ হইল॥
 এইরূপে যাগ অঙ্গ হলো আয়োজন।
 দেখি হোতৃ কর্মে হোতা হরষিত মন॥
 পরম আনন্দে কাম যাগ আরম্ভিল।
 সহস্র আত্মতি দানে সঙ্কল্প করিল॥
 আত্মতি প্রণালী দেখি সুখী যজমান।
 মুখামুখে যোগীবরে করিল সম্মান॥
 সম্মানিত সম্যাসীর যোগভঙ্গ নাই।
 যোগ বলে কাম সিদ্ধ করিছে গোসাত্ত্বি॥

বিস্তারিত শ্রব মুখে সহস্র আশ্রতি।
 পরে শুক্ল হবনেতে করে পূর্ণাশ্রতি॥
 হোমকুণ্ডে কোথা হতে কিরাপেতে জল।
 আসি নিভাইয়া দিল মনোসিঞ্জনল॥
 বসুমতি দৈব যোগে শীতল হইল।
 পৃথ্বীত্বং শীতলা ভব মন্ত্র পড়ি দিল॥
 যাগ কুণ্ড জলে যোগী শ্রব ভাসাইল।
 সেই জলে যজমান শাস্তি জল নিল॥
 ভবানী কহিছে যোগীবর ভাল ছিল।
 অনঙ্গ অনঙ্গ যাগ ফল শীঘ্র দিল॥

॥ তারকেশ্বরের পর একরাত্রি পথে বাস করিয়া স্ব স্ব গৃহে পুনরাগমন॥

॥পয়ার॥

কাম যজ্ঞ সাজ করি উভয়ে উঠিল।
 তখন তাহার যজ্ঞ সকলি খাইল॥
 এইরূপে তিন দিন করে কাম যাগ।
 যাগ ভাগ করি পরে বাড়ে অনুরাগ॥
 চতুর্থ দিবসে সবে ছাড়ি সেই স্থান।
 বাটী যাইবার জন্য হৈল যত্ববান॥
 পূর্ব মত দুইজনে ডুলিতে চড়িল।
 পিছে পিছে পালকিতে শ্রীদেব চলিল॥
 এক রাত্রি পথে থাকে বহু যাত্রী সাতে।
 শ্রীদেবের বরযাত্রী বুঝায়ে তাহাতে॥
 রাত্রি একঘরে হৈল সবাকার বাস।
 শ্রীদেব কৌশলে পুরে দুহাকার আশ॥
 নবীনা প্রবীণা পরে কহে গো অনঙ্গ।
 কালি ঘরে যাবে হবে সঙ্গ ভঙ্গ॥
 স্বামীরে কি কবে কিবা দেখিলে স্বপনে।
 কহে তুমি বলেছিলে নাহি কিছু মনে॥
 ভাল ভোলা মেয়ে বলে কহে পুনর্ব্বার।
 সার উপদেশ শুন যাতে পাবে পার॥
 এক্ষণে গোপনে থাকু সেই উপদেশ।
 ধর্মপতি কাছে কবে করিয়া বিশেষ॥

প্রভাতে সেখানে হতে চলিল ত্বরিতে।
দিবসের মধ্যে ধনী আইল বাটীতে॥
কর্ত্তা আনন্দিত কর্ত্তী ঘরে এলো ফিরে।
ভবানী কহিছে কহ স্বপন স্বামীরে॥

॥ অনঙ্গের রাত্রে পতিসহ শয়নে তারকেশ্বরের স্বপ্নকথা
এবং পতির উত্তরঃ॥

॥পয়ার॥

নিশিতে স্বামীর সহ করিয়া শয়ন।
কহিছে তাহারে ধনী স্বপন বচন॥
পুত্র মোর হবে বলে সেই কামনায়।
দুই দিন হত্যা দিয়ে রহিনু তথায়॥
তৃতীয় নিশিতে এক সন্ন্যাসী আইল।
বসিয়া আমার কাছে কহিতে লাগিল॥
অনঙ্গমঞ্জরী শুন তুমি মোর দাসী।
আমারে না সহে তুমি আছ উপবাসী॥
তোমার কামনা এই পুত্রবতী হও।
অবশ্য সন্তান হবে তুমি বক্ষ্যা নও॥
তোর গর্ভে পুত্র হবে বর দিনু বসে।
কিন্তু না হইবে তোর স্বামীর ঔরসে॥
শুনি তার পায়ে ধরে কহিলাম আমি।
কহ প্রভু কোন্ দোষে দোষী মোর স্বামী॥
গৌসাই কহেন কিছু দোষ নাহি পাই।
তাহার সন্তান ভাগ্যে বিধি লিখে নাই॥
তোর ভাগ্যে ছিল আমি তাতে দিনু বর।
তুই তার মত নিয়ে অন্য চেষ্টা কর॥
শুনিয়া তাহার স্বামী হইল ভাবিত।
কহে একি সর্বনাশ হিতে বিপরীত॥
কেমনে বা মত করি না বুঝিয়া মর্ম্ম।
কলঙ্ক হইবে কত আর যাবে ধর্ম্ম॥
একে তুমি সতী তাতে আমি হয়ে পতি।
বলিব কি লজ্জা খেয়ে কর উপপতি॥
নষ্ট হবে ধর্ম্ম যাবে পাবে পাব লাজ।

কর্ম কাণ্ড শ্রদ্ধ পণ্ড সে পুত্রে কি কাজ ॥
 মত না হইল শুনি ভাবিতা যুবতী ॥
 বিষাদে হর্ষিতা হলো স্বামী জানে সতী ॥
 কিন্তু মত না হওয়াতে ভাবিছে আকাশ ॥
 সে রাত্রি স্বামির সহ হৈল সহবাস ॥
 রতি রস রঙ্গ হৈল যেন শাস্ত্র পালা ॥
 উভয়ের মনে অন্য করে দায় টালা ॥
 তাদের বাসর হয় যেন কারাগার ॥
 দুজনে দুঃখিত মনে ভাবে অনিবার ॥
 সতী পতি কষ্ট পায় অধিক কামিনী ॥
 মন্দালাপে মনস্তাপে পোহায় যামিনী ॥
 প্রভাতে পিসিরে ধনী ডাকিয়া পাঠায় ॥
 ভবানী কহিছে এবে হইবে উপায় ॥

॥ অনঙ্গের পিসির বাক্যে উপগতি করিতে তৎপত্তির অনুমতি প্রদান ॥

॥পয়ার॥

অনঙ্গ প্রবীণা পিসি সাক্ষাতে কহিল ॥
 পতির সহিত যত কথা হয়েছিল ॥
 ভাবিতা হয়েছি পিসি করি কি উপায় ॥
 জামাই তোমার বলে ইথে ধর্ম যায় ॥
 প্রকাশ হইলে লোকে কলঙ্ক হইবে ॥
 এমন কুকর্মে মত কেমনে করিবে ॥
 নবীনে প্রবীণা কহে বুঝি নু সকল ॥
 বুঝায়ে করিব মত না হও বিকল ॥
 কহিব অখণ্ড কথা কহিতে কে পারে ॥
 কোথা সেই বোকা বেটা ডাক দেখি তাকে ॥
 অনঙ্গ শুনিয়া তারে ডেকে পাঠাইল ॥
 বাহিরে বসিয়া ছিল শুনিয়া আইল ॥
 পিসাস যথার্থ জানে জামাতারে কয় ॥
 অনঙ্গের স্বপ্নে কি তোমার মত নয় ॥
 শুনি গুণনিধি কন তুমি বুদ্ধিমতী ॥
 তোমার সমান আর নাহি গুণবতী ॥
 বিধবা হইয়া তুমি স্বামীর দৌলাৎ ॥

দেবরে হারায় কোটে সব কৈলা হাত॥
অতএব তোমার বুদ্ধির সীমা নাই।
বিবেচনা করে বল করি আমি তাই॥
লোকলজ্জা ধর্ম কর্ম যাতে সব রয়।
হেন কথা কহ যদি তবে মত হয়॥
ব্যাপিকা নায়িকা কহে কিছুই জানি না।
বিধবার হইনু আমি নবীনা প্রবীণা॥
বুদ্ধি সাধ্যমত বলি যাহা মোর ঘটে।
এতে মত দিতে পার শাস্ত্র সিদ্ধ বটে॥
পুরাণে শুনেছি আমি তাতে স্পষ্ট আছে।
ধর্মশাস্ত্র শুনিয়াছি পণ্ডিতের কাছে॥
মোকদ্দমা করি যবে দেবর সহিত।
ব্যবস্থার জন্যে আনি স্মৃতির পণ্ডিত॥
ন্যায়রত্ন বিদ্যারত্ন কত চূড়ামণি।
ব্যবস্থা পারগ যে পণ্ডিত শিরোমণি॥
তাঁদের মুখেতে কত শুনেছি বিধান।
সেই মত কব আমি মতের প্রমাণ॥
পুত্র প্রয়োজন আছে অবশ্য গৃহীর।
ব্যক্ত পুরাণেতে দেখ লেখন স্মৃতির॥
পণ্ডিতের আপন বংশ রাখিবার তরে।
আত্ম হতে না হইল অন্য মত করে॥
পাণ্ডুরাজা হৈতে পুত্র না হলো কুন্তির।
উপপতি জন্যে বিধি দিলেন সুধীর॥
অনুমতি পেয়ে কুন্তি তাহাই করিল।
পাঁচজন হতে পাঁচ পুত্র জন্মাইল॥
পতি অনুমতি বিনা তবু নারী পারে।
অনুমতি চাহি লেখে দায়ভাগ করে॥
স্বামী অনুমতি বিনা যে পুত্র জন্মায়।
শুনি সেই পুত্র পুণ্য অংশ নাহি পায়॥
পুরাণ স্মৃতির কথা কেবা নাহি মানে।
আর শিব আজ্ঞা আছে শুন সাবধানে॥
লোকলজ্জা ভয় তুমি তাহারে পারিবে।
গোপনে আসিবে কেহ কে ঢাক মারিবে॥

যদ্যপিও জানে লোক তাতে বা'কি ভয়।
 বক্ষ্যার এমন কৰ্ম কোথায় না হয়।।
 অন্য জাতি ধারা আমি জানি কত মত।
 এ জাতির এই মত দেখি শত শত।।
 সুজন বাবুর কথা শুনিয়াছ কানে।
 উপপতি সঙ্গে মাণ্ড পাঠায় বাগানে।।
 তিন পুত্র হৈল তার জারেতে জন্মায়।
 অনুমতি করেছিল বংশ রইল তায়।।
 যখন এসব কথা হয় জানাজানি।
 সে সময় লোকগুলো করে কানাকানি।।
 কিছুদিন থাকে কথা শেষ কিবা রয়।
 কলঙ্ক কি বশ সব কালে লোপ হয়।।
 অতএব শাস্ত্র সিদ্ধ লোক ব্যবহার।
 ইথে পাপ লজ্জা কেন হইবে তোমার।।
 গুণনিধি কহে শুনি পড়ি বাক জালে।
 শাস্ত্র এই বটে নাহি মানে কলিকালে।।
 অনুমতি কর তুমি শুন গুণনিধি।
 ধৰ্ম্মাধৰ্ম্ম হবে মোর আমি দিনু বিধি।।
 চিন্তিত অনঙ্গ পতি করে অনুমান।
 সাপ হাঁড়ি দেব পাড়ি ইহার বিধান।।
 পিঁড়ি যদি ভাঙ্গে তবে দেব রুষ্ট হন।
 না ভাঙ্গিলে সৰ্প তারে করিবে দংশন।।
 অতএব মত মোরে করিতে হইল।
 হইল আমার মত অনঙ্গে কহিল।।
 ধনীগুণি সুপুরুষ দেখিয়া আনিবে।
 ভবানী কহিছে তাহা জানিতে পারিবে।।

॥ পতির অনুমতি পাইয়া তৎক্ষণাৎ নাগর আনয়ন পূর্বক
 অনঙ্গের সুবভোগ।।
 ॥ ত্রিপদাবলী ছন্দ।।

শুনি স্বামী বচন, হইল মগন,
 পিসিরে গোপীরে দৌহে কহে।
 আনিতে নাগর, মোর মনোহর,

পাঠাইব ব্যাজ নাহি সহে।।
 গোপী তার বাটীতে, যাও লো আনিতে,
 কহিবা এখনি চল সেথা।
 এই সব বচনে, জানাবে সুজনে,
 এখনি আনিবা তারে হেথা।।
 কবে এই চাতুরী, রবে বরাবরি,
 যখন তখন তুমি যাবে।
 গোপী তার কাছেতে, চলিল ত্বরিতে,
 সে কথায় কত সেথা পাবে।।
 দাসী আসি বসিল, নাগর দেখিল,
 সুজন মলিন মুখে আছে।
 ধনী বাণী কহিল, যুবক চলিল,
 গদ গদ ভাবে তার কাছে।।
 গোপী আগে ধাইল, শীঘ্র জানাইল,
 দ্বারি দ্বারে ছেতে দিল তারে।
 সুনাগর আইল, সন্দ্বী পাইল,
 আঁখি শর হস্তে যত পুরে।।
 করে ধরি তুষিল, উভয়ে দাসিল,
 চকাচকি হস্ত দুইজনে
 নাগরে শুনাইল, স্বামী পাইল
 আব রাজী করিল যেমনে,
 গুনিয়া সুবচন, ভাসিল ভনে
 গুন প্রাণ তুমি মোর তবে
 কত দুঃখ পাইলে, প্রীতি বাড়িল
 কোন্ জন হেন প্রেম করে।
 আগেতে মজাইলে, পরেতে বাঁচাইলে,
 বাঙ্কিয়ে রাখিলে প্রেমডোরে।
 সুখেতে ভাসাইলে, দাস বানাইলে,
 ভয় ভুলে গেল তব জোরে।।
 পরে কহে কামিনী, দিবা কি যামিনী,
 অধিনীরে যেন মনে থাকে।
 গুনি মুখ চুম্বিল, কাম আরঙিল,
 গুণমণি মুখ মধু চাকে।।

কতই বলাবলি, করি গলাগলি,
 খেলিছে বলিছে কত মুখে।
 করিয়া কোলাকুলি, প্রেম ঢালাঢালি,
 করিছে খসিছে রস মুখে॥
 অনঙ্গে মজাইল, রসে ভাসাইল,
 মনে মনে দুজনে হাসে।
 কবি করি রচন, ভবানীচরণ,
 কহে সুখ কর গৃহবাসে॥

॥ অনঙ্গের নাগর প্রতি অভয় প্রদান ও নাগরের নির্ভয়ে গমনাগমন ॥

॥পয়ার॥

এইরূপে রতিরস করিয়া দুজনে।
 ছাড়ি সেই শয্যা বৈসে পৃথক আসনে॥
 প্রেয়সী সরস ভাবে শুন প্রাণধন।
 এক্ষণে তোমার আর নাহিকো গোপন॥
 দিবা কি নিশিতে সদা বাসায় থাকিবে।
 যখন যাইবে গোপী তখন আসিবে॥
 একথা অন্যথা যেন কখন না হয়।
 নিরন্তর অন্তরেতে করি এই ভয়॥
 পুরুষ ভ্রমর জাতি ভ্রমে নানাফুলে।
 কোন্ ফুলে মধু পেলে থাকে সেথা ভুলে॥
 আর যেন প্রাণ মধু মক্ষিকা যেমন।
 আয়াসের মধু রাখে করিয়া গোপন॥
 অমল জ্বালিয়া কেহ মক্ষিকার মুখে।
 অনায়াসে মধু সব হরে লয় সুখে॥
 দেখো যেন মোর প্রাণে ঘটনা তেমতি।
 যতনে রাখিবে প্রেম করি হে মিনতি॥
 শুনিয়া কহিল শুন শুন প্রাণেশ্বরী।
 শপথ করি হে তব পদস্পর্শ করি॥
 তোমা ছাড়া নারী নাহি হেরি অন্য পক্ষ।
 কথা তার সাথে কহি এতে যে স্বপক্ষ॥
 আমার প্রতিজ্ঞা এই শুন রসবতী।
 না ছাড়িব তব প্রেম থাকিতে শকতি॥

তুমি যদি ছাড় প্রাণ তবে কি করিব।
 তোমার বিরহে আমি তখনি মরিব।।
 শপথাদি স্তুতি করি অনঙ্গে তুষিয়া।
 সেদিন বাসায় গেল বিদায় হইয়া।।
 কখন রজনী যোগে কখন দিবসে।
 প্রত্যহ আইসে যায় অনঙ্গের বশে।।
 যখন অনঙ্গ পতি থাকে নিজ ঘরে।
 শ্রীদেব দেখিয়া আর নাহি ভাবে পরে।।
 নির্বিকার দেহ আর সরলের শেষ।
 সে শরীরে কিছুমাত্র নাহি রাগ দ্বেষ।।
 শ্রীদেবে ডাকিয়া কভু আদর করিয়া।
 তাস খেলে জিতে লয় বোকা ভুলাইয়া।।
 বাহিরে শ্রীদেব হারে তাহার খেলায়।
 ঘরে রসবতী নিতি জিতিয়া হারায়।।
 একদিন দিবাভাগে অতি অসময়।
 অনঙ্গের মনে আসি অনঙ্গ উদয়।।
 তখনি পাঠায় লোক তাহার নিকট।
 লোক গিয়া দেখে ঘরে নাহি সে কপট।।
 অনঙ্গে সম্বাদ দিল পারিল বুঝিতে।
 তবে তারে পাঠাইল পিসির বাটীতে।।
 সেথা তার দেখা পেয়ে ডাকিয়া আনিল।
 দেখে যুবতীর মনে মান উপজিল।।
 রাঙ্গা আঁখি রাঙ্গা দেখে করে তারে মান।
 ভবানী কহিছে তারে নাহি পরিত্রাণ।

॥ শ্রীদেব নাগরের প্রতি অনঙ্গের মান ॥

॥ ত্রিপদী ॥

ধনী কিছু নাহি বলে, জ্বলিতেছে ফ্রোধানলে,
 কালকূট কটাক্ষ সমান।
 হানিছে নাগর প্রতি, অসহ্য সে হয় অতি,
 গুরুতর হইয়াছে মান।।
 নাগর বুঝিল মনে, মান হৈল যে কারণে,
 লোক গেল দেখা নাহি পায়।

বাসায় না থাকি আমি, অনঙ্গ অন্তরযামি,
 ভাবিল পিসির ঘরে যায়।।
 সেথা লোক পাঠাইল, ঠিক যাহা ভেবেছিল,
 তথা দেখা পাইল আমার।
 আমি হারিয়াছি তারে, গুরুমান হতে পারে,
 গুরুতর সে হয় ইহার।।
 মোরে মানা করেছিল, ভুয়ো ভুয়ো কয়েছিল,
 দিবা নিশি থাকিবা বাসায়।
 তাহার কারণ যাহা, এক্ষণ বুঝি তাহা,
 আগে নাহি বুঝি অভিপ্রায়।।
 যদি কিছু ব্যক্ত করে, তবে মোর বাক্য শরে,
 নৈলে আমি কি কথা কহিব।
 করিণু যে অনুমান, তাহে যদি নহে মান,
 কথা ঢেকে পেঁচে কি পড়িব।।
 ভাবিয়া অবাক হৈয়া, সম্মুখেতে দাঁড়াইয়া,
 করপুটে গুরুড়ের পায়।
 অনঙ্গ ফিরিয়া রহে, গোপীরে ডাকিয়া কহে,
 যেতে বল পিসির সেথায়।।
 ত্রোণে নাহি বাক্য স্মরে, চক্রে ন্যায় চক্ষু ঘুরে,
 ক্ষীণানঙ্গ দ্বিগুণ ফুলিল।
 গোপীরে কহিল ধনী, বুঝিল নাগর মণি,
 শুনে প্রাণ প্রিয়ারে কহিল।।
 তোমার পিসির বাটী, গিয়েছিণু বটে ঘাটী,
 কিন্তু শুন কহি তার হেতু।
 অপরাধ বুঝে কও, তুমি সুখ নিধি হও,
 তিনি যে সুখের হন সেতু।।
 ইহাই বুঝিয়া মনে, গিয়াছিণু দরশনে,
 শুনেছিণু তার বেয়ারাম।
 যদি না দেখিতে যাই, আপনি বলিতে ভাই,
 তুমি বড় নেমক হারাম।।
 মোর পিসি তোর তরে, কিবা না করেছে অরে,
 তুই তাহা না রাখিলি মনে।
 সেই ভয়ে গিয়েছিণু, কেন তোমা না কহিণু,

অপরাধী হইনু গোপনে॥
যে কথা কহিল ছলে, শুনিয়া দ্বিগুণ জ্বলে,
গুরুমান করিল অনঙ্গ।
ভবানীচরণ ভাবে, কিসে এই মান,
কি উপায়ে হবে মানভঙ্গ॥

॥ শ্রীদেব কর্তৃক অনঙ্গের মানভঙ্গ ॥

॥পয়ার॥

মান ভাঙ্গিবার তরে শ্রীদেব নাগর।
কাকুতি মিনতি করে হইয়া কাতর॥
সুরসিকা তুমি আমি অরসিক মত।
সরসে কুরস কৰ্ম্ম করিয়াছ কত॥
পুরুষের অপরাধ ঘটে পায় পায়।
কামিনী কুপিতা কভু নাহি হয় তায়॥
সহস্র দোষের দোষী পুরুষ নিশ্চয়।
কুলবতী পতি প্রতি তথাচ সদয়॥
রমণীর এই কৰ্ম্ম জগতে বিদিত।
ইথে বুঝি মান নহে মনের সহিত॥
যদি কৰ্ম্ম দোষে রীতি হয় বিপরীত।
তথাচ চিহ্নিত দাসে মান অনুচিত॥
বিমল বদন ভারি দেখে ভয়ে মরি।
বিধু মুখে হাস্য করে ক্রোধ পরিহরি॥
কামিনী বুঝিল মনে ঠেকিয়াছে দায়।
পেয়েছি পতনে আজি আর কোথা যায়॥
নানা মতে নায়িকারে নায়ক বুঝায়।
অর্থশী সম্মাসী কভু প্রণাম না চায়॥
চতুর নাগর তার চাতুরি বুঝিল।
গলে ছিল মুক্তমালা পাদপদ্মে দিল॥
মালা দিয়ে দুই পায়ে ধরিয়া বসিল।
কামিনীর রোষ দিয়ে রস উপজিল॥
নাগরে কহিল ধনী শুন প্রাণ ধন।
এমন কুকৰ্ম্ম পরে করো না কখন॥

শুনে কহে গিয়েছিনু হইয়া পাগল।
 আর কি তেমন করি গেলে এই ফল॥
 পায়ে ধরে আছে তারে ছাড়ে না তখন।
 কামিনী কাতরা কামে দিল আলিঙ্গন॥
 কামানলে মালানলে সুদৃশ্য শরীর।
 নাগর নিভায় দিয়ে সুশীতল নীর॥
 একই শরীর হয় নাহি মধ্যে বস্ত্র।
 লাজ পেয়ে কাম যায় লয়ে অস্ত্র শস্ত্র॥
 উঠিয়া বসিল দৌহে কামে করি দূর।
 পরে জল পান করে সুজন চতুর॥
 অধিক রজনী হৈল বিদায় লইল।
 প্রবীণা পিসাস কাছে যাইয়া কহিল॥
 নবীনা প্রবীণা শুনে পরামর্শ কয়।
 এখানে আসিবা ফিরে যাবার সময়॥
 সেই পরামর্শ মত করে যাতায়াত।
 উভয় স্থানেতে যায় নাহিক উৎপাত॥
 এরাপে বসন্ত ঋতু পালন হইল।
 তারপরে গ্রীষ্ম ঋতু আসি দেখা দিল॥
 ভবানীচরণ বলে অনঙ্গ যুবতী।
 বিদায়ে আকুল বড় হৈল রসবতী॥

॥ কামে কাতর হইয়া নিম্নগৃহে গোপী দাসী সহ শ্রীদেবের রতিক্রীড়া॥

॥ ত্রিপদী॥

বৈকালে বৈশাখ মাস, নিবারি নিদাঘ আশ,
 সুবাতাস চাহিয়া অনঙ্গ।
 বসিয়াছে নিজ ঘরে, সেই দিন শনৈশচরে,
 দৈব ভরে দুর্যোগ প্রসঙ্গ॥
 দাবুনি মেঘের ছটা, তাতে উঠে ঝুড়ি ঝটা,
 ঘোর ঘট প্রলয় সমান।
 ধুলায় তিমির চয়, ঘূর্ণবায়ু অতিশয়,
 পায় ভয় ভাবিত পরাণ॥

গগনে সঘনে ঘন, করিতেছে সুগজ্জর্ন,
 সন্ সন্ ছুটিছে কাঁকর।
 চক্ষে পড়ে বহুধূলি, ফুটে যেন ছিটাগুলি,
 পথ ভুলি পথিক কাতর।।
 মৃদু মৃদু বিন্দু পাত, অবিশ্রান্ত বজ্রাঘাত,
 শব্দে দাঁত লাগয়ে কপাটি।
 হেন কালে গোপী ছিল, দিদি বলি সম্ভাষিল,
 আজ্ঞা দিল যাও তার বাটী।।
 গোপী কহে কতগুলো, ছাই ফেলতে ভাঙ্গা কুলো,
 আছি হলাহলিতে কি হয়।
 নহে দুঃখি পর দুঃখে, মত্ত সदा নিজ সুখে,
 কোন্ মুখে কহ এ সময়।।
 যাই আমি বাঁচি মরি, ওজর নাহিক করি,
 ত্বরা করি নাগর নিকট।
 উত্তরিল নিবেদিল, সে আদরে বসাইল,
 সুধাইল আদরে সঙ্কট।।
 শুনি সিহরিয়া যায়, আপনার পা মোছায়,
 গা মোছায় দু হস্তে তাহার।
 অমনি ফাঁড়িয়া থান, করাইল পরিধান,
 করে মাল্য গলে দিয়ে হার।।
 সেও ছিল ভাব রঙ্গি, গোপনে মিলিল সঙ্গি,
 করি ভঙ্গি জ্বালে কামানল।
 ভাঙ্গিল উভয় লজ্জা, দৌঁহে করে কাম সজ্জা
 টলে মজ্জা যে ছিল অটল।।
 এক্রপে দিবস যায়, দুর্যোগ হইল সায়,
 ভাবনায় গোপী অন্যমন।
 কহে চল যুবরাজ, কর আপনার সাজ,
 আর ব্যাজ না সহে এখন।।
 নাগর কহিল কথা, সঙ্ক্যা করি যাব তথা,
 তুমি সেথা করহ সংবাদ।
 ভবানী কহিছে দূতী, উপনীত শীঘ্র গতি,
 বেশে অতি ঘটিল প্রমাদ।।

॥ দাসীর শরীরে সম্ভোগ চিহ্ন দেখিয়া তার প্রতি
অনঙ্গের ভৰ্ৎসনাত্তরে দাসীর সদুত্তর ॥

॥ ত্রিপদী ॥

নাগরের মতিমালা, গলেতে ছিল উজালা,
এনেছিল বিস্মৃত হইয়া।
অবিলম্বে ধনী যায়, গমন পবন প্রায়,
হেথা দায় পোহায় ঠেকিয়া ॥
অনঙ্গ কহিছে হাসি, নাহি ছিলি অবিশ্বাসী,
এই আসি বলি গেলি সেই।
কি কারণে দীর্ঘবাসি, হইয়া বাঘের মাসি,
আশা পশি দেখা দিলি এই ॥
বামন হইয়া চান্দে, হাত বাড়াইলি ছাঁন্দে,
হেরে কাঁদে কত চকোরিণী।
যার খাও যার পর, তাহাকে নিরাশ কর,
মর মর কুল কলঙ্কিণী ॥
খাসা ঠেটী পরাইল, গলে মতি কেবা দিল,
মাখাইল আতর চন্দন।
এলো মেলো কেশবাস, মুখ শুদ্ধ ঘনম্বাস,
মোর গ্রাস করিলি ভক্ষণ ॥
তখন বুঝিল অরে, হারে ভুর ভার হরে,
নাহি ডরে কহিছে বচন।
চোর যদি চুরি করে, সে ধন গোপনে সরে,
কোথা চোরে দেখার ভাবন ॥
তুমি যার সে তোমার, আনিয়াছি দ্রব্য তার,
এই হার মোরে সম্ভাষিবো।
থাকিলে তোমার কাছে, তার কি নিস্তার আছে,
সদ্য আছে পোকা পাড়াইবে ॥
ভিজি তিতে তাড়াতাড়ি, গেলেম তাহার বাড়ি,
থান ফাঁড়ি বস্ত্র দিল আনি।
সিন্দুকে সুগন্ধ মাখা, তাহাতে কাপড় রাখা,
আছে দেখা পূর্বে আমি জানি ॥
পাত্র মেজে রাখে হার, তাহার সাক্ষাৎ কার,
পরিহার পরিহাস করি।

কহিছে অনঙ্গে দিব, সে কহিল দেখাইব,
প্রহারিব নিজ দণ্ড ধরি।।
বেগে যাই রড়ারড়ি, উছট খাইয়া পড়ি,
ভাঙ্গা কড়ি গালে কুটোলাভ।
কত রক্ত পড়িয়াছে, এখন সে চিহ্ন আছে,
দেখি পাছে ভাব ভাবি ভাব।।
যাতায়াত পরিশ্রমে, চুল খোলা কোন ধর্ম,
সে ধর্ম না জানিয়া আগেতে।।
হার দিল হারাইল, নিজ হারি লুকাইল,
হারাইল কথায় কথায়।
কহিতেছে বিবরিয়া, রসিক শুনিল গিয়া,
দাণ্ডাইল সিঁড়ির মাথায়।।
দুতীকা নায়িকা দৌহে, নাগর দেখিয়া মোহে,
কহে কহে কেন ক্ষুণ্ণমনা।
ভবানী এ সুপ্রণালী, চতুরের চতুরালি,
ভাবি কালী করিল রচনা।।

॥ অনঙ্গের প্রতি শ্রীদেবের অভিমান ॥

॥পয়ার॥

শ্রীদেব বসিল সেথা বিরস বদনে।
ক্ষুণ্ণতা কারণ ধনী জিজ্ঞাসে সঘনে।।
ক্ষুণ্ণমনা কেন আমি শুন তবে বলি।
দাসী অপবাদ দিয়ে কর ঢলাঢলি।।
সকল শুনেছি আমি সিঁড়িতে থাকিয়া।
শরীরে দিয়েছ নুন কাটিয়া কাটিয়া।।
তাহার জ্বালাতে মোর জ্বলিতেছে মন।
ক্ষুণ্ণমনা হৈনু আমি এই সে কারণ।।
ধিক যাকু তোরে আমি বুঝিনু সকল।
মরণ উচিত মোর বাঁচিয়া কি ফল।।
নীচগামী হই আমি কেমনে কহিলে।
এই কটু বাক্যানলে শরীর দহিলে।।
হায় বিধি কি কহিব একি কলিকাল।
যার আশ্রাবহ হই সেই দেয় গাল।।

দেখ দেখি আমি তব রূপ নিরঙ্কীয়া।
 মজ্জিলাম প্রেমে কুলে জলাঞ্জলি দিয়া॥
 তব প্রেমে বদ্ধ হয়ে তোমার আঞ্জায়।
 দিবানিশি থাকি বসি কেবল বাসায়॥
 ধর্ম কর্ম সব গেল লোক লৌকিকতা।
 সর্বদাই মনে করি তব রসিকতা॥
 আমার থাকিত যদি নীচ অভিলাষ।
 তবে কেন হয়ে রব তব কেনা দাস॥
 শপথাদি করিয়াছি আর কত শ্রম।
 তথাচ তোমার নাহি ঘুচিল সে শ্রম॥
 বুঝিলাম তব মন পাওয়া বড় দায়।
 সুখে থাকো মনে রেখো হইনু বিদায়॥
 করিয়া কপট ক্রোধ শ্রীদেব উঠিল।
 মনে মান হইয়াছে অনঙ্গ বুঝিল॥
 ভবানী কহিছে মান নহে অপমান।
 স্তুতি রতি করি দান করহ সম্মান॥

॥ অনঙ্গের বাক্য ও ব্যবহার দ্বারা নাগরের অভিমান পরিত্যাগ॥

॥ ত্রিপদী॥

নাগরের করে ধরি, অনেক বিনয় করি,
 কহিছে অনঙ্গ প্রাণধন।
 যাহাতে হইল ক্রোধ, তুমি তার দেহ শোধ,
 তবে ক্রোধ হইবে মোচন॥
 দাসী অপবাদ দিনু, তাহে অপরাধি ছিনু,
 মোরে দিও দাস অপবাদ।
 তোমার চাকর আছে, পাঠাও আমার কাছে,
 দিয়ে তারে কোন সুসংবাদ॥
 সে হেতা আইলে পরে, আমি তারে নিয়ে ঘরে,
 করিব যা তুমি করেছিলে।
 ভাল ধুতি হার দিব, আতরাদি মাখাইব,
 গ্রাহ্য হবে বেশ ভূষা দিলে॥
 সে যখন যাবে ফিরে, তুমি তারে বলো কিরে,
 এ সকল কোথা তুই পেলি।

ইহা বলে তাই বলো, কেন এত গৌণ হলো,
 এখনি আসিব বলে গেলি।।
 বুঝি তার সঙ্গে, ছিলি এতক্ষণ সঙ্গে,
 বুঝা যাইতেছে তোর ভাবে।
 যাহা বলে দিনু তাই, কালি তুমি করো ভাই,
 তবেই এসব শোধ যাবে।।
 সুকৌশল বাক্যানলে, নাগর দ্বিগুণ জ্বলে,
 মনে মনে বাখানে রমণী।
 অনঙ্গ দেখিল তায়, তবু নাহি ক্রোধ যায়,
 পরে স্তুতি করিতেছে ধনী।।
 শুন হে রসিক রাজ, তোমারে না হয় লাজ,
 ক্রোধ কর নারীর কথায়।
 অবলা অজ্ঞানী নারী, পুরুষের আজ্ঞাকারী,
 অধীনতা যাহার উপায়।।
 নায়ক উপরে গোবা, মান যেন আছে পোবা,
 কথায় কথায় অভিমান।
 মনে মনে মান হলে, প্রাণনাথে কটু বলে,
 আরো তারে করে অপমান।।
 অতএব বলি প্রাণ, মোর বাক্যে হয় জ্ঞান,
 করি ওহে ক্রোধ কর দূর।
 বৃথা যে যামিনী যায়, বাঁচাও অনঙ্গ দায়,
 কোপের করহ দর্প চূর।।
 শুনিয়া মধুর বোল, দূরে গেল গণ্ডগোল,
 শ্রীদেব ধরিল ধনী গলে।
 অনঙ্গ মনের প্রায়, পুরষাণি লাগে তায়,
 নাগরের গায়ে পড়ে ঢলে।।
 তারপরে মাকামাকি, মুখামৃত চাকাচাকি,
 কষাকষি করি ধরে কামে।
 বন্ধন হইল দৃঢ়, ভাব ভয়ে জড়সড়,
 তিতিল দৌহার বন্ধ ঘামে।।
 তথাপি না ছাড়ে কেহ, কামের কমল দেহ,
 ধরা পড়ে অনঙ্গ যুবতী।
 ধরিয়া যুবতী করে, কহিছে নাগর বরে,

মৃদুস্বরে করিয়া মিনতি ॥
 দিয়েছি দুঃখ দাসী দোষ, তাহে হয়ে ছিল রোষ,
 তুষ্ট হেতু করি রতি দান।
 নাগর পাইল দান, দূরে গেল অপমান,
 নারী দানে করিল সম্মান ॥
 ভবাণীচরণ মনে, করি কহে দুই জনে,
 উঠ উঠ কেন হেন সাজ।
 শ্রীদেব উঠিয়া যায়, অনঙ্গ কহিল তায়,
 আর নাহি কর হেন কায ॥

॥ বহু সুখভোগ পরে অনঙ্গের গর্ভ হয় ॥

॥পয়ার॥

প্রভাতে নাগর গেল আপনার স্থানে।
 স্নানাদি করিয়া নিদ্রা যায় দিনমানে ॥
 সন্ধ্যার পরেতে যায় অনঙ্গ আলয়।
 প্রভাত হইলে আইসে আপন বাসায় ॥
 এইরূপে গ্রীষ্ম ঋতু হইল সমাপন।
 আইল বরিষা ঋতু ঘন বরিষণ ॥
 বরিষণে কত সুখ নাহি নিরূপণ।
 পরেতে শরদ ঋতু করে আগমন ॥
 সুখেতে সন্তোগ করে শরদ সময়।
 অম্বিকা অর্চনকালে করে বহু ব্যয় ॥
 শিশির সময়ে ভাসে সুখের সাগরে।
 শরীর শূখায়ে দেয় হিম ঋতু বরে ॥
 এই মত বহু কাল হইয়া যুবতী।
 মহা সুখে কাটে কাল সুখী হৈল অতি ॥
 বহুদিন পরে তবে অনঙ্গ যুবতী।
 শ্রীদেব প্রসাদে ধনী হৈল গর্ভবতী ॥
 অনঙ্গের গর্ভ সবে করে অনুমান।
 বর্ণনে নাহিক ফল সর্বত্র সমান ॥
 ক্রমে চারি মাস গর্ভে অনেকে জানিল।
 পঞ্চমে নিশ্চয় হয় ভবানী রচিল ॥

॥ অনঙ্গ মঞ্জরী পুত্রবতী হয়—শ্রীদেবের ধনকর ॥

॥পয়ার॥

পাঁচমাস গর্ভবতী অনঙ্গ মঞ্জরী।
পরে পঞ্চামৃত দেয় বড় ঘটা করি॥
নবম মাসেতে সাধে করে ততোধিক।
পুত্র হৈল দশমে শ্রীদেব রূপ ঠিক॥
ধাত্র্যাদি নাপিত আর বাদ্যকর যত।
গোপনে নাগর সবে টাকা দিল কত॥
সূতিকা ষষ্ঠ্যাদি পূজা আছে যে নিয়ম।
যাতে ব্যয় হয় দেয় না ভাবে বিষম॥
কর্ত্তাটি করেন সাধ নাচ করাইতে।
তাহারো খরচ হৈল শ্রীদেবেরে দিতে॥
শুভান্নগ্রাশনে বহু ব্যয়ে করাইল।
এইরূপ বর্ষাবধি কতই করিল॥
পুনরায় গর্ভবতী হয় রসবতী।
মোহানা খুলিলে রাখে কাহার শকতি॥
ক্রমে ক্রমে তিন পুত্র হইল তাহার।
অনঙ্গ পতির হয় আনন্দ অপার॥
নিজার্থ সামর্থ্য তার-কিছু নাহি যায়।
ভবানী কহিছে আরো পুত্র কোলে পায়॥

॥ অনঙ্গমঞ্জরী সহ শ্রীদেবের অতি সাধের প্রীতি এককালে বিচ্ছেদ ॥

॥পয়ার॥

বালকের অলঙ্কার আর রসিকার।
দিয়াছে শ্রীদেব তবু নাহিক নিস্তার॥
পূজার সময় এক গহনা নুতন।
মাসে এক জোড়া সাড়ী ঢাকার বুনন॥
দ্বারী আর যত দাস দাসীর বেতন।
অকাতরে এ সকল দিতেছে ভাজন॥
সকল হইল ব্যয় সঞ্চয় যে ছিল।
কাজাল ভাবিবে ভয়ে তালুক বেচিল॥
যত ধন থাকে যদি আয় নাহি হয়।
নিরন্তর ব্যয় হয়ে কত দিন রয়॥

তাহার হইল শেষ নাহি কিছু 'আশ।
 তথাচ অনঙ্গ কাছে না করে প্রকাশ॥
 একদিন অনঙ্গ সে বিরলে বসিয়া।
 শ্রীদেবে কহিছে কিছু বিনয় করিয়া॥
 জড়াও বাউটী আমি এক জোড়া চাহি।
 নাগর শুনিয়া মনে করে ত্রাহি ত্রাহি॥
 শুনিয়া কহিল তার লক্ষ টাকা দর।
 ধনী বলে ইহা দিতে হলে কি কাতর॥
 যদি তুমি এই ক্ষুদ্র কথা না রাখিবা।
 তবে কি আমার পরকালে সাক্ষি দিবা॥
 শুনেছি নু বড় লোক বড় জাঁকজাঁক।
 হইল বিস্তর লাভ পেনু রোক থোক॥
 কুলবতী সাথে প্রেম করা বড় দায়।
 তখনি তা দিতে হয় যখন যা চায়॥
 কেন বল দেখি থাকি তোমার সহিত।
 নিজপতি আছে তারে করিয়া বঞ্চিত॥
 তুমি যদি অদ্যাবধি আশা ছাড় মোর।
 তবে স্বামী কাছে বলি কত করি জোর॥
 অতএব স্পষ্ট কথা শুন বলি ভাই।
 তোমার আসার হেথা লাভ কিছু নাই॥
 এতদিনে বুঝিলাম তুমি লোক শক্ত।
 টাকা তব ইষ্টদেব তুমি তার ভক্ত॥
 অনেক দিনের প্রীতি তোমার সহিতে।
 কি কব তোমারে আর পারি না রাখিতে॥
 তুমি অন্য চেষ্টা কর বুড়ি হৈনু আমি।
 অমনি তোমার সহ থাকু রামরামি॥
 শ্রীদেব শুনিয়া ঘন ছাড়য়ে নিশ্বাস।
 ভবানী কহিছে প্রেমে একি সর্বনাশ॥

॥ প্রীতিরক্ষা হেতু অনঙ্গের প্রতি শ্রীদেবের কাতর উক্তি॥

॥পয়ার॥

এমত নিষ্ঠুর বাক্য কেমনে কহিলে।
 এত প্রেম করে পরে সকলি ভুলিলে॥
 কি হবে আমারে প্রাণ মরি প্রাণ যায়।

ওষ্ঠাগত হল প্রাণ নিষ্ঠুর কথায়।।
 তুমি যদি ছাড় মোরে বল কি করিব।
 পরাণে মরিব কিম্বা সম্যাসী হইব।।
 তোমার লাগিয়া আমি সংসার না করি।
 ধর্ম কর্ম ধ্যান জ্ঞান অনঙ্গমঞ্জরী।।
 প্রেমের আধার আমি সঁপেছি প্রাণ।
 আধার না-ধার হবে নাহি ছিল জ্ঞান।।
 আমারে कहিলে যেতে অন্য নারী কাছে।
 তোমা ছেড়ে কোথা যাব কে আমার আছে।।
 চাতক জ্বলদ জ্বল করে থাকে পান।
 অন্য বারি না সায় যদি যায় প্রাণ।।
 যাবৎ এ দেহে মোর প্রাণ করে নাশ।
 হেরিব তোমার রূপ অন্য নাহি আশ।।
 রোপিয়াছি প্রেমতরু পাব ফল ফুল।
 ভাঙি হেতু হয় বুঝি সমূলে নির্মূল।।
 যদি ত্যাগ কর তবে বিচ্ছেদ দহন।
 আসি মোর দহিবেক শরীর ভবন।।
 শরীর ভবন মধ্যে তুমি আছ প্রাণ।
 তোমারে লাগিবে তাপ করি হেন জ্ঞান।।
 অতএব ভাবি আমি এই বড় খেদ।
 নতুবা নাহিক ভয় হইলে বিচ্ছেদ।।
 তোমা ছাড়ি শরীরেতে কোন্ প্রয়োজন।
 তোমার বিচ্ছেদ হলে ত্যজিব জীবন।।
 যদ্যপি জীবন থাকে এ পাপ শরীরে।
 কিন্তু ক্ষিপ্ত হয়ে কব মরিরে মরিরে।।
 স্মরণ হইবে সদা তব রূপ গুণ।
 সে সময়ে হবে গুণ কাটা ঘায়ে নুন।।
 তোমার বিচ্ছেদ হলে হইবে এমন।
 সুতরাং হবে মোর জীয়েন্তে মরণ।।
 এইরূপ বহু খেদ নাগর করিল।
 অনঙ্গ ভাবিয়া গরে তাহারে कहিল।।
 আজি তো বিদায় হয়ে চেষ্টা কর গিয়া।
 সম্বাদ লইব আমি দাসী পাঠাইয়া।।

জড়াও বাউটী মোর আবশ্যক আছে।
 সেই হেতু এত করে বলি তব কাছে।।
 ইহা দিতে যদি শক্তি না হয় তোমার।
 আমিও পাইব চেষ্টা উপায় তাহার।।
 শুনে হাতে পায়ে ধরে বিস্তর কান্দিয়া।
 নাগর বিদায় হয় মিনতি করিয়া।।
 শ্রীদেব চলিয়া গেল গোপীরে ডাকিল।
 দরয়ানে মানা কর তাহারে বলিল।।
 পরদিন নিরূপিত সময়ে আইল।
 যেতে নাহি পারে দ্বারে দ্বারিয়া কহিল।।
 বাসায় আসিয়া পরে করে বহু খেদ।
 হয় হয় একি দায় পিরীত বিচ্ছেদ।।
 বহু খেদ করে ভাবে সকলি অসার।
 কেন মরি কার তরে হয় কেবা কার।।
 চন্দ্রিকা আকর দ্বিজ ভবানীচরণ।
 খেদে আরম্ভিল তার বিলাপ বর্ণন।।

।। অনঙ্গমঞ্জরীর বিচ্ছেদে শ্রীদেবের বিলাপ।।

।।পয়ার।।

জননী জঠরে জন্ম করিয়া গ্রহণ।
 করিলাম চিরকাল অনিত্য সাধন।।
 গৃহী হয়ে গৃহে থাকি না করি বিবাহ।
 গৃহস্থের মত কৰ্ম না হলো নিব্বাহ।।
 গুরসে জন্মিল পুত্র বংশ না রহিল।
 আপনার পিতৃ পিণ্ড আশা না থাকিল।।
 আমার সমান আর নাহি বুদ্ধিহীন।
 সংসারী নাহিক আমি নহি উদাসীন।।
 নিত্য সেই নিত্যানন্দে তঁারে না ভাবিয়া।
 ভাবিলাম কামিনীরে কামেতে মজিয়া।।
 কৰ্মফলে কপালেতে বিধির লিখন।
 এই ছিল করিব কি নীচের সেবন।।
 দেখিয়া সামান্যা এক জঘন্যা যুবতী।
 তখনি পাপিষ্ঠ মনে হৈল ইচ্ছা রতি।।

প্রথমে মালিনী পরে মতি নাপিতিনী।
 উড়েনী বৈষ্ণবী আর দাসী সঞ্চারিণী॥
 এ সব সামান্য নারী করি উপাসনা।
 পরে পূর্ণ হয়ে ছিল অধম বাসনা॥
 সে বাসনা পুরণ হেতু যত ছিল ধন।
 পাপীয়সী মিলে জুলে করিল হরণ॥
 অবশেষে করিলাম তালুক বিক্রয়।
 তথাপি দুরাশা মনে নিবর্ত্ত না হয়॥
 অধমা নায়িকা কাছে হয়ে আজ্ঞাকারী।
 নানা স্থানে হই আমি নানা বেশ ধারী॥
 প্রথমেতে আখড়ায় বৈষ্ণবের বেশে।
 পরে দাসী বেশ ধরি নারীর আদেশে॥
 ভূদেব ব্রাহ্মণ আর সন্ন্যাসীর বেশ।
 ধরিলাম তাতে পাপ হইল অশেষ॥
 এইরূপে রঙ্গরস করে নিশিদিন।
 পাতক করিয়া কায় করিলাম ক্ষীণ॥
 ব্রাহ্মণ বৈষ্ণব জাতি জ্ঞাতি বন্ধুগণ।
 সকলি অন্যথা হল পাপে মগ্ন মন॥
 যখন তাবৎ ধন হৈল তার হাত।
 পরগোছে গাছ সেথ করি যাতায়াত॥
 শুনিল কি বুঝিল আমার কিছু নাই।
 তখন চড়াও বাউটী কহে আমি চাই॥
 লক্ষ টাকা মূল্য তার কোথায় পাইব।
 কোথা হতে আনি ধন তাহারে তুষিব॥
 আমার সঙ্গতি নাই বিশেষ বুঝিল।
 পর দিন দ্বারে দ্বারী ছেড়ে নাহি দিল॥
 অতএব বলি মন তুমি দুরাচার।
 এমন কুকর্মে মতি করোনাক আর॥
 এখনো সুপথে চল ধর্ম্ম কর আশ।
 ছাড়িয়া নগর ধর্ম্মপুরে কর বাস॥
 সে তো মহা সুখ ধাম অপূর্ব্ব কানন।
 পরম সন্তোষ হবে দেখে সেই বন॥
 ভবানীচরণ দ্বিজ বন্দ্যো উপাধ্যায়।
 রচিবেন জ্ঞানোদয় শেষের অধ্যায়॥

॥ শেষ অধ্যায় ॥

॥ শ্রীদেব জ্ঞানোদয়ে বনবাস ॥

॥ পয়ার ॥

মন রে চাতক তুমি পিপাসিত হয়ে।
 নীচ আশে গিয়ে গেলে একে কালে বয়ে॥
 যুবতী যৌবন জলে পিপাসা ভাগিলে।
 নবজলধর রূপ শ্রীনাথে ডুলিলে॥
 তুই বয়ে গেলি তাহে নাহি বড় শোক।
 কিন্তু কুলে কুশল করিবে কত লোক॥
 তোর আর কুলে থাকা অতি অনুচিত।
 বাহির হইয়া বনে যাওয়াই বিহিত॥
 যেহেতু সর্বদা সুখ তোমার প্রয়াস।
 বনে অত সুখ তাহা করহ নির্যাস॥
 বনেতে কামিনী রূপ কালে না ধরিবে।
 বিষয় বাসনা কাছে যেতে না হইবে॥
 যদি কাম কোন মতে ভয় দিতে যায়।
 উড়ে গিয়ে বৈস তুমি শ্রীনাথের পায়॥
 সেই পদ কালাস্তক কালের বিপদ।
 দীন হীন ক্ষীণ বনবাস সম্পদ॥
 তাহাতে বিবিধ সুখ অনায়াসে পাবে।
 সবি সুখ পাবে দুঃখ সব দূরে যাবে॥
 যাহা চাবে তাহা পাবে বিপিনে বসিয়া।
 চিন্তামণি চিন্তাকর দিবেন আনিয়া॥
 জগত নিবাসি বনবাসিদের তরে।
 নানা দ্রব্য রেখেছেন বনের ভিতরে॥
 পিপাসা বারণ হেতু আছে নদীজল।
 ক্ষুধার নিমিত্ত আছে নানাবিধ ফল॥
 বসনে বাসনা হলে বাকল পরিবে।
 নিদ্রা পেলো ধরাতলে শয়ন করিবে॥
 পুত্রভাবে মৃগগণে করিবে পালন।
 অনায়াসে হবে আশা বায়ু নিবারণ॥
 বনে বহুবিধ পক্ষী আছে বাসা করি।

তাহারা হইবে মিত্র তোমার গ্রহরী।।
বিপিনে বিহার করি কর সুখ ভোগ।
শোক তাপ দূরে যাবে দূরে যাবে রোগ।।
এইরূপে আপনার মনঃ প্রবোধিয়ে।
বিপিনে গমন করে নগর ছাড়িয়ে।।
ছাড়িয়া সংসার সুখ সব অভিলাস।
ধর্মপুর নামে বনে করিল নিবাস।।
ভবানীচরণ রচিল গ্রন্থ সকলি স্বরূপ।
বুঝিল হইবে উপদেশের স্বরূপ।।

ইতি দ্বিতীবিলাস সমাপ্ত।।

শ্রীশ্রীহরিঃ ।

শরণং

কলিকুতূহলনামক গ্রন্থ ।

অর্থাৎ

বর্জ্জনান কলিযুগের প্রারম্ভারমি অদ্যপর্যন্ত

লোকসকলের যেরূপ আচার ব্যবহার হইয়াছে

তাহা সংশোধনার্থ পরিহাসচ্ছলে

অল্পবাদপ্রসঙ্গ

শ্রীযুক্ত শ্রীনারায়ণ চট্টোপাধ্যায় গুণনিধিক হুঁক

গদ্যপদ্যে রচিত হইল ।

সন ১৮৫৩ সাল ।

কলিকুতূহল
নারায়ণ চট্টরাজ

আখ্যাপত্রে প্রাপ্ত বিবরণ

শ্রী শ্রী হরিঃ
শরণং

কলিকুতূহল নামক গ্রন্থ
অর্থাৎ বর্তমান কলিযুগের প্রারম্ভাবধি অদ্যপর্যন্ত
লোকসকলের যেরূপ আচার ব্যবহার হইয়াছে
তাহা সংশোধনার্থ পরিহাসচ্ছলে

অনুবাদ পুরঃসর

শ্রীযুক্ত শ্রী নারায়ণ চট্টরাজ গুণনিধি কর্তৃক গদ্যোপদ্যে রচিত হইল
সন ১২৬০ সাল।

শ্রীশ্রীব্রজগোপালো

জয়তি ।

অথবন্দনা ।

।।ত্রিপদী।।

গ্রন্থারম্ভে যুড়ি কর, প্রণামি সুবিস্তর

শ্রীব্রজগোপাল তব পায় ।

তুমি সকলের হেতু, ধর্মরক্ষা মূলসেতু

অধার্মিক ধূমকেতু প্রায় ।।

ত্বদচিন্ত্য শক্তি বল, কত কে জানে কৌশল

অটল নিয়মে যার দ্বারে ।

ক্ষিতি আদি পঞ্চভূত, ক্রমেতে হয়ে সমুত্ত

শক্তিযুত হয়েছে সংসারে ।।

অগম্য তোমার তত্ত্ব, হইয়া বিষয়ে মত্ত

তত্ত্ব করি কে কোথা পেয়েছে ।

লভিতে তোমারে যত, আগম নিগম কত

উচ্চ নীচ পথেতে ধেয়েছে ।।

বিটপির বীজ যাহা, অঙ্কুরিত হৈল তাহা

কে বা কোথা পায় দেখিবারে ।

বিশ্ববীজরূপ তুমি, আকাশ পাতাল ভূমি

ব্যক্ত হইয়াছে তব দ্বারে ।।

কারণের গুণচয়, কার্যোতে প্রকাশ রয়

দেখিয়াছি চাহিয়া সংসার।
 অতএব আত্মরূপে, প্রবেশিয়া দেহকূপে
 প্রকাশ রয়েছে অনিবার।।
 তব-কৃপা হয় যারে, সেই সে জানিতে পারে
 তোমার মহিমা অবিকল।
 আমি মুঢ় অতি দীন, ভজন সাধনহীন
 তবে কিসে জানিব সকল।।
 তুমি কালরূপী হয়ে, ব্যাপ্ত থাকি বিশ্বচয়ে
 অবিরত কর নিয়মন।
 সকলের পরিণাম, ক্রিয়ার অনন্যধাম
 তুমি সর্ববস্তুর কারণ।।
 তব নিয়মন দ্বারে, ভ্রমিতেছে এ সংসারে
 সন্ত রজস্তমোশুচয়।
 তাহে সত্য ত্রেতা আর, দাপর কলি দুঃপার
 প্রবর্তিত যুগ চতুষ্টয়।।
 তার মধ্যে সুবিশাল, ভয়ানক কলিকাল
 সমাগত হইয়েছে জগতে।
 তমোবৃদ্ধিহেতু লোক, দ্বেষ দম্ব ভয় শোক
 ভোগ করিতেছে নানা মতে।।
 কুকর্মেতে সদা সক্তি, -করে তেজে তব ভক্তি
 মন হইয়াছে মোহাকুল।
 নিজগুণে কৃপা করি, যদি রক্ষা কর হরি
 তবে পদাশ্রিত পায় কুল।।
 বিবিধ পুস্তকচয়, প্রকাশে সরসাশয়
 জ্ঞানোদয় হয় যার দ্বারে।
 তাহা করি সুবিস্তার, স্বকীয় মহিমাসার
 সুবিপুল করেন সংসারে।।
 অতএব মম প্রতি, করিলেন অনুমতি
 বিরচিতে কলিকুতূহল।
 যাহাতে কৌতুকলেশ, ব্যাঞ্জে বহু উপদেশ
 প্রকাশ রহিয়াছে অবিকল।।
 গৌড়দেশে বিদ্যমান, খ্যাত গ্রাম বহুদান
 মনোহরসাহি সুপ্রদেশ।

স্বর্ণদীপশ্চিম তটে, কাটোয়ার সন্নিকটে
বীরভূম জেলায় বিশেষ।।
সেই গ্রামসুনিবাসী, অশেষ গুণের রাশি
শ্রীব্রজগোবিন্দ চট্টরাজ।
তার পুত্র এই জন, নামেতে শ্রীনारायण
গুণনিধি বিদিত সমাজ।।

প্রহারে শ্রীমন্মহারাজ পরীক্ষিতের যশোবর্ণনা।
। ত্রিপদী ।।

পাণ্ডুকুল প্রভাকর, হস্তিনার অধীশ্বর
একেশ্বর ভারত ভুবনে।
সর্বযজ্ঞে সুদীক্ষিত, মহারাজ পরীক্ষিত
সুশিক্ষিত নৃপগুণগণে।।
যার কীর্ত্তি সুধাকর, ব্যাপি বিশ্ব চরাচর
ব্রহ্মাণ্ডবিবর পরকাশে।
স্বর্গে সুর নিকেতনে, সুরনারী সযতনে
যাঁর গুণ গানে সুখে ভাসে।।
পাতালেতে নাগরাজ, সমাজে তেজিয়া লাজ
ভুজগ যুবতীগণ যত।
যাঁর গুণ করি গান, আনন্দে নিমগ্নমান
নাগগণে তোষে অবিরত।।
বীর্য্যে কাণ্ডবীর্য্যোপম, শৌর্য্যেতে অর্জুনসম
গান্ধীর্য্যে জলধি পরিমাণ।
যুদ্ধে দাশরথি যেন, ক্রুদ্ধে রিপুকাল হেন
শুদ্ধে গঙ্গাসলিল সমান।।
দানে শিবিরাজ প্রায়, মানে দুর্য্যোধন তায়
জ্ঞানে রাজা জনকসোসর।
বিক্রমে সিংহসমান, আক্রমে হুণ্ডভান
প্রক্রমে প্রভাতজলধর।।
যাঁর ভুজগুস্থিত, কোদণ্ডধ্বনিত্রাসিত
প্রচণ্ড শত্রব সৈন্যচয়।
ভয়ে ভীত অতিশয়, হয়ে সমুদ্রিগাশয়
লয়ে প্রাণ সতত সংশয়।।

মহামান্য মহীতলে, ধন্য ধন্য সবে বলে
 গণ্য পুণ্য গীর্বাণ নিলয়ে।
 যাঁর গুণ ভাগবতে, বিস্তারিত বিধি মতে
 আমি কি বর্ণিব মুঢ় হয়ে।।
 যে রাজার রাজ্যকালে, জলদে বর্ষিতকালে
 অকালে না মরিত মানব।
 ধর্ম্মে রত ছিল লোক, নাহি ছিল কোনো শোক
 দাস্তভাবে আছিল দানব।।
 সুর ঋষি বিপ্রগণ, সুখে ছিল সর্ব্বক্ষণ
 দস্যুজন না ছিল ভুবনে।
 আপনার বাহুবলে, সসাগর ভূমণ্ডলে
 শাসন করিল অযতনে।।
 নৃপগণ যুড়ি কর, যাঁরে সমর্পিত কর
 কেহ আজ্ঞা নারিত লঙ্ঘিতে।
 যাঁর যশে সবিশেষ, পরিপূর্ণ সব দেশ
 রাজাগণ গাইত সঙ্গীতে।।
 এরূপ প্রভাবান, ভাবে ইন্দ্র সমভান
 পুণ্যবান রাজাধিরাজন।
 বিষ্ণুরাত অন্য নামে, খ্যাত এই তিন ধামে
 কহিতেছে এ শ্রীনারায়ণ।।

অথ মুনিগণের নিকট রাজার প্রশ্ন।

।।পয়ার।।

একদিন নৃপমণি নিজ নিকেতনে।
 বসিয়া আছেন রত্নময় সিংহাসনে।।
 পাত্র মিত্র বন্ধু পুরোহিত ভৃত্যগণ।
 মুনি ঋষিসমূহে সেবিত সর্ব্বক্ষণ।।
 পুরট সুন্দর-দ্যুতি অতি শোভমান।
 সুর সিদ্ধগণে বৃত্ত যেন মরুদ্যান।।
 শিরে শোভে শ্বেত আতপত্র মনোহর।
 পূর্ণচন্দ্র উদয়েতে যেমন অম্বর।।
 যাহা দেখি অন্য নৃপহুত্র শতদল।
 তখনি অমনি হয় আপনি কুটল।।

ধবল চামর যুগ্ম মুহুরান্দোলয়।
 সুমেরু শিখরে যেন চরে হংসদ্বয়।।
 স্তুতি বন্দিগণে ঘন করে স্তুতিপাঠ।
 সম্মুখে সুশ্রোক গান করিতেছে ভাট।।
 কালাস্তকালের প্রায় যত বীরগণ।
 নিকটে নৃপতি আজ্ঞা করে প্রতীক্ষণ।।
 নানাদিগ্ দেশ হৈতে রাজাগণ আসি।
 পুরস্কার করে নৃপে দিয়া রত্নরাশি।।
 হয়েছে তখন কলিযুগ সমাগত।
 প্রজার আচার ক্রমে করেছে ব্যাহত।।
 তাহে নানা বাদ প্রতিবাদে যুক্ত জন।
 নিজ অভিযোগ নৃপে করে বিজ্ঞাপন।।
 নৃপমণি জানি সেসবার সেই রীত।
 ভাবেন কি জন্যে হেন হেরি বিপরীত।।
 মম রাজ্যে প্রজাগণ ছিল ধর্মে রত।
 অকস্মাৎ কেন এবে দেখি অন্যমত।।
 আমাতেও নাহি কোন দোষের সঞ্চার।
 তবে কি কারণে হেরি হেন ব্যবহার।।
 বিহিত অঞ্জলি পুটে করিয়া বিনতি।
 ঋষিগণে জিজ্ঞাসা করেন নরপতি।।
 ঋষিগণ আপনারা সবে বিচক্ষণ।
 জানেন ভবিষ্য ভূত আদি বিবরণ।।
 এই দেখ পৃথিবীর যত প্রজাচয়।
 আছিল সকলে প্রায় সুনির্মলাশয়।।
 ক্রমে সে সবার মন পাইল বিকৃতি।
 অন্যায় বিবাদে কেন দেখি ভিন্ন রীতি।।
 দ্বিজগণ পূর্বমতে স্বধর্ম আচার।
 করিতে তাদৃশ শ্রদ্ধা না করে প্রচার।।
 রাজন্য দাক্ষিণ্য ভাব তেজেছে রণেতে।
 বৈশ্য শস্যজীবী হয়ে কাতর ধনেতে।।
 শূদ্রে নাহি করে যেন দ্বিজ শুশ্রূষণ।
 কালেতে না বৃষ্টি করে জলধরগণ।।
 সর্পির সৌরভ নাহি দেখি পূর্বমত।

গোব্রাহ্মণগণে দুঃখী হেরি অবিরত॥
কামী লোভী কপটী হয়েছে বহুজন।
কামিনী না করে কেন স্বপতি সেবন॥
ক্ষুধায় তৃষ্ণায় লোক কি জন্যে পীড়িত।
বিবেচনা তেজে কেন সবে হিতাহিত॥
শুনেছি রাজার পাপে রাজ্য পায় নাশ।
আমাতেও নাহি কোন দোষের প্রকাশ॥
দেব দ্বিজ গুরু বৃষ্টি কখন না হরি।
অদণ্ড্যেতে দণ্ড কদাচিৎ নাহি ধরি॥
পরধন পরদারাপ্রতি নাহি লোভ।
অন্যায় বিচারে চিত্ত সদা পায় ক্লেভ॥
অশাসন নাহি মোর রাজ্যে লব লেশ।
তবে কেন হৈল তাহে অধর্ম প্রবেশ॥
কহ কহ ঋষিগণ তার বিবরণ।
মার্জিত হউক মম মনের অঞ্জন॥
তোমা সব বিনা ইহা সকল বিস্তার।
কহিয়া সান্ত্বনা করে হেন নাহি আর॥
অতএব কহি সবে সেসব কারণ।
আমার মনের শূল করহ বারণ॥

অথ মুনিদিগের মুখে রাজার কলিবৃত্তান্ত শ্রবণ।

॥ পয়ার ॥

নৃপবাক্য শুনিয়া কহেন মুনিগণ।
কেন রাজা কর নিজ দোষসম্ভাবন॥
পাণ্ডুকুল চূড়ামণি তুমি হে নরেশ।
তোমাতে কি হয় কভু দোষের প্রবেশ॥
পদ্মরাগ আকরে কি জন্মে কাঁচমণি।
কমলে গরল কোথা সম্ভবে না শূনি॥
বিশেষে বিন্যস্ত তব মন কৃষ্ণপদে।
তবে কিসে স্পর্শিবে কলুষ মহাপদে॥
সূর্য্যে কি স্পর্শিতে পারে নিশা-অন্ধকার।
পারদে কি হয় কভু ধূলির সঞ্চার॥
ভারতে আগত ইহিয়াছে ঘোর কলি।

সেই হয় অশেষ কলুষবৃক্ষ কলি॥
 তাহাতে বিকৃত হইয়াছে লোকচিত।
 করিয়াছে সেই সর্ব ভাব বিপরীত॥
 এই কলিযুগে রাজা সব প্রজাগণ।
 ক্রমশঃ হইবে নানা অধর্ম ভাজন॥
 মোহ নিদ্রা বিষাদ দৈন্যেতে লোক সব।
 শোক দুঃখ সন্তাপে পাইবে পরাভব॥
 দয়াশূন্য দুরাচার দান্তিক দুর্জ্ঞান।
 ক্ষুধা তৃষ্ণা ভয়োধ্বগে হইবে মগন॥
 ক্ষুদ্রদৃষ্টি বিদ্বহীন কামী ক্রিয়াহত।
 নানা দুঃখভাগী হবে দৌর্ভাগ্যবশতঃ॥
 বিপ্রগণ বেদপথ তেজি অনাপদে।
 বিহরিবে শিশ্নোদর ভরণ আমোদে॥
 না করিবে বিধিमत ধর্ম-আচরণ।
 শূদ্রসেবী হইবে কলিতে দ্বিজগণ॥
 মদ্য মাংস লোভে কেহ কেহ বামপথে।
 প্রবিষ্ট হইবে তত্ত্ববর্জ্য অভিমতে॥
 পাষণ্ড ধর্ম্মেতে সবে হয়ে অনুকূল।
 সনাতন বেদশাস্ত্রি নাশিবে সমূল॥
 দণ্ডে শূদ্র অধ্যয়ন করিবেক বেদ।
 ব্রহ্মজ্ঞানী হইবেক অজ্ঞাতনির্ব্বেদ॥
 রাজন্য জঘন্যবৃষ্টি অবলম্ব করি।
 কলিতে শূদ্রের হবে যুদ্ধে ডরি॥
 বৈশ্য কুটবাণিজ্য করিবে আচরণ।
 গব্য লাক্ষা লবণ বেচিবে বিপ্রগণ॥
 তপস্বির বেশ উপজীবী শূদ্র হবে।
 নিজে অধার্ম্মিক কিন্তু অন্যে ধর্ম্ম কবে॥
 নিজে শুদ্ধ মানি দ্বিজে তেজিবে আদর।
 আপনি হইবে দান প্রতিগ্রহ পর॥
 সেই ধন্য কলিতে যাহার রবে ধন।
 ধর্মির আচার গুণ পূজিবেক জন॥
 ধর্ম্ম ন্যায় ব্যবস্থাতে হেতুমাত্র বল।
 দাম্পত্যেতে অধিরূঢ়ি কারণ কেবল॥

আশ্রমের চিহ্ন ব্যবহারমাত্র হবে।
 বিপ্লবের বিপ্লবতা শুদ্ধ যজ্ঞ সূত্রে রবে।।
 যে জন বাচাল বড় সে হবে পণ্ডিত।
 সেই সে হইবে সাধু দণ্ডে যে মণ্ডিত।।
 নানমাত্র হইবেক অঙ্গপ্রসাধন।
 লাভণ্যে কেবল কেশ করিবে ধারণ।।
 দূরে বারি আনয়ন তীর্থ যাত্রা হবে।
 উদর ভরণমাত্রে স্বার্থ জ্ঞান রবে।।
 কুটুম্ব পালনমাত্র ক্ষমতার সীমা।
 সত্যোক্তে কেবল ধার্ম্য ধনেতে গরিমা।।
 পতি জায়া-প্রীতিহেতু রতিনিপুণতা।
 বিস্তব্য বিহীনের ন্যায়ে দুর্বলতা।।
 পুরুষসকল হবে রমণীর বশ।
 তাদিগে ভূষণদান মানিবে সুযশঃ।।
 নির্ধন পতিরে ত্যাগ করিবে কামিনী।
 পরনিন্দা রত লোক দিবস যামিনী।।
 অকারণে কলহ করিবে বন্ধুসনে।
 কলিতে কাকিনী জন্যে মরিবে জীবনে।।
 পিতা মাতা সেবা সবে দূরেতে তেজিবে।
 সুরত সম্বন্ধিগণ বান্ধব হইবে।।
 কলিতে তেজিবে দেব-প্রতিমা পূজন।
 অতিথি শুশ্রূষা নাহি করিবেক জন।।
 গৃহে গৃহে কুলটা হইবে কলিফলে।
 যার উপার্জনজীবী হইবে সকলে।।
 সুরত হইবে পরমার্থের সাধন।
 পাষণ্ডে করিবে বেদপথ বিনিন্দন।।
 পশু পিশাচের সম করিবে আচার।
 স্বজাতি বিজাতি কিছু নারবে বিচার।।
 তাহে রাজাগণ সব হবে ম্লেচ্ছপ্রায়।
 গো-বিপ্রদেবতাদ্রোহী যারা সমুদায়।।
 ছলে বলে পরধন করিবে হরণ।
 করপীড়া ভয়ে প্রজা প্রবেশিবে বন।।
 আহর বিহার বাস ভূষণ ভাষণ।

ম্লেচ্ছপ্রায় সকলে করিবে আচরণ॥
 শুদ্ধ তর্ক হেতুবাদে বেদবর্ষ ছাড়ি।
 হইবে উৎপথগামী এই বর্ণচারি॥
 এইরূপ অধর্ম্যে মজিবে সব দেশ।
 রোগ শোক অভিভবে পাই বহু ক্রেশ॥
 কত না কহিব আর বিস্তার বর্ণন।
 লিখিতে কম্পিত যাহা এ শ্রীনারায়ণ॥

অথ কলিনিগ্রহার্থ রাজার দিগ্বিজয়োদ্যম।

॥পয়ার॥

এইরূপ মুনিবাক্য শুনিতে শুনিতে।
 হইল দুর্জয় ক্রোধ নৃপতির চিতে॥
 প্রভাত তপন হেন যুগল নয়ন।
 দশনে সঘন দংশে রদন ছদন॥
 ভ্রুকুটী ভ্রুভঙ্গে অঙ্গ হইল কম্পিত।
 করেতে কান্দুক লয়ে করেন লুপ্তিত॥
 কহিছেন ঋষিগণে স্মুরিত অধর।
 কহ কোথা আছে এবে সে মুঢ় পামর॥
 কেমন আকৃতি তার কোন স্থানে থাকে।
 পাইলে উচিত শাস্তি দিব আমি তাকে॥
 ধিক ধিক ধিক মম থাকিতে জীবন।
 আমার রাজ্যেতে কলি করে আক্রমণ॥
 বৃথা মোর পাণ্ডবের কুলেতে জনম।
 বৃথা আমি ধরিয়াছি রাজন্যবিক্রম॥
 যদি আমি তারে দণ্ড করিতে না পারি।
 ধরাতে কেমনে তবে হব দণ্ডধারী॥
 মুনিগণ কন নৃপ শুন বিবরণ।
 প্রত্যক্ষিতে হওয়া ভার তাহার দর্শন॥
 নৃপদেহ অবলম্ব করিয়া সে থাকে।
 কিন্তু কভু স্পর্শিতে না পারয়ে তোমাকে॥
 তুমি হও ধার্মিক সুশীল শাস্তমতি।
 তোমার শরীরে তার না হয় বসতি॥
 মহারাজ যদি তারে করিবে দমন।

দিগ্বিজয় করি নিজ স্থাপন শাসন।।
 যাহে কেহ অধর্ম্মেতে না করে প্রবেশ।
 হেন অনুমতি দিয়া উদ্ধারহ দেশ।।
 ভাল বলি ভূপতি ভাবেন ভৃত্যগণে।
 অদ্যই যাইব আমি দুষ্টের দমনে।।
 সেনাগণ সাজিতে করহ অনুমতি।
 রথ সজ্জা করি শীঘ্র আনুক সারথি।।
 অশ্ব গজ পদাতিপ্রভৃতি সৈন্যচয়।
 সত্বরে সাজুক সবে বিলম্ব না সয়।।
 রাজআজ্ঞা পেয়ে দূত চলিল ধাইয়া।
 সেনাপতিগণেরে সম্বাদ কহে গিয়া।।
 সারথিরে সাজিতে করিল অনুমতি।
 সাজায় স্যন্দন সেহ সুশোভিত অতি।।
 রণভেরি বাজিল সাজিল বীরগণ।
 নানা অস্ত্রে পূর্ণতুণ করিল ধারণ।
 কেহ অশ্বে কেহ গজে কেহ পদব্রজে।
 যুদ্ধে যাত্রাকারী সেনা গভীর গরজে।।
 এখানে নৃপতি নিজে করে রণবেশ।
 কঠিন কবচ অঙ্গে করয়ে নিবেশ।।
 মস্তকে মুকুট পরে-শ্রবণে কুণ্ডল।
 প্রচণ্ড কোদণ্ড করে যেন আখণ্ডল।।
 লইল শাগিত শর নিশিত কুঠার।
 কোশ আচ্ছাদিত অসি সুমার্জিতধার।।
 পৃষ্ঠে তুণ নুতন লইল চর্ম্ম করে।
 যাহাতে শত্রুর অস্ত্র নিবারণ করে।।
 নারায়ণ বর্ম্ম ধরে স্বহৃদয়দেশে।
 এ শ্রীনারায়ণ দ্বিজ ভাবে রসাবেশে।।

অথ রাজার দিগ্বিজয়ে যাত্রা।

।।বক্র চতুষ্পদী।।

রাজার অনুমতি, পাইয়া সেনাপতি, সজ্জিত হয়ে অতি, আইল সবে।
 সারথি সুশোভন, সাজায়ে সুস্যন্দন, করিল আনয়ন, তখনি তবে।।
 অতীব সুনির্ম্মল, তেজেতে সমুজ্জ্বল, জিনিয়া স্বর্ণাচল, রথের নিভা।
 যাহার কাস্তিভর, ব্যাপিল দিগন্তর, নাশিল মহন্তর, তিমির কিবা।।

রতন মণিগণ, সারেতে সুগঠন, শোভিছে সুতোরণ, যাহাতে অতি।
 বিতান মনোহর, শোভাতে নিরস্তর, প্রকাশে গৃহান্তর, কিরণ ততি।।
 কনকে সুকলিত, মণিতে সুখচিত, পেতেছে সুললিত, আসন তায়।
 যাহার সুমাধুর্য, রচন সুচাতুর্য, রচিতে হেন ধুর্য, নাহিক প্রায়।।
 রথ উপরিভাগে, মনের অনুরাগে, রঞ্জিত নানা রাগে, পতাকা ততি।
 করেছে বিরচন, যাহার শোভাক্ষণ, নিরখিয়া নয়ন না করে গতি।।
 কলস সন্নিধান, শোভিছে সুবিধান, ধরিয়া সুনিশানে, কেশরী দ্বয়।
 কনক বিরচিত, হেরিলে হর চিত, যাহাতে অতিভীত, বিপক্ষে হয়।।
 রথেতে ঘণ্টাগণ, বাজিছে ঠনঠন, সমর সুভীষণ, যাদের রব।
 যাহারা বেগভরে, সমীরমান হরে, এমন অশ্ব তরে, যুড়েছে সব।।
 সজ্জিত সেই রথ, হেরিয়া অভিমত, নৃপতি বিধিমত, আদর করি।
 পাইয়া শুভক্ষণ, তাহাতে আরোহণ, করিল সে রাজন, ধনুক ধরি।।
 তখন সেনাসব, বিরোধি সূভৈরব, করিয়া ঘোর রব, সঙ্গেতে চলে।
 আগেতে অগণন, প্রমত্ত করিগণ, করিতেছে গমন, স্বদলে দলে।।
 চড়িয়া অশ্ববরে, মনের মোদভরে, চলিল থরে থরে সেনানীগণ।
 রথেতে আরোহিয়া, কেহ বা সুখি হিয়া, চলিছে সে ধাইয়া, কতক জন।।
 সৈন্যের কোলাহল, ব্যাপিল ধরাতল, তাহাতে অবিকল, বাজিছে ভেরি।
 পটহ পরিকর, দামামা সুদগড়, বাজিছে ঘোরতর, সমর টেরী।।
 সাহিনী সুসারঙ্গ, মৃদঙ্গ অনুবঙ্গ, পাইয়া সে মোচঙ্গ, প্রভৃতি বাজে।
 যাহার নাদভরে, আবরি দিগন্তরে প্রলয় জলধারে, ফেলয়ে লাজে।।
 যেদিগে নরপতি, লইয়া সেনাপতি, করেন সমাগতি, বিজয় আশে।
 সেদিগে নৃপগণ, ভয়েতে নিমগন, দ্বিজ শ্রীনারায়ণ, হরিষে ভাষে।।

অথ কলির সহিত রাজার সাক্ষাৎ।

।।পয়ার।।

এই মতে চতুরঙ্গ বল সঙ্গে লয়ে।
 দিগ্বিজয়ে যান রাজা উৎকণ্ঠিত হয়ে।।
 সপ্ত অক্ষৌহিনী সৈন্য সঙ্গেতে তাঁহার।
 দেবতা দানব যক্ষ রক্ষ চমৎকার।।
 সৈন্য কোলাহলে ব্যাপ্ত দিগন্ত গগন।
 প্রলয়ে কম্পোমান সমুদ্র যেমন।।
 যেদিগে সসৈন্যে রাজা করেন প্রস্থান।
 সেদিগে সভয়ে সবে হয় কম্পমান।।

রাজাগণ ভীতমনে তেজিয়া ভবন।
 শরণ লভয়ে লয়ে নানা উপায়ন।।
 ভূপতি সুমতি অতি সেসব রাজনে।
 স্বরূপে শাসন আজ্ঞা করেন আপনে।।
 প্রজাগণ যেন ধর্মপথ উপেক্ষণ।
 করিয়া উৎপথে কেহ না করে না গমন।।
 আমার বচন সবে যতনে রাখিবে।
 কখন কুপথ নাহি নয়নে দেখিবে।।
 এই হেতু হইয়াছে মম আগমন।
 অন্যথা করিলে তারে করিব নিধন।।
 নৃপতির এই আজ্ঞা অবধান করি।
 লইল ভূপালগণ নিজ শিরে ধরি।।
 ভদ্র-অশ্ব কেতুমাল আদি বর্ষগণে।
 ক্রমশঃ প্রবেশ করে নিজ সৈন্য সনে।।
 সেসব দেশেতে যত ছিল রাজাগণ।
 পূর্বমতে সকলেই করিল শাসন।।
 তথা তথা নিজ পূর্ব বংশের চরিত।
 শুনিয়া নৃপতি বহু হৈল আনন্দিত।।
 কৃষ্ণ-অনুকম্পা নিজ পিতামহগণে।
 আপনারে গর্ভে কৃষ্ণ রাখিলা যেমনে।।
 সেসব সম্বাদ শুনি নৃপতিপ্রধান।
 বসন ভূষণে সবে করিলা সম্মান।।
 ক্রমেতে ভারতবর্ষ আগমন করি।
 স্থাপিল শাসন বহু দুষ্টপ্রাণ হরি।।
 অঙ্গ-বঙ্গ-কলিঙ্গ প্রভৃতি দেশগণ।
 জয় করি কুরুক্ষেত্রে করিল গমন।।
 সরস্বতী নদী পূর্ববাহিনী যথায়।
 পাণ্ডুকুল চূড়ামণি উত্তরে তথায়।।
 দেখেন আশ্চর্য্য এক সেখানে নৃপতি।
 গাবীরাপ ধারণ করেছে বসুমতী।।
 বৃষরূপী ধর্ম পাদত্রেয়োতে আহত।
 এক পদে ধরাপাশে হয়ে সমাগত।।
 দেখেন তাহারে অতি বিষণ্ণবদনা।
 বৎসহারা গাবীমত পূর্ণাঙ্গনয়না।।

জিজ্ঞাসা করেন ধর্ম বৃক্ষরূপধারী।
 কিহেতু মা তব নেত্রে বহে উষ্ণ বারি।।
 কি তব হয়েছে বল অন্তরে বেদনা।
 হয়েছে গো কেন এত মলিনবদনা।।
 কি নিমিত্ত শোক তব হয়েছে উদয়।
 জিজ্ঞাসি তোমারে তাহা বল সমুদয়।।
 আমারে দেখিয়া কি মা পাদত্ৰয়হীন।
 তোমার স্বরূপ এত হয়েছে মলিন।।
 কিম্বা বৃষলেতে ভোগ করিবে তোমারে।
 এহেতু রোদন করিতেছ বারে বারে।।
 অথবা অযজ্ঞভাগ-প্রাপ্ত দেব দলে।
 ভাবিয়া তোমার বক্ষঃ ভাসে নেত্রজলে।।
 কলিতে হইবে শূদ্র-ভোগ্য বেদধ্বনি।
 এ লাগি ত্রন্দন নাকি কর গো জননি।।
 কিম্বা অধর্ম্মেতে রত হবে জীবলোক।
 তাহার কারণে তব হইয়াছে শোক।।
 কহ মাতা কিবা তব ব্যাধির নিদান।
 যাহা নিরখিয়া মম বিদরিছে প্রাণ।।
 ধরণী কহেন ধর্ম্ম জ্ঞানহ সকলি।
 তব পদত্ৰয় ভগ্ন করিল যে কলি।।
 যার আগমনে হরি নৃলোক তেজিয়া।
 স্বলোকে গেলেন মোরে অনাথা করিয়া।।
 অলৌকিক গুণগণ যাঁর সমুদয়।
 তাঁহার বিরহ বল কিসে সহ্য হয়।।
 ভারতে হইলে অস্ত কৃষ্ণপ্রভাকর।
 আগত হইল কলি নিশা ঘোরতর।।
 গাবী বৃষ দৌঁহে করে আলাপ এরূপ।
 হেনকালে তথা উপস্থিত কলিভূপ।।
 নৃপ বেশধারী শূদ্র মহাদণ্ড করে।
 ধর্ম্মেরে প্রহার করে আসি বেগ ভরে।।
 পদাঘাতে ধরণীরে করিল কাতরা।
 ভয়ে অপমানে সশঙ্কিত ধর্ম্ম ধরা।।
 এ শ্রীনারায়ণ চটুরাজ দ্বিজ কয়।
 হইবে কলির শাস্তি তেজ মনে ভয়।।

অথ রাজাকর্তৃক কলির নিগ্রহ।

দূরে থাকি দৃষ্টি করিলেন নররায়।
 নৃপ বেশধারী একজন শূদ্রপ্রায়।।
 দণ্ডেতে দণ্ডিছে বৃষরূপী ধর্মপ্রতি।
 পদাঘাতে পৃথিবীর করিছে দুর্গতি।।
 ক্রোধেতে কম্পিত তাহে নৃপ কলেবর।
 আরোপন করিয়া কান্দুকে তীক্ষ্ণ শর।।
 রথে থাকি জিজ্ঞাসা করেন কলিরাজে।
 করে দুষ্টমতি তুই মম রাজ্য মাঝে।।
 ধরিয়া নৃপের বেশ করিস্ কুনীতি।
 ভাবে নীচ বোধ হয় হেরি তোর রীতি।
 ওরে মুঢ়মতি অতি পামর স্বভাব।
 গোমিথুনপ্রতি দণ্ড করা একি ভাব।।
 কৃষ্ণসহ গাণ্ডীবী তেজেছে ধরাতল।
 তাই বুঝি হইয়াছে এত তোর বল।।
 ওহে বৃষ কেন তব প্রতি এ অধম।
 ব্রুদ্ধ হয়ে করিতেছে দণ্ড সুবিষম।।
 পাদব্রয় ভগ্ন করিয়াছে দণ্ডাঘাতে।
 কে বটে এ দুষ্ট বল আমার সাক্ষাতে।।
 আকার প্রকারআদি যে দেখি তোমার।
 তাহাতে দেবতা বোধ হইছে আমার।।
 গাবি তুমি পরিত্যাগ কর মনে ভয়।
 রোদন না কর আর তেজহ সংশয়।।
 আমি খল সকলের প্রতি শাস্তি দিতে।
 ধরেছি কান্দুক এই দেখহ অক্ষিতে।।
 কহ বৃষ এই কি ভাঙ্গিল তব পদ।
 অন্যে বা করিল হেন তোমার বিপদ।।
 পাণ্ডুল-কীর্তিহারী এই ব্যবহার।
 কহ কে করিল করি দমন তাহার।।
 ধর্ম কন মহারাজ পাণ্ডুর নন্দন।
 যোগ্য বটে নিজ কুলোচিত এবচন।।
 এত গুণ তোমাদের যদি নাহি রবে।

তবে কৃষ্ণ তোমাদের বশ কেন হবে।।
 কি জন্যেতে ক্রেশভোগী হয় প্রজাগণ।
 মহারাজ নাহি জানি আমি সে কেমন।।
 কেবা দুঃখ দেয় জীবে কিসের কারণে।
 বাক্যভেদ মোহে বোধ নাহি হয় মনে।।
 কেহ বলে নিজে নিজ দুঃখহেতু হয়।
 দুঃখের কারণ দৈব অপরেতে কয়।।
 কেহ কেহ কৰ্মে কহে দুঃখের কারণ।
 দেহের স্বভাব ইহা বলে অন্য জন।।
 কেহ বলে অপ্রতর্ক্য ঈশ্বর হইতে।
 সুখ দুঃখ পায় জীব এই পৃথিবীতে।।
 নৃপবর তুমি নিজে সুবুদ্ধিআলয়।
 বিবেচিয়া দেখ মনে যাহা সত্য হয়।।
 বৃষবাক্য শুনিয়া কহেন নৃপমণি।
 জানিলাম নিজে ধর্ম বটহ আপনি।।
 অধর্মিকৃত কর্ম যে করে কীর্তন।
 সেহ তার মত হয় অধর্মভাজন।।
 এই লাগি তুমি নাহি কহিছ বিশেষ।
 পাছে স্পর্শ হবে দেহে অধর্মের লেশ।।
 তপস্যা শুচিতা দয়া সত্য এই চারি।
 ধর্মের চরণ হয় দেখেছি বিচারি।।
 তাহাতে অধর্ম অংশে গেছে পদত্ৰয়।
 অবশিষ্ট পদ এই যাহা দৃষ্ট হয়।।
 তাহাও সংপ্রতি নাশ করিবারে কলি।
 উপস্থিত হইয়াছে দেখিনু সকলি।।
 এই আমি তার দণ্ড করিব এখন।
 ভয় তেজ ধরা ধর্ম না কর রোদন।।
 এত কহি কোপেতে কম্পিত নরপতি।
 রথ হৈতে নামিলেন অতি শীঘ্রগতি।।
 সুপর্ণ যেমন সর্প ধরিবারে ধায়।
 কানন দহিতে দাবানল যেন যায়।।
 লক্ষ্ম দিয়া কলিকেশে করি আকর্ষণ।

শানিত সুধার খড়্গ করিল ধারণ॥
 নৃপতির ক্রোধ দেখি ভয়েতে বিহুল।
 করযুগে ধরে কলি নৃপপদতল॥
 বলে মহারাজ রক্ষা কর এই জনে।
 শরণ নিলাম রাজা তোমার চরণে॥
 হাসিয়া কহেন অভিমন্যুর নন্দন।
 তোমারে শরণ দেওয়া অযোগ্য করণ॥
 তথাপি পাণ্ডবকুলে আছে এই রীত।
 পদানত জন বধ্য নহে কদাচিত॥
 অতএব না বধিব তোমার জীবন।
 মম অধিকার তেজি কর পলায়ন॥
 কলি কহে করপুট করি মহাশয়।
 তব অধিকার সব ভূমণ্ডল হয়॥
 তবে বল কোথা আমি করিব নিবাস।
 কৃপা করি সেই স্থান করহ প্রকাশ॥
 নৃপ কহে ওহে কলি কর অবধান।
 কহি আমি এবে তব নিবাসের স্থান॥
 দ্যুত ক্রীড়া সুরা পান রমণী মণ্ডল।
 অপর অবৈধ প্রাণীহিংসার যে স্থল॥
 এই স্থান চতুষ্টয় করি অতিক্রম।
 যদি অধিকার তুমি করিবে অধম॥
 তবে তব তখনি করিব প্রতিকার।
 শরণ আগত বলি না মানিব আর॥
 যে আঞ্জা বলিয়া কলি নৃপে প্রণমিয়া।
 চলিল আপন স্থান দুঃখিত হইয়া॥
 কলির নিগ্রহ করি রাজা পরীক্ষিত।
 কোন হস্তিনাপুরে হয়ে হরষিত॥
 কিছুকাল স্বধর্মেতে রাজ্য অধিকার।
 শাসন করিয়া নৃপ নীতির আধার॥
 পরে বিপ্রঅভিশাপ ব্যাজে নরপতি।
 জনমেজয়েতে রাজ্য দিয়া শুদ্ধমতি॥
 সুরধুনীতীরে করি প্রায়োপবেশন।

শুকমুখে ভাগবত করিয়া শ্রবণ॥
 তেজিয়া আপন তনু তক্ষক দংশনে।
 শেষেতে গেলেন রাজা বৈকুণ্ঠ ভবনে॥
 ভূদেব শ্রীনারায়ণ চট্টরাজ কয়।
 কৃষ্ণভক্তগণের এরূপ পরিচয়॥

অথ কলির অনুতাপ ও অধর্মের সহিত প্রথম মন্ত্রণা।

॥পয়ার॥

এখানেতে কলিরাজ পেয়ে পরাভব।
 দুঃখিত হইল চিত্তমাঝে অসম্ভব॥
 অনুতাপ করি কহে কি হৈল আমার।
 কিরূপে পাইবে রক্ষা মম অধিকার॥
 বিধি মোরে প্রতিকূল হইল কি করি।
 কেমনে ভারতে আর অধিকার ধরি॥
 নৃপতি যে দিল মোরে স্থান চতুষ্টয়।
 তাহাতে কিরূপে অধিকার সিদ্ধ হয়॥
 অস্তরে যে বীজ সব আছিল রোপণ।
 বিপুল করিল তাহা দুর্দৈব তপণ॥
 এইরূপ ভাবি ভাবি কলি নিজমনে।
 অধর্ম মন্ত্রিরে কান্দি কহেন গোপনে॥
 হায় কি হইল মম ওহে মন্ত্রিবর।
 অধিকার গেল এই অবনীভিতর॥
 কিরূপে কেমনে কোথা করিব নিবাস।
 বিধাতা করিল মোরে ফলেতে নিরাশ॥
 আজি নৃপ পরীক্ষিৎ পাণ্ডুকুলধর।
 আমায় না দিল স্থান অবনীভিতর॥
 যে দেখি তাঁহার ক্রোধ কালানল প্রায়।
 প্রাণেতে পেয়েছি ত্রাণ ধরিমাত্র পায়॥
 দয়া করি এই স্থান দিল দণ্ডধারী।
 দ্যুত মদ্য পর দারা হিংসা এই চারি॥
 তাহাও সঙ্কীর্ণ হয় এ মহীমণ্ডলে।
 কই এই নর সেবা করে সভ্য দলে॥
 বেদ-রূপ ভয়ানক শত্রু যে আমার।

করিতে না দিবে সে কারেও আচার।।
 কর্ণে কর্ণে কহিয়া বেড়ায় সে ভবনে।
 হিংসা মদ্য পরদার তেজ সবজনে।।
 তবে কি প্রকারে বল কোথায় রহিব।
 কেমনে ভুবনে অধিকার প্রকাশিব।।
 মস্ত্রি কহে মহারাজ চিন্ত কি কারণ।
 হইবে হইবে তব বাসনা পূরণ।।
 কাম ক্রোধ আদি সৈন্য সহায় থাকিতে।
 শত্রুগণে কি তোমার পারিবে করিতে।।
 যখন বসন্ত সঙ্গে লয়ে পঞ্চশর।
 সাজিবে সংগ্রামে তবে রবে কে অপর।।
 তার ফুলশর বরিষণের বৈভবে।
 জপ যজ্ঞ সমাধি সাধন কোথা রবে।।
 অবশ্য হইবে সবে পরনারীরত।
 মহারাজ কেন হও চিন্তায় নিরত।।
 ক্রোধ যদি দ্বেষ দন্ত সৈন্যসঙ্গে সাজে।
 হিংসা তার পদানত হবে কায়ে কায়ে।।
 লোভ যদি অনুকূল রাগ আদিসনে।
 সাজিয়া সমরে যাত্রা করয়ে ভুবনে।।
 তবে কি বারুণীপান না করিবে লোক।
 তেজ তেজ মহারাজ হৃদয়ের শোক।।
 জানি আমি মোহ যেন পরাক্রম ধরে।
 তাহে দ্যুতপ্রিয় নাহি হবে কোন নরে।।
 কলি কহে মস্ত্রি যে কহিলে সমুদয়।
 সেসব আমার ভাল বোধ নাহি হয়।।
 দোষদৃষ্টি মস্ত্রিসহ বিবেক থাকিতে।
 কামের বিক্রম কভু নারে প্রকাশিতে।।
 ক্ষান্তিরূপ আছে যেই শত্রু ভয়ঙ্কর।
 যাইতে কি পারে ক্রোধ তাহার গোচর।।
 সন্তোষ স্বভার্য্যা তৃপ্তি সহিত থাকিতে।
 লোভের বিক্রম কিছু না পারে করিতে।।
 জ্ঞান আমার হয় শত্রু ঘোরতর।
 মোহ কি করিতে পারে তাহার উপর।।

তবে না হইল মোর অধিকার করা।
 ইহা বলি নেত্রজলে ভাসাইছে ধরা।।
 মস্ত্রি কহে কলিরাজ তেজহ বিষাদ।
 দৈব বিনা দূর নাহি হয় অবসাদ।।
 দেবের পরম দেব হয়েন মহেশ।
 তাঁর উপাসনা কর বিনাশিবে ক্লেশ।।
 আশুতোষ হন শিব তাঁর সেবা করি।
 অনেকে পেয়েছে সিদ্ধি ভুবন ভিতরি।।
 অতএব কর তুমি শিবের সেবন।
 অবশ্য তোমার আশা হইবে পূরণ।।
 ইহা বিনা উপায় না দেখি কিছু আর।
 যাহাতে বিপুল হয় তব অধিকার।।
 কলি কহে ভাল পরামর্শ এই হয়।
 আছয়ে আমার মনে ইহাই নিশ্চয়।।
 তাহার বিলম্ব আর আমি না করিব।
 অদ্যই তপস্যা হেতু কাননে যাইবে।।
 তোমা সবে বিধিমতে করিবে যতন।
 যাহে ধর্মপথে কেহ না করে গমন।।
 এতেক কহিয়া কলি করিল প্রস্থান।
 কহিছে শ্রীনারায়ণ ভাল এ বিধান।।

অথ মহাদেবের তপস্যার্থ কলির হিমালয় যাত্রা।

।।ত্রিপদী।।

এইরূপ কলিরাজ, স্থির করি হৃদিমাঝ,
 মহাদেব উপাসক বেশে।
 তেজি গৃহ পরিবার, বৈরাগ্য করিয়া সার,
 চলিতেছে উত্তরপ্রদেশে।।
 পুরগ্রাম ব্রজাকর, নদনদী সরোবর।
 নানা দেশ করি অতিক্রম।
 ব্যাপ্ত গুপ্ত গিরিব্রাজে, নিবিড় অরণ্যমাঝে,
 প্রবেশ করিল তেজি ভ্রম।।
 সাল তালআদি তরু, লতাতে আবৃত গুরু,
 অঙ্ককারময় সব দেশ।

ভয়ানক জন্তুগণ, সিংহ ব্যাঘ্র অগণন,
 ঘোর রব করে সবিশেষ।।
 পশুপক্ষি পতঙ্গম, ভীমরূপ ভুজঙ্গম,
 ভ্রমণ করিছে বনমাঝে।
 যে সবার ভয়াবেশে, দ্বিপদ নাহি প্রবেশে,
 নিষ্কর্জন সে বন কায়ে কায়ে।।
 হেন সব গিরি বন, ক্রমে করি উপেক্ষণ,
 কলিরাজ করিল গমন।
 হিমালয় সন্নিহিতে, অমরতটিনীতটে,
 উপনীত হইল তখন।।
 কিবা সেই হিমালয়, বর্ণনে বর্ণ বিকল,
 অবিচল সৌন্দর্য্য যাহার।
 কর্পূরের রাশি প্রায়, যার কান্তি দেখা যায়,
 হায় শোভা কি বর্ণিব তার।।
 নানা তরু লতাজাল, ব্যাপ্ত অতি সুবিশাল,
 আছে তাহে কত শৃঙ্গগণ।
 মৃগ খগ পতঙ্গম, না তেজে যার সঙ্গম,
 হেন শোভাময় সুরঙ্গন।।
 প্রফুল্লিত পুষ্পবন, পরশিয়া সমীরণ,
 ভ্রমণ করিছে দ্বিগন্তরে।
 যাহার সৌগন্ধিলবে, মুগ্ধ হয়ে অলিসবে,
 গুঞ্জ গুঞ্জ স্বরে গান করে।।
 প্রমত্ত কোকিলগণ, করে কল কল স্বন,
 শিখী শাখিশাখাতে নাচয়।
 নানা মণিখনি তায়, তেজেতে প্রকাশ পায়,
 হেরে মনোমুগ্ধ কার নয়।।
 তাহে করি কোলাহল, বহে সুরধনীজল,
 কলরব করে জলচরে।
 সুরসিদ্ধবধুগণ, তাহে স্নানাবগাহন,
 সকলে করিছে মোদভরে।।
 কলিরাজ সে পর্ব্বত, নিকটেতে বিধিমত,
 স্নান করি সুরনদীজলে।
 ধরি তাপসের বেশ, বিকীর্ণ চাঁচর কেশ,

বসি হিমগিরি শিলাতলে।।
 আপন ইন্দ্রিয়গণ, ক্রমে করি আহারণ,
 বিষম কুবিষয় হইতে।
 নাসাবায়ু রোধ করি, হৃদয়ে সমাধি ধরি,
 নিরবধি রহে শুদ্ধচিত্তে।।
 আহার বিহার ভোগ, নিদ্রালস্য যোগাযোগ,
 তেজে যোগ ধরিয়া সকল।
 অনিমেঘ দুনয়ন, নাহি অন্য আলোচন,
 তরু শৈল সমান অচল।।
 এইরূপে কতকাল, তেচিয়া বিষয় জাল,
 ভবে ভাবে ভাবের সহিত।
 কভু যদি ভাগে ধ্যান, করে স্ততি সুবিধান,
 এ শ্রীনারায়ণ সুবিদিত।।

অথ কলিকুত মহাদেবের স্তব।

।।তোটক।।

জয় শঙ্কর শঙ্কু শশাঙ্কধর।
 ত্রিপুয়াস্তক ত্র্যক্ষ ত্রিশূলকর।।
 পরমেশ্বর পাপ প্রণাশন হে।
 মদনাস্তক মন্ত্র প্রকাশন হে।।
 ভবশীলনশ্রান্তি বিনাশ তরো।
 সুর দানব মানব সিদ্ধগুরো।।
 মুনিমানস সারস হংসবর।
 করুণা কর হে হর দুঃখ হর।।
 নিজ ভক্ত সুরক্ষণ দক্ষ বিভো।
 সুরপক্ষ বিপক্ষ পরোক্ষ প্রভো।।
 তব বৈভব কৈতব কারি জনে।
 ভব ভ্রান্ত অশান্ত জনে কি জানে।।
 যাহে মোহে অপোহে বেদান্তবাণী।
 কে কবে হে তবে বল অন্য প্রাণী।।
 সুবিশঙ্কট শঙ্কট সিদ্ধূর্নারে।
 পড়িয়ে কাতরে ডাকি হে তোমারে।।
 কোথা হে রজতাচলশৃঙ্গমণে।

পরিপালয়ে নাথ এ দীনজনে॥
বিষয়চ্যুত সাম্প্রত আমি এবে।
হের হে হর নেত্রকটাক্ষ লবে॥
তব অঙ্কুর নেত্রকৃপা বিহনে।
পরমাপদ ঘাত হবে কেমনে॥
শ্রীনারায়ণ চট্ট বিমুঢ় বলে।
কর ভক্তি বিভক্তি স্বপাদ তলে॥

অথ মহাদেবের নিকট কলির বরপ্রাপ্তি।
॥পয়ার॥

এরূপ কলির তপস্বতির প্রভাবে।
আশুতোষ আশু তুষ্ট হইয়া সে ভাবে।
নন্দিবৃষ উপরিতে করি আরোহণ।
দেব অধিদেব তারে দিলা দরশন॥
রজত শিখরি প্রায় প্রকাশ শরীর।
বিভূতি ভূষণ অঙ্গে শিরে গঙ্গানীর॥
অর্দ্ধশশী শোভে ভালে শ্রবণে কুণ্ডল।
পঞ্চ বস্ত্র ত্রিনয়ন পরম উজ্জ্বল॥
ত্রিশূল ডমরু করে দিগন্ত বসন।
ব্যাস যজ্ঞসূত্রে দেহ অতি সুশোভন॥
চুলু চুলু দুনয়ন সমাধি আবেশে।
বিকীর্ণ বিপুল জটাজুট বক্ষ দেশে॥
জলদগন্তীর স্বরে কন কলিপ্রতি।
নয়ন মিলন কর তেজ দুঃখ ততি॥
জানি আমি তব তপস্যার বিবরণ।
ভয় নাই মনোবাঞ্ছা হইবে পূরণ॥
পরীক্ষিৎ দিল তোমা প্রতি যেই স্থান।
তাহা হইতেই তব হইবে কল্যাণ॥
বিশ্বজ্ঞানমতি মোরে আছে পূর্বাবধি।
বেদবাহ্য আগম রচিতে নিরবধি॥
তব অধিকার কালে তাহা প্রকাশিবে।
তাহে বেদ পথ অনায়াসে বিনাশিবে॥
আপনিও বিশ্ব করিবারে দেবহিত।

বুদ্ধরূপে অবতীর্ণ হবেন তুরিত।।
 ইতিপূর্বে দেবগণ ক্ষীরোদেতে গিয়া।
 জানাইল নারায়ণে বিনয় করিয়া।।
 ওহে ত্রিভুবন প্রতিপালক মুরারি।
 স্বভক্ত বৎসল ভবভ্রাষ্টি বিনিবারি।।
 নানা ভয় হৈতে হরি আমাসবাকারে।
 রক্ষা করিয়াছ নানা মতে বারেবারে।।
 সংপ্রতি অসুরভাব প্রাপ্ত রাজাগণ।
 বেদ বিধিমতে করে তপ আচরণ।।
 যদি তারা সেইসব তপস্যার ফলে।
 জনম লভয়ে আসি দানবের দলে।।
 তবে সে সবার নাশ করা সুকঠিন।
 ধর্মরত লোক বধ্য নহে চিরদিন।।
 এখন তাদের যদি হয় ধর্মনাশ।
 আপনি সে ফলে তারা পাইবে বিনাশ।।
 অতএব আমা সবে কৃপা প্রকাশিয়া।
 যে হয় উচিত কর মনে বিবেচিয়া।।
 শুনি নারায়ণ কহিলেন দেবগণে।
 ভয় নাই তোমা সবে যাও নিকেতনে।।
 ভারত মণ্ডলে আমি মগধপ্রদেশে।
 একাংশেতে প্রকাশ পাইব বুদ্ধবেশে।।
 নাস্তিকের মত তাহে করিয়া প্রচার।
 বিনাশ করিব বেদনিষ্ঠা সবাকার।।
 এত শুনি দেবগণ তাঁরে প্রণমিয়া।
 আপন আপন গৃহে রহিলেন গিয়া।।
 সেই বুদ্ধ অবতারকাল উপস্থিত।
 তাহাতেও হইবে তোমার বহু হিত।।
 পরে আমি কল্পিত আগম প্রকাশন।
 করিয়া করিব তব শুভ আচরণ।।
 তব অধিকারকালে বিষ্ণু ভগবান।
 প্রতিমারূপেতে বর্ষ অযুত প্রমাণ।।
 থাকিয়া ভূমিতে পরে অন্যদেবসনে।
 পৃথিবী তেজিয়া স্বর্গে যাবেন আপনে।।
 তুমি তাহে সাহায্য করিবা আচরণ।

যাহে এককালে সিদ্ধ হয় সে কারণ॥
 বিষ্ণুস্থিতি সময়ের অর্ধেক ব্যাপিয়া।
 থাকি বিষ্ণুপদী যাবে ভারত তেজিয়া॥
 তদর্শ সময়মাত্র গ্রাম্য দেবগণ।
 পৃথিবীতে রহি পরে করিবে গমন॥
 বিষ্ণু যবে তেজিবেন অবনীমণ্ডল।
 তখন পাশ্চাত্য ধর্ম হইবে শ্রবণ॥
 তাহে তুমি অনায়াসে কৃত কার্য্য হবে।
 চিন্তা তেজ কলি তব দুঃখ নাহি রবে॥
 অন্য এক উপদেশ শুনহ শ্রবণে।
 আর্য্যাবর্ষে তুমি না রহিবে এইক্ষণে॥
 এইদেশ হয় বহু ধার্মিক সেবিত।
 এখানে রহিলে শীঘ্র না হইবে হিত॥
 এ লাগি ভারতপূর্ব-দক্ষিণ প্রদেশে।
 গমন করহ তুমি মম উপদেশে॥
 তথা অভিমত স্থানে আপনার নাম।
 প্রকাশিয়া বিনির্ম্মাণ কর এক ধাম॥
 সেইস্থানে তুমিহ করিয়া অবস্থিতি।
 যেরূপ প্রকাশিবে রীতি নীতি॥
 সেই অনুসারে অন্য-প্রদেশীয় জন।
 অবশ্যই করিবে ক্রমেতে আচরণ॥
 এইরূপ কলিপ্রতি করি আশ্বাসন।
 মহাদেব তখনি হইলা অদর্শন॥
 তাহে আনন্দিত অতি কলিযুগরাজ।
 পুনরপি আইলেন ভারত সমাজ॥
 এহেতু শ্রীনারায়ণ চট্টরাজ কহে।
 দৈব বল তুল্য অন্য বল কিছু নহে॥

অথ শ্রীবিষ্ণুর বুদ্ধাবতারের বিবরণ।

॥পয়ার॥

এবে বঙ্কগণ কহি করহ শ্রবণ।
 যে প্রকারে বুদ্ধরূপী হৈলা হারায়ণ॥
 ধর্ম্মারণ্য নামে পুর খ্যাত গয়াদেশে।
 তাহে দ্বিসহস্র কলিবর্ষ অবশেষে॥

অজ্ঞাননন্দিনী মায়াদেবীর জঠরে।
 শুদ্ধোদন পুত্ররূপে ভারত ভিতরে॥
 পিতৃমাতৃ সম্মত গৌতম নাম ধরি।
 অবনীতে অবতীর্ণ হইল শ্রীহরি॥
 বিবদ্ধ মণ্ডিত কেশ শিখিপুচ্ছ করে।
 নৰ্মদা নদীর তটে প্রদেশ গুজ্জরে॥
 উপনীত হৈলা যথা আসুরিক জন।
 মহাযত্নে করিতেছে তপ আচরণ॥
 তা সবারে সম্ভাষি কহেন ভগবান।
 কি করে তোমরা সবে কহ সে বিধান॥
 কোন্ অভিলাষে কর এ দুষ্কর কৰ্ম্ম।
 ইহ কিম্বা পরলোক বাঞ্ছা তব মৰ্ম্ম॥
 কি ফল পাইবে সবে এই তপস্যায়।
 মোরে বিবরিয়া তাহা কহ সমুদায়॥
 শুনি সে সকলে কহে গৌতমের প্রতি।
 পরলোককামী মোরা ইহ মহামতি॥
 কি তব জিজ্ঞাস্য বল আছে এ বিষয়ে।
 হাঁসিয়া কহেন হরি তা সবে প্রণয়ে॥
 যদি পরলোক বাঞ্ছা আছে সবাকার।
 তবে কেন মিছা ক্রেশ পাও অনিবার॥
 বেদ মোহে ভুলি কেন হারাও দুকূল।
 ভ্রান্তি তেজি সত্যধৰ্ম্মে হও অনুকূল॥
 আমি তোমা সবে যাহা করি উপদেশ।
 গ্রহণ করিলে তাহা বিনাশিবে ক্রেশ॥
 এই মহাধৰ্ম্ম হয় সকলের সার।
 ইহাতে অর্হতা আছে তোমা সবাকার॥
 ইহা কহি অর্হত বলিয়া তাঁর খ্যাতি।
 হইল জগতে যাহে মুক্ত দৈত্য জাতি॥
 বিষ্ণুমায়া প্রভাবেতে সেই দৈত্যগণ।
 শ্রদ্ধা করি তাঁর বাক্য করিল গ্রহণ॥
 তবে কহিছেন সে সবারে ভগবান।
 শুনহ পরম ধৰ্ম্ম হয়ে সাবধান॥
 জীবা-জীব আশ্রয় সম্বর ও নিৰ্জর।

বন্ধ মোক্ষ এই সপ্ত পদার্থ প্রবর।।
 এই সংসারেতে হয় যে কোন ঘটন।
 তাহাতে জীবাদি সপ্ত পদার্থ কারণ।।
 জীব বলি তারে যে জ্ঞানাদি গুণবান।
 সাবয়ব অহমর্থ কায় পরিমাণ।।
 অজীব তাহার ভোগ্য সামগ্রী সকল।
 আশ্রব ইন্দ্রিয়গণ জানিবে কেবল।।
 যাহাতে আবৃত করে বিবেকাদি ধর্ম।
 অবিবেকপ্রভৃতি সম্বর শব্দ মর্ম।।
 কামত্রোধ প্রভৃতিরে कहিয়ে নিজ্জর।
 বন্ধ মোক্ষ বিবরণ শুন অতঃপর।।
 পাপপুণ্য হেতু জন্ম মরণ প্রবাহ।
 বন্ধশব্দে এই অর্থ হয় সুনির্বাহ।।
 যারে পাপ कहি তাহা করহ শ্রবণ।
 যাতে হয় জ্ঞানবীর্য্য সুখ বিনাশন।।
 এরূপ যে কোন কর্ম তারে পাপ কয়।
 জ্ঞানাদি প্রকাশে যাতে সেই পুণ্য হয়।।
 পাপপুণ্য ঘটে জন্ম মরণ প্রবৃতি।
 তার নিবারণমাত্র মোক্ষ শব্দ বৃতি।।
 চতুর্বিধ পরমাণু সৃষ্টির কারণ।
 কালে তার যোগাযোগে জন্মে কার্য্যগণ।।
 দিককাল আকাশ এসব নিত্য হয়।
 যে সবার আনুকূল্যে জন্মে বিশ্বচয়।।
 এককালে এক দ্রব্যে নানা ব্যপদেশ।
 সিদ্ধিহেতু হয় সপ্তভঙ্গী উপদেশ।।
 এইরূপে বহুবিধ মতের প্রচার।
 করিয়া করিলা ধর্ম ভ্রষ্ট সে সবার।।
 তবে তথা হৈতে হরি করিয়া প্রস্থান।
 কষায় অরুণ বস্ত্র কৈলা পরিধান।।
 নয়নে অঞ্জন লয়ে করেন ভ্রমণ।
 উপনীত হৈলা যথা অন্য দৈত্যগণ।।
 তথায় তাহারা বেদবিধি অভিমত।
 শ্রদ্ধাষিত হয়ে যজ্ঞআদি করে কত।।

সে সবারে সম্ভাষা করিয়া কন হরি।
 কেন সবে ক্রেশ পাও অধর্ম আচরি।।
 মিছামিছি কেন পশুগণে হিংসা কর।
 নিজ হিত চাহ যদি মম বাক্য ধর।।
 তোমা সবে দেখিতেছ যেই বিশ্বচয়।
 যথার্থত শূন্যমাত্র ইহা সমুদয়।।
 ভ্রান্তিজ্ঞান হেতু সব হয়েছে কল্লিত।
 স্বপ্ন যেন নিরাধারে হয় প্রকাশিত।।
 অবিদ্যা কেবল হয় তাহার কারণ।
 এইরূপ বোধ কর সবে প্রতিক্ষণ।।
 ইহা বলি বুদ্ধনামে তথা ভগবান।
 প্রকাশিলা হয়ে সর্ব মোহের নিদান।।
 হেন মতে সে সবারে ধর্মচ্যুত করি।
 স্থানান্তরে পুনঃ উপনীত হন হরি।।
 তথা পূর্বমত ক্রিয়ানিষ্ঠ দৈত্যগণে।
 সম্ভাষা করিয়া কন মধুর বচনে।।
 ওহে দৈত্যগণ সব কিবা ধর্ম কর।
 অনর্থক কেন ভ্রান্তিকাননে বিহর।।
 পশুহিংসা করিলে যে পুণ্য লাভ হয়।
 হেন অপলাপ বাক্য পাগলেতে কয়।।
 যজ্ঞেতে বিনষ্ট পশু স্বর্গ যদি পায়।
 তবে কেন লোকে নাহি বধে স্বপিতায়।।
 পিতৃস্বর্গ লাগি লোক নানা যত্ন করে।
 যজ্ঞে নাহি বধি তাঁরে মিছা ঘুরে মরে।।
 তোমা সবে বল ইন্দ্র বহু যজ্ঞ ফলে।
 রাজত্ব পাইল স্বর্গে অমর মণ্ডলে।।
 যদি সত্য হয় ইহা তবে কি প্রকারে।
 শুদ্ধ কাষ্ঠ ঘূতে তার তৃপ্তি হৈতে পারে।। ৫
 পুণ্যদেহ পেয়ে যার ঈদৃশ ভোজন।
 পশুসঙ্গে আছে তার কিবা বিলক্ষণ।।
 কর্ত্তা-ক্রিয়া-দ্রব্য-নাশে যদি স্বর্গ হয়।
 তবে দম্ভবৃক্ষে কেন নহে ফলোদয়।।
 শ্রাদ্ধ যদি হয় মৃত-পিতৃ-তৃপ্তি-কর।

তবে কেন প্রবাসেতে দুঃখ পায় নর॥
 গৃহে থাকি পুত্র শ্রদ্ধ করিলে তাহার।
 অবশ্য হইতে পারে ক্ষুধার নিস্তার॥
 শ্রদ্ধে যদি মৃত মানবের তৃপ্তি হয়।
 তৈল দানে মৃতদীপ দীপ্ত কেন হয়॥
 অগ্নিহোত্র বেদত্রয় ত্রিদণ্ড ধারণ।
 বুদ্ধিশক্তি বিহীনের জীবিকাকারণ॥
 অতএব এইরূপ তেজি ভ্রম জাল।
 মম বাক্য শুন যদি সুখে যাবে কাল॥
 পরোক্ষ ঈশ্বর আছে জগত কারণ।
 কেন মিছামিছি ইহা কর সম্ভাবন॥
 দেহনাশ হইলে কি থাকে পরলোক।
 তবে তার লাগি মিছা কেন পাও শোক॥
 বটবীজকণা যেন বৃক্ষের কারণ।
 দেহপ্রতি রেতঃকণা জানিবে তেমন॥
 বহুদ্রব্যযোগে যেন মাদকতা হয়।
 চারিভূত যোগে তেন চৈতন্য উদয়॥
 বীজাঙ্কুর প্রায় এই জগত সকল।
 অনাদিরূপেতে আছে এমনি কেবল॥
 কালে পৃথিবীতে মেন শস্যগণ হয়।
 কালে নাশ হয় পুন তেন প্রাণীচয়॥
 ইহার কি কর্ত্তা কেহ আছয়ে অপর।
 যে মানয়ে ইহা তার সম কে বর্বর॥
 সে কর্ত্তার কর্ত্তা কেবা সুধাইলে ফলে।
 অনবস্থাতয়ে তার আদি নাহি বলে॥
 এরূপ কল্পনাজালে আবৃত হইয়ে।
 অঙ্কপরম্পরা ন্যায়ে মরয়ে ভ্রমিয়ে॥
 তোমাসবে হেন রূপ তেজিয়া কুমত।
 করহ বিষয় সুখ সবে অবিরত॥
 যাহাতে ঐহিক ক্রেশ হয় সুঘটন।
 তারে পাপ কহি তাহা করিবা বর্জ্জন॥
 যাতে সুখ হয় সদা পুণ্য বলি তারে।
 তাই কর কেন মজ দুঃখ অকুপারে॥

সব সুখ হৈতে শ্রেষ্ঠ নারীসঙ্গ হয়।
 নিজদারা পরদারা বলি তেজ ভয়।।
 অহিংসা পরম ধর্ম এই বাক্য সার।
 প্রাণীমাত্র হিংসা করা অসাধু আচার।।
 নিজ সুখ দুঃখ যেন অন্যের তেমন।
 এজন্যেতে করা নহে কাহারো হিংসন।।
 অন্য যাতে সুখ হবে তাই আচরিবে।
 পরলোক আছে বলি মনে না করিবে।।
 এইমত উপদেশে সে সকল জনে।
 ধর্মভ্রষ্ট করি যান অন্যত্র আপনে।।
 ক্রমেতে সেসব মত হইয়া প্রবল।
 ব্যাপ্ত প্রায় হইল এ অবনীমণ্ডল।।
 অদ্যাপি নেপাল ভোট বর্ম্মা চীনদেশে।
 লঙ্কাআদি দেশ ব্যাপিয়াছে সুবিশেষে।।
 এ শ্রীনারায়ণ কহে ভাবি ভগবান।
 এখন কলির বহু হইবে কল্যাণ।।

অথ মহাদেবের কল্পিত আগম প্রকাশ।

।।ত্রিপদী।।

যখন এ ধরাতলে, ব্যাপিল বৌদ্ধের দলে,
 সকলে তেজিল বেদ পথ।
 সেইকালে শ্রীমহেশ, কুলধর্ম্ম উপদেশ,
 প্রদানে করিলা অভিমত।।
 দ্বিতীয় শঙ্কর বেশে, প্রবেশিয়া পুণ্ড্রদেশে,
 বহু তন্ত্র লইয়া সঙ্গেতে।
 সহ বহু শিষ্যগণ, স্থানে স্থানে পর্য্যটন,
 করিয়া বেড়ান স্বরঙ্গেতে।।
 কহেন সবার প্রতি, তেজ সবে এ দুর্ম্মতি,
 পরলোক গতি চিন্তা কর।
 কেন মিছা বৌদ্ধমতে, ভ্রমিছ সদা কুপথে,
 শুদ্ধভাবে শিব আজ্ঞা ধর।।
 বিবেচিয়া দেখ ভাই, কে বলে ঈশ্বর নাই,
 মহামায়া জগত জননী।

সে বিচারে নাহি কাজ, মম বাক্য হৃদি মাঝ,
রাখ যদি দেখাব এখনি।।
যদি মহামন্ত্র তার, জপো হয়ে বীরাচার,
তবে কিছু অপেক্ষা না রবে।
পাবে চতুর্বর্গ ফল, যাবে সন্দেহ সকল,
অনায়াসে সুখলাভ হবে।।
মারণোচ্চাটন আদি, আছে কৰ্ম্ম অবিবাদি,
তাহা যদি দেখ পরীক্ষিয়া।
ভ্রান্তি কিছু না রহিবে, শ্যামাপদে বিকাইবে,
আপন কুমত উপেক্ষিয়া।।
ত্রিপুরা ত্রিগুণাকারা, ত্রিলোক তারিণী তারা,
ত্রিদেবজননী ত্রিনয়নী।
ত্রি-পুরদহন য়াঁর, চরণ করেছে সার,
পরম পদার্থ মনে গণি।।
যিনি এই চরাচরে, ব্যাপ্ত সদা সুরনরে,
পশুপক্ষিপ্ৰভৃতি সকলে।
যে শ্যামার শক্তি লবে, শক্তিমান্ হৈল সবে,
সে ঈশ্বরী নাহি কেবা বলে।।
লোকের এ বুদ্ধি ভেদ, লাগি নিন্দা কৈল বেদ,
বিমুঃ-বুদ্ধমুর্খি অঙ্গীকরি।
এজন্যে তাহার নাম, করা নহে কোন যাম,
তুলসী স্পর্শিতে ভয় করি।।
অতএব সবে কই, বস্তু নাহি তারা বই,
তারিতে সংসার ঘোরতর।
তারি মন্ত্র কর জপ, তেজ পশুচেষ্টাতপ,
পঞ্চ তত্ত্বে করিয়া আদর।।
তত্ত্ব থিয়া হন তারা, পরতত্ত্ব সমাকারা,
তত্ত্ব সেবা করহ যতনে।
মদ্য মাংস মৎস্য আর, মুদ্রা ও মৈথুন তার,
অঙ্গ কহে তারাত্মিয় জনে।।
এইরূপ উপদেশ, সে সবে করিয়া শেষ,
অপর প্রদেশে প্রবেশিয়া।
কহিছেন দ্বিজগণে, মিছা ক্লেশ পাও কেনে,

পশুধৰ্ম্ম যাজন করিয়া॥
 বেদ হয় মহাবন্ধ, তাহাতে হইয়া অন্ধ,
 নিরানন্দ করিছ সেবন।
 কলিতে কালিকাবই, নিস্তারের হেতু কই,
 কেন তবে ভ্রম অকারণ॥
 হবিষ্যাশী উপবাসী, হইলে কি রাশি রাশি,
 মোহমসী মার্জিত হইবে।
 আনন্দ চিন্ময়রস, ব্রহ্ম নহে সুকৰ্কষ,
 কুরসে সুরস না পাইবে॥
 চিদানন্দ উল্লাসিনী, কালিকাল সীমন্তিনী,
 নিজযোনিবর্থে এসকল।
 আনন্দ সন্তোগরসে, প্রসবিলা অবিরসে,
 স্থূল সূক্ষ্ম বস্মাভ মণ্ডল॥
 ভগরূপা ভগবতী, ত্রিকোণে ত্রিদেবগতি,
 ত্রিগুণা ত্রিশক্তি স্বরূপিনী।
 লিঙ্গরূপী মহেশ্বরে, স্বসঙ্গম সুখ ভরে,
 সুখী করে ত্রিকালরূপিনী॥
 ভগলিঙ্গ সমাযোগ, এই সে পরমযোগ,
 ভোগ মোক্ষ উভয় কারণ।
 শুক্লনিঃসরণকাল, নিৰ্ব্বাণ সুখ মিশাল,
 নিজাগমে কহে ত্রিলোচন॥
 মহাকাল সঙ্গে শিবা, বিপরীত রতা কিবা,
 নিজ সুখামৃত আশ্বাদিতে।
 যদি মোক্ষে থাকে মন, ধরহ শিববচন,
 গুণনিধিমনে সুখ দিতে॥

অথ কৌলধৰ্ম্ম বিবরণ।

॥পয়ার॥

কুলকুণ্ডলিনী কালী ভজ কুলপথে।
 অকুল সংসার পার হইবে যেমতে॥
 চরাচর বস্তু সবকুল শব্দে বলি।
 কালিকা কারণরূপে ব্যাপ্ত এসকলি॥
 বস্তুভেদ মানি জীব পশুতুল্য হয়।

পশুমাৰ্গে পরতত্ত্ব প্রাপ্তি কভু নয়॥
 কহিলেন পশুশাস্ত্র অন্যরূপে শিব।
 মহাপাপবশে তাতে রত হয় জীব॥
 অতএব পশুসঙ্গে তেজ আলাপন।
 পশু কাছে নিজমত করহ গোপন॥
 ব্রহ্মবস্ত্র অবিচ্ছিন্ন সুখরূপ হয়।
 কামিনীর সঙ্গে তাহা ব্যাপ্ত সমুদয়॥
 সে নারীসঙ্গম তেজি নিরানন্দকালে।
 সাধিলে শ্যামার সিদ্ধি নাহি কোন কালে॥
 তার সাক্ষী দেখ সঙ্গে লয়ে কোচ নারী।
 শ্যামারে সাধিয়া সিদ্ধি পান ত্রিপুরারি॥
 সাবিত্রী সঙ্গেতে সিদ্ধ স্বয়ম্ভু সেরূপ।
 সত্যাসঙ্গে সিদ্ধ হরি ধরি কৃষ্ণরূপ॥
 অতি সুগহন এই কুলধৰ্ম হয়।
 যোগীন্দ্রজনার ইহা গম্য কভু নয়॥
 পূৰ্বেতে বশিষ্ঠ তেজি কুল উপদেশ।
 পশুমাৰ্গে তারা সেবি পায় নানা ক্ৰেশ॥
 বহুকালে জপ্ করি সিদ্ধ নাহি লভে।
 ক্ৰোধে তারা মন্ত্ৰ প্রতি শাপ দিল তবে॥
 তাহে দৈববাণী তথা হইল তখন।
 কেন মুনি মন্ত্ৰে শাপ দিলে অকাৰণ॥
 পশুবুদ্ধি তব নাহি হয়েছে মোচন।
 পশুভাবে ভজি ক্ৰেশ পাও সে কাৰণ॥
 সিদ্ধি বাঞ্ছা থাকে যদি যাও চীন দেশে।
 চীনের আচার সব সেবহ বিশেষে॥
 যোনি অন্ন বিচার তথায় কিছু নাই।
 সিদ্ধিলাভ হবে যদি কর গিয়া তাই॥
 এত বাণী শুনি তবে বশিষ্ঠ সুমতি।
 সিদ্ধ হৈল চীন দেশে করি সমাগতি॥
 এই হেতু কহি আমি শুন সবিশেষ।
 রমণীসঙ্গমপ্রতি সবে তেজ দেখে॥
 যোনিরূপা হন কালী লিঙ্গরূপী হর।
 মাতৃভাব পিতৃভাব চিন্তা পরস্পর॥

যেকালে যেখানে নারী দর্শন পাইবে।
 তখনি অমনি ভক্তিভাবে অলিঙ্গিবে।।
 অভাবেতে মনে মনে চিন্তিবেক রতি।
 নতুবা অধমলোকে হইবেক গতি।।
 রমণে কুশলা রামা কর সহকার।
 নিজপর বলি মনে না কর বিচার।।
 মদ্য মাংস মৎস্য মুদ্রা মৈথুন বিহনে।
 কলিতে কালিকা সিদ্ধি হইবে কেমনে।।
 শুদ্ধাশুদ্ধ ভদ্রাভদ্র এ কেবল ভ্রম।
 এক বিনা দুই নাই উচ্চ-নীচ সম।।
 কালাকাল বিবেচনা তেজ্ঞ এপথেতে।
 কোটিগ্রহ তুল্য কাল নারী সঙ্গমেতে।।
 তাহে পুনঃ হয় যদি রাহুগ্রহযোগ।
 তখনি করিবে শিব শক্তিতে সংযোগ।।
 মাতৃমুখে পিতৃমুখ করি সন্নিবেশ।
 জপিবেক্ মহাবিদ্যা পিয়া সুধালেশ।।
 যাবত না হবে মুক্ত গ্রহ উপরাগ।
 তাবত এরূপ করিবেক মহাযোগ।।
 মুক্তিকালে পূর্ণাছতি করিয়া প্রদান।
 মহাবিদ্যা জপন করিবে সমাধান।।
 ভগলিঙ্গামৃত সহ যোনি দ্বৌতনীরে।
 তর্পণ করিবে পরে পরমাদেবীরে।।
 তাহে বিদ্যা সিদ্ধি হবে অবিদ্যা নাশিবে।
 মাতৃজার তুল্য ইহা নাহি প্রকাশিবে।।
 বাহিরে বিশুদ্ধাচার বৈষ্ণবের প্রায়।
 রহিবে লোকেতে যেন টের নাহি পায়।।
 পশুসঙ্গে আহার বিহার সম্ভাষণ।
 তেজিবে সর্বদা যাছে নহে প্রকাশন।।
 পশুদৃষ্ট স্পৃষ্ট কিছু বস্তু না লইবে।
 হিতাহিত কিছু সে সবারে না কহিবে।।
 বীরসঙ্গে কারণ সেবিবে সর্বক্ষণ।
 অকারণে বৃথা কাল অযোগ্য যাপন।।
 পিয়ে পিয়ে পুনঃ পিয়ে ভূতলে পড়িবে।

উঠি পুনঃ পিয়ে মদ্য জন্ম না হইবে॥
 এইরাপে বহুতর উপদেশ করি।
 কুলধর্ম প্রকাশিলা ভুবন ভিতরি॥
 মদ্যমাংস লোভে কেহ মৈথুনলালসে।
 সকলে ভাসিল কুলাচার মহারসে॥
 বেদপথে বড় কেহ না করে আদর।
 আগম মোহেতে মুগ্ধ হৈল বহু নর॥
 ক্রমে ক্রমে কলিহান হইল বিপুল।
 বিনাশিল কলির মনের দুঃখ শূল॥
 এ শ্রীনারায়ণ কহে দৈব বল যার।
 সংসারে অলভ্য কিবা থাকয়ে তাহার॥

অথ কৌলধর্মরক্ষার্থ কলির দ্বিতীয় মন্ত্ৰণা ও
 প্রথম দিগ্বিজয়ার্থ কন্দর্পের প্রতি অনুজ্ঞা।

॥পয়ার॥

এইরাপে বৌদ্ধ বাম মার্গে ধরাতল।
 যখন হইল ব্যাপ্ত প্রায় এসকল॥
 লোকসব বেদপথ হইল বিরত।
 তেজিল স্বকুল অগ্নি অগ্নিহোত্রি যত॥
 বৃথা হিংসা বৃথা পান করে নিরন্তর।
 ক্রুর কর্মে ক্রিয়াবান্ হৈল বহু নর॥
 নিজ-পর নারী কিছু না করে বিচার।
 যাতে তাতে হয় রত হয়ে বামাচার॥
 কলির হইল যাতে অনুকূল বিধি।
 সেপথ রক্ষণে কলি চিন্তে সদা বিধি॥
 অধর্ম সহিতে কলি করয়ে মন্ত্ৰণ।
 কিরাপে প্রবল হবে এই ধর্মগণ॥
 কুল ধর্ম প্রচারেতে পাইয়াছি কুল।
 যতনে রাখিব যাতে না হয় নির্মূল॥
 শিবআজ্ঞা আছে মোরে যাব বঙ্গদেশে।
 কৌলিন্য মর্যাদা আগে স্থাপিব বিশেষে॥
 যাহে শ্রেণীবদ্ধ হয়ে সেই প্রজাগণ।
 করিতে না পারে কুলপথ উলঙ্ঘন॥

তাহে বহুকালে দ্বীর না হবে বিবাহ।
 জ্ঞার ভজি তারা কাম করিবে নিকর্ষাহ।।
 পুরুষে করিবে বহুতর পরিণয়।
 কুলিনের কুল রক্ষা না করিলে নয়।।
 একজন হৈতে বহু কামিনীর কাম।
 কদাচ না পারিবেক হইতে বিরাম।।
 তাহে সে রমণীগণ তেজি লাজ ভয়।
 পর পুরুষেতে রত হইবে নিশ্চয়।।
 যদি পুন তাহে বহুভার্যা পতি মরে।
 তবে ত হইবে সব বেশ্যা ঘরে ঘরে।।
 অকুলীন পুরুষের বিবাহ না হবে।
 সে সবার দ্বারে সতীধর্ম নাহি রবে।।
 অর্থলোভে কেহ কন্যা করিতে বিক্রয়।
 শ্রৌটা করি রাখিবেক তেজি লোকভয়।।
 তাহাতে সহিতে নারি যৌবনের জ্বালা।
 স্বৈচ্ছায় ভজিবে যারে তারে কুলবালা।।
 এইসব মনোবৃত্তি করিতে সাধন।
 বঙ্গরাজ্যে এবে আমি করিব গমন।।
 আদিসুর রাজা আছে বিক্রম নগরে।
 নিজাংশে জন্মিব তার মহিষী উদরে।।
 বল্লল নামেতে খ্যাতি হইবেক তথা।
 সেই দ্বারে নিজমত সাধিব সর্বথা।।
 আর এক পরামর্শ হয়েছে মনেতে।
 দিগ্বিজয়ে মদনে পাঠাব ভুবনেতে।।
 মোহ অবিবেক দুই সেনাপতি লয়ে।
 বসন্ত সামন্ত সহ সুসজ্জিত হয়ে।।
 গমন করুক সেহ ধরি ফুলশর।
 মম অনুগত করিবারে চরাচর।।
 তোমারে জিজ্ঞাসি তাহা কি বল এখন।
 ভাল কিম্বা মন্দ হয় একপ মন্ত্ৰণ।।
 অধর্ম কহেন রাজা তুমি মহাধীর।
 তব অভিমত যাহা তাহাই সুস্থির।।
 মদনে ডাকিয়া তবে কর আঞ্জাপন।

দিগ্বিজয় হেতু সেহ করুক গমন॥
 এত শুনি মনমথে ডাকাইয়া কলি।
 নিজ অভিপ্রায় তারে কহিল সকলি॥
 যে আজ্ঞা বলিয়া তবে চলে রতিপতি।
 গুণনিধি কহে উপযুক্ত এই অতি॥

অথ কন্দর্পের দিগ্বিজয়বাসরে বসন্তবর্ণন।

।মাত্রাবৃত্তি চতুষ্পদী॥

ভূগতিসম্মতি মদন পাইয়ে,
 তখনি অমনি চলিল ধাইয়ে, বসন্ত সামন্ত সঙ্গে সাজাইয়ে,
 কর ফুলশর ধরিয়ে।
 প্রকাশিয়ে বহুবিধ ফুলকুল,
 রসাল পল্লবে ধরায়ে মুকুল, মলয়পবন হানিতেছে শূল,
 যার যার রব করিয়ে॥
 রণবার্তা আগে করিতে প্রচার,
 পিক্কুল ঘন করিছে ফুফার, তাহাতে পাপিহা কহিছে আবার,
 পিয়ু কাঁহা কার রয়েছে।
 মল্লিকা মুকুলে বসি মধুকর,
 পুঞ্জ পুঞ্জ গুঞ্জ গুণ গুণ স্বর, সে যেন ভীষণ মদন সমর,
 শঙ্খ বাদ্যকর হয়েছে॥
 কেশর কুসুমে ধরে রাজদণ্ড,
 দণ্ডে দণ্ডে চাহে সে করিত দণ্ড, অতরুণ তরুচয়ে লণ্ড ভণ্ড,
 করে সে প্রচণ্ড সমীরে।
 বলে হেরে দুষ্ট তরু লতাগণ,
 কি গৌরবে সবে আছ নিগমন, এখনো সুসজ্জ নহ সে কেমন,
 এমন কি বুদ্ধি কমিরে॥
 পাটল অটল রণ রসাবেশে,
 ধরে সে নুতন তুণ পৃষ্ঠদেশে, কাঞ্চন লাঞ্জন করিতে বিশেষে,
 ভীষ্ম তলোয়ার ধরেছে।
 কেতকীর করে কঠিন করাৎ,
 অশোকেতে শোকে ফেলে অচিরাৎ, জাতি জাতিকুল করিতে আঘাত,
 শুভদৃষ্টিপাত করেছে॥
 স্মরত্যাশনে দম্ব তুষকণ,

তরুণততি সদা করে বরিশণ, তাহে সুভীষণ করে কলস্বন,
খগগণ অতি কপটে।

সেই বজ্রসম কঠিন নিনাদে,
বিরহিণীবন্দ পড়িছে প্রমাদে, একান্ত স্বকান্ত বিরহ বিবাদে,
ভাবে ভাগ্যে আজি কি ঘটে।।

চৌদিকে কুসুম সৌরভ ছুটিল,
বিরহির সুখ সম্পদ লুটিল, দুঃখ হতাশন জুলিয়া উঠিল,
ব্যাকুল করিল সে সবে।

যৌবনরথেতে করি আরোহণ,
ধরি ফুলময় দৃঢ় শরাশন, মদন করিছে সুদৃঢ় শাসন,
হায় আজি কি হবে।।

ধর্ম ধৈর্য্য বীর্য্য লজ্জা জাতিকুল,
বিবেকাদি সবে ভাবিয়া আকুল, গেল গেল কুল একি শত্রুকুল,
ঘোর প্রতিকুল হইছে।

সাজো সাজো সেনাসমূহ সত্বর,
আজি যুদ্ধ বুঝি হবে ভয়ঙ্কর, এল্য কাম করে ধরি ধনুঃশর,
এ শ্রীনारायण कहिছে।।

অথ কন্দর্পের বিজয়।

।।পয়ার।।

এইরূপে সৈন্যে সাজিয়া পঞ্চবাণ।
গর্ব্বভরে চরাচরে করে কম্পবান।।
ভারতেতে বঙ্গরঙ্গ ভূমে অগ্রে আসি।
বিপক্ষের লক্ষ্যে বাণ ছাড়ে রাশি রাশি।।
প্রতিযোদ্ধা বিবেক দেখিয়া সেই রীতি।
দোষদৃষ্টি মস্ত্রিবরে পাঠান তুরিত।।
যাও যাও মস্ত্রি তুমি শীঘ্র রণস্থলে।
বিনাশহ প্রতিপক্ষ পক্ষ সৈন্যদলে।।
সঙ্গে লও লজ্জা ধৃতি ক্ষমা তিন জনে।
শম দম আদি সৈন্যে সাজাও যতনে।।
বিলম্ব আলম্ব তাহে করা যোগ্য নহে।
মজিল বিপক্ষকুল অকুল কলহে।।
বিবেকআজ্জায় লজ্জা ধৃতি ক্ষমাসনে।

যুদ্ধেতে সাজিল মস্ত্রি লয়ে সৈন্যগণে॥
 রঙ্গভূমে দেখি কাম সৈন্যের তরঙ্গ।
 যুদ্ধে ত্রুঙ্কভাব তেজি ভাবিল আতঙ্গ॥
 মনমথ মহাবেগে মোহনাত্ত্ব ধরি।
 প্রহারে প্রথমে দোষ দৃষ্টিসৈন্যোপরি॥
 তাহে পুনঃ কুসংস্কারে চাঞ্চল্য মত্ততা।
 লজ্জা ধৃতি ক্ষমা প্রতিপ্রহারে সর্ব্বথা॥
 একে তো মোহনবাণে মুগ্ধ সর্ব্বজন।
 অধিকন্তু পরস্পর করে আক্রমণ॥
 কুসংস্কার আগেতে লজ্জার কেশে ধরি।
 নামায় নয়ন রথ হৈতে শীঘ্র করি॥
 তাহে সে কামিনীকুচকুণ্ড করি ভর।
 কুসংস্কার সঙ্গে করে প্রচণ্ড সমর॥
 তবে সে শৃঙ্গাররুচি নামেতে রাক্ষসী।
 প্রহারে লজ্জারে আসি কামিনীবক্ষসি॥
 তাহাতে কম্পিতা হয়ে লজ্জা অতিশয়।
 ভয়েতে প্রবেশে গিয়া মদনআলয়॥
 লজ্জার ভগিনী এক আছিল বামতা।
 সহায় হইল রণস্থলে আসি তথা॥
 তাহে রতি শৃঙ্গাররুচির পক্ষ হয়ে।
 বিনাশে লজ্জারে পেয়ে পতির নিলয়ে॥
 সেকালে চাঞ্চল্য গিয়া ধৃতিসন্নিধানে।
 ঘোর যুদ্ধ করে দৌহে বিবিধ বিধানে॥
 চাঞ্চল্যের পরাক্রম সহিতে না পারি।
 ভঙ্গ দিল ধৃতিদেবী রণভূমি ছাড়ি॥
 সেইরূপে মত্ততা করিয়া আগমন।
 ক্ষমায় তেজিয়া ক্ষমা করে মহারণ॥
 হস্তাহস্তী কেশাকেশী দস্তাদস্তি ভাবে।
 পরস্পর যুদ্ধ করে আপন প্রভাবে॥
 ক্ষমার ক্ষমতা যাহা আছিল সঙ্গরে।
 নাশে তাহা মত্ততার উন্মত্ত সমরে॥
 অতএব মনে বহু পাইয়া আতঙ্গ।
 রণস্থল তেজি ক্ষমা ভয়ে দিল ভঙ্গ॥

তবে কামসৈন্যগণ করি রণ জয়।
 আনন্দে করিছে রব সবে জয় জয়॥
 নানা বাদ্য বাজে তাহে করি কোলাহল।
 ডম্ফ জগবাম্ফ বেণু বীণা সুমঙ্গল॥
 শর আকর্ষণে শ্রান্ত আছিল মদন।
 পুষ্পনীরে সৈন্য তারে করিল সিঞ্চন॥
 দোষদৃষ্টি মুগ্ধভাব তবে পরিহরি।
 একা পলাইল পরে অনুতাপ করি॥
 পরে সে সমরজয়ী দুর্দান্ত মদন।
 বিবেকে করিছে প্রতিস্থানে অব্বেষণ॥
 তাহাতে শঙ্কট ভাবি বিবেক সুমতি।
 বঙ্গরাজ্য তেজিয়া পলায় দ্রুতগতি॥
 দ্বিজ কহে মনসিজ হয়ে অনুকূল।
 কলিরে অকূল চিন্তার্গবে দিল কূল॥

অথ বসন্ত আগমনে কামিনীদিগের কামোদ্ভব।

।দীর্ঘ চতুষ্পদী॥

নবঋতু আগমন, হেরিয়া অবলাগণ,
 কামে হরে অচেতন, বলে একি দায় গো।
 সখি গো কি হলো বল, বসন্ত কি আবার এলো,
 মদন মরে না মোলো, সে কি পুনরায় গো॥
 ঐ দেখ বনে বনে, ফুটিল কুসুমগণে,
 সদা মলয়পবনে, হানিতেছে শূল গো।
 দেখ দেখ ফুলে ফুলে, ছুটিল ভ্রমরকূলে,
 করিল কামিনীকূলে, অধিক ব্যাকুল গো॥
 ডালে ডালে পিক্‌গণ, করে প্রিয় আলাপন,
 প্রিয় বিনা কার মন, তাহাতে জুড়ায় গো।
 কান্ত যার দেশান্তরে, বসন্তে সে দুঃখান্তরে,
 সদা বিরহ কান্তারে, কান্দিয়া বেড়ায় গো॥
 হয়ে ফুল ধনুকর, মদন চাহিছে কর,
 আমাদের প্রাণেশ্বর, হয়েছে বেকার গো।
 আছিল যে পূর্বধন, সে ধন হোলো নিধন,
 বাকি আছে প্রাণধন, তা চায় আবার গো॥

যৌবন নিবিড় বনে, বিচ্ছেদ দাবদাহনে,
 দক্ষ হই ক্ষণে ক্ষণে, তথাপি না ছাড়ে গো।
 সদা বলে দে না কর, আমাদের দেনা কর,
 হল্যে কি নৃপতিকর, কেবা কোথা পাড়ে গো।।
 মনে হয় কর লাগি, হই নিজাকরত্যাগী,
 কলঙ্কনিকরভাগী, হব বল্যে ডরি গো।
 হেন কে আছে সুহৃদ, কাহারে সুধাই হিত,
 হিতে হয় বিপরীত, সেই ভয়ে মরি গো।।
 এক রাম বলে সই, কেন এত জ্বালা সই,
 প্রাণ বিনা প্রিয়া কই, আছে ত্রিলোকিতে গো।
 যদি দেহ ছাড়ে প্রাণ, কি করিবে কুল মান,
 কুলেতে অনল দান, করি ভাবি চিতে গো।।
 সদা করি লোকাপেক্ষে, নিবারি এ বারি চক্ষ্ণে,
 কত বা বহিব বক্ষ্ণে, যক্ষ্ণের সম্পদ গো।
 যদি মনোমত পাই, তবে এ জ্বালা নিবাই,
 সুখ পারাবারে যাই, তেজি এ বিপদ গো।।
 মৃদু মৃদু রূপে ভাসি, কহে আর রূপরাশি,
 দুঃখের উপরে হাসি, শুন বলি তোরে গো।
 একে এ পোড়া মদন, পোড়াইছে সর্বক্ষণ,
 তাহে যে দেখি স্বপন, আজি নিশিভোরে গো।।
 তোমারে কহিতে তাই, মুখে হাসি এসে ছাই,
 যেন ভাসুর ঝি জামাই, আসি মোর কাছে গো।
 মোর দুটি পয়োধর, উপরেতে ধরি কর,
 দিয়া অধরে অধর, চেপে ধরে পাছে গো।।
 আমি যত করি মানা, তবু কি গো মানে মানা,
 হৃদে তুলে লয়ে নানা, করয়ে কৌশল গো।
 লাজে উপজিল সুখ, প্রেমতে পুরিল বুক,
 তখন তেজি বৈমুখ, দিনু ভারে কোল গো।।
 সে কার্য হইল সঙ্গ, আবেশে অবশ অঙ্গ,
 শেষে হয়ে নিদ্রাভঙ্গ, আতঙ্গিতে মরি গো।।
 তোর দিব্য কোরে কই, সেবাধি গো প্রাণ সই,
 আমাতে তো আমি নই, বল কিবা করি গো।।
 তবে অন্য নারী কয়, শুন মোর পরিচয়,

বলিতে বলিতে হয়, তবু লাজ পায় গো।
 কালি পরদেশে হোতে, বনিপো এল বাটীতে,
 হয়েছে ভালো দেখিতে, থাকিয়া তথায় গো।।
 মুখে মৃদু মৃদু হাসি, বলে এলো মাসি মাসি,
 হেরে মুখ সুধারাশি, ভুলে গেল মন গো।
 নিশিতে করে সোহাগ, হেরি সে অধর রাগ,
 মনে মনে অনুরাগ, ধরিয়া তখন গো।।
 অধরে চুম্বন আশে, তাম্বুল লইয়া পাশে,
 মধুর মধুর ভাষে, সজ্জাষি তাহারে গো।
 আহা আমি মরে যাই, লয়ে তোমার বালাই,
 কতদিন দেখি নাই, বনিপো তোমারে গো।।
 করি এত আলাপন, সে চান্দ মুখচুম্বন,
 করিতে হরিল মন, মদন অমনি গো।
 থর থর কাঁপে অঙ্গ, উথলে প্রেম তরঙ্গ,
 ভাগ্যে না ঘটিল সঙ্গ, সেকালে তখনি গো।।
 বলে আর রসবতী, এ নহে আশ্চর্য্য অতি,
 কামের কুটিলগতি, বুঝা অতি ভার গো।
 যদি নিজবিবরণ, করি সবে প্রকাশন,
 জানিবে সব কারণ, এখনি তাহার গো।।
 এ নব বসন্তকাল, কামিনীকুলের কাল,
 মনে মানি সুজঞ্জাল, একে তা সদাই গো।
 তাহে যত অলিকুল, নাশিবারে জাতিকুল,
 হয়েছে যে প্রতিকুল, তাহাতে ডরাই গো।।
 হয়ে দুঃখ পরাধীন, সে দিনে গো সারাদিন,
 যেন বারি ছাড়া মীন, লুপ্তিত ধুলায় গো।
 মদনমদঅলসে, প্রদোষে নিদ্রার রসে,
 শয়নে আছি বিরসে, দাদার শয্যায় গো।।
 দাদা গেছে স্থানান্তর, বধু করে ক্রিয়ান্তর,
 আমি তাপিত অন্তর, হইয়ে সজনি গো।
 আছি গৃহ অন্ধকারে, কেবা বল দেখে কারে,
 দাদা অবিজ্ঞাত সারে, শুভিল তখনি গো।।
 পেয়ে তার অঙ্গসঙ্গ, আবেশে জাগে অনঙ্গ,
 হে গো সখি সেকি রঙ্গ, তথায় ঘটিল গো।

বধূভ্রমে দাদা মোরে, চূষন করে অধরে,
ধৈর্য্য কি তেজিয়া ধরে, অমনি ছুটিল গো।।
সে করে রস সম্ভাষ, মোর মুখে নাহি ভাষ,
করেতে পেতে আকাশ, বাকি নাহি ছিল গো।
মত্ত হয়ে সে তাহাতে, দিল ফল হাতে হাতে,
হৌক মেনে যাতে তাতে, প্রাণ তো বাঁচিল গো।।
পূর্ণ হইল অভিলাষ, ফুরাইল রতিরাস,
লাঞ্জে উপজিল ত্রাস, দাদা পাছে জানে গো।
তবে না জানি কি হয়, প্রাণ মান কিসে রয়,
বিধাতা হয়ে সদয়, রাখে মানে মানে গো।।
সেবধি গিয়াছে শর্ম্ম, হয়েছে দারুন কর্ম্ম,
এমতে কি ধর্ম্মাধর্ম্ম, কিছু রাখা যায় গো।
শেষে যা হরেন হরি, কিছু দিষ্টো সুখ করি,
মিছা কেন ভেবে মরি, মদনের দায় গো।।
এরাপে সে রামাগণ, কামে হয়ে অচেতন,
করে নানা অকরণ, করিতে মানস গো।
গুণনিধি হেসে কয়, কলিরকলুষাশয়,
ভাবিলে কি কভু হয়, এমন সাহস গো।।

অথ যুবাগণের বিবেকনাশ।

“।।পয়ার।।

কলির আদেশে কাম করিয়া যতন।
বসন্ত সামন্ত সঙ্গে করয়ে শাসন।।
তরুতে মুঞ্জরী হয় গুঞ্জরে ভ্রমর।
কোকিলার কলরবে করয়ে ফাঁপর।।
বহিছে সুগন্ধ মন্দ তাহে সমীরণ।
মদনশাসনে কিসে ধৈর্য্য হবে মন।।
যুবাগণ প্রস্ফুটিত হেরি তরুলতা।
প্রকাশিল সবে মনসিদ্ধ তরুলতা।।
শিথিল হইল জ্ঞান বিবেক সবার।
কামেতে কামিনীময় দেখে এসংসার।।
সবে বলে গেল গেল যাগ যোগ আদি।
কেমনে এমনে মনে করিব সমাধি।।

গেল গেল বেদবিদ্যা বিনয়িতা সব।
 বণিতা বিনোদ বিনা সকলি কৈতব।।
 হায় হায় হলোনাক ভজন সাধন।
 ধৈর্য্য ধর্ম্ম আদি সব ধ্বংসিল মদন।।
 লভয়ে নিব্বাণ সুখ যাহার পরশে।।
 কেহ বলে ভ্রমজালে গেত চিরদিন।
 যুবতীযৌবন জলে না হইয়া মীন।।
 নারী কি অমূল্য ধন নারি চিনিবারে।
 বেদবাদ বিপিনেতে ঘুরি বারে বারে।।
 আনন্দ চিন্ময় রস ব্রহ্মা বেদে কয়।
 কামিনীর কলেবরে সে করে উদয়।।
 শিবশাস্ত্রে শুনেছি সে সাধন বিশেষ।
 তবে কেন কুরস সেবনে পাই ক্রেশ।।
 অন্যে কয় পাপালয় হয় যদি নারী।
 তথাপি তাহারে কভু তেজিতে না পারি।।
 সুখ দুঃখ ভিন্ন আর কোন বস্তু আছে।
 আগে সুখ করি নহে দুঃখ হবে পাছে।।
 পরলোকে হৈলে দুঃখ কে দেখিবে পরে।
 এখনতো করি মজা ঘরে কিহা পরে।।
 আর জন কহে এত কেন ভাব ভাই।
 বমণীসঙ্গমে পাপতাপ কিছু নাই।।
 তা হইলে ইন্দ্র কেন হরে অহল্যারে।
 ারা বা ভজিল শশধরে কি প্রকারে।।
 ব্রহ্মা হয়ে কেন বা দুহিতা কাছে যায়।
 সদাশিব কেন সদা কুচিনী পাড়ায়।।
 বৃন্দাবনে বিষ্ণু দেখে ব্রজনারী লয়ে।
 তা হৈলে রমিবে কেন লোকনাথ হয়ে।।
 অতএব মিছা কেন আতঙ্গিতে মরি।
 সুখেতে গোঙাই কাল নারী হৃদে ধরি।।
 কামিনী কাম কাননে করিয়া শয়ন।
 মদন রস অলসে মুদিয়া নয়ন।।
 আর না হেরিব বেদরূপা বিষলতা।
 শ্রবণেতে না শুনিব শাস্ত্রের খলতা।।
 ব্রাহ্মণ পণ্ডিত গুলা হয় মহাভণ্ড।

নাহি দেখি তা সবার সমান পাষণ্ড।।
 শুনি পাপ করি পাপী পরে দণ্ড পায়।
 জীবিত শরীরে দণ্ড ভণ্ডের হেথায়।।
 শীত বর্ষা নাই প্রাতে স্নান করি মরে।
 একাহারে আলু ভাতে কচু সিদ্ধ করে।।
 তৈল বিনা অঙ্গে খড়ি উড়ে সবাকার।
 শরীরের গন্ধে কাছে থাকে সাধ্য কার।।
 পান বিনা মুখে মাছি উড়ে চিরদিন।
 উপোসে উপোসে হয় তনু অতি ক্ষীণ।।
 পঞ্চপর্বের পরশ না করে নিজজায়া।
 হয় কেন সেসবে বঞ্চিল মহামায়া।।
 আপনাদিগের নিত্য দুর্দর্শা যেমন।
 অন্যে জিজ্ঞাসিলে আপনার মত কন।।
 পরে সুখ হবে বলি এবে পায় দুখ।
 পরলোকবাদি অধর্মের পোড়া মুখ।।
 সুখহেতু ইন্দ্রিয় দিলেন ভগবান।
 তারে কষ্ট দেয় যত বর্বর প্রধান।।
 পণ্ডিতের ভণ্ডতায় আর না ভুলিব।
 নিজ অভিপ্রায় অন্যে কেন বা বলিব।।
 গোটে হেল করি যত আপদ বালাই।
 হোটেলে করিব বাস ভাবিয়াছি তাই।।
 আরমাণী বিহনে কি মিটে আরমান।
 আর মানি কেন লোকে হারাই কল্যাণ।।
 যে জন না দেখিয়াছে বেলাতী ষোড়শী।
 সেই বলে সুললনা স্বর্গের উর্বশী।।
 এইরূপে যুবাগণ তেজিল বিবেক।
 গুণনিধি কহে ইহা নহে অতিরেক।।

অথ আদিরস রাজার বেশে কলির তন্মহিষীতে উপগতি।

।।লঘুত্রিপদী।।

এখানেতে কলি, হয়ে কুতূহলী
 চলিল সে বঙ্গদেশে।
 বিক্রমনগরে, নৃপতির ঘরে,
 সুখভরে সুপ্রবেশে।।

আদিসূর নাম, নানা গুণধাম,
 মহারাজ গৌড়মণি।
 রূপে যিনি শশী, বয়সে ষোড়শী,
 রাজার নিজ ঘরনী।।
 কিবা মুখশোভা, মুনিমনোলোভা,
 পঞ্চ বিশ্বফলাধর।
 নয়নসন্ধান, কামের কামান,
 ভ্রুধনু সুন্দরতর।।
 সুকুণ্ঠিত কেশ, সে মোহন বেশ,
 হেরি ভুলে রতিপতি।
 নিতম্ব বিশাল, তাহে কাঞ্চীজাল,
 সুশোভিত হয় অতি।।
 মধ্য অতিক্ষীণ, কুচযুগ পীন,
 ভুজ কল্পতাপ্রায়।
 লাবণ্যের সার, হেন নাহি আর,
 তুলনা তুলিতে চায়।।
 মুখে মৃদু হাসি, কত সুধারাশি,
 বরিসে বচনছলে।
 নানা আভরণে, অঙ্গের কিরণে,
 বিশাল তিমির দলে।।
 তাহার নিকটে, মনের কপটে,
 আদিসূর রাজবেশে।
 করিয়া সুসাজ, কলিযুগরাজ,
 উপনীত কামাবেশে।।
 রাজআগমন, করিয়া মনন,
 আদরে নৃপরমণী।
 করিয়া সম্মান, আসন প্রদান,
 করিল যুগনয়নী।।
 মৃদু, মৃদু হাসি, বর্ষি সুধারাশি,
 রাজার মহিষী কয়।
 একি ভাগ্যোদয়, মম আভি হয়,
 সুপ্রসন্ন দৈবচয়।।
 যে কারণবলে, অতিপুণ্যফলে,

পাই তব দরশন।
 জেনেছি সম্প্রতি, অধিনীর প্রতি,
 আছে কৃপাদৃষ্টি কণ।।
 নৃপবেশে কলি, মহিষী অঞ্জলি,
 ধরিয়া কহেন বাণী।
 আছে তব প্রতি, মম যেন মতি,
 তুমি তাহা জানো রাণী।।
 বিশেষ এখন, আসি দ্বিজগণ,
 কহিলেন শাস্ত্র গণি।
 দেখ এসময়, সুমুহূর্ত্তোদয়,
 হইয়াছে গৌড়মণি।।
 যদি এইক্ষণে, মহিষীভবনে,
 গিয়া ঋতুরক্ষা কর।
 তবে অশংসয়, হইবে তনয়,
 তব কুলশশধর।।
 অতএব রাণী, শুন মম বাণী,
 বিলম্ব উচিত নয়।
 চল চল ঘরে, মদন সঙ্গরে,
 গোঙাইব এসময়।।
 এতেক বচন, করিয়া তখন,
 ধরিয়া রাণীর করে।
 গৃহমাঝে গিয়া, বসিল হাসিয়া,
 মদন পালঙ্কোপরে।।
 করিয়া যতন, দৃঢ় আলিঙ্গন,
 মহিষীরে ঘন করে।
 তাহে মনমথ, হইল উন্নত,
 প্রেমেতে তনু শিহরে।।
 কটির বচন, করিল মোচন,
 অধর চুম্বিয়া ঘন।
 মদন উল্লাসে, রতি মহারসে,
 দুজনে হইল মগন।।
 কলিতনু সঙ্গ, পাইয়া অনঙ্গ,
 পাথার বহিয়া যায়।

রাজার ঘরগী, নবীন তরগী,
 তরঙ্গে ভাষয়ে তায়।।
 ঘন শীতকার, পুলক বিস্তার,
 অবশ করিল দেহ।
 রতির অলসে, অধর সুরসে,
 ঘন করে অবলেহ।।
 অঙ্গে শ্বেদ জল, ব্যাপিল সকল,
 মদন অনল তায়।
 হয়ে অতিশয়, দ্বিগুণ জ্বলয়,
 কি অদ্ভুত দেখি হয়।।
 এরূপে দুজন, রস আলাপন,
 করিতেছে রতিঘরে।
 কহে গুণনিধি, অবাধিত বিধি,
 লঙ্ঘিতে কি পারে নরে।।

অথ কলিঅংশে বম্মাল সেনের জন্ম এবং কুলমর্যাদা সংস্থাপন।

।।পয়ার।।

এইরূপে রতিরঙ্গ করয়ে দুজনে।
 হেনকালে নরপতি প্রবেশে ভবনে।।
 বাহিরে থাকিয়া শুনি রতিকোলাহল।
 ত্রোদধেতে হইল রাজা অধিক বিহ্বল।।
 জানিল রাণীর হইয়াছে দুষ্টচিত।
 কহিয়াছে হৃদ্যার করি করাল চেষ্টিত।।
 অরে দ্বিচারিণী কুলকলঙ্ককারিণী।
 হেন দুষ্টাচার তোর কেন লো পাপিনী।।
 চিকুরে ধরেছে বুঝি তোমার শমন।
 নতুবা এরূপ কেন হইবে করণ।।
 দ্বার অবরোধ মুক্ত করি পাপীয়সী।
 দেখহ কেমন আমি আনিয়াছি অসি।।
 নৃপবাক্য শুনি রাণী ভাবে একেমন।
 বাহিরে আবার মোরে করে কে তর্জ্জন।।
 নৃপতি সঙ্গিতে আমি করি এ বিহার।
 বাহিরে তাদৃশ কেবা গজ্জের বার বার।।

এত চিন্তি নৃপবরে কহিছেন রাণী।
 কে তুমি বাহিরে এত কহ ক্রুরবাণী।।
 কার জোরে বাড়িয়াছে এতেক সাহস।
 মরিতে কি তোর এবে হয়েছে মানস।।
 গৃহেতে আছেন রাজা গৌড়দেশমণি।
 তাঁহারে উদ্ভ্যক্ত করা ভাল নাহি গণি।।
 পলায়ন কর যদি চাহ নিজহিত।
 নতুবা এখনি শাস্তি পাইবা উচিত।।
 মহিষীর মুখে শুনি এরূপ বচন।
 ভাবিছেন মহারাজ এ আর কেমন।।
 মন্ত হইয়াছে বুঝি করি মধুপান।
 সেই কহিতেছে হেন বাক্য অপ্রমাণ।।
 অথবা থাকিবে ইথে অপর কারণ।
 নতুবা কি ঘটে মোরে এমন কথন।।
 ইহা ভাবি পুনঃ কোপে কন নৃপবর।
 কবাট মোচন কর পাপিনী সত্বর।।
 কোন্ রাজা আছে ঘরে দেখিব কেমন।।
 মদিরা মন্ততা তোর করিব নাশন।।
 রাণী বলে মরিতে ধরেছে তোর দিন।
 নতুবা কহিব কেন বচন কঠিন।।
 এত বলি উঠি দ্বার মোচন করিয়া।
 দেখিল বাহিরে রাজা আছে দাঁড়াইয়া।।
 রাণী ভাবে একি দায় হইল ঘটন।
 নৃপতির মত কেন দেখি আর জন।।
 দ্বার মুক্ত পেয়ে রাজা প্রবেশিল ঘরে।
 হেরিল কলিরে গিয়া পালঙ্ক উপরে।।
 নিজ সমরূপ বেশ আচার তাহার।
 হেরিয়া নৃপতিমনে লাগে চমৎকার।।
 মনে ভাবে কে বটে এ বুঝিতে না পারি।
 কপট বেশেতে কে হরিল মম নারী।।
 পূর্বের যেন ইন্দ্র ধরি গৌতমের বেশ।
 অহল্যা নিকটে করেছিল সুপ্রবেশ।।
 সেইরূপ এই বুঝি কোন দেব হবে।

অসুর কিন্নর কেবা আসিয়াছে ভবে॥
 নতুবা হইবে ভূতযোনি এই জন।
 না জানি ইহারে করা না হয় শাসন॥
 আগেতে জিজ্ঞাসা করি কেবা এই হয়।
 পশ্চাতে করিব যাহা বুঝিব নিশ্চয়॥
 এত চিন্তি জিজ্ঞাসা করেন নৃপবর।
 কে তুমি আমার বেশে পালঙ্কউপর॥
 দেব উপদেব কিম্বা গন্ধর্ব্ব দানব।
 রাক্ষস পিশাচ যক্ষ অথবা মানব॥
 কপটে মহিষীপুরে করি প্রবেশন।
 কিহেতু করিলে তার ধর্ম্ম বিনাশন॥
 শুনিয়া ভাবিছে কলি মানিয়া সংশয়।
 নিজ পরিচয় দেওয়া এবে যোগ্য নয়॥
 তাহে যদি ভয় পেয়ে বিনাশে সন্তান।
 তবে না হইবে মম কার্য্য সমাধান॥
 অতএব অন্যরূপে দিব পরিচয়।
 যাহাতে রাজার মন ক্ষুব্ধ নাহি হয়॥
 এত চিন্তি কহে কলি শুনহ রাজন।
 বন্ধাপুত্র নদ আমি নহি অন্যজন॥
 তব মহিষীর রূপ লাভণ্য হেরিয়া।
 আসিয়াছি আমি তব স্বরূপ ধরিয়া॥
 ক্রোধ তেজ মহারাজ নহ ক্ষুণ্ণাশয়।
 ইহার গর্ভেতে তব হইবে তনয়॥
 রূপে গুণে পরিপূর্ণ পরম সুধীর।
 তাহার উদয়ে সুখ হবে পৃথিবীর॥
 যুষিবে পুত্রের যশঃ তব ত্রিলোকেতে।
 দুঃখ নাহি ছাব রাজা কিছুমাত্র চিতে॥
 ইহা বলি কলি তথা হইল অন্তর্ধান।
 নৃপতি করিল ক্রোধভাব সমাধান॥
 ক্রমশঃ হইল পূর্ণ সে গর্ভ তাহার।
 হইল তাহাতে কলি অংশ অবতারঃ॥
 রাখিল বদ্বাল নাম তাহার ভূপতি।
 নানা গুণগণে হৈল সে ভূষিত অতি॥

কিছুকাল পরে পুত্রে দিয়া রাজ্যভার।
 পরলোকে অবস্থিত হইল রাজার॥
 বল্লাল হইল রাজা বিক্রমনগরে।
 শীলতাতে সজ্জষ্ট করিল সব নরে॥
 পরে বঙ্গদেশ নানা অংশেতে বিভাগ।
 করিয়া শোধিল জাতিমালা মহাভাগ॥
 ব্রাহ্মণ প্রভৃতি যত ছিল বর্ণগণ।
 তাৎকালিক সে সবার হেরি আচরণ॥
 শ্রেণীমত কুলধর্ম্ম মিবদ্ধ করিল।
 যে সবার বংশে এবে ভুবন ভরিল॥
 বিদ্যা-বুদ্ধি বিনয়িতা আদি সে সবার।
 যেমন হউক কিন্তু কুলে মহাসার॥
 এ শ্রীনারায়ণ নিজে সর্ব্বানন্দী হয়।
 তথাপি দিতেছে কিছু কুলপরিচয়॥

অথ কুলীনের পরিচয়।

।। অস্ত্যযমক ।।

কলি অনুকূল হয়ে করিল কুলীন।
 সংসারে তেমন কোথা আছয়ে কুলীন॥
 জাতির যেমন হউক কুলে বড় আঁটি।
 শস্যহীন আশ্রতক যেন সার আঁটি॥
 কুলঅভিমাণে পদ না পরে ধরাতে।
 সজ্জন সঙ্খ্যায় কিন্তু না পড়ে ধরাতে॥
 বুদ্ধিতে বলদ বিদ্যাভাসে সিদ্ধি ফলা।
 অলগ্নলতাতে কে দেখেছে সিদ্ধিফলা॥
 শ্রীবিষ্ণু বলিতে কষ্ট তুষ্ট ভোজ ভাতে।
 করেন বার্ত্তাকু দক্ষ নিত্য পরভাতে॥
 খাইতে উৎসুক বড় ভাষ্যাউপার্জন।
 নির্লজ্জ নির্ধন নারী তেজয়ে দুর্জ্জন॥
 রাজকরহেতু যদি ধরে জমিদারে।
 দার লাগি তখনি ভ্রমেন দ্বারে দ্বারে॥
 বিবাহসম্বন্ধে হয় আনন্দ বিশেষ।
 দুহিতা জন্মিলে পরে দুঃখ বহু শেষ॥

অধিক সৌভাগ্য এই উল্লাস জনক।
 বিনা শ্রমে হতে হয় পুত্রের জনক।।
 অকুলীন দ্বিজঅঙ্গে আছেয়ে বিচার।
 দোষ নহে কিন্তু নারী কৈলে ব্যভিচার।।
 অশিষ্ট অপর কেবা তা সবে সমান।
 বিশিষ্টসন্তান বলি তথাপি সমান।।
 পিতা পুত্রে অনেকের নাহি পরিচয়।
 কুলীনের ছেলে বলি তবু গর্বচয়।।
 বিবাহের কালে গোত্র সুধায়ে না পাই।
 বিশিষ্ট বরেতে নাই শিষ্ট এক পাই।।
 পূর্বের শূনি যশ্চামরক ছিল দুই জন।
 কুলীনের কুলে তাহা হেরি জনে জন।।
 অকালকুশ্মাণ্ড বলি ছিল এক রব।
 কুলীনে হেরিয়া তাহা হয়েছে নীরব।।
 এইরূপ আর যত আছে ব্যবহার।
 কি কহিব কিন্তু তবু সে গলার হার।
 এ শ্রীনারায়ণ কহে শুন বন্ধুগণ।
 ভাবিলে কুলীনকৃত্য নিরখি গগন।।

অথ কুলীন কন্যাগণের দুর্গতি।

।। ত্রিপদী ।।

বল্লাল বাঞ্চিল কুল, বঙ্গদেশ হলুস্থুল,
 কুলে বড় বাড়িয়ে সম্মান।
 নিকোষ যেজন থাকে, নিজকুল মান রাখে,
 কুলভঙ্গে ক্রমে অসম্মান।।
 ঘরে কন্যা আইবড়, ক্রমে হয় যত বড়,
 জড় সড় লোক লাজ ভয়ে।
 ভেবে সার অস্থি-চর্ম্ম, বলে কিসে রবে ধর্ম্ম,
 স্ত্রীধর্ম্মেতে ধর্ম্ম যায় বয়ে।।
 মেল মত হবে ঘর, মনোমত পাবে বর,
 তবে কন্যা করিবে পাত্রস্থ।
 খুঁজিতে খুঁজিতে দেশ, দেখিতে শূনিতে শেষ,
 কন্যাকাল হয়ে যায় অন্ত।।

এইমত কত শত, নাহি পেয়ে মনোমত,
কুল দায়ে কন্যা রাখে ঘরে।
পতি বিনা পায় দুঃখ, অশ্বরে সম্বরে দুঃখ,
জ্বর জ্বর মন্মথের শরে।।
বলে হয় হয় বিধি, বিদরিয়া যায় হৃদি,
হৃদিস্থর করিয়াছ কারে।
কুলীনেতে জন্ম দিয়া, পাসরিয়া গেলে বিয়া,
যায় প্রাণ যৌবনের ভারে।।
এই যে বসন্তকাল, বিরহি জনার কাল,
ডালে ডালে কোকিল কুহরে।
পুষ্পময় কুঞ্জে কুঞ্জে, অলিকুল পুঞ্জে পুঞ্জে,
গুঞ্জে গুঞ্জে মধুপান করে।।
মন্দ মন্দ গন্ধ বহে, মন্দ মন্দ গন্ধ বহে,
সুমান্দ্য মলয়াযুত হয়ে।
বিরহিরে বাজে শূল, কি করে এ ছার কুল,
জনক থাকুন কুল লয়ে।।
অল্পেয়ে বদলাল পোড়া, এ দুঃখ দিবার গোঁড়া,
নিজে জাতি সঙ্কর আছিল।
জগতে আপনমত, করিবারে শত শত,
সঙ্করের বীজ-আরোপিল।।
প্রাণসম প্রিয় নাই, তারে আগে রাখা চাই,
তারপর ধন-মান-কুল।
হবে যা কপালে আছে, মনোমত কারু কাছে,
এইবার খশাব দুকুল।।
মনে এই দিয়া পাড়া, কুল কন্যা পাড়া পাড়া,
পাড়া করে সাড়া নাহি মানে।
অধিক কি কব বাড়া, নাহি যায় দিলে তাড়া,
ঠাট করে যেবা যত জানে।।
সবে করে সযতন, কিসে পুরুষের মনঃ,
মজে ভজে বিনা-উপাসনা।
নব নব রসরঙ্গে, করে কত ভঙ্গী অঙ্গে,
শশীমুখে হাসে কত জনা।।
অন্তর দহিছে তাপে, কেহ মোহে রসালাপে,

কোকিল জিনিয়া প্রিয়রবে।
 কেহ মলধ্বনি করে, পুরুষের প্রাণ হরে,
 বজ্রসম সে রব কে সবে।।
 স্বর্ণলতা সম দেহ, সরু বস্ত্র পরি কেহ,
 জলক্রীড়া করি যায় ঘরে।
 বসনে বর্ণের ছটা, দেখি লোক বাঁচে কটা,
 দৃষ্টিমাত্রে মনঃপ্রাণ হরে।।
 হিরা কাটা স্বর্ণ বালা, যত্নে পরে কোন বালা,
 রসভরা রসকলি নাকে।
 নিতম্বেতে চন্দ্রহার, যেন শোভে চন্দ্রহার,
 সে শোভায় কেবা সভ্য থাকে।।
 মনঃ ভুলাবার মূল, খোঁপায় চাঁপার ফুল,
 উদাস করয়ে যার বাস।
 তাম্বুল চর্বন করা, ওষ্ঠাধরে রাগধরা,
 সে মুখের হাসি সর্বনাশ।।
 ধরিতে পুরুষচাঁদ, এইমত কত ফাঁদ,
 কাঁদে যত কুলের কামিনী।
 নাহি জানে দিবারাতি, মদনমদেতে মাতি,
 পোহাইছে জাগিয়া যামিনী।।
 বুদ্ধিমান জ্ঞানী যাঁরা, ধর্মভয় করে তারা,
 পরদারা স্পর্শ নাহি করে।
 কলিকে না করে ভয়, রণে করে পাপ জয়,
 শ্রুতিস্মৃতি পুরাণান্ত্র করে।।
 হাড়ি ডোম চণ্ডালাদি, নবে কেন প্রতিবাদী,
 যারা নাহি জানে নীতিকণা।
 দেখে মনোমতাচার, পশ্চাৎ না ভাবে আর,
 ফাঁদে পড়ে সেইসব জনা।।
 আঁদাড়ে পাঁদাড়ে ঝাড়ে, সদা ঝোড়ে আড়ে পাড়ে,
 নড়ে চড়ে আঁচড়ে সর্বাস্ত্র।
 প্রাণ করে ছটফট, হৃদ পাজি নটখট,
 চটপট হৈলে হয় সাস্ত্র।।
 এক্রপ নাগরীচয়, কোনমতে কায লয়,
 শেষে হয় লোকলাজভয়।

ক্রমে গৃহে গুরুজন, জ্ঞাত হয়ে বিবরণ,
 ওমা সেকি কানাকানি কয়।।
 হয়েছে গিয়েছে মারা, তার আর কিবা চারা,
 হারাধনে ভেবে কিবা করে।
 রাখিবারে কুলমান, সম্বমেতে করে দান,
 বহু কন্যা এক এক বরে।।
 যেজন সকৃত ভঙ্গ, ভূমিতে না পড়ে অঙ্গ,
 শতেক দূশত যার নারী।
 যেখানে সেখানে যায়, জামাই আদরে খায়,
 মুদ্রা লইবারে বাড়ে জারি।।
 নারীর শয্যায় বসে, আগে তারে ধরে কসে,
 দেহ কিবা রাখিয়াছ মান।
 টাকা পেলে হন খুশি, নতুবা মারেন ঘুষি,
 তৎক্ষণাৎ উঠি চলি যান।।
 নারী বলে একি ভাব, আমার অবস্থা ভাব,
 কোথা পাব তুমি নাহি দিলে।
 স্বামী কহে থাক থাক, সাতপাঁচ তুলে রাখ,
 সোজা বল মিলে কি না মিলে।।
 যেতে হবে বহু ঠাই, চালে মম খড় নাই,
 টাকার হয়েছে প্রয়োজন।
 নতুবা এদূরদেশে, কোন জন বল এসে,
 ঘরে নাহি হৈলে অনটন।।
 দুচারি বৎসর পরে, যদি পতি পায় ঘরে,
 তাহে হয় এরূপ ঘটন।
 টাকা দেহ এই বুলি, প্রায় হয় চুলাচুলি,
 দ্বন্দ্ব হয় রজনী বঞ্চন।।
 ইথে কী সতীত্ব থাকে, জাতিকুল কেবা রাখে,
 বিবাহ সে সংস্কার মাত্র।
 যার যাতে মন মজে, সে জন তাহারে ভজে,
 ছোট বড় নাহি পাত্রাপাত্র।।
 স্বভাবের গুণ যাহা, অরণ্যে জন্মায় তাহা,
 কেহ রাখে কেহ করে পাত।
 জ্ঞাতি পাছে হয় বাঁকা, কোনমতে দেয় টাকা,

ফেলে সারে জামাইর পাত।।
 এইরূপে ধরাতলে, বর্ণসঙ্করের দলে,
 ক্রমে ক্রমে অনেক ব্যাপিল।
 যন্তুসূত্র গলে ধরি, বেদ উচ্চারণ করি,
 বর্ণশ্রেষ্ঠ ব্রাহ্মণ হইল।।
 তারা করে যোগাযোগ, ধর্মের বাড়য়ে রোগ,
 কলির উৎসাহ জন্মে মনে।
 এইরূপ দিন দিন, ধর্ম কর্ম হয় ক্ষীণ,
 ডাক প্রাণ কৃষ্ণ নারায়ণে।।

অথ অকুলীন ব্রাহ্মণদিগের বিড়ম্বনা।

।।পয়ার।।

বল্লাল না করিয়াছে যাহাদের কুল।
 বিবাহকারণে তারা ভাবিয়া আকুল।।
 অর্থ স্বার্থ যোগাযোগ যাদিগের রয়।
 যোগে যাগে তাদিগের হয় পরিণয়।।
 নতুবা কিরূপে পিতৃবংশ রক্ষা পাবে।
 তাহা ভাবি কাল যায় একভাবে।।
 জন্মাবধি কেহ করি উপার্জন।
 করিতে না পারে বিবাহের আয়োজন।।
 তথাপি মনের আশা ক্ষান্ত নাহি হয়।
 সদা ভাবে বিধাতা কি হবে না সদয়।।
 কানা খোঁড়া কুজা যদি এক নারী পাই।
 তবুতো আমারে কেহ বলয়ে জামাই।।
 পাড়ায় জামাই যত আইসে লোকের।
 তাহারা বাড়ায় সিঙ্খু আমার শোকের।।
 হয় বিধি কেন মোরে নিদারুণ হলি।
 কাস্তা লাগি কত না বেড়াব গলি।।
 ঘরকন্না বেচে যদি দিতে পারি পণ।
 তবু বিয়া নাহি হয় বিনা আভরণ।।
 নিশ্চয় বিবাহ হবে যদি যায় জানা।
 সর্ব্বশ ঘুচায়ে নৈলে করি শ্বেতখানা।।
 এ বাজারে একটি নন্দিনী আছে যার।

গর্বেতে তাহার পদ ভূমে পড়া ভার।।
 কত জন আসে কণ্যা বিবাহের খোঁজে।
 গরজে অগ্রিম পণ কত জন গোঁজে।।
 সন্দেশ মিষ্টান্ন সেই নাহি খায় যার।
 জগতের মধ্যে ছার কপাল তাহার।।
 ধন থাকে পণ পায় পাত্র ভাল হয়।
 তবেই বিবাহ দিবে নতুবা তো নয়।।
 কিন্তু কিছু পাত্রের যদ্যপি দোষ থাকে।
 বাড়ায় পণের টাকা তবে থাকে।।
 তাহাতেও পরিপূর্ণ নহে অভিলাষ।
 বলে ভালরূপে দিতে হবে অধিবাস।।
 তাহা হৈলে কহে পুনঃ বিবাহের দিনে।
 বিবাহ হবে না মাতৃপুরস্কার বিনে।।
 কন্যার মাতুলে দিতে হবে ব্যবহার।
 ইহা ভিন্ন কণ্যা দিতে আমি অস্বীকার।।
 ছাঁদলা তলায় বরে বিবাহের কালে।
 কহিয়া নূতন কথা ফেলায় জঞ্জালে।।
 এসেছে কন্যার মাসী বিদেশ হইতে।
 তাহারে বিশেষ মান হইবে করিতে।।
 বহুযত্নে কন্যারে সে করেছে পালন।
 তারে ক্ষুধা রাখি করা আয়োগ্য করণ।
 অধিকন্তু সে যদি না কন্যা দেয় দিতে।
 তবে না পরিব আমি কিছুই করিতে।।
 এইকালে পাত্র যত তার দেয় গোড়ায়।
 ওই কন্যা কতদূর না হয় মনঃ সোজায়।
 বিবাহের এত কোটি করিয়া উদ্ধার।
 অন্যায়সে বিবাহ ব্যবসে দাড়া কার।।
 কার বাড়িতে বিবাহের পণ
 কন্যার হইল এক পরিণাম সোঁদন।
 কন্যা পাত্র পুরুষের এই বড় সুখ।
 বিবাহ হইলে আর কেহ না পুত্রদুঃখ।
 কেহ ক্ষয় ব্যবসায় বেয়া করি।
 দ্বারেতে বাসিয়া বস হাতে লাঠি পরি।

ভাগ্যবশে আয়ু তার হৈলে সমাধান।
 পৃথিবীতে করা হয় জলছত্র দান॥
 কেহ বা বিবাহ লাগি হইয়া পাগল।
 বুদ্ধি শুদ্ধি ছাড়া হয় যেমন ছাগল॥
 বিবাহের কথা সেই যদি কভু শুনে।
 আহ্লাদেতে নাচে গিয়া অন্ধকার কোণে॥
 বিয়া দিব বলি কেহ মোট দিল ঘাড়ে।
 অনায়াসে বয়ে যায় মাথা নাহি নাড়ে॥
 কেহ যদি আসে তারে পাত্র দেখা বলি।
 তার আগে যান নাকে কেটে রস কলি॥
 চুল পাকা দেখি যদি কেহ বুড়া কয়।
 তাহে বলে আমার বয়স এত নয়॥
 ক্রোধে পাকিয়াছে মম মস্তকের কেশ।
 বুড়া বলি কেন বাড়াইছ দ্বেষ॥
 তবে যে দেখিছ মম ভেঙেছে দশন।
 বয়োদোষে নহে কিন্তু পীড়ার কারণ॥
 মারকুলি খাইয়াছি দুই তিনবার।
 সেইহেতু মুখ হইয়াছে মাড়ি সার॥
 এইরূপে শ্রোত্রিয় বিপ্রে'র বিড়ম্বনা।
 যত আছে তাহা করা যায় কি বর্ণনা॥
 দ্বিজ কহে বল্লাল ইহার মূল হয়।
 কুলাকুল বদ্ধ যেই করে সমুদয়॥

অথকলির জীপুরুষ প্রভৃতির ব্যবহার।

॥পয়ার॥

ধন্য ধন্য কলি করি নমস্কার।
 যত কিছু বিষটন সকলি তোমার॥
 তোমার প্রতাপে এইসব প্রজাগণ।
 করিতেছে সবে বহুবিধ অকারণ॥
 পতি জায়া প্রভৃতির যেন ব্যবহার।
 তব রাজ্যে হইয়েছে তা কি বর্ণিব আর।
 বিধি করি বিয়া করি যারে ঘরে আনে।

অমূল্যে বিক্রীত লোক হয় তার স্থানে॥
 শাস্ত্রে শাস্ত্রে যেজন জিনেছে সবদেশ।
 রমণীভূতঙ্গে ভঙ্গ সেও সবিশেষ॥
 শাস্ত্রে বলে রমণীর গুরু হয় পতি।
 মিথ্যা তাহা কিন্তু নারী পুরুষের গতি॥
 তত দিন মান্য পিতামাতা গুরুজন।
 যত দিন নহে শয্যা গুরুসম্ভাষণ॥
 মহাকষ্টে শ্রেষ্ঠ দেহ পুষ্ট করে যারা।
 ভার্য্যার ভাঁড়ামি স্নেহে পর হয় তারা॥
 স্বগর্ব সম্বন্ধে প্রীতি যেসবার সনে।
 ভিন্ন হয় তাহারা স্বভার্য্যার কারণে॥
 বরঞ্চ গুরুর বাক্য করয়ে হেলন।
 সাধ্য কি জায়ার কথা করিতে লঙ্ঘন॥
 অত্যন্ত প্রগল্ভা নারী কলির প্রভাবে।
 পুরুষে পাগল করে কত কূটভাবে॥
 পতিকোলে থাকি যারা বাঞ্ছে পরপতি।
 ধিক কলিমুগে তারা হয় সতী॥
 কুকর্মে করিতে যদি কেহ দেখে তারে।
 পতির নিকটে তাহা ছলে বলে সারে॥
 কন্দলের ভয়ে শুদ্ধ শাশুড়ী ননদ।
 এমনি কি গুণ ধরে ত্র্যমূল সনদ॥
 পতি যদি কভু কিছু করে তিরস্কার।
 শুনাইয়া দেয় শত গুণ তার॥
 ভার্য্যা পরিতোষ মাত্র করি আকুঞ্চন।
 বেদ ছাড়ি স্নেহশাস্ত্র পড়ে দ্বিজগণ॥
 নিত্য নৈমিত্তিক কৰ্মে দিয়া জলাঞ্জলি।
 রমণীর অভিমুখে রহে কৃতাঞ্জলি॥
 নারীমত ভিন্ন কেহ না হয় স্বতন্ত্র।
 ধন্য রমণীর উপদেশ মন্ত্র॥
 মহাকষ্টে প্রাণ গণন করি পরিস্কয়।
 ধন আভরণ আদি দিলে তুষ্ট হয়॥
 নহে বলে নীমুখার কপালে পড়িয়া।
 চিরকাল গেল মোর কান্দিয়া॥

পাড়ার বছড়ি সুখে পরে অভরণ।
 আমার নহিল কভু সে আশা পূরণ॥
 সখবার হৈল যদি বিধবার সাজ।
 পোড়ামুখ পতি বেঁচে থাকা কোন কায॥
 হৌক মেনে যদ্যপি বৈধব্য দশা পাই।
 পরপতি ধরি মনোবাসনা পুরাই॥
 কবি কহে ধন্য কলি তোর বলিহারি।
 পুরুষে করিল ভেড়া যত কুলনারী॥

অথ পৃথিবীতে শ্রীচৈতন্যাবতারের বিবরণ।
 ॥ত্রিপদী॥

এইরূপে ধরাতল, ব্যাপ্ত হৈলে অবিকল,
 বেদ পথ হেরি লুপ্ত প্রায়।
 শ্রীনারদ তপোবন, পৃথিবী করি ভ্রমণ,
 দেখিলেন তাহা সমুদায়॥
 একি ঘোর কলিকাল, পাতিয়াছে মোহজাল,
 বিনাশিতে বিবেক হরিণ।
 ভারত মরুকানন, দিয়া পাপ হতাশন,
 সেই দক্ষ করে প্রতিদিন॥
 একপ সাবশঙ্কট, জীবের ঘোর শঙ্কট,
 কিরূপে হইবে নিবারণ।
 বিনা বিষ্ণুঅবতার, উপায় না দেখি আর,
 কেমনে তা হইবে ঘটন॥
 দেখেছি পুরাণ চাই, কলিতে কৃষ্ণের নাই,
 প্রত্যক্ষ রূপেতে অবতার।
 যদি ভক্তবেশ ধরি, অবতীর্ণ হন হরি,
 তবে হয় লোকের নিস্তার॥
 এত চিন্তা করি মনে, উপনীত বৃন্দাবনে,
 নারদকুণ্ডের উপকূলে।
 শিরে পুটাঞ্জলি ধরি, ভক্তিভাবে নমস্করি,
 কৃষ্ণে স্তুতি করে নীপমূলে॥
 তাহে তুষ্ট ভগবান, নারদে অভয় দান,
 করি কহিলেন তাঁর প্রতি।

ভয় তেজ মুনিবর, কলির কলুষভর,
 আমি বিনাশিব এ সংপ্রতি।।
 গৌড় দেশে আছে ধাম, শ্রীল নবদ্বীপ নাম,
 সুরধনী তীরে চমৎকার।
 তাহে বিপ্র অগ্রগণ্য, জগন্নাথ মিশ্র ধন্য,
 হব আমি তাঁহার কুমার।।
 শচীনামে তাঁর নারী, ভক্তিবশ হয়ে তাঁরি,
 জনম লইয়া সে জঠরে।
 ধরিয়া সম্মাসিবেশ, নিস্তারিব সব দেশ,
 নিজভক্তি উপদেশ ভরে।।
 নারদে এতেক বলি, নিরস্ত করিতে কলি,
 জন্মিলেন আসি নদীয়ায়।
 হরিনাম সঙ্কীৰ্ত্তন, করিবারে প্রকটন,
 ভক্তগণ সঙ্গে সমুদায়।।
 কৃষ্ণ ভজ কৃষ্ণ গাও, কুপথে কেও না যাও,
 কৃষ্ণনাম যপ অনিবার।
 বিনা কৃষ্ণ রব, কলির কলুষ সব,
 নিস্তারিতে গতি নাহি আর।।
 যোগাযোগ ক্রিয়া যত, কলিতে হয়েছে হত,
 লুপ্ত হইয়াছে বেদপথ।
 যদি হবে ভবে পার, হরিনাম কর সার,
 ইহা বিনা সকলি বিতথ।।
 এইরূপ উপদেশ, দিয়া আমি নানা দেশ,
 কৃষ্ণভক্তি করেন প্রচার।
 হরিনাম সঙ্কীৰ্ত্তন, শব্দে অতিভীত মনঃ,
 কলিরাজ করে হাহাকার।।
 বলে একি দায়, দেখি একি অনুপায়,
 ঘটিল আমার অধিকারে।
 শুনে মাত্র হরিনাম, ভাবিতেছি পরিণাম,
 পড়ি বুঝি বিপদ পাথারে।।
 এত ভাবি কলিরাজ, ব্যথিত হৃদয় মাঝ,
 মন্ত্রিবরে ডাকিয়া তখন।
 নিজমনে পেয়ে ভয়, কাতরেতে স্ববিষয়,
 রক্ষাহেতু করয়ে মন্ত্রণ।।

অথ কলির তৃতীয় মন্ত্ৰণা।

।।পয়ার।।

কলি কহে মন্ত্ৰিবর একি সৰ্বনাশ।
 কেন প্রতিকুল মম প্রতি শ্রীনিবাস।।
 কত যত্নে এই রাজ্য করেছি শাসন।
 তাহে একি অমঙ্গল ঘটিল ভীষণ।।
 একি হরিনাম মহিমা অপার।
 শ্রুতমাত্র পাপপুঞ্জ করে ছারকার।।
 মদ্য মাংস স্পৃহা দেখ সকলে তেজিছে।
 সকলেই কৃষ্ণপদ সরোজ ভজিছে।।
 আর দেখ যে জন্যেতে কুলীনের কুল।
 নিবন্ধ হইল তাহে নাহি দেখি কুল।।
 এক পুরুষেতে যত নারী বিয়া করে।
 সে মরিলে তার সঙ্গে সবে পুড়ে মরে।।
 ইহাতে কিরূপে অধিকার রক্ষা হবে।
 কহ মন্ত্ৰি কি উপায় করি আমি তবে।।
 মন্ত্ৰি কহে মহারাজ না কর চিন্তন।
 আছে সদুপায় এক অতিসুলক্ষণ।।
 এ ভারতবর্ষে আছে যতেক মানব।
 অদ্যপি সে সবে নাহি হয়েছে বৈষ্ণব।।
 আছে শাক্ত শৈব গাণপত্য বহু লোক।
 উপায়ে নাশহ মহারাজ নিজ শোক।।
 ক্রোধ সেনাপতিপ্রতি কর আজ্ঞাপন।
 দ্বেষ দম্ভ সহ সেহ সাজুক এখন।।
 বঙ্গরাজ্যে আছে যত ধার্মিক সকল।
 আক্রম করুক তাসবারে করি বল।।
 লোভ তাহে রাগ আদি সহচর সনে।
 গমন করুক তার পশ্চাতে যতনে।।
 মায়া আর মোহ নামে তব সেনাপতি।
 স্নেচ্ছদেশে যারা বাস করিছে সম্প্রতি।।
 বিবেকের ভয়ে তারা ভারত ভবনে।
 প্রবেশিতে নাহি পারি রহে দুঃখিমনে।।
 স্নেচ্ছমাঝে মহাম্মদ মোজেস্ আখ্যান।
 মায়ামোহ দুইজনে আছে বিদ্যমান।।

আঞ্জাকর তাগিদে আসিতে এই দেশে।
 দেখিবে তাদের শক্তি প্রকাশিবে শেষে।
 যার ভয়ে তারা হেথা না করে আগতি॥
 সে বিবেক এখন হয়েছে হীন অতি॥
 গিয়াছে যৌবন তার হয়েছে প্রাচীন।
 মদনের ভয়ে ভীত তাহে প্রতিদিন॥
 অতএব মায়ামোহ তেজি তার ভয়।
 এখন আসিয়া হেথা লভুক বিজয়॥
 শুনিয়াছি ভাগবতে অন্য বিবরণ।
 কোঙ্কবেঙ্ক -দেশে পূর্বে ছিল যে রাজন॥
 অর্হৎ তাহার নাম খ্যাত চরাচরে।
 সে আসি জন্মিবে এবে ভারত ভিতরে॥
 পূর্বে শ্রীঋষভদেব ব্রহ্মজ্ঞানী হয়ে।
 আচরিলা যেই কন্ম অবনীতে রয়ে॥
 তদাভাস শিক্ষা করি সেই এ কলিতে।
 অবতীর্ণ হবে আসি ভয় কি বলিতে॥
 তার উপদেশে ক্রমে এই বঙ্গদেশ।
 তোমার আনন্দকর হইবে বিশেষ॥
 নব্যগণ তার উপদেশ অনুসারে।
 শৌচ আদি ত্যাগ করিবেক একবারে॥
 দেব দ্বিজ বেদ পথ করিবে দূষিত।
 হইবে ভারত রাজ্য পাষণ্ডে ভূষিত॥
 অধিকিষ্ট বিধবা বিবাহ আয়োজন।
 তাহা হইতেই বহু হইবে ঘটন॥
 কালেতে ঈশ্বর ইচ্ছাবশতঃ সে কায।
 অনায়াসে প্রবেশিবে ভারত সমাজ॥
 সেই দ্বারে ভূমিতল তেজিয়া শ্রীহরি।
 সতীহত্যা নিবারণ করিবেক সেই।
 তব অধিকার বৃদ্ধিহেতু আছে এই॥
 তুমি তাহে আনুকূল্য করিবা বিশেষ।
 যাহে স্বেচ্ছাচারী হয় ভারত প্রদেশ॥
 তব প্রতি শিবআজ্ঞা আছে পূর্বাপর।
 গৌড় দেশে নিজ নামে করিতে নগর॥
 তাহাতে বিলম্ব আর উপযুক্ত নয়।

করহ প্রযত্ন যাতে শ্রীয সিদ্ধ হয়।।
 তাহে মায়ামোহ দলে করিলে স্থাপন।
 অনায়াসে সর্বদেশ হইবে শাসন।।
 আর এক পরামর্শ আছে মহারাজ।
 বিষ্ণু ভক্তি যাহাতে তেজিবে এসমাজ।।
 প্রথমে কর্তব্য হয় সেই অনুষ্ঠান।
 তাহাতে পাইবে তুমি অশেষ কল্যাণ।।
 রমণীয় আছে এক তাহার উপায়।
 কুল ধর্ম যদি বিষ্ণুভক্তি পথে যায়।।
 তবেই উভয় ধর্ম ভ্রষ্ট হয়ে সবে।
 যথেষ্টাচরণ তারা করিবে এভাবে।।
 ইহাতে প্রযত্ন যাহা করিবারে হয়।
 মহারাজ বিবেচিয়া কর সমুদায়।।
 মস্ত্রিবাক্য শুনি কলি হয়ে হ্রষ্ট মন।
 ক্রোধপ্রতি দিগ্বিজয়ে করে আজ্ঞাপন।।

অথ ক্রোধের দিগ্বিজয়ার্থ দ্বৈষদন্তকে প্রেরণ।

।লঘু ত্রিপদী।।

কলিআজ্ঞাপন, পাইয়া তখন,
 ক্রোধ কহে দন্ত দ্বৈষে।
 ওহে বীরদ্বয়, দৌহে এসময়,
 যাত্রা কর গৌড়দেশে।।
 করি রণসজ্জা, নিবারহ লজ্জা,
 জয় কর শত্রুদলে।
 যেন ধর্মসৈন্য, সবে পেয়ে দৈন্য,
 নাহি রহে ভূমিতলে।।
 শুনি দ্বৈষদন্ত, সঙ্গে মান স্তম্ভ,
 অবিলম্বে করি সাজ।
 আসি গৌড়দেশে, অমনি প্রবেশে,
 নদীয়া সমাজ মাঝে।।
 পণ্ডিত নিকরে, আগে আসি ধরে,
 তাহে তদধীন হয়ে।
 যত ধীরগণ, দণ্ডে নিমগন,

দ্বেষ করে ধর্ম লয়ে।।
 বলে একি দায়, দেখি নদীয়ায়,
 যত বেটা অধঃপেতে।
 তেজি ধর্ম কর্ম, লজ্জা ভয় শর্ম,
 রহে হরি নামে মেতে।।
 নাহি বুঝা সুজা, তেজে সন্ধ্যা পূজা,
 খড়ি মাটি মাখে গায়।
 এত বড় জ্বালা, বোঝা মালা,
 গলে পরে একি দায়।।
 তেজে দুর্গা কালী, হাতে কুঁড়ো জালি,
 টেনে সদা মরে।
 কতগুলো ভণ্ড, দুবাহ উদ্ভণ্ড,
 করি সদা নৃত্য করে।।
 কৃষ্ণনাম শুনে, কান্দে কি কারণে,
 কিছুই বুঝিতে নারি।
 মৃত সুত দ্বারা, মনে হলে পারা,
 বহে দুনয়নে বারি।।
 দৈব পৈত্র ক্রিয়া, সব বিসর্জিয়া,
 কেবল কান্দিয়া সারে।
 শচীপিশীর্ বেটা, সেতি এলেঠা,
 বাধায়েছে এসংসারে।।
 নানা জাতি মেলি, করে সদা কেলি,
 গলাগলি কোলাকুলি।
 নাহি যাগ যোগ, পিতৃশ্রাদ্ধে ভোগ,
 দিয়া করে ছলাছলি।।
 যত পিণ্ডীসুর, যেমত অসুর,
 ভ্রমে সদা দেশে।
 দেখি সে সকলে, ক্রোধে অঙ্গ জ্বলে,
 মনঃ পুড়ে যায় দ্বেষে।।
 এরাপে সে সবে, অসুয়া আসবে,
 মত্ত করি অতিশয়।
 চলে দ্বেষদন্ত, সঙ্গে মানস্তম্ভ,

যেখানে বৈষ্ণবচয়।।
 দ্বেষের বৈভবে, যতেক বৈষ্ণবে,
 হয়ে শান্তিজ্ঞান হত।
 শান্ত শৈবগণে, নানা কুবচনে,
 নিন্দা করে অবিরত।।
 বলে একি পাপ, একি পরিতাপ,
 এখন কি ধরাতলে।
 আছে দৈত্যকুল, না হয়ে নিশ্চূল,
 দ্বিজরূপে দলে।।
 অতিদয়াহীন, হৃদয় কঠিন,
 প্রতিদিন হিংসে ছাগ।
 কপালে ত্রিপুণ্ড, যতেক পাষণ্ড,
 দেখিলে বাড়য়ে রাগ।।
 দ্বিজ অভিমান, সদা দীপ্যমান,
 আছে সকলের মনে।
 হাড়ি ডোম প্রায়, মদ্যমাংস খায়,
 তথাপিও জনে।।
 বলি নীচ ক্ষুদ্র, নাহি ছোন শূদ্র,
 শূড়ি বুঝি শূদ্র নয়।
 সেই যে সবার, প্রবেশি আগার,
 সুখে মদ্যপান হয়।।
 অধিক উৎপাত, তে ফেরেঙ্গা পাত,
 দিয়া কারে পূজা করে।
 দেখি সে আচার, মনে নাহি কার,
 অনিবার রাগ ধরে।।
 মন্ত হয়ে মদে, নিজ জায়াপদে,
 পুষ্প দেয় ইষ্টজ্ঞানে।
 যাতে করি রতি, তারে মূঢ়মতি,
 মাতৃতুল্য মনে মানে।।
 নিজে পশু যেই, পশুবধে সেই,
 দ্বিধা পশু না রাখিতে।
 সাধু শান্তগণে, পশু বলি গণে,

তাই ঘেম করি চিতে॥
 একপে সকলে, নানা দলে,
 নিন্দা করে পরস্পর।
 দ্বিজ কবি কহে, দেবতা কলহে,
 মন্ত হৈল চরাচর॥

অথ শাস্ত বৈষ্ণবের কলহ।

॥গদ্য॥

কোন সময়ে এক ভট্টাচার্য্য প্রাতঃকালে গাত্ৰোত্থান করিয়া প্রাতঃসঙ্ঘ্যাদি সমাধানপূর্বক ললাটোপরি পরিষ্কৃত গঙ্গামৃত্তিকানিশ্চিত বিস্তৃত ত্রিভুধারণ এবং হস্তে আরক্ত জবা কুসুম ও বিলম্বপাত্রাদি দ্বারা অর্দ্ধপূর্ণ পুষ্পভাজন গ্রহণপূর্বক মুখে “কালী ব্রহ্ম”, এই শব্দ উচ্চারণপূর্বক এক রম্যোদ্যানে পুষ্পাহরণার্থ গমন করিয়াছিলেন, দৈবাৎ এক জন বৈষ্ণব তথায় ভগবৎপূজার্থ তুলসী পুষ্পাদি চয়ন করিতে আপন কর্ণ বিরবে আগত ভট্টাচার্য্যকৃত “কালী ব্রহ্ম” এই ধ্বনি শ্রবণমাত্র চমকিত হইয়া আঃ! পাপ! কে এ প্রাতঃসময়ে কুৎসিত শব্দ করিতেছে? ইহা ভাবিয়া চতুঃপার্শ্ব অবলোকনকরত সম্মুখে কর ও হস্ত ভট্টাচার্য্যকে দেখিয়া কহিলেন, ওহো দ্বিজহৃদ্বিপ! তা নৈলে একরূপ “রাম খোদাই” শব্দ কে আর প্রত্যুৎকালে উচ্চারণ করে। ভট্টাচার্য্য তাহার এই বাক্য শুনিয়া জিজ্ঞাসা করিলেন, ওরে চৈতন্যের ষাঁড়! দ্বিজহৃদ্বিপ কি? বৈষ্ণব কহিলেন, তাহা জানিলে কি একরূপ দশা হয়? না, এই প্রকার “রাম খোদাই” শব্দ উচ্চারণ করিস্। আমরা সকলেই জ্ঞাত আছি যে ব্রাহ্মণেরা ব্রহ্মোপাসনা করিয়া থাকেন ও হৃদ্বিপেরা হা-করা দেবতার উপাসনা করে। তাহাতে যখন তুই ব্রাহ্মণ হইয়া ঐ হা-করা দেবতার নামের সহিত ব্রহ্মশব্দ উচ্চারণ করিলি তখন তোকে দ্বিজহৃদ্বিপ না বলিয়া আর কি বলিব?

শাস্ত ভট্টাচার্য্য কহিলেন, ওরে জাতিনাশা পশু? তোর একরূপ বুদ্ধি না হইলে তুই “গোরা গোরা” করিয়া মরিবি কেন, তুই তো কখন তন্ত্র শুনিস্ নাই, ও কখন পণ্ডিতসমাজেও বসিস্ নাই তবে তোর ব্রহ্মপদার্থ কি প্রকারে জ্ঞান হইবে? তত্ত্বে যে কালীকেই ব্রহ্ম বলিয়াছেন তোর সে জ্ঞান থাকিলে কি তাঁহাকে হা-করা দেবতা বলিস্?

বৈষ্ণব। হাঁ আমি তন্ত্র শুনিয়াছি ও পণ্ডিতসমাজেও বাস করিয়াছি কিন্তু “মাদারচোতে” তন্ত্র কখন শুনি নাই এবং মাদারচোত পণ্ডিতের সহিত কখন সহবাস করি নাই বটে বোধ করি সেই তত্ত্বেই হা-করা দেবতাকে ব্রহ্ম বলে এবং সেই পণ্ডিতেরাই উক্ত দেবতার আরাধনা করে, কিন্তু আমরা

তাহাকে ব্রহ্ম বলি না ও তাহার উপাসনার কথা দূরে থাকুক ভুলেও কখন তাহার নাম করি না, ইহাতেই কি আমরা জাতিনাশা পশু হইলাম? শাস্ত। বড় যে গালাগালি দিতে আরম্ভ করিলি! তোরা কি জাতিনাশা পশু নহিস্? বল্ পশুর আচরণে ও তোদিগের আচরণে প্রভেদ কি? দেখ পশুরা যে প্রকার একত্র মিলিয়া আহার বিহার করে তোরাও সেই প্রকার ছত্রিশ জাতি একত্র মিলিয়া সঙ্গতে আহার ও যত বেটী উর্দ্ধচরণী বৈষ্ণবীদিগের সহিত বিহার করিয়া থাকিস্, ইহাতে তোদিগকে পশু না বলিয়া কি মানুষ বলিতে হইবে?

বৈষ্ণব। ও রাম! ইহাকেই কি তুই গালাগালি বোধ করিলি? দোহাই তোদিগকে তোদের হাতিগুঁড়োর মার, তোরা সত্য বল্ দেখি, তোদিগের মানিত তন্ত্র কি, “মাদারচোত” তন্ত্র নয়? ও সেই তন্ত্র মানিয়া চলিলে কি “মাদারচোত” হয় না? দেখ্ তোদিগের ঐ তন্ত্রে যাহাকে মাতৃভাবে চিন্তা করিতে কহিয়াছে তাহাকেই আবার রমণ করিতে ব্যবস্থা দিয়াছে যথা :— “আনীয় সংস্কৃতাং শক্তিং সুন্দরীং যৌবনার্হিতাং। বিধিবৎ পরয়া ভক্ত্যা মাতৃবুদ্ধ্যাচ পূজয়েৎ। মাতৃমুখে পিতৃমুখং সংযোজ্য ত্রিদশেশ্বরী। তাড়য়ন্ ভক্তিভাবেন সহস্রং প্রজপেদ্যনুং। যোনিষ্ঠ জনিকা মাতা লিঙ্গষ্ঠ জনকঃ পিতা। মাতৃভাবং পিতৃভাবং তয়োস্তু পরিচিন্তনং।” হারে ও যশুমৰ্ক! তবে যে আবার এই কথাকে গালাগালি বিবেচনা করিতেছিস্! আর তুই বল দেখি, তোদিগের কি নিজের জাতি আছে?

শাস্ত। আমাদিগের কেন জাতি না থাকিবে, আমরা কি তোদিগের মত যার তার বাড়িতে যাই? না, যার তার সঙ্গে একত্রে ভোজন করি?

বৈষ্ণব। হারে ও মোনাকাটা বামন! তোরা যার তার বাড়িতে খাইস্ না বলিতেছিস্, আর যখন গুঁড়ি বাড়িতে চক্র করিয়া হাড়ি-ডোম-চণ্ডাল একত্রে সুরা পান করিস্ তখন তোদেরবেলায় বুদ্ধি সে “প্রবৃত্তে ভৈরবীচক্রে সৰ্বে বর্ণাধিজোত্তমাঃ। নিবৃত্তে “ভৈরবীচক্রে সৰ্বে বর্ণাঃ পৃথক্ পৃথক্।” এই তন্ত্রবচন বেদের বচন বলিয়া জ্ঞান হয়, আর আমরা যে শ্রীমহাপ্রসাদ বৈষ্ণব সকলের সহিত একত্র ভোজ করিয়া থাকি তাহাতেই কি আমরা জাতিনাশা হইব?

শাস্ত। মর বেটা হতভাগা! কোথা রাজা ভোজ, আর কোথা গঙ্গারাম তেলি, কোথা আমাদিগের ভৈরবীচক্র, কোথা বেটাদিগের পঙ্গত, কোথা আমাদিগের কালী কুইন বিক্টোরিয়া, কোথা তোদিগের কৃষ্ণ সড়াচাপরাসী, আমরা! একথা বলিতে কি লজ্জা পায় না?

বৈষ্ণব। আঃ কি বিবেচনা! কি বুদ্ধির তাৎপর্য্য! না হবে কেন! রতনেই রতন

চেনে! তুই কি এই কথা সহজশরীরে বলিতেছিস্? না, কিছু খেয়ে টেয়ে এসেছিস্? বোধ করি কিছু খেয়েই আসিয়া থাকিবি, নতুবা একথা বলিতে তোদের কি শরমও হয় না? কেননা তুই ত্রৈলোক্যনাথ কৃষ্ণকে সড়া চাপরাসী বলিয়া কোথাকার জলাশেতনীরে কুইম বিক্টোরিয়া বলিতেছিস্। কি হতভাগ্য! হারে কৃষ্ণ যদি মড়া চাপরাসী হয় তবে তোদের দাঁতফরা কুনি কেন তার দ্বারপালিকা হইবে?

শান্ত। আমাদিগের ত্রিলোকেশ্বরী কোথায় তোদিগের দ্বারপালিকা হইয়াছেন? বৈষ্ণব। কেন তা কি শুনিস্ নাই? হা কপাল তা শুনিলে এমন কহিবি কেন। এখন যাহারা শ্রীপুরুষোত্তম ক্ষেত্র গিয়াছিল তাহাদিগকে জিজ্ঞাসা কর যে বিমলা সেখানে কি করে?

শান্ত। তাহা শুনিব না কেন! তুই যেমন হাবা শুনিতে বাবা শুনিস্ তাহাই শুনি নাই, বিমলা যে শ্রীক্ষেত্রের পীঠেশ্বরী সেটা জানিস্? না, মুখে যাহা আইসে তাহাই বলিস্? বরঞ্চ তোদের জগন্নাথই ভারত দ্বারপাল, যেহেতু তস্ত্রে জগন্নাথকে বিমলার ভৈরব বলিয়া উক্ত করেন।

বৈষ্ণব। হারে বামুনের ঘরের গরু! তোর ইহা বিবেচনা হইল না যে, যে স্বয়ং প্রভু হয় সে কি দ্বারপালের প্রসাদ খাইবার নিমিত্ত হা-করিয়া পড়িয়া থাকে? তুই ভাল-লোককে জিজ্ঞাসা করিস্, তোদের বিমলা আমাদিগের জগন্নাথের দুয়ারের হাড়ী কি না? অর্থাৎ হাড়ীজাতি যেমন কাহারো বাটীতে ভোজ্য কায হইলে তাহাদিগের উচ্ছিষ্টশেষ গ্রহণহেতু দ্বারে দণ্ডায়মান থাকে, সেই প্রকার তোদিগের বিমলা তথায় আছে কিনা?

শান্ত। হারে বেটা পাষণ্ড! তুই যে বড় শক্ত বলিতে লাগিলি! তুই কি তোদিগের কৃষ্ণের দুর্গতিটা দেখিস্ নাই? সে যে আমাদিগের রাজরাজেশ্বরীর সুখাসন বহন হেতু বেহারাগিরি কার্যে নিযুক্ত আছে, তাকি জানিস্ না?

বৈষ্ণব। হাঁ, আমি তাহা জানি, কিন্তু যিনি মস্তকে করিয়া নানাবিধ প্রাণীর আসন স্বরূপ এই ভূমণ্ডল বহন করেন তিনি যে তোদিগের দেবতার আসন বহিবেন ইহা বিচিত্র কি? কেন না তিনি যাহাকে না বহন করেন সে কি লবনিমেষকাল স্থিতি করিতে পারে? ইহাতেই বুঝিবি যে আমাদিগের প্রভু যতক্ষণ তোদিগের দেবতাকে ধারণ করিয়া আছেন ততক্ষণই সে আছে, নতুবা তিনি ছেড়ে সে এতদিন কোথায় রসাতলে যাইত তাহা তোরা দেখিতে পাইতিস্? না, তাহার দোহাই দিয়! এইভাবে মদ খাইয়া বেড়াইতে পারিতিস্? বিশেষতঃ লোকে বলে জাতির মরা জাতিতেই বহে অতএব দেবতার মরা দেবতা ভিন্ন আর কে বহিবে?

এইরূপ শান্ত ভট্টাচার্য্য ও বৈষ্ণব উভয়ে ক্রিয়াকাল বাদানুবাদকরত পরস্পর রাগান্বিত হইয়া দুই জনে ঘোরতর সংগ্রাম আরম্ভ করিল ও ঐ প্রকার নানা

উপাসকেরা পরস্পর বিবাদ করিতে লাগিল। বস্তুতঃ কি কালের মহিমা! যদ্বারা মুক্ত হইয়া উপাসনা ভেদে নানা মূর্তিধারি এক পরমেশ্বরের পরস্পর দ্বেষ আরম্ভ করিয়া পাপপঙ্কে সংসার নিমগ্ন করিতে উদ্যত হইল।

অথ কলিকর্ষক নূতন রাজধানী নিৰ্ম্মাণ
।। ত্রিপদী।।

এইরূপে কলিরাজ, দ্বেষে মগ্ন এসমাজ,
দেখি অতি আনন্দিত চিতে।
কোথা রাজধানী করি, এই ভারত ভিতরি,
মনোমাঝে লাগিল চিন্তিতে।।
নিষেধিল পশুপতি, আর্য্যাবর্ষে নিবসতি,
করিতে আমারে কিছুকাল।
তাঁর আজ্ঞা উলঙ্ঘিলে, সুবিপদ তিমিঙ্গিলে,
গ্রাসে পাছে হইয়া করাল।।
অতএব গৌড়দেশে, গিয়া এবে সুবিশেষে,
নিজ নামে স্থাপিব নগর।
মায়ামোহ অনুচরে, রাজ্য দিয়া তার করে,
মন আশা পুরাব বিস্তর।।
এত ভাবি সেই কলি, নিজকার্য্যে সুকৌশলী,
ক্লাইব সাহেব বেশধরি।
বাগিজ্য করা কপটে, সুরধনীপূর্ব্বতটে,
বিরচিল অপূর্ব্ব নগরী।।
কি কব তাহার শোভা, ত্রিভুবন মনোলোভা,
সুলভা অমরাপুরী প্রায়।
সুরনর মনোরম্য, শোভে শত শত হর্ম্ম্য,
হেরি পাপ তাপ দূরে যায়।।
কিবা ধবলিম কাস্তি, হেরে মনে হয় ভ্রাস্তি,
কলিপ্রতি কৃপা করি হর।
আপন নিবাস প্রায়, শত শত গিরি তায়,
দিয়াছেন করিতে নগর।।
ধক্ ধক্ তক্ তক্, কিচটক্ ঝক্ ঝক্,

লক্ করিছে সকল।
 প্রাঙ্গণ প্রাচীর দ্বার, কব তার কি বাহার,
 পরিষ্কার তাবতীয় স্থল।।
 ব্রাহ্মণ ক্ষত্রিয় মূদ্র, বৈশ্য আদি ক্ষুদ্রাক্ষুদ্র,
 ভদ্রাভদ্র নানা জাতিগণ।
 ইউরোপ বর্ম্মা চীন, জর্মানি যাবা কোচিন,
 গ্রীসিয়ান প্রভৃতি যবন।।
 সকলে আলয় করি, ভূমি'চ করে নগরী,
 বলিহারি কি কহিব তার।
 দেবালয় গির্জাঘর, আছে উচ উচ্চতর,
 মনোহর কত চমৎকার।
 দোকানী পশারি যারা, শারি শোতে তারা,
 মহিহারি মহাজন যত।
 ক্রিস্টিয়ান অর, সেবাইন দিনামার,
 সদা'বি সদা অবিরত।।
 স্থানে স্থানে বিদ্যমান, তাহাতে বালকচয়,
 নিরবধি করে অধ্যয়ন।
 যতেক চিকিৎসাগার, প্রশংসা কে কবে তার,
 সুস্থ হয় তাতে রোগিগণ।।
 বার নারী দিয়া বার, রহে তারা অনিবার,
 একবার যে নাকি তা হেরে।
 তেজি লজ্জা ধর্ম্মভয়, যে করে সে পদাশ্রয়,
 অসংশয় পড়ে যায় ফেরে।।
 পরিসর রাজপথ, তাহে করে গতাগত,
 অবিরত শত শত জন।
 কি মধুর সুঘর্ষর, রবেতে চলে শগড়,
 দড় বড় পায় অশ্বগণ।।
 ফোর্ট উইলম নাম, দুর্গ অতি অবিরাম,
 সংস্থাপিত হয়েছে তথায়।
 কি কব অধিক আর, ধিক ধিক তার,
 নয়নে যে না দেখেছে তায়।।
 অনুপম সেই কেন্দ্রা, অতুল তাহার জেন্দ্রা,

ত্রিভুবনে না দেখি তেমন।
 কালান্তক কাল সম, যুদ্ধে অতি সুবিষম,
 কত শত আছে বীরগণ॥
 দুড় দুড় ছড় ছড়, নিনাদেতে তিনপুর,
 কম্পিত করিয়া ক্ষণে ক্ষণে।
 হয় কত তোপধ্বনি, সে ধ্বনি শুনি তখনি,
 লজ্জা পেয়ে না রয় ভুবনে॥
 পশ্চিমদিগেতে গঙ্গা, বিপুলতর তরঙ্গা,
 কল কল রবে ধাবমানা।
 বোট বজরা ইষ্টিমর, রয়েছে তার উপর,
 পিনাস জাহাজ আদি নানা॥
 এইরূপ মনোহর, নির্মাণ করি নগর,
 কলিকর্তা বলি রাখে নাম।
 গুণনিধি কহে সার, কলি তব এইবার,
 পরিপূর্ণ হবে মনস্কাম॥

অথ মায়ামোহ চরের প্রতি রাজ্যভার্যাপণ।

॥পয়ার॥

এইরূপে কলিরাজ স্থাপিয়া নগর।
 মায়া মোহচরে রাজ্য দিল তার পর॥
 বিষকুণ্ড পয়োমুখ সেই সভ্যজাতি।
 প্রকারে প্রজার দ্রোহ করে নানাজাতি॥
 লইতে প্রজার ধন নাহি করে বল।
 অথচ সর্বস্ব লয় করিয়া কৌশল॥
 যে দেশে যতেক হয় লোভের সঞ্চার।
 সে দেশে ততই দুঃখ বাড়য়ে সবার॥
 তার মূল হয় কুট বাণিজ্য করণ।
 রাজার উচিত যাহা করা নিবারণ॥
 তাহা দূর পরাহত করি নিজে ভূপ।
 কুট ব্যবসায় সদা করে নানারূপ॥
 কাষ্ঠ লৌহ ফুস্ কাস্ দিয়া নানামত।
 বদল করিয়া ধন লয় কতশত॥

বিলাতী দ্রব্যের চাকচৈক্যে অনিবার।
 লইতে বাসনা তাহা নাহি হয় কার॥
 যে দ্রব্যতে যত লুব্ধ হয় যার মন।
 সে দ্রব্য লইতে তার তত আকুঞ্চন॥
 অথচ না থাকে ধন যদ্যপি তাহার।
 তবে সেহ করে নানামত কদাচার॥
 চৌর্য্য হিংসা প্রবঞ্চনা শিখে সেই দ্বারে।
 কুট বাণিজ্যের ফল এ তিন সংসারে॥
 মদ্য পান প্রজাদের হানিকর হয়।
 লজ্জা ধর্ম্ম ধন মান যাতে পায় ক্ষয়॥
 নির্ধন হইয়া যেই মদ্যপান করে।
 পূর্ববৎ অপকর্ম্ম শিখে সেই নরে॥
 হেন মদ্য ব্রাজা নিজে করিতে বিক্রয়।
 স্থানে স্থানে করেছেন মদিরা আলয়॥
 বেশ্যাসঙ্গ হয় নানা কুকর্ম্মের মূল।
 সেই বেশ্যাবৃদ্ধি প্রতি রাজা অনুকূল॥
 নারী যদি কুপথেতে করয়ে গমন।
 রাষ্ট্রের উচিত তারে করিতে শাসন॥
 তাহা কোথা বরঞ্চ রমণী যদি কয়।
 পতিগৃহে থাকিতে আমার মন হয়॥
 তবে তারে আঞ্জা দেন করিতে এসব।
 এরাজ্জার সুবিচার এইরূপ সব॥
 যে দেশে বেশ্যার যত যত বৃদ্ধি বটে।
 সেই দেশে তত তত অমঙ্গল ঘটে॥
 বেশ্যার সন্তোষহেতু বেশ্যাপ্রিয়জন।
 বিবিধ কুকর্ম্ম করে ধন উপার্জন॥
 চৌর্য্য দস্যুবৃত্তি প্রবঞ্চনা মিথ্যাবাদ।
 বেশ্যা সেবা হেতু আঁটাআঁটি।
 নারিকেলত্বক খাওয়া যেন ফেলে আঁটি॥
 “সাপ হয়ে খায় নিজে রোঝা হয়ে ঝাড়ে।
 হাকিম হয়ে দ্বকুম্ দেয় প্যাদা হয়ে মারে॥
 আপনিই পাতড়া পাতড়ী আপনি পূজ্য শিলা।

ত্রিভঙ্গ হয়ে মুরলী বাজায় কে বুঝে তার লীলা।।

কলি যারে রাজ্য দিল সে কলুষকলি।

পুরিবে মনের সাধ ইহাতে সকলি।।

ভারত সাম্রাজ্য পেয়ে মায়ামোহচর।

ভাবে কিসে হবে ধর্মপ্রাপ্ত সব নর।।

আনিতে উচিত হেথা মিসনরীগণে।

কিন্তু পাছে প্রজাসব বিপক্ষতা গণে।।

অতএব লাঠী দিয়া খেলাইয়া সাপ।

নিবাহিবি মনের উদ্ব্বেগ কুসস্তাপ।।

এই হেতু দেশে যবে আসে মিসনরী।

আজ্ঞা দেন তা সবারে ভাসাইতে তরী।।

মিসনরীগণ অতি সুচতুর হয়।

নৃপতির ভাব তারা বুঝে সমুদয়।।

এই লাগি জানি তারা ভিন্ন অধিকার।

শ্রীরামপুরেতে বাস করিল প্রচার।।

সেকালেতে সেই পুরে দিনামারগণ।

কেদ্বা করি করে প্রজাগণের শাসন।।

তাহাদের সমাশ্রয় লয়ে মিসনরী।

আরস্তিল ধর্মকৃষি মার্সমেন করী।।

হাটে মাঠে যিশুবীজ করিতে বপন।

নিযুক্ত হইল যত প্রভুদূতগণ।।

মালা মাজী হাড়ী ডোম আদি জাতিগণে।

মজাইল লোভ ক্ষোভ দেখায়ে যতনে।।

ভদ্র ভদ্র লোকসহ ধর্মের বিচার।

করিয়া না পায় তাহা হৈতে সুনিস্তার।।

নীচজাতি তুল্য তারা মুর্থ নাহি ছিল।

এহেতু ভদ্রের কিছু করিতে নারিল।।

তথাপিও নাহি ছাড়ে কাছিম কামড়।

যার তার সঙ্গে করে কলহ বিস্তর।।

কবি কহে অবধান কর বন্ধুগণ।

ভাষাদের ধর্মযুদ্ধ করিব বর্ণন।।

কোন এক বৎসর মাহেশের ব্রথযাত্রা উপলক্ষে বহুতর লোকের সমারোহ হইলে ছুটকে মিসনারী ভায়ারা বোঝা বোঝা ধর্মপুস্তক ঘাড়ে করিয়া তথায় উপনীত হইলেন, এবং কি বুদ্ধি কি যুবা যাহাকে সম্মুখে দেখেন তাহাকেই উপদেশ দিতে আরম্ভ করিলেন। যথা, হে ভায়াগণ, টোমরা একানে কি ডেকিতে আসিয়াছ? ডেক টোমরা যাহাকে আপনি গড়াইয়াছ তাহাকেই ঈশ্বর বলিয়া প্রণাম করিতেছ, তোমাডিগের জগন্নাথ যদি ঈশ্বর হইবে তবে তাহাটে ঘুণ চুরিবে কেন? টোমরা গঙ্গান্নান করিয়া যে পাপমুকুট হইতে বাঞ্ছা করিতেছ তাহা টোমাডিগের ভ্রাণ্টি, কেননা জলে ডুব ডিলে কি ককন পাপ তোয়া যায়? যেদিন মহাবিচারের সময় আসিবে যে দিন টোমরা কি গঙ্গান্নান করিয়াছি বলিলে পরিট্রাণ পাইবা? এইরূপে মিসনরীভায়ারা যারে দেখেন তাহাই বিলাতী গৌরাজের প্রেম বিতরণ করিতে আরম্ভ করিলে দৈবাৎ এক জন শাস্ত্রজ্ঞ-পণ্ডিত তাহাদিগের সেই গোলযোগ শুনিয়া তথায় আগমনপূর্বক জিজ্ঞাসা করিলেন যে এখানে কিসের সোরসার হইতেছে। মিসনরীগণ কহিলেন যে আমরা টোমাডিগের উদ্ভারার্থ উপদেশ ডিটে আসিয়াছি।

পণ্ডিত। আমাদিগের বিপদ কি? যে তদুদ্ধারার্থ আমাদিগকে সদুপদেশ দিবা। তবে বৃথা কেন তোমরা আমাদিগের বিপদ মুক্ত করিতে আসিয়া স্বয়ং বিপদগ্রস্থ হও।

মিসনরী। টোমরা মহাবিপদে পড়িয়াঁচ, যেহেতু টোমাডিগের জ্ঞানসূর্যের প্রকাশ না ঠাকাগ্রযুক্ত টোমরা ঘোরটর অণ্ডকারে বাস করিতেচ।

পণ্ডিত। কই আমরা অন্ধকারে বাস করিতেছি? আমাদিগের চক্ষুঃ তো উজ্জ্বল কিরণ দেখিতেছে, ইহাতেও যদিপি তোমরা দিবান্দ্র পেচকের ন্যায় সূর্যকে অন্ধকার বল, তবে কিছুই করিতে পারি না।

মিসনরী। টোমাডিগের শাস্ত্রে যে সকলই অণ্ডকার, ডেক টোমাডিগের শাস্ত্রে যাহাকে ঈশ্বর বলে সেই কৃষ্ণ নিজে কটো কুকর্ম করিয়াছে, সে চুরি করিয়াছে, সে পরনারী হরণ করিয়াছে, সে নরহত্যা করিয়াছে, অটএব টোমরা তাহাকেই ঈশ্বর বলিলে কি পরিট্রাণ পাইবা? একারণ টোমাডিগকে বলি, টোমরা আপন আপন কুমট পরিট্রাণ করিয়া সেই পরম ডয়ালু প্রভু যীজস্ ক্রাইস্টকে উপাসনা কর যে প্রভু টোমাডিগের পরিট্রাণ নিমিট্র আপন শরীরত্যাগরূপ প্রায়শ্চিত্ত করিয়াচেন।

পণ্ডিত। আঃ পাপিষ্ঠ! আমাদিগের পরমেশ্বর কৃষ্ণ যে কুকর্ম করিয়াছেন কি সুকর্ম করিয়াছেন তাহা তোমরা কি প্রকারে জ্ঞাত হইবা? ভাল! কৃষ্ণের ঐ সকল কর্ম যদি কুকর্ম হয় তবে তোমাদিগের ক্রাইস্টকে কেন কুকর্মশালী

না বলা যায়? দেখ, তোমাদিগের ক্রাইস্ট একদা ক্ষুব্ধানিত হইয়া শিষ্যগণের সহিত কৃষিক্ষেত্রে গোধুম চুরি করিয়া খাইয়াছে ও কেবল তাহার বেশ্যা বাড়িতেই বাসা ছিল ইহাতে কি তাহাকে দুষ্কর্মাঙ্ঘিত বলা যায় না?

মিসনরী। টুমি নাস্তিক আচ, টোমাকে বলিলে টো টুমি মান্য করিবা না! ডেক যে ব্যক্তি মহাপাপী হয় সেই ব্যক্তিকেই অগ্রে উদ্ধার করা পরম ডয়ালুর কর্ম, এইহেই প্রভু যীশু বেশ্যাগণকে মহাপাপীয়সী ডেকিয়া উদ্ধার করিবার নিমিট্ট টাহাডিগের বাটাটে বাসা করিয়াচিলেন।

পণ্ডিত। তোমাদিগের যীশু বেশ্যাদিগকে মহাপাপশালিনী দেখিয়া বহিষ্কৃতিকিৎসায়ে তাহাদিগের পাপমোচন হওয়া অসাধ্যজ্ঞানে বুঝি যত্নপূর্বক অস্ত্রশিকিৎসা আরম্ভ করিয়াছিলেন, ইহাতেই কি তিনি দুষ্কর্মাঙ্ঘিত হইলেন না? কি হতভাগ্য! কেবল আমাদিগের কৃষ্ণই পরদারা হরণ করিয়াছেন বলিয়া দুষ্কর্মশালী হইলেন? দুষ্কর্ম সুকর্ম কাহাকে বলি, তুমি তাহা জ্ঞাত আছ কি না?

মিসনরী। হাঁ টাহা আমি অবশ্যই জ্ঞাত আচি নটুবা টোমার সহিট কেন বিচার করিটে আসিয়াচি।

পণ্ডিত। তুমি কাহাকে দুষ্কর্ম সুকর্ম বলিয়া থাক তাহা আমি জানিতে ইচ্ছা করি।

মিসনরী। পরমেশ্বরের আজ্ঞালঙ্ঘন করা দুষ্কর্ম ও টাহার আজ্ঞা প্রতিপালন করা সুকর্ম।

পণ্ডিত। পরমেশ্বর কাহার প্রতি আজ্ঞা করেন? মনুষ্যের প্রতি কি আপনার প্রতি? তাহাতে যদি টাহার আজ্ঞা মনুষ্যের প্রতি করা হয়, তবে সেই আজ্ঞা লঙ্ঘন করিলে মনুষ্যের অব্যশই পাপ হইতে পারে, নতুবা তল্লঙ্ঘনে পরমেশ্বরের নিজের পাপ হইতে পারে না।

মিসনরী। পরমেশ্বর যাহা অপবিট্ট জানিয়া স্বয়ং আচরণ করেন না টাহাই মনুষ্যকে আচরণ করিটে নিষেচ করেন একারণ টিনি যদি সেই অপবিট্ট কর্ম করেন টবে অবশ্যই অপবিট্ট হইবেন।

পণ্ডিত। পরমেশ্বর যাহা মনুষ্যকে আচরণ করিতে নিষেধ করেন তাহা যদিপি তিনি স্বয়ং আচরণ না করিতেন তবে তোমাদিগের মেরিনন্দনের কিপ্রকারে জন্ম হইত? কারণ তোমাদিগের ক্রাইস্টের মাতা যে কৌমারকালে গর্ভধারণ করিয়াছিল, যদি সেই গর্ভ পরমেশ্বরকর্তৃক হওয়া সত্য হয় তবে পরমেশ্বর তাহাতে উপগত না হইলে কিরাপে তাহার তাহা সম্ভাবিত হইল? এতাবতা পরমেশ্বর যাহা না করেন তাহাইযে মনুষ্যের প্রতি নিষেধ করেন এমত কখনই নহে।

মিসনরী। টুমি পাগল মনুষ্য টোমার কোন জ্ঞান নাই কেননা যিনি আপন

ইচ্ছায় এই সংসার রচনা করিতে পারেন তাহার ইচ্ছায় কি মেরির আপনি গর্ত্ত হওয়া সম্ভব হয় না?

পণ্ডিত। যদ্যপি পরমেশ্বরের ইচ্ছামাত্র ত্রীলোকের গর্ত্ত হওয়া সম্ভব হইত, তবে ত্রীপুরুষ সংযোগ ব্যতিরেকে অবশ্যই কোন কোন স্থানে উক্তরূপ গর্ত্ত হওয়া দৃষ্ট হইতে পারিত, কিন্তু তাহা যখন দৃষ্ট হয় না তখন তোমার ঐরূপ যুক্তি কোনপ্রকারেই কেহ মান্য করিবে না। এতাবতাবত এবিষয়ে বিজ্ঞদিগের ঐরূপ বলা কর্তব্য যে পরমেশ্বর জিতেন্দ্রিয়প্রযুক্ত স্বাধীন ইন্দ্রিয় দ্বারা যে কোন কর্ম করেন তাহাতে তাঁহার কদাচই পাপ হইতে পারে না। কারণ ইন্দ্রিয়পরাধীনতাই মনুষ্যের অসন্তোষরূপ অনিষ্টকারহেতু পাপ বলিয়া পরিগণিত হয়। অতএব মনুষ্যগণ ইন্দ্রিয়পরাধীন হইয়া যে সকল কর্ম করিতে প্রবৃত্ত হয় সেই সকল কর্ম তাহাদিগের উত্তরোত্তর অজিতেন্দ্রিয়তা বৃদ্ধি করত পুনঃপুনঃ অসন্তোষের কারণ হয়, এই নিমিত্ত মনুষ্যকে তাদৃশ কর্ম করণ নিষেধরূপ যে আজ্ঞা করেন সেই আজ্ঞা উলঙ্ঘনকে পাপ কহা উক্ত পাপ পরমেশ্বরের হওয়া কদাপি সম্ভাবিত নহে।

মিস্ত্রী। টুমি কি নিটাস্ট মুর্ক আচ! ডেক যে ব্যক্তি জিতেন্দ্রিয় হয় সেও কি ককন পরনারী গমন করিতে পারে? তোমার কি ইহা বিবেচনা হয়?

পণ্ডিত। যদ্যপি শাস্ত্রে ইন্দ্রিয়হীনকে জিতেন্দ্রিয় বলিতেন তবে জিতেন্দ্রিয় ব্যক্তির কখন কোন ইন্দ্রিয়কার্য করিতে না পারা সম্ভব হইত। কিন্তু যখন তাহা না বলিয়া যে ব্যক্তির ইন্দ্রিয়সকল বশীভূত সেই ব্যক্তিই জিতেন্দ্রিয় ঐরূপ বলিয়াছেন তখন কি জিতেন্দ্রিয় ব্যক্তি কিছুই ইন্দ্রিয়কার্য করিতে পারে না এমত বুঝায়? বরঞ্চ তোমার এমত বলা সম্ভব যে জিতেন্দ্রিয়ের বিষয় ভোগে প্রয়োজন কি? উত্তর, তাঁহার বিষয় ভোগে নিজের প্রয়োজন নাই বটে কিন্তু তিনি পরপ্রয়োজনার্থ পরদারা গমনাদি বিষয়ভোগও করিয়া থাকেন। কারণ তাঁহাকে যে ব্যক্তি যেরূপে চিন্তা করে তিনি তাহাকে সেইরূপে কৃপা করেন ইহা তাঁহার নিয়ম হইয়াছে, অতএব তিনি সেই নিয়ম ভঙ্গ করেন না এবিধায় তোমরা কৃষ্ণের প্রতি যে দোষ নিঃক্ষেপ করিতেছ তাহা অত্যন্ত অন্যায়।

মিস্ত্রী। তোমরা যে গঙ্গার জলকে পবিত্র জ্ঞান করিয়া ঠাক সেইজলে আর পুষ্করিণীর জলে প্রভেদ কি?

পণ্ডিত। তোমাদিগের জর্দননদীর জলে ও অন্যান্য জলে যেরূপ প্রভেদ আমাদিগের গঙ্গাজলে ও অন্যান্য জলেও সেইরূপ প্রভেদ।

মিস্ত্রী। তোমরা মাটি ও পাঠর ডিয়া যাহাকে গড়াও তাহাকে ঈশ্বর ভাবিলে কি তোমাডের পরিটোণ হইবে?

পণ্ডিত। হাঁ। যদি কুটি এবং মদিরাকে ঈশ্বরের মাংস ও শোণিত জ্ঞানে ভোজন পান করিলে তোমাদিগের পরিত্রাণ হয় তবে মাটির ঈশ্বর গড়াইয়া পূজা করিলে অবশ্যই আমাদিগের পরিত্রাণ হইবে?

মিস্নরী। টুমি বড় পাপী আচ, টোমার সঙ্গে বিচার করিতে চাহি না কিন্তু টোমাকে বশু ভাবে উপদেশ কহি টুমি সেই ডয়ালু প্রভুর উপাসনা যে প্রভু টোমাডিগের পাপের প্রায়শ্চিত্ত নিমিত্ত আপন প্রাণ পরিত্যাগ করিয়াছেন?

পণ্ডিত। যদি তোমাদিগের প্রভু পরবঞ্চক না হইত তবে আমি তোমাদিগের প্রভুর উপাসনা করিতাম?

মিস্নরী। আমাডিগের প্রভু পরবঞ্চক কিসে?

পণ্ডিত। আমরা শুনিয়াছি তোমাদিগের ধর্ম পুস্তকে লেখে যে, যে ব্যক্তি পাপ করে সে চিরদণ্ডের যোগ্য হয়, কিন্তু যদি সেই দণ্ড স্বয়ং স্বীকার করিয়া পাপিদিগের পরিত্রাণহেতু তোমাদিগের ক্রাইষ্ট আসিয়া থাকে তবে তাহাকে চিরদণ্ড স্বীকার করিতে হয়, কিন্তু তাহা না করিয়া যখন সে তদযাতনা সহ্য করিতে অপারগহেতু মরিয়াছিল কিম্বা মরণাশুর পুনর্ব্বার উঠিয়া পলাইয়াছিল তাহাকে বঞ্চক ভিন্ন আর কি বলা যাইতে পারে?

(এইরূপ মিস্নরীগণ পণ্ডিতের কথায় পরাভূত হইয়া ভগ্নমনে আপন আপন বাসে আসিয়া সকলে কমিটিপূর্ব্বক স্থির করিল যে এদেশীয় প্রবীণলোকেরা আমাদিগের উপদেশ ভুলিবে না, এতন্নিমিত্ত ইংরাজি ভাষা অধ্যাপনচ্ছলে বালকদিগকে প্রথমাবধি উপদেশ দিলে কালে কৃতকার্য হইতে পারা যাইবে, এই বিবেচনায় ছেলেধেরা ফান্দের মত স্থানে স্থানে ইন্স্কুল স্থাপন করিবার অধুনা অনেক নবীন পুরুষেরা কলির আনন্দবর্ধক হইতেছেন)

অথ লোভের দিগ্ভিক্ষয়।

। ত্রিপদী।।

এইরূপে মোহচর, যত শুভ্রবর্ণ নর,

ভারত ক্ষেত্রেতে জনে।

আরম্ভিয়া ধর্মকৃষি, নবদ্বৈপায়ন ঋষি,

প্রায় সবে যীশুবীজ বনে।।

বলির বাড়ায় রাজ্য, কেবা মানে কার্য্যাকার্য্য,

আর্য্যানার্য্য কে করে গমন।

অধর্মের বাড়ে জোর, ধর্মের বিপদ ঘোর,

একপদে কাঁপে সর্ব্বক্ষণ।।

যার যাহা মনে ধরে, সেই মন তাহা করে,

নিবারণ করিতে কে পারে।
 এমন সময়ে কলি, হয়ে অতি কুতূহলী,
 লোভ প্রতি কহে বারে।।
 শুন ওহে লোভ, কেন আর রাখ ক্ষোভ,
 রাগ রুচি সঙ্গে সজ্জা করি।
 যাও বঙ্গভূমে, প্রবেশি আপনজুমে,
 শাসন করগে রাজ্যভরি।।
 আগে গিয়া দ্বিজগণে, অধীর কর যতনে,
 যেন তারা বেদধর্ম ছাড়ি।
 ভুঞ্জে ভোগ অবিরত, মদ্য মাংসে হয়ে রত,
 সকলেতে হয় স্বেচ্ছাচারী।।
 তা হইলে অন্য সবে, ধর্মশীল কেবা রবে,
 সকলে পড়িবে দেখাদেখি।
 মোহের হইবে জয়, বিবেক পাইবে ক্ষয়,
 ধর্মের পড়িবে ঠেকাঠেকি।।
 এইরূপ আজ্ঞা পেয়ে, লোভ তবে চলে ধেয়ে,
 প্রথমতঃ কলেজ ইন্ধুলে।
 যত ছিল ছাত্রগণ, সকলে করি যতন,
 জলাঞ্জলি দেওয়াইল কুলে।।
 সবে বলে হুট হুট, বিনা ব্রাণ্ডি বিস্কুট,
 বুটমুট কেন খেয়ে মরি।
 বেদের বাধিত হয়ে, মিছা দিন যায় বয়ে,
 জ্ঞাতি লয়ে থাকিয়া কি করি।।
 সেম সেম একি নাট, যতেক মূর্খের হাট,
 স্থানে যুটেছে সকল।
 অবিবেক মদে মাতি, রচিয়াছে নানাজাতি,
 শুনে মানে সকলি পাগল।।
 এক মূলহৈতে যাহা, জন্মে কভু হয় কি তাহা,
 আম যাম কুমুড়া কাঁঠাল।
 যত বেটা হস্তিমূর্খ, নিজদোষে পায় দুঃখ,
 জ্ঞাতি মানি বাড়ায় জঞ্জাল।।
 কাষ্ট মেনে কষ্ট পায়, নষ্ট তাহে সমুদায়,

সুখভোগ জগৎ সংসারে।
 চিজ্ যে উত্তম চিজ্, তার নাহি জানে বীজ,
 তজবিজ্ করিতে না পারে॥
 কেহ কেহ আছে বীর, সেও নাহি খায় বির,
 ধীরশূন্য হয়েছে এদেশ।
 উইল্‌সনের মিষ্টখানা, খায় না কি কারখানা,
 খানাপ্রতি করে সদা দ্বেষ॥
 পাতরেতে ভাত খেয়ে, কেন মর কষ্ট পেয়ে,
 ডিস্ পূর্ণ ফিস্ ফেলি দবরে।
 জীবন সফল কর, বটল হস্তেতে ধর,
 সেরির্ সাধ লহ সাধপুরে॥
 মিসে যদি মিস্তে চাও, বারেক হোট্টেলে যাও,
 দেখে এসো তাহার বাহার।
 আহা মরি রোজ রোজ, সে বদনে কত রোজ,
 ফুটিয়া রয়েছে অনিবার॥
 কিসে আর পাবে সুখ, কিসেতে যদি বিমুখ,
 হও সেই সুচারু বদনে।
 যদি সুখসিঙ্ধুপারে, বাঙ্কা থাকে যাইবারে,
 তবে ভজ নববিবিগণে॥
 খোঁপাকাটা উষ্ণি পরা, ডার্টিমিসি দস্তেভরা,
 আমাদের যত সব মেম।
 বেলাক্ নেটিব লেডি, ফেস্ কভু নহে রেডি,
 সাড়ী পরা সেম সেম॥
 গো টু হেল হিন্দুয়ানী, ব্যাড শাস্ত্র আর কি মানি,
 ম্যাড নই আমরা সকলে।
 বেড়ি গুড় চল তবে, ডুবিয়া ডবের টবে,
 বেষ্ট খানা খাইব হোট্টেলে॥
 এইরূপ কতজন, ইয়ং বেঙ্গলগণ,
 যীশুর জাসুর জালে পড়ে।
 কলির বাড়য়ে রাগ, লুপ্ত হয় যোগযাগ,
 স্নেচ্ছ প্রায় হয় বহু নরে॥

অথ কলিহিতার্থ মহাস্বরাজার প্রাদুর্ভাব।

।।পয়ার।।

এইরূপে লোভ মোহে হয়ে অচেতন।
সকলে হইতে চাহে অধর্মভাজন।।
হিন্দুশাস্ত্র হিন্দুমত সকলি অসার।
বাইবেল বিনা বল নাহি তরিবার।।
যা কহে সাহেব লোক তাই মহামান্য।
বেদ তন্ত্র পুরাণের কে করে প্রামাণ্য।।
কিসে সাহেবের মত দেখাবে গঠন।
এজন্যে উপায় নানা করে বিরচন।।
অঙ্গে পেণ্টুলুন পরে পায়ে কালা বুট।
ধুতিপরা লোক দেখি বলে ছুট ছুট।।
অর্থযোগ বিনা যদি ব্রাণ্ডি নাহি পায়।
পানাতে মিসায়ে আলতা গ্লাসে রেখে খায়।।
পরস্পর সকলের হৈলে দেখাদেখি।
সে কেন করেন হাতে করে ঠেকাঠেকি।।
আর যত হৌক নাহি হৌক বা সভ্যতা।
হিন্দুধর্ম নিন্দামাত্র স্বভাব নব্যতা।।
হেন মতে যুবাব্দ তেজি ধর্মভয়।
যখন যীশুর পথে চলে অসংশয়।।
তখন কলির সখা কোঙ্ক বেঙ্কভূপ।
অবতীর্ণ হৈল ভূমে ধরি দ্বিজরাপ।।
বিবিধ ভাষায় নিজে সুশিক্ষিত হয়ে।
রাজপ্রিয় হইলেন এই ভুবলয়ে।।
আপনিও রাজখ্যাতি করি আলম্বন।
কলি অনুকূলে বহু করিল যতন।।
কলি প্রতি যেই স্থান দিল পরীক্ষিত।
তার অগ্রগণ্য হয় সকল যোষিত।।
তাদিগের ব্যভিচার বিপুল করিতে।
কৌলীন্য মর্যাদা যাহা স্থাপে পৃথিবীতে।।
তাহে বিপরীত ফল হইল ঘটন।
এক নরসঙ্গে মরে বহু নারীগণ।।
ইহাতেই ভয়াকুল হয়ে কলি অতি।

কোঙ্কবেঙ্কভূপতির ফিরাইল মতি।।
 অতএব নবীন মহাত্মা নৃপবর।
 সতীহত্যা নিবারণে হন যত্নপর।।
 মোহচরগণ সহ পরামর্ষ করি।
 উঠাইল সতীহত্যা ভারত ভিতরি।।
 বিধবার পুনশ্চ বিবাহ যাতে হয়।
 এরূপ আকাঙ্ক্ষা তাঁর ছিল অতিশয়।।
 কিন্তু কোনক্রমে তাহা সিদ্ধ না হইল।
 মনের বেদনা তাঁর মনেতে রহিল।।
 তথাচ তাহাতে তিনি ক্ষান্ত না হইয়া।
 স্থাপিলেন সভা এক উপায় চিন্তিয়া।।
 যাহার প্রসাদে কালে সব প্রজাগণ।
 ক্রমেতে হইবে কলিআজ্ঞাপরায়ণ।।
 পূর্ব্বহৈতে শিবআজ্ঞা আছে কলিপ্রতি।
 শুভ না হইবে বিষ্ণু না তেজিলে ক্ষিতি।।
 কলিতে অযুত বর্ষপর্য্যন্ত শ্রীহরি।
 পৃথিবীতে থাকি পরে করিয়া শ্রীহরি।।
 অতএব সুষ্ঠুরূপে যাতে এই কায।
 সিদ্ধ হয় সে যত্ন করিয়া কলিরাজ।।
 সেই আজ্ঞা অনুসারে কলিযুগ পতি।
 মহাত্মা রাজার দেহে করিল বসতি।।
 তাহাতে সে রাজা বহু করিয়া যতন।
 করিলেন দেশে ব্রহ্ম সমাজ স্থাপন।।
 তাহে প্রকাশিল অভিনব ব্রহ্মজ্ঞান।
 অন্ন ব্রহ্ম হইবার এই সে নিদান।।
 এক ব্রহ্ম অদ্বিতীয় কহে সব বেদ।
 দ্বিজ মেচ্ছ জাতি তাহে কি আছে প্রভেদ।।
 অস্ত্র লোকে মিথ্যা দেবপূজা করি মরে।
 ধিক অস্ত্রনাস্ত্র যত সব নরে।।
 ব্রাহ্মণ পণ্ডিতগণ মহাভণ্ড হয়।
 স্ত্রী শূদ্রের বেদে অধিকার নাহি কয়।।
 ঈশ্বর প্রণীত শাস্ত্র যদি হয় বেদ।
 তবে তাহে অবশ্য নাহিক ভেদাভেদ।।

যেহেতু ঈশ্বরকাছে সকলি সমান।
 এজন্যেতে জাতি নহে তাঁহার বিধান।।
 অতএব ভক্ষ্যভক্ষ্য আদি বিধি যত।
 ঈশ্বরের তাহা নাহি হয় অভিমত।।
 পিতৃশ্রদ্ধ প্রভৃতি যতেক ক্রিয়াচার।
 মূর্খের জীবিকা ইহা বৃহস্পতি কয়।।
 এইরূপ উপদেশ দ্বারে প্রজাগণে।
 প্রবৃত্ত করিল সবে কুপথ গমনে।।
 শেষে রাজা স্নেহে দেশে করিয়া প্রস্থান।
 স্বকীয় জীবন করিলেন সমাধান।।
 ব্রাহ্মধর্ম প্রকাশের আদি ঋষিবর।
 স্বপুণ্যে বিলাতপ্রাপ্ত হন অতঃপর।।
 তাঁহার রোগিত বীজ হইতে এখন।
 নানা ক্ষুদ্রশাখাচয়ে ব্যাপিল ভুবন।।
 হাঠে মাঠে ঘাটে তার বিকাইছে ফল।
 কবি কহে এরূপ কলির কুতূহল।।

অথ ব্রাহ্মজ্ঞানিদিগের সহিত বর্ণাশ্রমি বিধের কলহ।

।।গুদ্য।।

কোনসময়ে এক বিপ্র সায়ংকালে গঙ্গাতীরে সন্ধ্যা বন্দনাদি করিতেছিলেন, ইতিমধ্যে দুইজন ব্রাহ্মজ্ঞানি যুবা তথায় বায়ুসেবনার্থ উপনীত হইয়া তাহাকে সন্ধ্যোপাসনা করিতে দেখিয়া পরস্পর স্মেরানন হওত কহিতে লাগিলেন।
 আঃ কি ভ্রম! কি অসভ্যতা! দেখ এই বিপ্র পরিণামে ফল লাভ হইবে বলিয়া মিথ্যা জলকেলি করিতে প্রবৃত্ত হইয়াছেন, ইনি বালককালে যেপ্রকার ক্রীড়া করিতেন এক্ষণেও সেইপ্রকার করিয়া থাকেন, বোধ করি পূর্বসংস্কার বিস্মৃত হইতে পারেন নাই। ব্রাহ্মণ তাহাদিগের পরস্পর কথিত এই বাক্য শুনিয়া ঈষৎহাস্যপূর্বক সন্ধ্যোপাসনা সমাপনের শেষে কহিতে লাগিলেন। কি হে বাপু! তোমরা কি কহিতেছিলা? তোমাদিগের নিবাস কোথায়?
 ব্রাহ্ম। আমাদিগের নিবাস যেখানে হউক কিন্তু তোমাকে জিজ্ঞাসা করি, তুমি বয়ঃপ্রাপ্ত হইয়াও কি অদ্যাপি বাল্যচেষ্টা ত্যাগ কর নাই?
 বিপ্র। সে কেমন! আমার বাল্য চেষ্টা তোমরা কি দেখিলা?
 ব্রাহ্ম। তোমাদিগের সকলই বাল্যচেষ্টা, দেখ বাল্যকালে যে প্রকার পুত্তলিকা

লইয়া ক্রীড়া ও জলকেলি প্রভৃতি করিয়াছিল। এখনও যে আবার তাহাই করিতেছ। তোমরা যাহাকে স্বয়ং নির্মাণ করিয়াছ তাহাকেই বিশ্বনির্মাতা কহিতেছ ও যাহার দ্বাণশক্তি নাই তাহাকে ধূপাদির আঘ্রাণ দিতেছ, এবং যে খাইতে পারে না তাহাকে নৈবেদ্য সমর্পণ করিতেছ। ভাল, তোমাদিগের এই সকল করিতে কি সভ্য সমাজে লজ্জা হয় না?

বিশ্ব। সভ্য কে? তোমরা? না, খ্রীষ্টীয়ানেরা? যদি তোমরা আবহমান কালাবধি আর্য্যপরম্পরাগত বর্ণাশ্রম ধর্ম্য কর্ম্ম ত্যাগ করত সভ্য হইয়া ভদ্রসমাজে লজ্জিত না হও তবে আমরা কি তোমাদিগকে লজ্জা করিতে পারি? দেখ, এই পৃথিবীতে যে সকল লোক আছে তাহার মধ্যে কি কেহ কখন শিয়াল কুকুর প্রভৃতিকে লজ্জা করিয়া থাকে? আমরা যাহাকে স্বয়ং নির্মাণ করি তাহাকে বিশ্বনির্মাতা বলি ও যাহার দ্বাণশক্তি নাই তাহাকে আশ্রয়ে বস্তু প্রদান করি ও যে খাইতে পারে না তাহাকে নৈবেদ্য সমর্পণ করিয়া থাকি বটে, কিন্তু তোমরা যে নিষ্ক্রিয় তাহাকে জগৎকর্ত্তা ও যে নির্গুণ তাহাকে সর্ব্বশক্তিমান এবং যাহার ইন্দ্রিয় নাই তাহাকে প্রার্থনার ফলদাতা কোন্ বিবেচনায় সঙ্গত বল? আমরা আপন বুদ্ধি দ্বারা শুভাশুভ উচ্চ নীচ উত্তমাদম প্রভৃতি জ্ঞান করত ব্যবহার করিয়াই কি বাল্যচেষ্টা বিশিষ্ট হইব? না, তোমরা বালককালে যে প্রকার গুচি কি অশুচি ভক্ষ্য কি অভক্ষ্য কার্য্য কি অকার্য্য হয় কি উপাদেয় ইত্যাদি বোধশূন্য ছিল। সেই প্রকার অধুনাও বোধশূন্য থাকিয়া বাল্যচেষ্টার বিপরীতে সভ্যচেষ্টাধ্বিত হইতে পারিবা?

ব্রাহ্ম। তুমি তো কেবল নামমাত্রই বিপ্র, নতুবা বিপ্রের কর্ত্তব্য যে বেদাধ্যয়ন তাহাতো কর নাই। বেদে যে নির্গুণ নিষ্ক্রিয় নিরাকার ব্রহ্মকেই সর্ব্বশক্তিমান সর্ব্বকর্ত্তা সমস্ত ফলদাতা বলিয়াছেন তাহা জান? না, আপন পাগলামি বুদ্ধিতে যাহা লওয়ায় তাহাই বল? আমরা আপনাদিগের পক্ষে কি শুভ কি অশুভ কি ভাল কি মন্দ কি ভক্ষ্য কি অভক্ষ্য তাহা বিশেষ জানি, নতুবা তোমরা যেমন পুত্তলিকা পূজাকে শুভ ও ব্রহ্মজ্ঞানকে অশুভ এবং শরীর নির্ঘাতনকে ভাল ও বিষয়োপভোগকে মন্দ ও পশুর আহরীয় বনজ দ্রব্যকে ভক্ষ্য এবং উত্তম মদ্যমাংসাদিকে অভক্ষ্য জান সেরূপ জানি না।

বিশ্ব। আমরা তোমাদিগের নিকট নামমাত্রই বিপ্র বটি, কেননা তোমরা যে বেদ অধ্যয়ন করিয়া থাক সেই বিলাতীয় বেদ অধ্যয়ন করি নাই। আমরাদিগের দেশীয় বেদেতো নির্গুণকে সর্ব্বশক্তিমান ও নিষ্ক্রিয়কে সর্ব্বকর্ত্তা এবং নিরিন্দ্রিয়কে সমস্ত ফলদাতা কোন স্থানেই বলেন নাই, যেহেতু বেদবক্তা মহর্ষিগণ এমত উন্মাদগ্রস্থ ছিলেন না যে তাঁহারা এক সময়ে যাহাকে অন্ধ

বলেন অন্য সময়ে তাহাকেই চক্ষুস্থান বলিয়া থাকেন। তবে যাহারা বেদের অর্থ বুঝেন না তাহারা এই বেদবক্তাদিগকে উন্মত্ত বলিতে বাধিত হন। অপর তোমরা আপনাদিগের শুভাশুভ বিলক্ষণ জ্ঞান তাহা তোমার কথাতেই পরিচয় পাওয়া গেল। আহা! এমন জ্ঞানবান্ কি আর জন্মে? পরমেশ্বর তোমাদিগের পশ্চাদভাগে একটি পুচ্ছ দেন নাই কেন? আমরা এখন তাহাই ভাবিতেছি। কারণ পুচ্ছবান্ মহাত্মারা যে প্রকার নিঃসঙ্কোচে অভিলাষমত আহারীয় সামগ্রী প্রাপ্ত হইলে লণ্ডাঘাত না মানিয়াও তদুপভোগে প্রবৃত্ত হন সেইপ্রকার তোমরাও স্বভাবতঃ প্রবৃত্ত হইয়া থাক।

ব্রাহ্ম। পরমেশ্বর আমাদিগের পুচ্ছ দেন নাই বলিয়া তোমরা খিদ্যমান হইতে পার বটে, কেননা তাহা হইলে তোমরা আমাদিগকে স্বদলে ভুক্ত করিতে পারিতা। কিন্তু জগৎকর্ত্তা এমত অবিবেচক নহেন যে তিনি মনুষ্যের পুচ্ছ দিবেন। বিবেচনা করিয়া দেখ দেখি তোমরা পুচ্ছ পাইবার যোগ্য কি আমরা পুচ্ছ পাইবার যোগ্য? পরমেশ্বর জগতীতল মধ্যে যেসমস্ত প্রাণীজাত সৃষ্টি করিয়াছেন তৎসমুদায়মধ্যে মনুষ্যই প্রধান, যেহেতু অন্যান্য প্রাণী অপেক্ষা মনুষ্যের শরীরে অধিক বিবেচনা শক্তি সংস্থাপিতা হইয়াছে, এতাবত নিজের বিবেক শক্তি থাকিতে যে অমুক মুনি ইহা বলিয়াছেন অমুক মোখাদিম ইহা করিয়াছেন ইত্যাদি দৃষ্টান্তে কেন জীবনান্ত কষ্ট পাও। পূর্ব পূর্ব লোকেরা যে প্রকার নির্বোধ ছিল এক্ষণে সেই প্রকার নির্বোধ নাই, তবে তোমরা বুদ্ধি থাকিতে কেন নির্বোধের আচরণ করিয়া থাক?

বিশ্ব। পূর্ব পূর্ব লোকাপেক্ষা তোমরা বড় বুদ্ধিমান বট, ইহা তোমাদিগের ব্যবহারেই টের পাওয়া গিয়াছে, সাবধান সাবধান দেখ্য যেন তোমাদিগের বুদ্ধি কোন দ্বারদিয়া পিছলিয়া পড়ে না। আমরা তোমাদিগের বুদ্ধির খুরে দণ্ডবৎ করি, কেননা তোমরা যে বুদ্ধির প্রভাবে আপন আপন পূর্ববস্ত্তী পিতৃপিতামহগণকে নির্বোধ বলিতেছ আমরা কোটি জন্মেও তাদৃশ বুদ্ধিলাভ করিতে পারিব না।

ব্রাহ্ম। আমরা অবশ্যই আপন আপন, পূর্বপুরুষকে নির্বোধ বলিব, কারণ বিশ্বনির্মাতা পরমপুরুষ এক পরমেশ্বর থাকিতে তাহারা যখন রাম শ্যাম কালী প্রভৃতিকে ঈশ্বর বলিয়া তাহাদিগের উপাসনার্থ মিথ্যা কষ্টভোগ করত প্রাণাবশেষ করিয়াছেন তখন তাহাদিগকে নির্বোধ ভিন্ন কি বলা যায়? আমরাতো তাহাদিগের মত যাকে তাকে ঈশ্বর বলিয়া পূজা করি না, কেবল এক সর্ব্বনয়িত্তা সর্ব্বকর্ত্তা নিরাকার ব্রহ্ম আছেন ইহাই জানিয়া সময়ে সময়ে তাহার নিকট কৃতজ্ঞতা স্বীকার করি ইহাতে আমরা তাহাদিগের অপেক্ষা

অবশ্যই বুদ্ধিমান্ বাটি একথা বলিবার অপেক্ষা কি আছে?

বিধ। ও হরি! তোমরা এই বুদ্ধিতেই কি পূর্ব পূর্ব পুরুষাপেক্ষা বুদ্ধিমান হইলা? না হইবা কেন? “কালস্য কুটিলা গতিঃ” সে যাহা হউক, তোমাদিগকে জিজ্ঞাসা করি, তোমরা বল দেখি যে যাহার কর্তৃত্ব শক্তি আছে সেও কখন কি নিরাকার হয়? দেখ লোকে তাহাকেই কর্তা বলে যে আপন ইচ্ছাতে স্বকীয় কর্তব্যকর্ম করিতে পারে, এইহেতু মুক্তিকাদি জড়পদার্থকে কর্তা না বলিয়া সকলে ইচ্ছাদি শক্তিমান্কে কর্তা বলিয়া থাকে, কিন্তু যাহার ইচ্ছা আছে তাহার অবশ্যই মন আছে, এবং যাহার মন আছে তাহার অবশ্যই শরীর আছে ইহা কোন্ বিজ্ঞ ব্যক্তি স্বীকার না করিবেন? এ তাবত যিনি জগৎকর্তা তিনি কখনই নিরাকার হইতে পারেন না।

ব্রাহ্ম। তোমরা যদি পরমেশ্বরকে সাকার বল তবে তিনি সর্বব্যাপী কিরূপে হইবেন? এবং কেনই বা তাঁহার বিনাশ না হইবে? দেখ সংসারে যেসকল বস্তু সাকার দেখা যায় অবশ্যই সেই সকলের বিনাশ আছে, অতএব আমরা তোমাদিগের ঘুণথেগো যুক্তি মানিয়া পরমেশ্বরকে কখনই সাকার বলিতে পারি না।

বিধ। তোমাদিগের মতে সর্বব্যাপী শব্দের অর্থ কি সর্বনিয়ন্তা? না, সর্বত্র তাঁহার অবস্থিতি থাকা? যদি তাহার অর্থ সর্বনিয়ন্তা হয় তবে সাকার বস্তুর সর্বনিয়ন্ত্রিত থাকিবার অসম্ভব কি? আর যদি তাহার অর্থ সর্বত্রস্থিত বস্তুকে বুঝায় তথাচ তাহার সর্বত্র থাকা অসম্ভব নহে, দেখ যেমন দীপজ্যোতিঃ সাকারপ্রযুক্ত গৃহের একদেশে থাকিয়াও আপন কিরণ দ্বারা সমস্ত গৃহ ব্যাপিতে পারে তদ্রূপ পরমেশ্বর সাকার হইয়াও স্বীয় অচিন্ত্য শক্তিবশতঃ সর্বত্রই থাকিতে পারেন। যদি বল পরমেশ্বর সাকার হইয়াও সর্বত্র অবস্থিতি করিলে কাহারও উপলব্ধি হয় না কেন? উত্তর, সকলেরই উপলব্ধি হয়, তাহা না হইলে সকল পদার্থই থাকে না, কারণ সকল বস্তুর সম্ভারূপে তিনি অবস্থান করিতেছেন, তন্মধ্যে যে ব্যক্তি আলোকমাত্র দেখিয়া ইহা কিসের আলোক এইরূপ অনুসন্ধান করে সে অবশ্যই তদবয়বিদীপকেও দেখিতে পায় ও যে তাহা অনুসন্ধান না করে সে দেখিতে পায় না, ইহাতে বিশেষ এই যে যদ্রূপ দীপাদি পদার্থ সামান্য চক্ষুতে দেখিতে পাওয়া যায় তদ্রূপ পরমেশ্বরকে জ্ঞানচক্ষুঃ ভিন্ন সামান্য চক্ষুতে দেখিতে পাওয়া যায়না। অপর তুমি সাকার বস্তুমাত্রের বিনাশ আছে বলিয়া যে পরমেশ্বরকে নিরাকার বলিতেছ তাহাতেই বা কিসে তিনি অবিনাশী হইবেন? কেননা আমরা নিরাকার বায়ু প্রভৃতিরও বিনাশ দেখিতেছি। বস্তুতঃ যে বস্তু বিক্রিয় তাহা সাকার বা নিরাকার হউক

অবশ্যই বিনষ্ট হইবে, কিন্তু যাহা অবিক্রিয় তাহার কখনই বিনাশ সম্ভবে না। বেদে পরমেশ্বরকে অবিক্রিয় বলিয়াছেন এইহেতু তাঁহার বিনাশ নাই, ইহাতেই শাস্ত্রে যে যে স্থলে তাঁহাকে নিরাকার বলেন সেই স্থলে তাঁহার সবিক্রিয় আকার না থাকা অর্থ ভিন্ন বুঝায় না।

ব্রাহ্মা। আমরা পরমেশ্বরের বিদ্যমানতা বিষয়ে ও তাঁহার উপাসনা বিষয়ে বেদাদি কোন শাস্ত্রের সাহায্য গ্রহণ করি না যেহেতু ঐ সকল শাস্ত্র মনুষ্যের বুদ্ধির দ্বারা নিৰ্ম্মিত তজ্জন্যই নানা দেশে নানা জাতীয় ব্যক্তিদিগের মধ্যে ভিন্ন ভিন্ন নানা প্রকার শাস্ত্র দৃষ্ট হয়। আমরা কোন শাস্ত্রকেই পরমেশ্বর প্রণীত না বলিয়া জগৎকেই তাঁহার প্রণীত শাস্ত্ররূপে স্বীকার করি, কারণ এই জগতীয় প্রাকৃতিক নিয়ম দৃষ্টে পরমেশ্বরের অস্তিতা ও তাঁহার উপাসনার বিষয় নিশ্চয় করিতে পারি, এবিধায় যাহা যুক্তিযুক্ত তাহাই গ্রাহ্য যাহাতে কোন যুক্তি নাই তাহা আমাদিগের গ্রহণীয় নহে।

বিপ্র। আ মরি! কি বিবেচনা! কি বুদ্ধির কৌশল? এই কি তোমাদিগের আস্তিকতা? না, দেশবন্ধকতা? অথবা বর্বরতা? ইহা বিচার করিয়া স্থির পাই না। কারণ, যদি তোমরা সত্যই আস্তিক হও তবে শাস্ত্রভিন্ন কেবল যুক্তি দ্বারা কি প্রকারে ঈশ্বর থাকা নিশ্চয় করিবা? আমরা তাহাই গুনিতে ইচ্ছা করি।

ব্রাহ্মা। কেন মহাশয়! যুক্তি দ্বারা কি ঈশ্বরের অস্তিতা নিশ্চয় করা যায় না? দেখ আমরা কেবল যুক্তি দ্বারা পরমেশ্বর নিরূপণ করিতে পারি কি না? আমরা তো তোমাদিগের মতন দুই একটা “ভবতি পচতি” পড়িয়া নিজে পণ্ডিত বলাই না, যে যুক্তি দিতে অক্ষম হইব, আমরা পেলিসাহেব প্রভৃতি ঘোরতর আস্তিক পণ্ডিতের পুস্তক পড়িয়াছি তাহাতেই অনায়াসে যুক্তি দ্বারা ঈশ্বর নিরূপণ করিব তোমার খণ্ডন করিতে সমর্থ থাকে কর।

বিপ্র। পরমেশ্বর থাকার যুক্তি কি?

ব্রাহ্মা। পরমেশ্বর থাকার যুক্তি এই যে এতজ্জগতীতল মধ্যে লৌকিক যে সমস্ত কার্য্য দেখিতেছি তাহা যেমন কোন সচেতন কর্তা দ্বারা নিৰ্ম্মিত হইয়াছে ইহা বিবেচনা করা যায় সেইরূপ জগতীয় কার্য্যসমূহ দেখিয়া অবশ্যই তাহার কোন সচেতন কর্তা আছে এমত নিশ্চয় করা যাইতে পারে।

বিপ্র। কর্তাভিন্ন কার্য্য হয় না একথা তোমাকে কোন বর্বর কহিয়াছে? দেখ পৃথিবীতে বৃষ্টিধারা পতিত হইয়া যে সকল চিত্রবিচিত্র কার্য্য জন্মে ও বায়ুলোল কাষ্ঠাদি দ্বারা ভূমিতে যে অক্ষরাকার রেখা হয় তাহার কত্তা কি কেহ আছে এমত বলিতে পার? তুমিও অচেতন জলবায়ু প্রভৃতিকে তো কর্তা বলিতে পারিবা না, কেননা যে ক্রিয়ার আয়োজন করিতে সমর্থ তত্ত্বিগ্ন অপরকে কেহ

কর্তা বলে না, তবে যদি তুমি অচেতনকে কর্তা বলিয়া ঈশ্বরকেও অচেতন বলিতে বাধিত হও তবে তাহাতে তোমার আস্তিকতা সিদ্ধ হয় না, কারণ অচেতন কর্তা থাকা না থাকা তুল্য হয়।

ব্রাহ্ম। আমরা সচেতন কর্তা ভিন্ন কার্য্য হয় না এমত বলি না, কিন্তু তত্ত্বিন্ন কার্য্যের নিয়ম বদ্ধ হয় না ইহাই বলি। অতএব জগতীয় অদ্ভুত নিয়ম সকল দেখিয়া বিবেচনা হয় যে অবশ্যই ইহার নিয়ামক কেহ আছে।

বিপ্র। তোমরা যদি জগতের অদ্ভুত নিয়ম সকল দেখিয়া তাহার নিয়ামক কেহ আছে এমত কল্পনা কর তবে আমি এমত জিজ্ঞাসা করিতে পারি যে তোমার মানিত পরমেশ্বরের যে সমস্ত শক্তি আছে তাহা নিয়মবদ্ধ কিনা? যদি তাহা নিয়মবদ্ধ না হয় তবে তাঁহার সৃষ্টি শক্তি উদয়কালীন বিনাশ শক্তি উদয় হইয়া সমস্ত বিশৃঙ্খল কেন না হয়? যদি বল যে তাঁহার ইচ্ছা, উত্তর তাঁহার ইচ্ছাও যদ্যপি নিয়মবদ্ধ না হয় তবে এক ইচ্ছা উদয়কালে অন্য ইচ্ছা উদয় হইয়া উক্তরূপ বিশৃঙ্খল হইবার অসম্ভব কি? বিশেষতঃ ইচ্ছাপ্রভৃতি মনের ধর্ম্ম, সেই মনঃ নিয়মবদ্ধ না হইলে তাহার কার্য্যও নিয়মবদ্ধ হইতে পারে না, অতএব যদি পরমেশ্বরের শক্তি সকল নিয়মবদ্ধ হয় তবে জিজ্ঞাসা করি সেই নিয়মবদ্ধ কে করিয়াছে? যদি তাহা আপনি হইয়াছে এমত স্বীকার কর তবে জগতীয় নিয়মসকলের আপনি না হইবার বাধা কি? এতাবত শাস্ত্র না মানিলে পরমেশ্বর নানা দুর্ঘট সুতরাং শাস্ত্র মানিতেই হইবে।

ব্রাহ্ম। যদি শাস্ত্র মানিতে হয় তবে কোন শাস্ত্র মান্য করিব ও কোন শাস্ত্রই বা অমান্য করিব, কেন না হিন্দু মুসলমান খ্রিষ্টিয়ান প্রভৃতির ভিন্ন ভিন্ন শাস্ত্র সকল আছে। তাহাতে যদি সকলই মান্য করি তবে কিছুই মান্য করা হয় না। কারণ এক শাস্ত্রে যাহা কর্তব্য বলিয়াছেন অন্যশাস্ত্রে তাহাকে অকর্তব্য বলিয়া উল্লেখ করিয়াছেন, অতএব কি কর্তব্য কি অকর্তব্য এমত সন্দেহ হইলে সমস্তই অকর্তব্য হইয়া উঠে সুতরাং শাস্ত্র মানিলে নিস্তার কই।

বিপ্র। হিন্দু মুসলমান প্রভৃতির শাস্ত্রসকল ভিন্ন হইলেও কিছুই অমান্য নহে, কিন্তু যাহার যে শাস্ত্রে অধিকার তাহাকে সেই শাস্ত্র মানিতে হয়। কারণ যে প্রকার রাজনিয়মসকল দেশভেদে জাতিভেদে আচারভেদে ভিন্ন হইলেও যে তাহা রাজনিয়ম নহে এমত বলা যায় না এবং তত্ত্বনিয়ম তত্ত্বদেশাদি ভেদে না মানিলে অবশ্যই দণ্ডার্থ হইতে হয় তদ্রূপ যাহাদিগের প্রতি যে ব্যবস্থা উপদিষ্ট হইয়াছে তাহারা তাহা মান্য না করিলে অবশ্যই দণ্ডার্থ হইতে পারে।

ব্রাহ্ম। হিন্দুশাস্ত্রে যে পরমেশ্বরকে সাকার বলে সেই আকার কি? এইরূপ প্রশ্নে কেহ বলেন দ্বিভুজ মুরলীধর, কেহ বলেন ত্রিণ্ডল ডমুরুকর, কেহ

বলেন চতুর্ভুজ গজবন্ধ, কেহ বলেন অরুণ বর্ণ ত্রিনয়ন, কেহ বলেন চতুর্ভুজা শ্যামবর্ণা, ইহা হইলে কোন্ আকার সত্য কোন আকার অসত্য তাহা কি প্রকারে নিশ্চয় হইবে?

বিপ্র। পরমেশ্বরের আকার জ্ঞানচক্ষুর গোচর এইহেতু যাহার যাদৃশ জ্ঞান সে তাদৃশ আকার দর্শন করিবে সুতরাং তাঁহার কোন আকারই মিথ্যা নহে। দেখ যেমন বহুরূপনামক জন্তু বিশেষ কে সময়ানুসারে অনেকে অনেক বর্ণে ভূষিত দেখে অথচ তাহার প্রকৃত বর্ণ কি কেহ নির্ণয় করিতে না পারিলেও এমত বলা যায় যে সেই জন্তু সাকার বটে, এইপ্রকার পরমেশ্বরকে আপন ভাবানুসারে সকলেই দৃষ্ট করিয়া থাকেন কিন্তু তিনি যথার্থ কোনরূপধারী ইহা কেহ নিশ্চয় করিতে পারে না এবিধায় তাঁহার সকলরূপকেই সত্য বলিতে হয়।

ব্রাহ্ম। শাস্ত্র যাহাকে একস্থলে পরমেশ্বর বলিয়াছেন অন্যস্থলে তাহাকেই অনীশ্বর বলিয়া অন্যকে ঈশ্বর বলিয়াছেন ইহাতে শাস্ত্রের কথায় কি প্রকারে বিশ্বাস করিতে পারি? আমরা অপক্ষপাতি বিবেচনায় অনুগম করিয়াছি যে ঐসকল দেবতারাই কেহই ঈশ্বর নহে যেহেতু ঈশ্বরীয় গুণ কাহাতেও দৃষ্ট হয় না।

বিপ্র। দেবতাবিশেষে ঈশ্বরীয় গুণ দৃষ্ট না হউক তাহাতে ক্ষতি কি? ঈশ্বরেতো ঈশ্বরীয় গুণ দৃষ্ট হয়, এইহেতু-যাঁহারা যে দেবতার মূর্তি উপাসনা করেন তাঁহারা সেই দেবতাকে দেবতা বলেন না, কিন্তু তাহাকে ঈশ্বর বলিয়া ভাবনা করিয়া থাকেন, এতাবত তাহাকে জিজ্ঞাসা করি তুমি বল দেখি ঈশ্বর কি তত্ত্বদেবতারূপে সাধকের কার্য্যসিদ্ধি করিতে পারেন না? না, ঈশ্বরের তাদৃশ রূপ নাই? দেখ এই সংসারবর্তিলোকের ঈশ্বর উপাসনার প্রয়োজন কেবল সংসারমুক্তি, তাহা কোন বাহ্যিক দ্রব্যাদি দ্বারা হইতে পারে না, যেহেতু তাহার সহিত বাহ্য বস্তুর কোন সম্বন্ধ নাই, কেবল তাহাতে আন্তরিক সংস্কার অপেক্ষা করে, কেননা মনের স্বভাবতঃ নানাবিধ বাহ্য বিষয়ে প্রবৃত্তি হওয়াপ্রযুক্ত কামক্রোধাদি বিবিধ বিকারজন্য যে মোহাদি জন্মে তাহাকেই বন্ধ ও তাহার নিবৃত্তিকে মোক্ষ বলে, অতএব বিজ্ঞ ব্যক্তির মনের বিষয় প্রবণতা নিবারণার্থে বেদোক্ত নিক্কাম কর্ম্ম ও ঈশ্বরের উপাসনা করিয়া থাকেন। মনুষ্য সকলের মনে ঘাদৃশ চিন্তার গাঢ়তা জন্মে তাহারা তাদৃশ সংস্কার প্রাপ্ত হইয়া তদ্বারা তদনুরূপে ফল লাভ করিতে পারে, ইহাতে অবাস্তর প্রমাণ এই যে যে ব্যক্তির বাল্যকালাবধি মনোমধ্যে ভূত আছে এইরূপ সংস্কার থাকে, সেই ব্যক্তি সময়বিশেষে সুদৃষ্টিগোচর হইলে আপন মনঃস্থিত ভূত কল্পনা করিয়া

কাল্পিত ভূতের কায্যাদ প্রত্যক্ষ করত ভয়ে প্রাণ ত্যাগও করিতে পারে। এস্থলে যদিও কাষ্ঠস্তম্ভ যথার্থ ভূত না হউক তথাচ তাহার মনের ভাব যথার্থ বটে এইহেতু তাহার ভয়ে ভীকুব্যক্তির যেরূপ মৃত্যুলাভ হইবার সম্ভব সেইরূপ কোন দেবতাকে যদি যথার্থ ঈশ্বরও না বল তথাচ তাহার প্রতি ঈশ্বর ভাবনা করিলে অবশ্যই চিন্তবৃন্তি শোধিতা হইয়া সংস্কারমোক্ষ হইবে, ইহা সুদৃঢ় প্রতীত হইতেছে। বস্তুতঃ দেবতা সকলও ঈশ্বর হইতে ভিন্ন নহেন, যেহেতু বেদেতে সমস্ত বস্তুকেই ঈশ্বর হইতে অভিন্ন বলেন, অতএব প্রতিমা পূজা করিলেও আমাদিগের মোক্ষ হইবার ব্যাঘাত নাই। আমরা তোমাদিগকে বিনয়পূর্ব্বক কহি তোমরা অসৎ পথ পরিত্যাগপূর্ব্বক পিতা পিতামহ যে পথে প্রস্থিত হইয়াছেন সেই পথে গমন কর।

ব্রাহ্ম। আমরা তোমাদিগের ভোগলামি শুনিয়া পৌত্তলিক ধর্ম্ম অনুষ্ঠান করত সাহেবমণ্ডলীর নিকট উপহাসাস্পদ হইতে পারি না ও তোমাদিগের মত আলুভাতে ভাত খাইয়া সকল সুখভোগে বঞ্চিত হইতে পারি না, আমাদিগের যাহা মনে আইসে তাহাই করিব তোমরা কি আমাদিগকে শাসন করিয়া তাহা হইতে নিবৃত্ত করিতে পারিবা?

(ইহা বলিয়া ব্রাহ্মদ্বয় তথা হইতে প্রস্থান করিলে বিপ্রও আপন আবাসে প্রস্থিত হইলেন)

অথ বিধবাবিবাহের আয়োজন।

।। ত্রিপদী ।।

এইরূপে ব্রহ্মজ্ঞান, আমোদে নিমজ্যমান,

যতেক নবীন যুবাগণ।

নিজে বড় বিজ্ঞম, সকলের এই ভ্রম,

হৃদে সদা করে জাগরণ।।

কিন্তু তা সবার প্রায়, যণ্ডমর্ক দেখা দায়,

হাঁসি পায় দেখিলে চরিত।

যত তারা বুদ্ধিমান, পুস্তকে আছে প্রশ্রাণ,

যাহা সব তাদের রচিত।।

পেয়ে ইক্ষুলেতে শিক্ষা, দধিকে বলে আমিক্ষা,

বদরীকে বলে ইহা কদু।

কুস্মাণ্ডকে বলে মান, সবার এরূপ জ্ঞান,

যেবা আছে রাম শ্যাম যদু।।

বাল্যকালাবধি যারা, কুসংসর্গে যায় জ্বারা,

মারার যখন চারা নাই।
 অতএব সবে তারা, ত্যেজে হরি কালী তারা,
 বাইবেলে বাড়ায়েছে বাই।।
 কেহ বলে সব মিছা, কেন জুজু সাপ বিছা,
 ভেবে ভেবে আতঙ্কেতে মরি।
 কারু শাস্ত্র কিছু নয়, কেবল ভাঁড়ামিময়,
 দেখিয়াছি সুবিচার করি।।
 যাহাতে বিনাশে ক্রেশ, সেই মাত্র উপদেশ,
 গ্রহণ করিব সর্বস্থানে।
 প্রাকৃতিক সুনিয়ম, করিব না অতিক্রম,
 বৈধাবৈধ বলি কেবা মানে।।
 যে কেহ ঈশ্বর আছে, কৃতজ্ঞতা তার কাছে,
 স্বীকার করিব কালে কালে।
 দেখিতেছি ইহা বই, আর কিছু সত্য কই,
 বন্ধ হই কেন ভ্রমজালে।।
 এইরূপ কত জনা, করি মনে বিবেচনা,
 সর্বধর্মে দিয়া জলাঞ্জলি।
 বাথানিয়া গাবীপ্রায়, যাহা পায় তাই খায়,
 ধন্য ধন্য ঘোর কলি।।
 কোক বেক ভূপতির, সভারূপ বিটপির,
 স্কন্দ শাখা হয় এ সকল।
 এ লাগি তাঁহার চিতে, বিধবাবিবাহ দিতে,
 যে বাসনা আছিল প্রবল।।
 তাহা করিতে সাধন, ঈশ্বরের আকুঞ্চন,
 হইয়া উঠিল নিজমনে।
 যা হবার তাই হৌক, যে যা কবে সে তা কৌক,
 বিধবারা বাঁচুক জীবনে।।
 আহা মরি কি কারুণ্য, কিবা নিষ্ঠুরতা শূন্য,
 ঈশ্বরের অগাধ আশয়।
 নতুবা কি এসময়ে, পরদুঃখে দুঃখি হয়ে,
 কেহ কভু সমুদয়ুক্ত হয়।।
 পুরাণে করি শ্রবণ, পূর্বের সুরাসুরগণ,

সুমছন করিয়া সাগর।
 পেয়েছিল নানা রত্ন, বিফল কি হয় যত্ন,
 ঈশ্বরেচ্ছা নহে বিনস্বর।।
 শুনি অবোধের ঠাই, কলিতে ঈশ্বর নাই,
 হরি হরি একি সর্বনাশ।
 যার আছে এ সন্দেহ, এখন দেখিলে সেহ,
 প্রত্যক্ষেতে পাইবে বিশ্বাস।।
 আবাল বিধবা যারা, মরি মরি কত তারা,
 ক্রেশ সহ পতির বিরহে।
 সদা ভাবে এ ঈশ্বর, এ যন্ত্রণা ঘোরতর,
 ঘুচাও নতুবা প্রাণ দহে।।
 যদি প্রভু রতে খাতে, প্রাণ বাঁচে যাতে তাতে,
 তবু তো না হয় বাঙ্গাপূর্ণ।
 দৈবে হৈলে তাতে ফল, সে ফলে না ফলে ফল,
 অবিফল কর আসি তুর্ণ।।
 বুঝি এই অনুরোধে, করুণা কর্তব্যবোধে,
 তা সবার স্বপক্ষে ঈশ্বর।
 বিবাহ দিতে আবার, করেছেন অঙ্গীকার,
 অনুভবে জেনেছি অন্তর।।
 সেইতো ব্যবস্থাপত্র, দেখিতেছি যত্র তত্র,
 পাত্রাপাত্র সকলের স্থানে।
 যেন নবগোরাগণ, যীশুপ্রেম বিতরণ,
 কালে যোগ্য যোগ্য নাহি মানে।।
 যারে দেখে নিজ কাছে, ধর বলি প্রেম যাচে,
 অদভূতগৌরাঙ্গ চরিত।
 তেন বিধবা বিবাহ, করিবারে সুনির্বাহ,
 তরঙ্গ উঠেছে আচম্বিত।।
 হাটে ঘাটে যথা তথা, শুনি মাত্র সেই কথা,
 নব্যানব্য পতিহীনাগণ।
 আল্লাদে উন্মত্তাপ্রায়, যারে অগ্রে দেখা পায়,
 তারে গিয়া করে জিজ্ঞাসন।।

অথ বিধবাগণের উল্লাস।

।।পয়ার।।

হিরা বলে ধীরাপ্রতি আর শুনেছ দিদি।
 বিধবারে অনুকূল হল্য বাকি বিধি।।
 হাটে ঘাটে মাঠে এবে যেখানেতে যাই।
 বিধবার বিয়া হবে ইহা শুনতে পাই।।
 সত্য মিথ্যা যাহা হৌক কথা ভাল বটে।
 সবে কয় লোকে যাহা রটে তাহা ঘটে।।
 দেখ যদি ঈশ্বর সদয় হয়ে থাকে।
 তবে হবে বাঞ্ছাসিদ্ধি আর ভয় কাকে।।
 বাল্যকালাবধি মোরা হয়ে পতিহীন।
 দুঃখেতে কাটাই কাল কেন্দে নিশি দিন।।
 একে একাহারে সদা কলেবর দহে।
 তাহে সর্বনাশ যদি একাদশী কহে।।
 পান বিনা প্রাণ যায় মুখের অসুখে।
 সধবার সুখ দেখি সেল ফোটে বুক।।
 পতি কোলে শুয়ে সুখে নিদ্রা যায় তারা।
 অভাগিনীগণ তারা গুণে হয় সারা।।
 ইচ্ছামত বাসভূষা সধবারা পরে।
 বিধবার বেশ দেখে দ্বেষ করি মরে।।
 যৌবন জ্বালায় সদা তনু জ্বর জ্বর।
 যতনে জীবন রাখা অধিক দুষ্কর।।
 আপনার বুক দেখে দুঃখে ফাটে বুক।
 কিসে সুখ হবে বলি করি বুক বুক।।
 ভাবি লুকি চুরি করি জুড়াই জীবন।
 কায়ে বাজ পড়ে যদি জানে কোন জন।।
 জঠর কঠোর শত্রুপনা করে পাছে।
 অধিকন্তু মনে মনে এই ভয় আছে।।
 বিধি বিধবার দেখি এসব দুঃগতি।
 বুঝি বিবাহের বিধি গড়েছে সম্প্রতি।।
 দেখ বাকি ফুটিয়াছে পরিণয় ফুল।
 নহিলে ঈশ্বর কেন হবে অনুকূল।।
 ধীরা বলে ওলো হিরা কি ভেবেছ চিতে।

হবে না বিবাহ দেশে পণ্ডিত থাকিতে।।
 ব্রাহ্মণ পণ্ডিতগুলো হয়েছে বালাই।
 তারা বলে বিধবার বিয়া শাস্ত্রে নাই।।
 হয় নয় কেবা জানে লোকমুখে শুনি।
 বিধবার বিয়া লেখে পরাশর মুনি।।
 সে মুনির মনঃ ভাল জানি রীতি তার।
 কৈবর্ত-কন্যারে যেই করেছে উদ্ধার।।
 বশিষ্ঠের পুত্র সেই বেশ্যা মাতা তার।
 সে কেন কবে না বিয়া দিতে বিধবার।।
 ইহার তনয় ব্যাস সেও ভাল হয়।
 ভাতৃবধুসঙ্গে যার আছিল প্রণয়।।
 বিধবাবিবাহ সেকি নিষেধিতে পারে।
 তবে কেন ভণ্ডগুলো মিছা মাথা নাড়ে।।
 গুণনিধি কহে কেন ভাব রামাগণ।
 বাঞ্ছাসিদ্ধি হবে কিছু কর বিলম্বন।।

সমাপ্ত।

■

কুবির প্রভৃতি দিক্‌পাল সকল আসিরাছেন, 'কেবল ঘনরাজ আসিতে বাকী ছিলেন, তাই শম্মা উপস্থিত'। এই সবায় কন্যেরস্ত্রি কুলভিলক দাতা ভোক্তা বদান্য রান্না ধন্য গণ্য সৌজন্য (মনে মনে) "পণ্যের বিষয়টিও কন্যে গুঞ্জন করিয়া মঞ্চে মঞ্চে বস্ত্র গুণ নওয়া হইয়াছে, তায় কর্তর নেই" শা-গুণ্ডিয়া শিরোমুণি শ্রীলজীমান্ শ্রীযুক্ত রাম কঙ্কর বান্দ্যঘটীর মহাশয় মহোদয় মহাশ্রুত মহাপ্রতাপ মহাপ্রতাপচন্দ্র রায় বাহাদুর কুলীন কেশর, আপনার উপযুক্ত পাত্রে রূপস্বণে অধ্বিতীয়া শ্রীযুতা শ্রীমতী শ্রীলা কন্যা সম্প্রদান করিবেন। আজ আর আনন্দের পরিসীমা কি। যেন, বল্লাল ঠাকুর নিজেই আসিয়া মট্‌কার বসিয়া দেখিতেছেন। অহে কুল দেপক! কুল বাগীশ! কুললঙ্কার ভট্টাচার্য! তোমরা কুল সংকীন্তন আরম্ভ কর।

উপস্থিত } হাঁ মহাশয় 'আমতে আজ্ঞা হয়, এই যে
ঘটকগণ } কেবল আপনকার অপেক্ষা ছিল। (ঘটক স্বরে
কুলচিপাঠ)

"অস্বিদগ্ধাচ যে জীবৎ, যে চ দগ্ধো কুলান্তধে।"

প্রতিকান্ত। (উহাদিগের বচন পাঠ শেষ না হইতে হইতেই দগ্ধে)
বিলক্ষণ! তোমরা সব ভুলিয়া গিয়াছ হে, ওটা এ বিবাহের
কারিকে নয়, পুনর্বিবাহের; এই আমার সঙ্গে এ বিবাহের
কারিকে বল। (ঘটক স্বরে)।

"শমানানল দগ্ধাহি পরিত্যক্তোহি বাহুবঃ।"

সপত্নী নাটক
তারকচন্দ্র চূড়ামণি

কলিকাতা, ১৮৫৮

নাটকে উল্লিখিত রয়েছে এটি নাটকের প্রথম ভাগ;
কিন্তু দ্বিতীয় ভাগ কখনই প্রকাশিত হয়নি।

প্রথম অঙ্ক

নান্দী

ত্রিপদী।

জয় জয় দয়াময়!, বিশ্বময় দৃশ্য নয়,
কে বর্জিবে তোমার স্বরূপ।
নমঃ প্রভু জগদীশ!, তুমি সুধা তুমি বিষ,
বেদে বলে তোমারে অনুপ।।
তত্ত্ব চিন্তা পরতত্ত্ব, করে কত ষড়যন্ত্র,
মন্ত্রণা যন্ত্রণা পায় ভাবি।
ব্যস্ত হয়ে দরশন, করে সূক্ষ্ম দরশন,
তথাপি ও ভাবে নয় ভাবী।।
ন্যায় পাগলের ন্যায়, কত করে ন্যায়ান্যায়,
সাংখ্য করে অসংখ্য সঙ্কান।
যিনি পুণ্য পাতঞ্জলী, হইলেন কৃতাঞ্জলি,
তবু তব না পায় সঙ্কান।।
মীমাংসা যে কিছু কয়, তাহাতো মীমাংসা নয়,
বৈশেষিক না জানে বিশেষ।
তবে আর কার ঠাই, বল তব তত্ত্ব পাই,
সস্তা মাত্র মানি অবশেষ।।
ব্রহ্মা চতুর্মুখ হ্যো, তোমার মহিমা কহ্যো,
না পারিলা করিবারে শেষ।

কি কব সুখাল্যে জীব, এই ভারি সদাশিব,
লইলেন পাগলের বেশ।।
অনন্ত না অন্ত পেয়ে, পাতালে পলান খেয়ে,
মাথায় করিয়া বিশ্বপুর।
বলেন“অন্ত্যাত শিব, এই বিশ্ব দেখ জীব,
তাঁহার মহিমা কত দূর”।।
আমরা কি করি খেদ, বেদ নাহি জানে ভেদ,
পুরাণেতে ফুরাণ না যায়।
তাই বলি দয়াময়!, দীনে যদি দয়া হয়,
তবে তরি এ ঘোর মায়ায়।।
তান্ লয়-রাগ ভূমি, নটের নাগর তুমি,
পুরাও ডাগর আশা ডোর।
হর হর বিঘ্ন হর, ওহে প্রভু স্মরহর!,
আসরে বাসর কর ভোর।।

॥ সূত্রধার ॥

নান্দীপাঠ সমাপন হইলে সূত্রধার বলিল,“অতি প্রসঙ্গে প্রয়োজন নাই,
তাহাতে নাট্যরস বিরস হয়”।
(সভার চারিদিকে দৃষ্টিপাত করিতে করিতে)
হাঁ সভাস্থগণের অন্তঃকরণাকর্ষণ হইয়াছে।।
(“হাঃ হাঃ হাঃ”দীর্ঘ হাস্য-করিয়া) না হইবে কেন?।

পয়ার।

ধৈর্য্য চন্দ্র, সুকবি কেশরী যার নাম।
রসের বাসের স্থান যাঁর চিত্ত ধাম।।
করিলেন অনুমতি সেই গুণাকর।
রচিলেন সভাসদ সুকবি প্রবর।।
সপত্নীর বিবরণ অতি মনোহর।
সভাস্থ রসিক সবে সুবিদ্যা সাগর।।
আমরা নিতান্ত নই নটের অধম।
কেন না সফল হবে এ সকল শ্রম?।।
যাই, এক্ষণে গৃহিণীকে ডাকিয়া নাট্য আরম্ভ করি।
(নেপথ্যের দিকে দৃষ্টিপাত করিয়া)
প্রিয়ে! যথোপযুক্ত সজ্জা সমাপন করিয়া ত্বরায় আইস।

(নটীর প্রবেশ)

নটী। আর্য্যপুত্র! এই এল্যোম, বলুন কি কর্বে।

সূত্র। (হাস্য বদনে)। প্রিয়ে, এসো এসো, অহহ! কি আশ্চর্য্য শোভা হইয়াছে, প্রিয়তমে! ঐ দেখ দেখ “তোমার অপূর্ব্ব সজ্জা দেখিয়া সৌদামিনী লজ্জায় তাড়াতাড়ী মেঘাশ্বরে সর্ব্বাঙ্গ ঢাকিতেছে, মলয়াচল, মন্দ মন্দ গন্ধ বহু দ্বারা তোমার অঙ্গ সৌগন্ধের নিমিত্ত পবিত্র চন্দন গন্ধ উপহার দিতেছে।” অহহ! কি চমৎকার বেশ!। প্রণয়িণি! আজি আমরা এই যে সভায় আসিয়াছি, এ সভা সামান্য সভা নহে, মহাসভা। শুনিয়াছ “সত্যতা নদীর পরপারবর্ত্তী সুখময় নগরে সারল্য দেশের শিরোভূষণ স্বরূপ মহারাজ ধৈর্য্য চন্দ্র বসতি করেন”। তিনিই এই মহাসভার অধিকারী, এ তাঁহারি নাট্যালয়।

নটী। (বিস্মিতা হইয়া)। হাঁ হাঁ সেই সেই। যাঁহাকে আমাদের ইঙ্গরেজ রাজারা বড় মান্য করেন? আমাদের দেশের কৃতবিদ্য যুবকেরা যাঁহার নাম শুনিলে এককালে পুলকিত হন, (কর্ণপাত করিয়া কৌতূহলে) তারপর? তারপর?

সূত্র। ঐ দেখ “তারকাবলী বিরাজিত পূর্ণশশধর সদৃশ শ্রীল শ্রীযুত অধিরাজ পশ্চিম মণ্ডলী বিরাজিত হইয়া বিরাজ করিতেছেন।

নটী। (রাজদর্শনে আহ্লাদিতা হইয়া, প্রসন্ন বদনে)।

পয়ার।

হায় রে সারল্য দেশ কি সুখের দেশ!
 দেখি নাই শুনি নাই এমন সুদেশ।।
 সুখময় সুখময় নগর প্রধান।
 হেরিলে হরিষ চিত্ত জুড়ায় পরাণ।।
 সত্যতা সুখের নদী নিশ্চলতা বারি।
 স্পর্শে পুলকিত অঙ্গ, যাই বলিহারি।।
 তাহাতে সুধৈর্য্যশীল ধৈর্য্য মহারাজ।
 দেবরাজ জিনি যিনি করেন বিরাজ।।
 বামদিকে পাটরাণী বসিয়া সুমতি।
 ইন্দ্রের ইন্দ্রাণী জিনি যাঁর দেহ জ্যোতিঃ।।
 ইচ্ছা হয় কিঙ্করী হইয়া করি সেবা।
 যায় যাবে জাতিকুল যা বলুক যেরা।।
 স্বামি, কর কিঙ্কর হইয়া পদ সার।
 পোড়া ভারতের মুখ না হেরিব আর।।
 কি কায কি লাজ আর কিবা লোক ভয়।

মরুক সে দেশ হোক এদেশের জয়॥
 এদেশের প্রতি ঘেঁষ ঘেঁষ করি তুমি।
 বাস করি নাশ কর ভারতের ভূমি?॥
 সরলেতে! সরলতা করিয়া প্রকাশ।
 করিতেছ এদেশেতে বারোমাস বাস?॥
 হিংসে! কেন এ দেশেতে এত হিংসা তোর?।
 কেবল করিলি বঙ্গে এ বয়স ভোর?॥
 মাৎসর্য্য! মাৎসর্য্য তোর ভারতের প্রতি?।
 এই হেতু করিলি না সারল্যে বসতি?॥
 তোদের না দেখি হেথা, রাজ্য পূণ সতে।
 মদ! তোর মত্ত ভাব কেবল ভারতে?॥
 দূর হোক সে সব কথায় কায নাই।
 পেয়েছি সুখের দেশ ছাড়া ছাড়ী নাই॥
 এদেশ ছাড়িয়া আর নাহি যাব দেশে।
 এদেশে করিব বাস ভিখারীর বেশে॥
 এদেশে বিজ্ঞান বল মনোহর অতি।
 নাহয়, তথায় গিয়া করিব বসতি॥
 পল্ললে কি জল নাই গাছে নাই পাতা?।
 বাছ বন্দী উপধানে থাকে না কি মাতা?॥
 বাস করি গিরি গুহা হব ফল ভুক্।
 কাননে কি নাহি হয় আননের সুখ?॥

আর্য্যপুত্র! তারপর? তারপর?।

সুত্র। মহোদয়ের সভাসদগণ সকলেই স্ব স্ব স্বামীর অনুমত তাঁহার সভাসদ
 কবিপ্রবর প্রণীত সপত্নী নাটক যাত্রা দেখিতে উৎসুক! অতএব তুমি দ্বারায়
 সভাকে সন্তুষ্টা করিতে যত্নবতী হও। আর, সংপ্রতি সুখময় বসন্ত সময়
 সমাগত। অতএব ইহারা তোমার মুখে একটী বসন্ত সংকীৰ্ত্তন শুনিতে বাসনা
 করেন। তুমি বসন্ত বিষয়ে একটু আলাপ কর।

নটী। যে আজ্ঞা আর্য্যপুত্র॥

ত্রিপদী।

কালের প্রধান কাল, আসিয়া বসন্ত কাল,
 ধরাপাল হইল ধরায়।
 স্বভাবের ভাব যত, হয়ো তারা অনুগত,
 অবিরত রাজগুণ গায়॥

কোকীল নকীব বেশে, চরিয়া গগণ দেশে,
 দেশে দেশে করিছে প্রচার।
 এই সমাগরা ধরা, হলো এবে সুখভরা,
 বসন্ত রাজার অধিকার।।
 আর কারে করি ভয়, অরি চয় পরাজয়,
 সুখময় ভরতের দেশ।
 ছিল সিম ভীম বেশী, শিশির তাহার দ্বেষী,
 ধরাধরে করিছে প্রবেশ।।
 দল দল ছিল বল, কার বলে করে বল,
 হত বল করে পলায়ন।
 বিপক্ষ পাইলে জুয়া, ভূপাল হইলে ভূয়া,
 সেনাগণ কোথা করে রণ?।।
 দিনকর মহাতেজা, দেখিয়া নূতন রাজা,
 করেন দ্বিগুণ কর দান।
 সুবংশ সম্ভব যারা, অভিমানী বড় তারা,
 প্রাণের সমান দেখে মান।।
 কৃতান্ত বৃত্তান্ত শুনি, চিন্তারে অন্তরে গুনি,
 লভিতে রাজার পুরস্কার।
 হয়ো তাঁর আজ্ঞাবহ, গন্ধ বহ গন্ধ বহ,
 অহরহ দেয় উপহার।।
 কি আর বর্জিব শেষ, সুখময় হলো দেশ,
 অদ্বৈত হইল দেশময়।
 করে সবে কুতূহল, তাজি হিংসা হলাহল,
 দুঃখ দল হৈল পরাজয়।।
 আপনি আনন্দ আসি, নাশিল ক্রোধের রাশি,
 হাসি হাসি ভ্রমে দিগ্ দশ।
 কি ভাব হইল ভবে, পশু পক্ষী আদি যবে,
 হইল রাজার আজ্ঞাবশ।।
 কেহ নাচে কেহ গায়, পাঁছ নাহি ফিরো চায়,
 আগু ধায় সুধাইতে বাণী।

(নটীর বসন্ত সংকীর্তন সমাপন না হইতে হইতেই)

সূত্র। প্রিয়ে! সাধু সাধু, অতি উত্তম সংগীত করিয়াছ! প্রিয়তমে! আহা! ঐদেখ
 দেখ, তোমার বিধুবদন বিগলিত সংগীতসুধা গ্রহণ করিয়া সভাস্থগণ সকলেই

পুলকিত হইতেছেন, তাবতেই নিস্তব্ধ, চিত্র পুতুলিকার ন্যায় বসিয়া আছেন।
যাহা হউক, প্রণয়িণি! চল চল, এক্ষণে আমরা বিদায় হই, ঐ দেখ,
কুশীলবেরা কাদস্থিনী, নিতস্থিনী ও চঞ্চলার বেশ ধারণ করিয়া আসিতেছে।

উভয়ের প্রস্থান।

(জয় শঙ্কর বন্দ্যোপাধ্যায়ের অন্তঃপুর) (১)

(কাদস্থিনী, নিতস্থিনী ও চঞ্চলার প্রবেশ) (২)

চঞ্চলা। (এক ঘোড়া তাস হাতে করিয়া, হাস্য বদনে)। কোথা লো বড় বৌ?
আজ্জ বড় যে তোকে আর দেখতে পাই না? হোক না ভাই, আর কার্ কি
কেউ কখন চাকরী করো বাড়ী আসে না? তা হলোই কি এত ঘুমুতে হয়
লা? মিটে পেলোই কি আঁটি শুদ্ধ গিলতে হয়? সম্বো হলো যে, তবে আজ্জ
আর কখন খেলবি?

কাদস্থিনী। (সবিস্ময়ে)। সে কি লো! ওমা কোথা যাব মা! দেখ্যে দেখ্যে যে
আর বাঁচিনে! বৌ মানুষ, দিনের বেলা এত ঘুম কি লো! তায় আবার দাদা
কাল বাড়ী এসেছেন! কেমন মেয়ে লা! ওমা নোকে শুন্লে বলবে কি লা!
কি বলে, নেস্ঠকে চেয়ে নেস্ঠকে যে দেখে তার বেশী নজ্জা, এ যে তোর
তাই হলো লো।

নিতস্থিনী। (হাসিতে হাসিতে)। রোস্ ভাই! রোস্, শুধু শুধু ফিরো যাওয়া হবে
না বোন। আয় আমরা সকলেই গিয়া ওর ঘরের ভিতর গোলমাল করি, বৌ
ঘুম ভেস্বে উঠে আমাদের দেখ্যে জড়সড় হয় কিনা? মনের কথা বলতে
কি ভাই। আজ খেলা হোক বা না হোক, ভূধর দাদা কি এন্যে বৌকে
দেয়েছে, তা কিন্তু সকল দেখতে হবে বোন।

চঞ্চলা }
কাদস্থিনী } একত্র। (গৃহদ্বারের নিকটে গিয়া গৃহমধ্যে
নিতস্থিনী } দৃষ্টি বিনিবেশিত করিয়াই বিস্ময়ে।)

ওমা ঐ যে দাদা রয়েছে লো ! কথা কচে নয়?। (জিব কাটিয়া হাসিতে
হাসিতে নিঃশব্দ পদসঞ্চারে তাড়াতাড়ী গবাক্ষ নিকটে প্রস্থান।)

(শয়নাগার)

(ভূধর ও সৌদামিনির প্রবেশ)। (৩)

ভূধর। (সৌদামিনির হস্ত ধারণ পূর্বক বাষ্প কণ্ঠে)। থিয়ে! উঠ উঠ, শাস্ত হও,
রোদন সম্বরণ কর, আমার হৃদয় বিদীর্ণ হইয়া যাইতেছে, আমি আর তোমার

(১) বংশজ ভ্রামণ।

(২) প্রতি বাসিনী কুলীন কন্যাগণ, সধবা, কাদস্থিনী জ্যোষ্ঠা, নিতস্থিনী মধ্যমা, চঞ্চলা কনিষ্ঠা, তিন
সহোদরা, নিয়ত পিতৃকুল বাসিনী।

(৩) জয়শঙ্কর বন্দ্যোপাধ্যায়ের জ্যেষ্ঠপুত্র ও জ্যেষ্ঠপুত্রের প্রথমা স্ত্রী।

এ দুঃখ দেখিতে পারি না, শিরীষ কুসুমাপেক্ষা, তোমার কোমল কলেবর ধূলিশয্যায় কি এ কষ্ট সহিতে পারে? চল চল, শয্যায় চল, বল বল কি কারণ এত রোদন করিতেছ? —কি কারণ ধরা শয়ন অবলম্বন করিয়াছ?। প্রিয়তমে! তুমি তিলার্দ্ধ আমাকে বিরস বদন দেখিলে এককালে দশদিক শূন্য দেখ, আহার নিদ্রা পরিত্যাগ কর, কিন্তু এখন আমি তোমার রোদন দেখিয়া এত ব্যাকুল হইয়াছি, চক্ষের জলে বক্ষঃপর্য্যন্ত ভাসিয়া যাইতেছে, অন্তঃকরণ অস্থির হইয়াছে, তথাপি তুমি কথা কহিতেছ না কেন? হে অভিমানিনি! কে তোমাকে কি বলিয়াছে? কে তোমায় কি অবমাননা করিয়াছে? কি জন্যই বা তোমার এ অভিমান জন্মিয়াছে? বল তো শুনি। হে মৃদুভাষিণি! এই মাত্র প্রাত! কালে যখন আমি শয্যা হইতে উঠিয়া বাহিরে যাই, তুমি হাস্য পরিপূর্ণ বদনে প্রণয় বচনে বলিলে, “নাথ! অনেক দিনের পর তোমার চরণ সরোজ সন্দর্শন করিয়া আমার চিত্তভ্রমর চরিতার্থ হইয়াছে, আর তোমাকে তিলার্দ্ধ চক্ষের আড়াল করিতে ইচ্ছা হয় না, প্রনয়িণি! আমিও তোমার মত অর্ধৈর্য্য ও বিহুল হইয়াছি, এই মাত্র বাহিরে বসিয়া অনেক দিনের পর প্রিয় বন্ধু বান্ধবগণে বেষ্টিত হইয়া, কত নূতন নূতন প্রস্তাব লইয়া, আমোদ প্রমোদ করিতেছিলাম, হঠাৎ যেমন তুমি আমার স্মৃতিরূপ সিংহাসনে অধ্যাসীনা হইলে, অমনি আমি সে সকল কৌতূহল পরিত্যাগ পূর্বক অন্য কোন কার্য্যচ্ছলে তোমার বদনসুধাকর সন্দর্শন করিতে আসিলাম।

হে জীবিতেশ্বর! কোথায় তোমার অধর সুধা পান করিয়া দুর্দাস্ত প্রদ্যুম্নের বিষাক্ত বিষম শরজ্বালা পরিহার করিব, কোথায় তোমার শারদীয় জ্যোৎস্নালোকে বিশ্ব সংসার এককালে সুপ্রসন্ন হেরিব, কোথায় তোমার বসন্ত কোকিলালাপ বিনির্জিত মৃদুমধুর বয়ন পরম্পরায় পরিতৃপ্ত হইতে থাকিব, না, ততোধিক কষ্ট পাইতে লাগিলাম? হয় হয়! কি করি; এখন কিসে তোমাকে সান্ত্বনা করি? বলতো।

হে প্রণয় প্রিয়ে! এই দেখ, প্রজন্মিত হৃতাশন শিখাবলী সদৃশ, প্রদীপ্ত বিষধরের দশন বিগলিত বিষবিন্দুর ন্যায়, তোমার বাষ্পবিন্দু আমার শরীর দক্ষ করিতেছে।

(কোলে লইয়া শয্যার এক পার্শ্বে বসাইয়া)

হে মিতভাষিনী? বল বল, কেন এ বিষম বিষ দহন হুঁলিয়াছে?। এ সময়ে এখানে আর আমার অধিকক্ষণ বিলম্ব করা ভাল দেখায় না, বন্ধু বান্ধবেরা লজ্জা দিবেন, গুরুজনের নিকট নিন্দিত হইব, মাতা, ভগিনী প্রভৃতি গুরুজন ও গৃহজনেরা চারিদিকে রহিয়াছেন। (ক্ষণকাল স্থিরভাবে দণ্ডায়মান থাকিয়া)। ঐ বুঝি, প্রিয় বয়স্যেরা রহস্য করিতেছেন, শীঘ্র গিয়া প্রিয় সম্ভাষণ

করি, কিন্তু থিয়ে! তোমার আঙ্গা না হইলে যাইতে পারি না, বল বল, আর যাতনা দিও না।

নিভস্বিনী। (গবাক্ষ ব্যবধানে দাঁড়াইয়া কানে কানে)। দিদি, দেখলি ভাই! দেখলি? কেমন ভাতার দেখলি? আহা! স্বামী কেমন সামগ্গিরী দেখে দেখি বোন! এমন না হলে কি ঘরকন্না করে সুখ জন্মে, না, ভাতার বল্যে সাধ মেটে? আহা! হাই তুললে হাত পাতে লা? পোড়া কপাল, ভাতার বল্যে কি একদিন চক্ষেও দেখতে পেলুম না! যে খেদ মিটাব? আজন্ম কালটা কেবল বাপের বাড়ী দাসীপানা কণ্ঠে কণ্ঠেই মারা গেলোম! তাই বলি, বলি বোন! যার পূর্ব জন্মে তপস্যে ভাল হয়, সে না হল্যে কি এমন মনের মতন স্বামী পায়?। দিদি! আর বলবো কি? অমনি গুমুর্যে গুমুর্যে মর্যে যাচ্ছি। জানিস্তো ভাই! সব্বাইকেরি তো এই এক দশা। পোড়া বল্লম, মর, কি বলে গা, বল্লম, না, দূর হোক, (ক্ষণেক চিন্তা করিয়া) না ভাই! নামটা ভাল মনে হচ্ছেনা, ঐ যে পুরুষগুলো কি বলে, কি একটা সেন পুৰ্যে বাঙাল খলীধরা মর! সে আবার রাজা হয়েছিল ঐ বোদিটা না, মরবে, আমাদের না এ যজ্ঞা হবে, বলবো কি বোন! যেন টাড় বকনের মতন ঘুর্যে ঘুর্যে মরে গেলোম! মেয়ে মানুষের প্রাণে কি এত সয় গা;।

মর, তখনকার পরমেশ্বরও কি এত কানা ছিল লা! যে এমন সোণার ইঙ্গরেজরা থাকতে কোথাকার অমনটাকে আহা! এত বড় এক দেশের রাজা করে দেছিল। মর, বলতে নজ্জা পায়। যাব কোথা মা! পোড়া রাজারও কি কখন এমন হুকুম বের হয় গা! যে একটা পুরুষের পঞ্চাশটা, ষাটটা, একশটা মাগ, আর কেউ কোদ্রী আর আপনি, লোটা আর সোটা নিয়ে ঘুর্যে ঘুর্যে মরুক! এমন পোড়া রাজার মাথায় বজ্রাঘাত পড়ুক, মর, হাসিও পায় দুঃখও ধরে।

বাবাকে আর বলবো কি; একটা পরমাম্ভচাটা নেশাখোর বায়ান্দুরের হাতে পড়্যে জন্ম কালটা মিথ্যা নষ্ট কল্লোম বোন! ইহকাল পরকাল দুটো কালই খোয়ালেম যার নক্ষীত্রী না থাকে, সে কি কখন স্ত্রী কেমন সামগ্গিরী তা চিন্ত্যে পারে?। আহা দেখলি নে ভাই! দাদার মুখখানী এককালে যেন তুলসী পাতা হয়ে গেলো লা, যেন হেদীয়ে পড়্যে গেলেন।

চঞ্চলা। (হাসিতে হাসিতে) দিদি! শুনলি, নিতু যেন এককালে খেপ্যে উঠলো মা, ওর আগুন জ্বল্যে উঠোছে, ও আর থাকতে পারে না, ওমা! চেনা দায়! নিতুতো সামান্যী মেয়ে নয়! এখনি কি বলতে কি বলে, না জানি, আবার কবে কি কণ্ঠে কি করে বসে দেখে ভাই!।

ছি ছি! ওমা! যাব কোথা মা! কি পোড়া? আ মর! ও ছুঁড়ি! ওলো! ও

যে দাদা হয় লো! ও কি বলিস! দিনে কেন সিঁধ, না, খেচুকা ভারী, এ যে তুই তাই কল্পি লা!!

নিতম্বিনী। (কিঞ্চিৎ রাগোন্মুখী হইয়া)। যা ভাই? তোদের মেনে কেমন রোগ, কেবল ছল ধঙেই শিক্যেছিস্, তোদের জ্বালায় যে কথা কওয়াই দায় হলো! আমি কি বলুম, তা হোক না দাদা, কথা বলতেও কি এত দোষ! তোরা বড় মুখড় মেয়ে ভাই যাঃ!!

কাদম্বিনী। (সক্রোধে, আস্তে আস্তে)। আঃ, চুপ কর না, শুভে দেনা লা!

ছুঁড়ীগুলো যেন এককালে মেতে উঠেছে।

সৌদামিনী। (অল্প ঘোমটা টানিয়া, সজল নয়নে)। কি বলবো ভাই! বলবার কি আর কথা রেখেছ, সব ফুরিয়ে গেছে, তা এখন মৈলেই বাঁচি, আর কি বাঁচতে সাধ আছে? এ অভাগীর আর কে আছে ভাই! তা কাকে কি বলবো বল? পূর্বজন্মে যেমন তপস্যা করে এসেছি তাই ভুগ্গে হবে, বিধাতার কলমপোড়া কপালে তিনি যা আঁচড়ে রেখেছেন, তা কি কেউ নয় কষ্টে পারবে, ভাই। তা বলবো কি হাতের পোছ, পায়ের পোছ, কপালের তো পুছবার নয়! তা তোমার কি দোষ দিব বল? (দীর্ঘ নিশ্বাস পরিত্যাগপূর্বক মনে)। হা জগদীশ্বর! হা বিশ্বনাথ! হা দয়াময়! হা করুণানিধান? তোমার মনে কি এই ছেলো!!

অভিপ্রায়।

চৌপদী।

পৃথিবীর সুখ, আমাতে বিমুখ, কহিতে সে দুঃখ,
শোকানলে জ্বলে বুক।

বিষধর ধরি, বিষপান করি, আহা! মরি মরি,
হইয়া রয়েছি মুক।।

সুখার আশয়, মথে সুখাশয়, দেবাসুর চয়,
লয়ে মথনী গিরীশ।

কারু ভাগ্যে সুখা, নিবারিল ক্ষুধা, জিনিল বসুধা,
কাহারো কপালে বিষ।।

ছিল আশা মনে, ধনী হব ধনে, প্রিয় পতি সনে,
সুখে রব দিবারাতি।

ঘুটিল সে সব, হইলাম শব, রটিল কুরব,
জ্বলিল বিষের বাতি।।

(এই ভাবিয়া অধোবদনে রোদন।)

ভূধর। (ব্যস্ত সমস্ত হইয়া থুতি ধরিয়া।)

কেন? কেন? কি হয়েছে? কি হয়েছে? হর বুঝি ঝকড়া করেছে? মা কি কিছু বক্যেছেন? বল না? বল না? সব ভেঙ্গে বল না? যাদু শুনি? ছিঃ! অমন করিয়া কি কান্দিতে আছে?

সৌদামিনী। (দ্বিগুণ অভিমানিনী হইয়া, একটু ঘোমটা টানিয়া, রোদন করিতে করিতে) কাঁদবো কিসে ভাই! আমার কে আছে, তা কার কাছে কাঁদবো। ঝকড়া কেন হবে! যেমন তপস্যা করো এসেছি, ঝকড়া কল্পে আর কি হবে বল? কার ভালতেও থাকিনে, কার মন্দতেও থাকিনে, তা ঝকড়া হবো, পরমেশ্বর যেমন রেখেছেন, তেমনি আছি, কার জন্যে ঝকড়া করবো বল, ঝকড়ার সে সব ফুরিয়ে গেছে, বিধাতা সৈতে করোছেন, সচ্ছি, তা আর বলবো কি, মেয়ে জাত ছাড় জাত, দশ হাত কাপড়েও নেঙ্গটো, বুদ্ধি শুদ্ধি মিথ্যে, তা থেকেও নেই, শুন্যে অন্ধি অমনি প্রাণটা যেন ধড় পড় করো উঠতেছে, আর চুপ্ করো থাকতে পান্নুম না, তাই বসো কাঁদেছিলুম। তাই বলি, বলি হে বিধাতা! তোমার মনে কি এই ছেলো।

পোড়াকপাল। কে আছে ভাই! কোথা যাব, কাকে বলবো, বড়মানুষের ঘরে জন্মেছিলুম বটে, বাপ বড়মানুষ, একজন মান্যগণ্য নোক ছিলেন, তা মিথ্যা নয় কিন্তু আমার নিতান্ত পোড়া কপাল! পরমেশ্বর তাও সব কি রেখেছেন! মা নেই! বাপ নেই! তেমন একটা বোন নেই! যে সেখানেগো পাঁচ দিন জুড়িয়ে আসি। শতুরের মুখে ছাই দিতে ভাই বড় মানুষ ভাগ্যমন্ত নোক বটেন, তা কি অভাগী! সেখানেও সুখ আছে? এখনকার বৌয়েরা কি ভাই! ভাই রাখে?।

তোমরা পুরুষ মানুষ, নির্ভুর জাত, সব কণ্ঠে পার, আজ আমাকে ফাঁকী দিতে বসেছ, তা বোস, কিন্তু তোমার সঙ্গেতো আর আমার আজকার এক দিনের আলাপ নয়, সকলি জান, তিনি কি এ নাগাদ এক দিন একটা কাগের মুখেও তত্ত্ব করো পেঠোছেন? যে কথা থাকবে।।

ভূধর। কেন? কেন? এত হাড়ভাঙ্গা খেদ কেন? তুমি কার মুখে কি শুনোছ?

সৌদামিনী। শুনবো কি আর ছাই! যা শুনলুম, তা কি তুমি যান না? যার বো তার মনে নাই, পাড়া পড়সীর কাটনা কামাই, এও কি কখন হয়ে থাকে? তা আর কি বলবো? তুমি সুখে থাকলেই ভাল, তাই আমার সুখ। তবে মনটা কেমন কেমন করে, নিতান্তই প্রবোধ মানে না, তাই সকল দিক একবার একবার ভাবতে হয়, সবরকমই দেখতে হয়।

(একটা দীর্ঘ নিশ্বাস পরিত্যাগ পূর্বক অধোবদনে রোদন করিতে করিতে মনে মনে।)

হে বিধাতা! তোমার মনে কি এই ছিল! এই নিরাশ্রয় হতভাগিনীকে সংসার আশ্রমের সুখ সম্ভোগ হইতে এককালে বঞ্চিত করিলে? হায় হায়! পূর্ব জন্মে কতই দুষ্টতা করিয়াছিলাম, বলিতে পারি না, তাহাতেই এই যৎপরোনাস্তি মনস্তাপ পাইতে হইল। হে দয়াময়! এ অভাগিনীর প্রতি দয়া করিয়া তাহা কি মার্জ্জনা করিতে নাই! এমন কন্দর্পের মত পতিরত্ন দিয়াও পূর্ববার পথের ভিখারিণী করিলে। হায় হায়! যে শঙ্কট, দুর্দান্ত কালস্বরূপ বদন বিস্তার করিতেছে, দেখিলে হৃদয় বিদীর্ণ হইয়া যায়। হে বিশ্বনাথ! তোমার অপার মহিমা, বুঝিতে পারে, সাধ্য কার।

অভিপ্রায়।

পদ্য।

হইয়া সদয়, ওহে দয়াময়, হইলে নির্দয়,
 কেন বা এবে।
 অবলার গতি, দিয়া হেন পতি, করিলে দুর্গতি,
 মরিনু ভেবে।।
 পিতা মাতা ভাই, অন্য কেহ নাই, বল কোথা যাই,
 করুণাময়।
 শুনিতছি যত, হই জ্ঞান হত, সব, বল কত,
 দেহে না সয়।।
 ননদিনী কুড়ী, করি দুড়া দুড়ী, মারিতেছে তুড়ী,
 এখনি হেন।
 পরে ঠাকুরাণ, হইয়া বিগুণ, করিবেন খুন,
 বাচিব কেন?।।
 যত প্রতিবাসী, অনলের রাশি, সব সর্বনাশী,
 বসিবে মেলি।
 হাসিবে যখন, জীব কি তখন, বলিবে কেমন,
 ভাতার পেলি!।।
 হেন পড়া দেশে, রমণীর বেশে, জন্মেছিぬ এসে,
 মরিনু জ্বল্যে।
 হেন অবিচার, না হেরি রাজার, কোন দেশে আর,
 জুড়াই মল্যে।।
 এদেশের নরে, যত মনে ধরে, তত বিয়ো করে,

বারণ নাই।

ভাল বাসে যারে, তোষে শুধু তারে, অন্য বনিতারে,
বাসে বালাই।।

রমণীর বেলা, সকলের হেলা, নাহি সেই খেলা,
সবাই কাল।

মরিলেও পতি, তবু নাহি গতি, ভুগিবে দুর্গতি,
জীবন কাল।।

এমন আচার, বলিব কি ছার, কোন দেশে আর,
না শুনি কাণে।

বাঙ্গালির ঠাট, হের্যে হই কাঠ, নাটুয়ার নাট,
না সয় প্রাণে।।

ভূধর। (মনে মনে) কি আশ্চর্য্য! কি আশ্চর্য্য! শাস্ত্র কর্তারা যথার্থ আজ্ঞা করিয়াছেন “মন্ত্রণা ষট্‌কর্ণ হইলে আর তাহা কোন ক্রমেই গোপনে থাকে না।” আমার দ্বিতীয় দারপরিগ্রহের ব্যাপার ইতোমধ্যেই ইহার কর্ণগোচর হইয়াছে, সন্দেহ নাই। যাহা হউক, এক্ষণে রহস্যবাক্য দ্বারা ইহাকে এক রূপ সাস্তুনা করিয়া বাহিরে যাইতে পারিলেই বাঁচি। (“হাঃ হাঃ হাঃ” একটা হাস্য করিয়া, প্রকাশ)। ভাই! এক্ষণে বুঝিতে পারিলাম, তাই কেন ভেদ্যে বল না যাদু! বাবা আমার আর একটা বিবাহের নিমিত্ত উদ্যোগ করিতেছেন, তুমি বুঝি তাই শুনিয়া এত দুঃখ করিতেছ। (“হাঃ হাঃ হাঃ” হাসিয়া)।

হইবেই তো না হইবে কেন? তা না হইলে মেয়ে মানুষ দশ হাত কাপড়ে উলঙ্গ বলবে কেন? হারে পাগল! বাবা যেন সম্বন্ধই করিলেন, তিনি তো আর আমার হয়ে বিবাহ করিতে পারিবেন না, তা তো আমাকে করিতেই হইবে?। (“হাঃ হাঃ হাঃ” হাস্য করিয়া)। যাও, যাও, এখন গৃহস্থলীর কর্মকাম দেখ, অনেকক্ষণ বিলম্ব হইয়াছে, আমিও এখন বাহিরে চলিলাম।

(থুতি ধরিয়া হাসিতে হাসিতে)

পদ্য।

ছিছি ছিছি মিছামিছি ভেবো না রে, ভেবো না।

অকুল অসুখ নদে নেবো না রে, নেবো না।।

মিছাছলে ঘোলাজলে গেবো না রে, গেবো না।

বিফল বিবেক মীন চেবো না রে, চেবো না।।

বিচ্ছেদ কষ্টক বনে যেও না রে, যেও না।

শুনিয়া পরের কথা তেও না রে, তেও না।।

অভিমান সরোবরে নেও না রে, নেও না।
চটাচটী মাঠে এত খেও না রে, খেও না।।
নবীন প্রেমের ফল খেও না রে, খেও না।
বিরাগ বিষম তরি বেও না রে, বেও না।।
বিরস কুশলঃ গান গেও না রে, গেও না।
থেক্যে থেক্যে রান্না চোক্ষে চেও না রে, চেও না।।

(পুনর্ব্বার খুতি ধরিয়া, হাসিতে হাসিতে।)

যাই যাদু! তবে এখন বাহিরে যাই? আমার খেলানা শতরঞ্চ ঘোড়াটা কোথা? দেও তো, যাইয়া একটু খেলি।

(শতরঞ্চ লইয়া বাহিরে প্রস্থান)

(কাদম্বিনী, নিতম্বিনী ও চঞ্চলা গৃহ প্রবেশ করিতে করিতে)

চঞ্চলা। (হাসিতে হাসিতে)। কোথা লো বড় বৌ! কি কচ্ছিস?

নিতম্বিনী। (ঈষৎ হাস্য বদনে)। আজ্জ খেলবি না?

কাদম্বিনী। (হাসিতে হাসিতে)। ওর বুঝি কিছু অসুখ করোচ্ছে, তাই শুয়ো রয়োচ্ছে। (বলিতে বলিতে গৃহ প্রবেশ)

সৌদামিনী। (ব্যস্ত সমস্ত হইয়া)। এসো দিদি! এসো, এসো বোন! তাই মনে কণ্ঠেছিলুম বলি বের্যো না কার সাড়া পাচ্ছি। পোড়া কপাল ভাই! নিচ্চিন্দী হয়ে তাই কি দুদণ্ড ঘুমুতে পারি! ক দিন দেখি নাই তাই বোন! বিছানাটায় যেন এককালে একইটু ধুলো হয়ে রয়োছিল, তাই ভাই! ঝাড়তে ছিলুম।

চঞ্চলা। (হাসিতে হাসিতে)। এখন বেশ করে ধুলো ঝাড়া হয়েছে তো।

নিতম্বিনী। (হাস্যবদনে)। অনেক দিন দেখাশুনা না থাকলে কি আর ভাই! ও সকল পরিষ্কার থাকে? ও সব হলো তাক্ তম্বিতের সামগ্গিরী, তা না দেখলে এক ইঁটু হয়ে থাকবে বৈ আর কি।

কাদম্বিনী। হাঁলা বড় বৌ! আজ্জ বড় যে তোর মনটা অমন কেমন কেমন ভার ভার দেখ্ছি, একবারও হাসিস্ নে, ভাল করে কথা কোস্ নে, যেন আনমনা আনমনা হয়ে রয়োছিস্, শরীরে আর তেমন ফুর্টি নেই, তুই তো এমন মেয়ে নোস্লা! তোর কাছে বন্ধে, ভাল দেখায় না, আহা! তোকে দেখলে চক্ষের মহাপাতক পালায়, ভাবনা চিন্তা দূর হয়, পুত্র শোক পালিয়ে যায়, তা, বোন! আজ্জ বড় যে তোর কেমন রকম দেখ্ছি লা!। ওমা! চোখ দুটো যেন পাকা করঞ্জার মতন করোছিস্। ফুলো ফুলো হয়ে উঠোচ্ছে, আহা! তোর মুখের পানে তাকাবার যো নাই! কেন লা! কি হয়েছে বল্ দেখি? ঝকড়া করেছিস্ না কি?

চঞ্চলা। ও তো আর তোমাদের মতন নয়! যে ওর রেতোয় ঘুম কুলোবে না,

ও, সারারাত মড়ার মতন পড়ে কেবল ঘুমোই তো? কালই যেন দাদা বাড়ী এসেছেন, তা, হোক না! এমন করো কি বৌ মানুষ কে নজ্জা দিতে হয় গা! তোরা মেনে দুরন্ত মেয়ে ভাই!!

নিভাষিনী। (গালে হাত দিয়া সবিস্ময়ে।) ও মা! চলী বলে কি লো! আমরা আবার দুরন্ত মেয়ে হলাম কি করো লা! ওর ভাই! এই একটা বড় খোয় দেখছি, মিছেমিছি পরের কথা টেনে নিয়ে আপনার গায়ে মেথ্যে ঝগড়া করে, ও মা! আমরা কি কারও রাজ্জাগদে বারণ কল্পুম নাকি লো! যে তুই যা মুখে বেরুলো ছুঁ ছুঁ করো অতগুলো কথা বল্যে ফেলি, যেন হাউয়ের মতন আকাশমুখো হয়ে তন্তুরীয়ে এত রেগে উঠলি, ভুঞ্জে বাড়ী মাগে কি তেই গুণগার চমকুলো লা! তুই বড় আশুণ ঝাপা মেয়ে হয়েছিস!।

চঞ্চলা। (সক্রোধে, কাদাষিনীকে সম্বোধন করিয়া।) দিদি! দেখলি, শুনলি ভাই! দেখলি, নিতুর রকম দেখলি তো, ওর কাছে কথা বলাই বিষম দায়! ও, কথায় কথায় এককালে যেন ঢাল খাঁড়া ধর্যে উঠে, অমন আঁতে ছুরী মেরো কথা বলতে কি আর কেউ পারবে, আমার মুখটো যেন বাধু বাধু কণ্ঠেছে, কিন্তু না বললেও থাকতে পারিনে, নিতী বড় বেড়ো উঠেছে বোন! ওর আর সওয়া যায় না, হাঁলা! আমিই কি এত রাজ্জাগি! তোরা কেবল আমারি রাজ্জাগি রোগ দেখছিস! অক্রেপে অতগুলো কথা শুনিয়ো দিলি, মুখে এককালে যেন থৈ ফুটো উঠলো, একটুকুও কি আগচাগ, চক্ষু নজ্জা রাখতে নেই লা! রাগে সব বেরিয়ে পড়ে, কিন্তু ঘরের কথা বের কণ্ঠে গেলেই প্রাচি...।

কাদাষিনী। (চঞ্চলার ব... না হইতে হইতেই)। থাক থাক, আর কাঁদোলে কাষ নেই, আর মন্দান... হবে না, তোরাই মেনে সব বড় বুজ্জার মেয়ে হয়েছিস! বাজে আসি। আ-মর, ছুঁড়াওনা! হাদে রণে মাদলে কি আর জ্ঞান গোচর থাকে না লা! কি বলতে কি বলিস, কি কণ্ঠে কি করিস, তার কি আর আগাও দেখতে নেই গাছতলাও ভাবতে নেই। আ-মর, থুবড়ো হাতে চলি, ছেলে রাখলে —(স্বগত) মর! রাগে কি বলতে কি বল্যে ফেলি, চারি দিকে শব্দুর। (সৌদামিনীর মুখের প্রতি চাহিয়া চারিদিকে দৃষ্টিপাত করিয়া প্রকাশ)

ভাতারণ্যে ঘর কন্না কল্পে, আজকে ছেলে রাখতে জায়গা কুলতো না।

বাবাকে আর কি বোলবো, পোড়া কপাল্যে কটা মেয়ে, আহা! সব মেয়ে তো নয় যেন চাঁদের হাট, চেয়ে দেখলে শব্দুর ফেটো মরে, আপনা আপনি রূপের গৈরব কণ্ঠে নজ্জা হয় বোন! তবুও কথার অভ্যেসে বেরয়ে পড়লো, তা যা হোক, সবগুলোরি ঐ এক দশা করো রেখেছেন বৈ তো নয়, কারুই তো আর ভাসি রাখেন নেই। তোদেরি আর বা বলবো কি, একে বয়েস

কম, কাঁচা মেয়ে, তায় আবার বয়েসে তো কখন শ্বশুর বাড়ীর মুখ দেখতো হলো না, ভাতার কেমন সামিগ্গিরি তা তো জানলি না! যে ধীর হবি, জ্ঞান শেখবি, সব্দিক্ ভালো দেখাবে, ধম্ম কন্মে মন পড়বে। বাপের বাড়ী, দেন রাত তো বাছ নাই, সারা বেলা এ বাড়ী ও বাড়ী কর্যে বেড়াস, কেবল রঙ্গ নিয়ে থাকিস্ বৈ তো নয়?। সব হলো সম্পক্ক ভাল, পাড়ার সব পুরুষ গুনো, কেউ হলো দাদা, কেউ হলো ভাই, কেউ হলো জ্যেঠা, কেউ হলো খুড়ো, কেউ হলো ভগ্নীপোত, কেউ হলো ঠাকুরদাদা, কেউ হলো মকর বাপ, কেউ হলো পড়ো দাদা, আর কত বলবো, এই রকম হলো সঙ্কল, পাড়ার সঙ্কল ছোঁড়াগুনোও হলো এই রকম সম্পক্ক ভাল, কারু কাছে যেতে তো নজ্জা হয় না? কারু সঙ্গে কথা কইতেও তো সরম কন্তে হয় না? নোকে দেখলেও তো কলঙ্কের ভয় নেই? তা, কি করে জ্ঞান শিখবে বলো, সোমোস্ত মেয়ে, এত পুরুষ ঘেঁষা হলে তার আর কি আগ্ ঢাক থাকে, না, ভাসি় আছে।

আ-মর, ছুঁড়ীগুনোকে নিয়ে এত দিন দিবেনিশি যেন পাখী পড়ান কল্লোম, হাদে হতভাগীরা তবুও কি মানুষ হলো না গা!। মর, বলতে নজ্জা, একটুকুও কি ভাবতে নেই লা! কুলীনের হাতে পড়োছিস্, তাই আবার পোড়া কপাল! সেটা এক দশগুণ, আর, এক নটা, এখানে ওখানে কর্যে, এ দেশ ও দেশ নিয়ে, সব শুদ্ধ এতগুনো ব্যে কর্যে মর্যোছে, ওমা বলতে নজ্জা! মর, তাতেও আবার সেটার মদ আবার রাঁড়ের খরচ কুলয়নি বল্যে, ওমা! শেষকালে আবার একটা ডাকাতের দলে মিশে গিয়োছে, পোড়া কপাল মা! তাতেও আবার ধরা পড়ো আজন্মকালটা ঐ কি বলে? সরকারী শ্বশুর বাড়ীতে খেটো মন্তেছে, ভাতার কেমন সামিগ্গিরি তা কখন চোকে দেখতেও পেলি নে, ভদ্রনোকে ঘরের মেয়ে, বাড়ী থেকে থেকে বেরুলে কলঙ্ক, বাপের বাড়ী জন্মকালটা হলো পর নিয়ে বিষয়, পর নিয়ে কারবার, তাতে এত মুখ আলগা হল্যে কি কন্ম চলে লা! না, এত চটা, এত রাগাল হল্যে প্রাণে বাঁচবি? বুক ফাটে তু কি মুখ ফাটবে লা!।

তা বোন! ওদের যত বল, চোরা না শোনে ধম্মের কাহিনী, সকলি বালির বাঁধ। তুই চুপ্ কর্যে থাক্ ভাই। ওর কথায় কাণ দিস্ নে, ও, যা বলে বলুক, আমি ওকে আর বুজতে পারি নে বোন!। ও, ভাল বল্লে মন্দ বোঝে, খেতো বল্লে যেন মাতে খায়, কেমন রাগ করে, দেখিস্ দেখি বোন! মা শুনলে এখন ঋগ্বেদীয় কর্বেন, তিনি তো এমন হেজী পেঁজী গিন্নী নন, তা চুপ্ কর্যে থাক্বেন, যে যা কর সৈবেন। কি করবো বোন। তোমরা সব হলে সমান, কাকে কি বলবো বল, আমি আর পারি নে।

(কিষ্কিৎ রাগ হইয়া) হেঁ লা।

অভিপ্রায়।

পদ্য।

যত বলি, ধীর হ, তবু বোধ, হয় না?
 কারু কথা কারু গায়ে, ফোঙ্কা হয়, সম্ না?।।
 যাকে বল্যো, ভাল কর্যো, দিতে দিব, গয়না।
 সেজ্যো গুজ্যো, হইতেছ, শতমুখ, মম্ না?।।
 বাবা যাই, মানী নোক, নোকে কিছু, কম্ না।
 কোন দিকে, কোন কায়ে, কিছু তাই, বম্ না।।
 নোকে শুন্যে, কব্যে কিলো, মনে ভয়, হয় না;।
 হাল্‌কী হলে, কুলীনের, জাতিকুল, রম্ না।।

সৌদামিনী। (চক্ষুঃ মার্জনা করিতে করিতে, সবিবাদে।) আর ভাই! ওদের ওকথা মিছে বল, ওরা অজ্ঞান ওসব তো বুজ্বে না বোন! তা, ওদের বল্যো কেবল দুঃখবনে মুক্তো ছড়ান, অরণ্যে রোদন, মুখ নষ্ট করা হয় বৈ আর কিছু নয়? তা, ওদের মিছে বল, ওদের এ কাণদ্যে বল ও কাণদ্যে বেরয়্যে পড়ে, জ্ঞান হলে কি এত কর্যো বুজ্বে হয় বোন! ও সব যে ঝার আপনি বোঝে।

বাবাকেই বা আর বক্লে কি হবে বল, তিনি কি করবেন বোন! ও সব যে যার অদৃষ্টের নেখা, তা কি কেউ নম্ কণ্ঠে পারে? তা, তাঁকে মিছে বকা। এই বোজ দিগি বোন। তোমরা তো সব যেন কুলীনের ঘরে জন্মেছিলে, তায় আবার অমন রকম একটা বাউন্সুরে পোড়াকপাল্যো হাঁড়হাবাতোর হাতে পড়েছিলে ভাই! তাই দিবা-নিশি এত জ্বল্যে মচ্ছ, এত খেদ কচ্ছ, আমার বাবারা তো আর তেমন নন, আমাকে তো আর অমন রকম কুলীনে কণ্ঠে যান নি, কেবল ভাল ঘর আর ভাল বর দেখ্যে বংশজে কর্যেছিলেন, তা বোন! তবে আবার আমার কেন অমন রকম কপাল মন্দ হতে চল্লো, আমি আবার কেন তবে তোমাদের মতন ঐ বিষম পোড়ায় পুড়ে চল্লুম!।

তাই শুন্যে অন্ধি প্রাণটা যেন কেমন কেমন জ্বল্যে জ্বল্যে উঠতেছে, কিছু আর ভাল লাগতেছে না বোন! কি করবো বল; তাই বস্যে বস্যে কাঁদেছিলুম।

চঞ্চলা। (বিগ্নিতা হইয়া) সেকি লো! তোর আবার ও কি বলিস্! ভুধর দাদা আবার ব্যে করবেন নাকি লো! ওমা যাব কোথা মা! শুন্যে শুন্যে যে আর বাঁচিনে!।

নিতম্বিনী। (বিস্মিতা হইয়া) সে কি লো! তাই বুঝি তখন অত করো বাকড়া কস্তে ছিলি? ওমা! তবে যে তোর এখুনি মরা ভাল! জানিস্ নে বোন! সে পোড়া কি সামান্যী পোড়া। বিষম পোড়ার পোড়া! তা কি তুই সৈতে পারবি না! অমনি আত্মঘাতী হয়ে মরো যাবি। বেঁচেছি বোন! আজন্মকালটা বাপের বাড়ী যা ইচ্ছা করো কাটাচ্ছি, অমন ভাতার সুখে কায্ নেই দিদি; বেশ আছি, সতিন থেকেও নেই, সে জ্বালায় যে জ্বলতে হলো না বোন! তাই পরম ভাগ্নি। কাদম্বিনী। (সবিস্ময়ে)। সে কি লো বড় বৌ! সন্তি বল্ছিচ্ নাকি? তুইও কি আবার আমাদের মতন হলি নাকি লো! কেন বল্ দিগি? তোর ভাতারের তো ভাই আমাদের মতন অমন লাভের ব্যে নয়, নোকসানের ব্যে, তবে কেন বল্ দিগি এমন হলো? তোকে বুঝি মনে মনে ভূধর দাদা দেখতে পারেন না, তাই বুঝি মনের মতন আবার একটা ভাল দেখ্যে ব্যে করবেন, কল্কাতার চাকর্যে ভাতারের মেগেদের ভাই! এই একটা বড় বিষম পোড়া! পোড়া খানকীণুনো ভাই! সবার মন খারাপ কর্যে দেয়, হাজারও ভাল হও ভাল্ লাগে না, এটা ওটা চেয়ে বেড়াতে ইচ্ছা করে।

সৌদামিনী। (বিষম বদনে)। তা কেমন কর্যে জানবো বল বোন! শুন্তে পাচ্ছি নাকি কোথা সম্বন্ধ হচ্ছে, শীগ্গির কর্যে ব্যে করবেন। পোড়া পোড়া পড়সী বোন! সব্ নাকি এককালে ভেস্য়ে পড়্যেছে, শ্বশুর শাশুড়ী ননদ এরা তো সকল যো পেয়েছে বোন! তা নেচ্যে উটবে না কেন বল। আমাকে তো ওরা কেউ দুচক্ষে দেখতে পারে না, এককালে বিষ নয়নে দেখ্যেছে, বলে কি, বৌটা বড় দুরন্ত মেয়ে মা, কি ওষুধ কর্যে ফল্নাকে কি আর রেখেছে, এককালে সেয়ে দেখ্যে, তা বোন! আমি তো ও সব কিছু মনে জ্ঞানেও জানি নে, কে জানে দিদি! কাকে বলে ওষুধ, তা আবার কেমন কর্যে কস্তে হয়!!

(রমাকান্ত বিদ্যাবাগীশের অন্তঃপুর) (১)

হরমোহিনী। (২) (উচ্চৈঃস্বরে)। কোথা লো কাদম্বিনি! নিতম্বিনী। চঞ্চলা! তোরা সব কোথা গেলি .লো! কি কচ্ছিচ্? বাড়ী কি আস্তে হবে না? অমন কর্যে পাড়া বেড়ালে কি পেট ভরবে লা! সন্ধ্যা হলো যে! শীগ্গির আয়, শীগ্গির করে আয়!!

(জয়শঙ্কর বন্দ্যোপাধ্যায়ের অন্তঃপুর)

কাদম্বিনী। (ব্যস্ত সমস্ত হইয়া, সৌদামিনীর প্রতি)। যাই ভাই! আজ আসি বোন! কাল সকাল সকাল কর্যে আসবো তখন, এখন চল্লুম, মা আবার বেজার

(১) কুলীন ব্রাহ্মণ পণ্ডিত, নিকট প্রতিবাসী।

(২) রমাকান্ত বিদ্যাবাগীশের ভ্রী

হবে। আয় লো নিতু! আয় লো চলি! বাড়ী যাই আয়, সন্ধ্যা হলো।

(সকলের প্রস্থান।)

(রমাকান্ত বিদ্যাবাগীশের অন্তঃপুর।)

(কাদম্বিনী, নিতম্বিনী ও চঞ্চলার প্রবেশ।)

কাদম্বিনী। কেন গা মা! বড় যে এত তাড়াতাড়ী করে চেচীয়ে ডাঙেছিলি?
কেন মা!!

হরমোহিনী। ডাক্‌বো না গা! সারাদিন কি তোরা অমন রকম করে কেবল
খেলে খেলে বেড়াবি, আমি হলুম বুড়োমানুষ, সংসারের দুটো আলে
আশ্রে দেখলে হয় না কি গা!! ঐ তোর পড়ো দাদা এয়েছে, কি বলে
শোন্‌গে যা।

কাদম্বিনী। (আহুদিতা হইয়া)। কোথা পড়ো দাদা মা! কোথা গা! কখন
এয়েছে। সে না বাড়ী গ্যেছলো?।

হরমোহিনী। না যাওয়া হয় নাই, পথ থেকে ফিরে এসেছে, ঐ উপরে
গ্যেছে, যা তোরা, পান জল কি চায়, দ্যোনা গ্যে।

কাদম্বিনী। (আহুদে আটখানা হইয়া)। আয় লো নিতি! আয় লো চলি। উপরে
যাই আয়, পড়ো দাদা বাড়ী যায় নি লো!!

(উপরে সকলের প্রস্থান)

হরমোহিনী। (কন্যাগণকে উপরে পাঠাইয়া দিয়া, মনে মনে।)

অভিপ্রায়।

পদ্য।

হাদে রে বঙ্গাল তোরে যাই বলি হারি।
কুটিনীর কাছে তুই মানাইলি হারি।।
তারা সব পর নিয়া করে কারবার।
কুলীনের পুঁজি পাটা নিজ পরিবার।।
এরে হৈতে আর কি রৈ পাতক অধিক।
কন্যার কুটিনী হই ধিক্ শত ধিক্।।
প্রকারে বেশ্যার মত কন্যাকে না চাই।
এমন পবিত্র কুল মল্যেও না চাই।।
কে বলে ভূপাল তোরে নরাধম নর।
মনুষ্য ঔরসে জন্মে এমন বানর।।
তোর যে খরচ কুল সব কুল বাছ।

তাই তোরে সাজিয়াছে হেন, কুল বাছা॥
 তুই ছিলি রাজা মহাভারত ভারত।
 তোর পাপে অপবিত্র তাই সে ভারত॥
 কুলীন কন্যারা যত ফেলিতেছে বেদ। (১)
 দিন দিন অপবিত্র তাহাতেই বেদ॥
 এই মত তোর যত কৌশল আদেশ।
 তাহাতেই অপবিত্র হয়েছে এদেশ॥
 কত দিনে তোর নাম ভুল্যে যাবে লোক।
 কত দিনে সুপবিত্র হইবে ভুলোক॥
 কত দিনে কুলীনের দর্প হবে চুর।
 কবে হবে এদেশের মঙ্গল প্রচুর॥
 কবে হবে হিন্দু গণে কুলসিদ্ধি পার।
 কবে হবে দূর বহু বিবাহ ব্যাপার॥
 ওরে রে অবোধ হিন্দু আর কত সবে।
 ঘুচাইতে কুল বল দল বাঁধ সবে॥
 কত দিন রবে আর আশা পথ চেয়ে।
 আর কেন কালে হর মুখ চেয়ে চেয়ে॥
 কত অকারণ দেখ বহু পরিণয়।
 দিতেছে যন্ত্রণা কত কুল পরিণয়॥
 বুক ফেটো যায় দেখ্যে আহা মরি মরি।
 চোরের মায়ে মত গুমুরিয়া মরি॥

দূর হোক, এচিন্তায় আর ফল কি;। যাই, এখন সাজ সন্ত্যের কন্ম কায
 দেখি গ্যে, সন্ধ্যা হলো।

অভি প্রায়।

পদ্য।

অস্ত্রছলে যান রবি, জিনিয়া জবার ছবি,
 অঙ্ককার ঘেরিল সংসার।
 স্বভাবের ভাব কি বা, কোথা লুকাইল দিবা,
 নিশার হইল অধিকার॥
 ধন্য ধন্য দিবা সতি, ধন্য তোর ধর্ম্মে মতি,
 হেরিয়া পতির পলায়ন।

অন্ধকার দেখি ধরা, অমনি করিয়া ত্বরা,
 পাছু পাছু করিলি গমন॥
 কোথা ছিল তমোরাশি, ভুবন ঢাকিল আসি,
 স্থল জল লপিল শরীর।
 আকাশ মুঘল ভরে, অঞ্জন বর্ষণ করে,
 ঝরে যেন বরষার নীর॥
 হারে রে রে রে রে বলে, রাখাল গোষ্ঠেতে চলে,
 নিজ নিজ লইয়া গোধন।
 দিবাচর পাখী সব, করি কিচিমিচি রব,
 নীড় মুখে করিল গমন॥
 ভাগ্যবতী নারী যারা, সুখে ভরা হয়ে তারা,
 মনোমত করে কত সাজ।
 মুখে মৃদু মৃদু হাসি, সন্তোষ সাগরে ভাসি,
 অন্তরেতে নাহি সহ্যে ব্যাজ॥
 কেবল বিরহী যারা, প্রাণে সারা হয় তারা,
 হেরিয়া নিশার আগমন।
 আসিয়া ভোগের ভবে, সুখ ভুঞ্জে আর সবে,
 যে যেমন যাহার যেমন॥

যাই কল্পাটী ঐ বুঝি গঙ্গাতীর থেকে সন্ধ্যা করে বাড়ী আসছেন, কিছু
 জলটল খাওয়ার দিগ্যে।

(রমাকান্ত বিদ্যাবাগীশের প্রবেশ)

রমাকান্ত। (মৃদুস্বরে) হরি বোল! হরি বোল! রাম রাম! শ্রীরাম! জয় রাম!
 “হরে! মুরারে! মধুকৈটভারে! গোপাল! গোবিন্দ! মুকুন্দ! শৌরে!। যজ্ঞেশ!
 নারায়ণ! কৃষ্ণ! বিষ্ণে! নিরাশ্রয় মাং জগদীশ! রক্ষ” হরি বোল! হরি বোল!
 কোথা গো কাদম্বিনী! নিতম্বিনী! চঞ্চলা! তোরা সব কোথা গো মা! (চারিদিকে
 দৃষ্টিপাত করিয়া) হরি বোল! হরি বোল! রাম! রাম! আঃ! কি আপদ হইল!
 বাড়ীতে যে কাহাকেই দেখিতে পাইনা, অন্ধকার রাত্রি পাইলে সন্ধ্যার পর
 মেয়েগুলোর আর টিকী দেখিতে পাওয়া যায় না। রাম! রাম! সর্বোপাধরো
 হরিঃ। (পাকশালার প্রতি দৃষ্টিপাত করিয়া) কোথা গেলে গিন্নি! ঘরে আছ কি?
 কি করিতেছ? কিছু জলখাবার আছে কি? থাকে তো আন। (এই বলিয়া উপরে
 উঠিতে উদ্যত হইলেন)।

হরমোহিনী। (ব্যস্তভাবে) আবার ওদিকে যাচ্ছ কোথা? আ মরণ! দেখে দেখে
 যে হাড় কালি হলো, জ্বল্যে জ্বল্যে মলেম, আর বাঁচি নে! পড়ো পণ্ডিত

নোক হলেই কি এই একটা রকম হাবা গোবা হয় গা!। রোজ রোজই কি এই এক পোড়া, জেন্যেও কি জান না গা?। না বল্যে না কয়ে একটা ঢং কর্যে উপরে যাচ্ছ কেন? এই এ দিকে এসো, ঘর ঘরকন্না কন্ডে গেলেই সব দিকে একটুক চক্ষে আঁখটার কর্যে চলতে হয়, বিশেষে আমাদের কুলীনের ঘর। (দ্রুতগতি নিকটে গিয়া কাণে কাণে)। উপরে যে কামদেব!।(১) রমাকান্ত। (মৃদুস্বরে বিরাগে)। রাম! রাম! হরি বোল! হরি বোল! কৃষ্ণ হে তোমার ইচ্ছা!। থাকুক তবে আর জল খাব না, এখন বাহিরে চলিলাম। কামদেব না বাড়ী গিয়াছিল?

হরমোহিনী। তার কি আর বাড়ী যাওয়ার যো আছে, এমন রাসনীলে আর কোথা পাবে বল?

রমাকান্ত। (মৃদু মৃদু)। তবে আমি বাহিরে যাই। (বাহিরে যাইতে যাইতে দীর্ঘ নিশ্বাস পরিত্যাগ পূর্বক মনে মনে:) গুরু হে পার কর!। যাবৎকাল দিন রাত্রি হইবেক, যতদিন পর্যন্ত চন্দ্র সূর্য্য থাকিবেন, নরাদম বন্মাল, যেন ততদিন পর্যন্ত অসহ্য নরক ভোগ করে। পাপিষ্ঠ, দেশটাকে এককালে ছার খার করিয়া গিয়াছে। হায়! এ সকল পাপের কি প্রায়শ্চিত্ত আছে? হে জগদীশ্বর! তোমার কি ইচ্ছা কিছুই বুঝিতে পারি না।

পদ্য।

প্রণাম তোমায় বিভু! প্রণাম তোমায়।
কৃপাকর! কৃপা কর মোহিত মায়ায়
বিভু! মোহিত মায়ায়।।
হর হর তাপ হর ভ্রমের সহিত।
কর কর হিত কর যা হয় বিহিত।।
না জানি তোমার তত্ত্ব বিবেক রহিত।
না চিনি সুপথ পথ সাধু বিগর্হিত।।
না যাই সুখের কাছে না চাই সম্পদ।
চরমেতে পাই যেন পরমার্থ পদ।।
রিপুচয় পরাজয় হয় যেন সবে।
আর যেন না আসিতে হয় এই ভবে।।
আর যেন জন্ম লতে না হয় ধরায়।
প্রণাম তোমায় বিভু! প্রণাম তোমায়।
কৃপাকর! কৃপাকর মোহিত মায়ায়

বিভু! মোহিত মায়ায়।।
বিশ্বরূপ নাট্যশাল দৃশ্য মনোহর।
জানিতাম ভব ভূমি সর্ব সুখাকর।।
তা নয় তা নয় বিভু! তা নয় তা নয়।
সংসার শ্মশান সম ভূতের আলয়।।
ক্ষিতি জল তেজঃ আর আকাশ মরুত।
নৃত্য করে এই পাঁচ ভয়ঙ্কর ভূত।।
এই আছে এক ভাবে এই অন্য রূপ।
কখন বা নিরাকার কখন স্বরূপ।।
এই আছে পাঁচে এক এই পাঁচ ধায়।
প্রণাম তোমায় বিভু! প্রণাম তোমায়।
কৃপাকর! কৃপা কর মোহিত মায়ায়
বিভু! মোহিত মায়ায়।।
নিজ দোষ, করি তোষ, বৃথা কাল হরি।
রং দেখাবার তরে সং সেজ্যে মরি।।
জানি না যে আমি নই আমার অধীন।
রবে না এ ভবে বাস ফুরাইলে দিন।।
কে আমার পরিবার আমি হই কার।
বলা সার বার বার আমার আমার।।
জানি না যে মিছা কাজে কেন হই হত।
জুয়ার জলের মত আয়ুঃ হয় গত।।
কবে নাথ! আমি রব্ না রবে আমায়।
প্রণাম তোমায় বিভু! প্রণাম তোমায়।
কৃপাকর! কৃপাকর মোহিত মায়ায়
বিভু! মোহিত মায়ায়।।
(সকলের প্রস্থান)

(প্রথম অঙ্ক সমাপ্ত।)

।। দ্বিতীয় অঙ্ক ।।

(জয়শঙ্কর বন্দ্যোপাধ্যায়ের বহির্বর্টি)

(ভূধর বাবুর বৈঠকখানা)

(সূর্যকান্ত গ্রহাচার্যের প্রবেশ)

সূর্যকান্ত। (পঞ্জিকা হস্তে গুণ্ণুন্ স্বরে বচন পাঠ করিতে করিতে)। “গোচরে বা বিনয়ে বা, যে গৃহারিষ্ঠশোচকঃ। পূজয়েত্তান্ প্রযত্নেন পূজিতঃ স্যুঃ শুভাবহাঃ।।” (ভূধর বাবুকে সম্বোধন পূর্বক) কি গো বাবুজী মহাশয়! কবে বাড়ী আসা হইয়াছে? শরীরগতিক ভাল আছেন তো? বিষয় কর্মের সমস্ত কুশল?

ভূধর। আসুন গ্রহাচার্য মহাশয়! আসিতে আজ্ঞা হয়! আসিতে আজ্ঞা হয়! আজি চারি দিন হইল বাড়ী আসিয়াছি; শারীরিক ভাল আছি। বিষয় কর্মের কথা কি জিজ্ঞাসা করেন? চাকরী বাকরীতে আর তখনকার মত সুখ নাই। বিশেষতঃ সাহেবেরা বড় সতর্ক হইয়া উঠিয়াছেন? কালেজেই আমাদের দেশ ছারখার হইল।

সূর্যকান্ত। (ঘাড় লাড়িতে লাড়িতে)। সত্য কথা বলিয়াছেন বাবু! গৃহদেবতা আপনকার মঙ্গল করুন। মহাশয় সঙ্গশে জন্মিয়াছেন, অতএব, যথার্থ কথা কহিবেন না কেন? (“কালেজে” এই শব্দটা রূপান্তর বুঝিয়া) কালে যে আমাদের দেশ ছারখার হইবে, ধর্ম কর্ম সকলই লোপাপত্ত পাইবে, শুনিয়াছি একথাটি আমাদের কঙ্কিপুরোণেও নেখা আছে বাবু! আমরা সব হইলাম জ্যোতিষ ব্যবসাই মানুষ; আমাদের জ্যোতিষ নইয়াই হইল বিষয়, ও সকল শাস্ত্র বড় বুঝিসুজি না, বড় দেখা শোনাও নাই।

ভূধর। (মনে মনে)। বিলক্ষণ! ইনি তো পাঠশালা শব্দটীও আবার গিলিয়া ফেলিলেন। (প্রকাশ)। না, না, আচার্য্য মহাশয়! তা নয়, দেখিতেছেন না? এই যে স্থানে স্থানে কোম্পানি হইতে পড়োশাল সকল বসিয়াছে, আমি সেই কথা কহিতেছি।

সূর্য্যকান্ত। (সবিস্ময়ে)। রাম! রাম! কি পাপ! আজি এত ভ্রম হইতেছে হে, সম্পূর্ণ বার ব্যালাটায় বাহির হওয়াই অকর্তব্য কৰ্ম্ম হইয়াছে।

(গদাধর লাহিড়ির প্রবেশ) (১)

গদাধর। এই যে গণক মহাশয় এখানে; ভালই হইয়াছে; আমি এই আপনকার বাড়ী যাইতেছিলাম। যাক্ অন্য কথা দূর হোক (ক্ষণেক চিন্তা করিয়া) সে সব কথা পরে হইবে এখন; গণক মহাশয়! আজি বারবেলাটা কতক্ষণ?। সূর্য্যকান্ত। (কিঞ্চিৎ রাগান্বিত হইয়া, সদস্তে)। কি হে তুমি এত বড় নোকের সন্তান; তোমার বাপ দশখানা গ্রামের মাথা ছিলেন; আমি তোমার পিতামহকে উলঙ্গ ব্যাড়াইতে দেখিয়াছি, তুমি আমাকে উপহাস কর হে সন্ধ্যো পুৰ্ব্বটো যখন ছেলে পিলে গুনো সব ভাত খায়, যখন ঝিঙ্গে ফুল সশা ফুল গুনো সকল ফোটে, চিরকালই সেই কালটাকে বারব্যালা বলা যায়! বারব্যালা কি আর প্রহর দুই প্রহর হইয়া থাকে? ডাকের বচনই পড়িয়া রহিয়াছে, দেখনা কেন; “ভরসঙ্কোর বারবেলা কোন কৰ্ম্মই করিতে নাই”। আর যখন যে কৰ্ম্মে বাহির হওয়া যায়, যদি তা সফল না হয়, তবে সেই সময়টাকেও আর একটা বারব্যালা বলে। এ ভিন্ন আর বারব্যালা কি আছে?। গদাধর। (স্বগত)। বিলক্ষণ ইনিই আবার আমাদের দেশের একজন ভবিষ্যদ্বক্তা বিধাতা পুরুষ; যাহা বলেন, অব্যর্থ, লোকের কি ভ্রম!। (প্রকাশ) সে যাহোক, ওটা রহস্য করিতেছিলাম; ভাল গণক মহাশয়! আজ তো হইল দ্বিতীয়া, মঘা নক্ষত্রটা কতক্ষণ আছে?।

সূর্য্যকান্ত। আঃ! কি পাপ! তুমি যে বড়ই জ্বালাতন করিলে হে! দ্বিতীয়ার দিনেও কি আবার কখন মঘা হইয়া থাকে? তোমার কথায় কি শাস্ত্র উলটো হইবে, না, তুমি বেদ, পুরাণ, বচন, শ্রমাণ, সবগুনোই নোপ করিতে বসিয়াছ, বল কি? নায় বল, স্মৃতি বল, পুরোণ বল, তন্ত্র বল, জ্যোতিষ বল, ইহার কোন্ ব্যাকগণী আমার কঠস্থ নাই যে, এত উপহাস করিতেছ? অধিক বলিব কি, ব্যাকর্ণে গোপ্রাচিন্তি খণ্ডে এই বচনটী পষ্ট নেখা আছে, “অমাবস্যার মঘা সামলাবি ক ঘা” দেখ দেখি অমাবস্যার দিন বৈ আর কি কখন মঘা হয়! সেই আর এক দিন মঘা হইয়া পড়িয়াছিল বটে, কিন্তু মানুষের কথা কি? এতে দেবতাবা গুদে বিপোদে পড়িয়াছিলেন; সে আর কোন্ দিন হে! বলিলে কি তার ঝুঁকিতে পারিবে না? যে দিন সুমুদ্র মৈথন হয়; তাইতে বিষ

হইতেছিল

(১) ৬৮৭ বঙ্গাব্দ ১২১৪

গদাধর। (হাসিতে হাসিতে)। দেখুন দেখি গণক মহাশয়! আপনাকে না ঘাঁটাইলে কি এত জ্ঞান পাইতাম; লোকে কথায় বলিয়াই থাকে “রাড় ঘাঁটাইয়া টাকর খায়, গুরু ঘাঁটাইয়া বিদ্যা পায়”।

সূর্যকান্ত। (প্রফুল্ল বদনে)। বটে তো বাবু! তোমরা ধর্ম্মশাস্ত্রে এমন পায়ট প্রসঙ্গো জিজ্ঞেসা না করিবে, তবে এ সকল বেদ বিদি কি আমাদের চালনা থাকে? আর মানুষ নাই বাবু! এখনকার কেহই আমাদেরকে আর তেমন ছেদা ভক্তি করে না, কায়ে কায়েই সব ভুলিয়া গেলাম।

(শ্রীকণ্ঠ ঘোষালের প্রবেশ)। (১)

শ্রীকণ্ঠ। (হাসিতে হাসিতে)। কি হে! তোমরা গণক মহাশয়কে লইয়া এত কি আমোদ করিতেছ? গণক মহাশয়! অগ্নি একটা বড় বিপদে পড়িয়াছি, আমার কন্যাটির ঋতু হইয়াছে, দেখুন তো দিনটা কেমন?

সূর্যকান্ত। (গভীর ভাবে পঞ্জিকা দেখিয়া)। হাঁ তা বড় শত্রু কথা দেখিতেছি; বিশেষতঃ মেয়ে মানুষের রিতু এ যে বড় শত্রু কথা, ঘর করিতে গেলে পুরুষের তাহা সচরাচর হইয়াই থাকে; তাহাতে এত ভয় নয়। (ক্ষণেক চিন্তা করিয়া) ভাল; হাঁগা! এই যে শত্রুটা হইয়াছে বলিতেছ সেটা স্ত্রী কি পুরুষ বল দেখি?

শ্রীকণ্ঠ। সে কি গণক মহাশয়! শত্রু কি? আমি রিপু বলি নাই; রিতু রিতু?। সূর্যকান্ত। হাঁ হাঁ বটে বটে। তা বাপু! শুদু তোমার কন্যার বলিয়া কেন? তাঁহারা তো সব স্ত্রীলোক; খেলা গায়ে সর্বদাই পাটখাট করিয়া বেড়ান, যে দুরাস্ত শীত পড়িয়াছে, আমরাই কাঁপিয়া মরি; সময় অসময় নাই; এবছর বারো মাসই শীত।

শ্রীকণ্ঠ। (মনে মনে)। কি আপদ! ভাল লোকের সঙ্গে কথা কহিতেছি, এটা পাগল নাকি? (প্রকাশ) সে আবার কি গণক মহাশয়! ও কি বলিতেছেন, আপনি কিসে কি বুঝিলেন, ও সকল নয়; আমার মেয়েটির পুষ্পোৎসব উপস্থিত।

সূর্যকান্ত। (আত্মদিত হইয়া)। হাঁ! ভাল ভাল! তা বাবু! তোমাদের বাড়ীর ব্যাভারই স্বতন্ত্র; তোমরা বিলক্ষণ ক্রিয়াকান্ বটে; আবার তোমাদের বাড়ীর মেয়েরাও সেইরূপ, দুগোচ্ছব, পুষ্পোচ্ছব, নক্ষীপূজা, সরস্বতীপূজা, শ্যামা পূজা এ সকল কোন কন্মে তাঁহাদের কামাই নাই; তা যা হউক, বাপু! গৃহদেবতা তোমাদের মঙ্গল করুন, সুখে দেখুন, ফলে আমার নবগ্রহের নৈবিদ্বি ও কাপড় চোপড়ের বিষয়ে যেন সুবিবেচনা হয়।

শ্রীকণ্ঠ। দূর হউক, আজ মহাশয় এ সব কিসে কি বুঝিতেছেন, আমি তা বলি নাই; ও সকল নয়, আমার কন্যাটি ফুল দেখিয়াছে।

সূর্যকান্ত। (বিস্মিত ভাবে)। রাম! রাম! আজকি কু যাত্রায় বাড়ী হইতে বাহির হইয়াছি! তাই এত ভ্রম হইতেছে! ফুল দেখিয়াছেন? তবে কি অশুদ্ধ হইয়াছেন, বেশ বেশ বেশ হইয়াছে; তা বাবু আজ বড় কু-যাত্রা; এখন আর কোন কথায় কায নাই, এই কথা বই তো আর কিছু নয়, তাই কেন এতক্ষণ ভেসে বল নাহ? তার একটা চিন্তা কি? তিনি যাতে অপূর্ণে অপূর্ণে ফল দেখেন তা আমি করিব, কাল তোমাদের বাড়ী যাইতেছি, কিন্তু যা হউক, বাপু! “পেটে ক্ষিদে মুখে নাজ সে কুটুমে কি কায” বলিতে কি? তোমার মেয়ে ফুল দেখিয়াছেন, এ বড় আল্লাদের বিষয়, গুনিয়া কাণটা শীতল হইল, বস্তুকত্যা বলিয়া রাখি, যা বল, যা কও, সে সকল কিছুই গুনিব না, নাতিশীত স্বত্ব হইয়াছে, আমাদের অনেক দিনের আশা; রুধিরে যেন পেট ভরে, একখানি বনাত দিতে হইবে বাবু! আর, নয় তো জামাই কর।
শ্রীকণ্ঠ। (মনে মনে)। বিলক্ষণ! বিদ্যা তো ভারী, খেউড় আরম্ভ করিল, দূর হউক, আর কায নাই, (প্রকাশ)। তা বৈ কি গণক মহাশয়! আপনি তো জামাইই আছেন, আবার করিব কি?

সর্বনাথ রায়ের প্রবেশ (১)

সর্বনাথ। (ভূধরকে সম্বোধন করিয়া)। ভূধর বাবু! এই যে গণক মহাশয়! সকল কথা বলা হইয়াছে কি?। (সূর্যকান্তকে সম্বোধন করিয়া)। গণক মহাশয়! আজ মাসের কতই?

সূর্যকান্ত। (বিলক্ষণ করিয়া পঞ্জিকা দেখিয়া)। আজ প্রথম পাঁচদশ ফাগুন মাসের ১৫ই, ছিল; পরে এই কতক্ষণ হইল ১৭ই, পড়িয়াছে। (পুনর্ব্বার ভালরূপে পঞ্জিকা দেখিয়া)। হাঁ হাঁ, এই যে বটে বটে! “বাণ বিদ্ধি বসু ক্ষয়” আবার আজই ত্যেরস্পর্শ, ১৭ই, ক্ষয় হইয়া ২৬ শে, পড়িবে, বটে বটে, বটে তো, তবেই আজ মাসদক্ষা হইল, অদ্য কোন কন্মই করিতে নাই। বিশেষতঃ আদ্যচ্ছাদ্দটা নিতান্তই নিষুদ্ধ।

সর্বনাথ। (হাসিতে হাসিতে)। ভূধর বাবু! আর কেন বিলম্ব? গণক মহাশয়কে বলিয়া, কহিয়া কন্মটা গোছাল করিবার চেষ্টা কর; বড় উত্তম লোক পাওয়া গিয়াছে; এমনটা আর নাই।

ভূধর। (হাসিতে হাসিতে)। হাঁ আর বিলম্ব কি? বলুন না? আপনিই বলিতে আরম্ভ করুন। (কাণে কাণে)। আমাদের তো রুধির নিয়াই বিষয়; ইনিই এ কার্যের উপযুক্ত।

(রামগতি মৈত্রেয়ের প্রবেশ) (২)

(১) ভূধর বাবুর সহচর

(২) ভূধরের পরিচিত গ্রামের স্কুল পণ্ডিত

রামগতি। কি গো! ভুধর বাবু যে! তবে কবে বাড়ী আসা হইয়াছে? ভাল আছেন তো? করিতেছেন কি? এখনও সেই চীনা বাজারেই থাকা হইতেছে তো? (মনে মনে)। এই যে দৈবজ্ঞ সূর্য্যকান্ত বুড়া এখানে, ভাল! ইহাকে লইয়া ক্ষণেক রহস্য করা যাউক। (প্রকাশ)। কি গো গণক মহাশয়! বড় যে বকাবকী করিতেছেন? এত বিচার কিসের?

সূর্য্যকান্ত। (মনে মনে)। আঃ দূর হউক, আবার এই খ্রিষ্টানটা আসিল; বিরক্ত করিবে।। (প্রকাশ)। কিসের বিচার করিব বল? দেশে আর কি বিচার আছে? না, আচার আছে? দেশটা এককালে খ্রিষ্টান হইয়া উঠিল বৈ তো নয়?।

রামগতি। (হাসিতে হাসিতে)। কেন মহাশয়! দেশ খ্রীষ্টীয়ান কিসে হইল?।

সূর্য্যকান্ত। (সদন্তে)। আবার জিজ্ঞেসা করিতেছ হে! রাঁড়ের বিবাহ হইতে চলিল? যাহা কখন কণ্ঠে শুনি নাই। বেদে নেই, পুরোণে নেই, কোরাণেও খুঁজিয়া পাওয়া যায় কি না? আর এ কি দেশে মানুষ আছে বল?।

রামগতি। কেন মহাশয়! এই যে বিদ্যাসাগর মহা—।

সূর্য্যকান্ত। (রাম গতির কথা শেষ না হইতেই ইহাতেই সক্রোধে)। আঃ! যাও যাও! ওটার আর নাম করিও না! শুনিলে রাগ জন্মে!।

রামগতি। সে কি মহাশয়! এ কি বলেন? বিদ্যাসাগর মহাশয় প্রাতঃস্মরণীয় লোক, তাঁহার নাম শুনিলে আবার আপনকার রাগ হয়? সর্ব্বাঙ্গ পুলকিত হয় না?। আর, দেশে লোক নাই বলেন কি? তিনি যখন বিধবাবিবাহ বিষয়ে প্রথম ব্যবস্থা বাহির করেন, তখন নবদ্বীপ প্রভৃতি যাবতীয় সমাজের ব্রাহ্মণ পণ্ডিত মহাশয়েরা তাঁহার বিপক্ষ হইয়াছিলেন এবং কত শত আপত্তি উপস্থিত করিয়াছিলেন, একথা সত্য কি না?।

সূর্য্যকান্ত। (সম্মুখে) হাঁ হাঁ! তা সত্য বটে! তাঁহারা কী সব যৎসামান্যী নোক? রাজা রাধাকান্ত বাহাদুর এবং ঐ সকল মহামহাপাদ্য মহাশয়েরাই তো আমাদের দেশের প্রধান নোক, ঐ সকল মহাশ্বাদিগের পুণ্য প্রতাপেই তো এখনও দিবারাত্র হইতেছে, চন্দ্র সূর্য্য উঠিতেছেন, গঙ্গায় জোয়ার ভাঁটা খেলিতেছে, এখনও এদেশে যা মানুষ আছেন তা তাঁহারাই; আর সকল কি তাদৃশ মনুষ্যের মধ্যে গণ্য?। বারবার জিলার কয়েকজন জমীদার, কয়েক জন অন্য প্রকার সম্ভ্রান্ত নোক ও রাজা কমলকৃষ্ণ বাহাদুর পৃথিতি কতগুলি ও যথার্থ হিন্দু আছেন বটে; তন্মিত্র আর কি তদৃশ হিন্দু দেখিতে পাই।।

রামগতি। ভাল মহাশয়! আর কেহই যেন হিন্দু নন; যাউক, এ বিবাদে কাজ নাই। এক্ষণে বলুন দেখি আপনি যাহাদিগকে মানুষ ও হিন্দু স্থির করিয়াছেন, ইহাদের প্রতি আপনকার বিলক্ষণ শ্রদ্ধা আছে কিনা?।

সূর্য্যকান্ত। (দন্তে, প্রফুল্ল বদনে) হাঁ আন্তরিক আস্থা আছে বৈকি?।

রামগতি। আচ্ছা মহাশয়! এখন বলুন দেখি বিদ্যাসাগর মহাশয়ের প্রকাশিত

প্রথম ব্যবস্থা পড়ে ইহারা যে দোষোন্মাস করিয়াছিলেন, দ্বিতীয় ব্যবস্থাপত্র দ্বারা তিনি তাহা তন্ন তন্ন রূপে খণ্ডন করিয়া দিলে তাহাতে আর কি কেউ কোনো উত্তর করিতে পরিয়াছিলেন?

সূর্যকান্ত। (বিরাগে) যাও যাও! আর তোমাদের ও সকল খ্রিষ্টানী কথা শুনিতে চাই না।

রামগতি। (হাসিতে হাসিতে)। সে কি মহাশয়! এ সকল আবার কিসে খ্রিষ্টানী কথা হইল? আপনি শাস্ত্র বিচারকেও খ্রিষ্টানী কথা বলেন?

সূর্যকান্ত। (ক্রোধে) এ সকল কি খ্রিষ্টানী কথা নয়! আবার শুনিতে পাইতেছি, কুলীন মৌলিক নাকি থাকিবে না, সব একসা হইবে; তবেই বলিতে হইল, আর কি দেশে মানুষ আছে? এ সকল কথা কি শুনা যায়?

রামগতি। সে কি মহাশয়! আবার গোল করেন কেন? দেশে মানুষ নাই বলেন কি? আপনি যাঁহাদিগকে মহাত্মা বলেন, আপনকার সেই সকল মহাত্মারাও যে কুলীনদিগের বহুবিবাহ নিবারণের চেষ্টায় আছেন।

সূর্যকান্ত। (বিরাগে) যাও যাও, তোমার সঙ্গে আর পারা যায় না বেনে, ক্ষান্ত হও বাবু; মিছে বিবাদে কাষ নাই; তুমি বিদেশী নোক; তোমার সঙ্গে অমনি রামরামী থাকে, তাই ভাল।

রামগতি। কাষে কাষেই মহাশয়; আজ আমার বেলাটাও হইয়াছে; স্কুলে যাইতে হইবে; চললাম, নমস্কার, ব্রাহ্মণেভ্যো নমঃ।

(রামগতির প্রস্থান)

ভূধর। আচার্য্য মহাশয়! মিছা কেন উঁহাদের সঙ্গে বাকবিতণ্ডা করিতেছেন; ইহাতে ফল কি? উঁহাদের মেজাজ দেখিতেছেন না, উঁহারা সব সাহেবদের চেলা, জানেন না কি? সাহেবদের মত নয়, তথাপি উঁহাদের মত আগে ভাগেই, আমাদের দেশ সাহেব হইয়া যায়, বামুন শূদ্র, ক্ষত্রী, বৈশ্য, এ সকল জাতি ভেদ থাকে না, কুলীন মৌলিকের এককালে উঠিয়া যায়, স্ত্রী পুরুষ সকলেই লেখা পড়া শিখে, বিধবার বিবাহ হয়, একটা মানুষের এককালে দুই তিনটা স্ত্রীর পতি না হইতে পারে, স্ত্রীলোকেরা এত ঢাকাঢুকী ভাবে না থাকে? স্বয়ম্বরের কাণ্ডটা চল্যে যায়, তাহাদের সঙ্গে কি আপনি পারিয়া উঠিবেন, যে, এত বকাবুকী করিতেছেন?। উঁহারা সব, সংস্কৃত কলেজের ছাত্র, ঘরের টেকি—পেটের ছুরী—রাবণের ভাই “পিণ্ড গয়াং ছ”—“অপরম্বা কিং ভবিষ্যতি” “মুঘলং কুলনাশনং” আমরা কলিকাতায় থাকি, চীনা বাজারের ভূত, সকলি জানি। ও সব দেখিয়া শুনিয়া আমাদের কাণ ঝালাপালা হইয়া গিয়াছে, এখন আর ও সব শুনি না। যদি শুনি, তো, এ কাণ দিয়া শুনি, অমনি ও কাণ দিয়া জমা খরচ ক্রোজ, যত জমা ততই খরচ,

মজুতে ০, নীরোগের বৈদ্য, বিদ্যার পঞ্চামৃত। বিদ্যা সাধ্যের সঙ্গে আমাদের দলাদলী, কিন্তু কাজের সঙ্গে গলাগলী ভাব। পরস্পর সকলের সঙ্গেই আমাদের মাংখুলী আছে, ফলতঃ ঢলাঢলী করিতেও ছাড়ি না, আমরা মেড়ামাটি। মহাশয়! এত বকাবকীতে আবশ্যিক কি? বসিয়া রঙ্গ দেখুন না কেন? বোবার শত্রু নাই। বস্তুতঃ যা করিব তা মনে মনেই আছে। এই শুনুন না কেন মহাশয়: সে দিন ঐ উনি আমার নিকটে আসিয়াছিলেন, যিনি এখন গেলেন, ঐ যাঁর পায়ে মস্মস্যে বুট দেখিলেন। উনি বলিলেন “ভূদর বাবু! তোমাদের গ্রাম এখন আর সে ছোট গ্রাম নাই, এখানে সরকারী ইস্কুল হইয়াছে, তোমরা সব এখন আর পূর্বের মত পাড়া গেলো লোক নও, সভ্য হইয়াছে, এই বই খানার একটা নাম লিখিয়া দেও, এ বই গবর্ণর কৌন্সেলে যাইবে, বড় সাহেব হাতে করিয়া দেখিবেন, আর কুলীন মৌলিক থাকিবে না, সব একসা হলো। বাবু! বলিলে না বিশ্বাস যাইবেন, হাস্যবদনে বইখানা তাঁর হাত হইতে টানিয়া লইয়া অমনি চচ্চর করিয়া স্বহস্তে নামটা লিখিয়া দিলাম, উনি অমনি খুসী হইয়া আমায় কত প্রশংসা করিতে করিতে চলিয়া গেলেন। চুপ্ করিয়া থাকুন না কেন মহাশয়: সত্য সত্যই কি ও সব কস্ম আমাদের দেশে চলিবে, একবার একবার অমন হজুক উঠে। তবে যথার্থ কথা বলিতে দোষ কি মহাশয়! যদি আমাদের দেশে স্বয়ম্বরের কাণ্ডটা চলিত হয়, তাহা হইলে ভাল হয় বটে, ও কটার মধ্যে ঐটাই ভাল কথা, পোড়া দেশে তা কি চলিবে?

(রুদ্ররাম বাচস্পতির প্রবেশ)(১)

রুদ্ররাম। (গুন্ গুন্ স্বরে) হরি হরয়ে নমঃ, হরি হরয়ে নমঃ। (প্রকাশ) কি গো ভূধর বাবু! ভাল আছ তো?

ভূধর। (ব্যস্ত সমস্ত, গাত্রোত্থান)। আসুন ভট্টাচার্য্য মহাশয়। আস্তে আজ্ঞা হয়। প্রণাম। (উচ্চৈঃস্বরে ভূতাদিগের প্রতি) কে আছ রে! আসন? আসন? তৎপর।

(আসন প্রদান ও ভট্টাচার্য্যের উপবেশন)

রুদ্ররাম। কি গো ভূধর বাবু! স্বয়ম্বরের কথা কি হইতে ছিল, বড় আড়ম্বর শুনিতে ছিলাম যে?

সূর্য্যকান্ত। (ব্যস্ত সমস্ত হইয়া)। হাঁ হাঁ বেশ হইয়াছে, আচ্ছা বলুন তো বাচ্‌পোত মহাশয়! স্বয়ম্বরটা চলা ভাল না মন্দ?

রুদ্ররাম। (ক্ষণেক চিন্তা করিয়া)। হাঁ! ধর্ম্মশাস্ত্রে তো কলিযুগে স্বয়ম্বরটা নিষিদ্ধ মধ্যেই গণনীয়। নিষিদ্ধ মধ্যে গণনীয় হউক অথবা বিধেয় বলিয়াই প্রতিপন্ন থাকুক; বস্তুতঃ আমার বোধে স্বয়ম্বর এদেশে বড় শুভকর নয়।

(১) গ্রামস্থ মঠধারি অধ্যাপক ভট্টাচার্য্য, বড় বিজ্ঞ লোক, শাস্ত্রে অধ্বিতীয় প্রায়।

ভূধর। (উগ্রভাবে)। কেন? কেন? এমন কথা কেন বলিবেন মহাশয়! কলিকাতায় এক্ষণে অনেকেই তো এ মত কুমত জ্ঞান করেন।

রুদ্ররাম। (নম্রভাবে)। বাবু! সে সব কথা স্বতন্ত্র; তাঁহারা সব বড়লোক; বড় পণ্ডিত; তাঁহাদের বুদ্ধি, বড় বুদ্ধি; আমি অনেক চিন্তা করিয়া দেখিয়াছি ইহাতে এই এই দোষ দর্শন হয়, স্বয়ম্বর কেবল আড়ম্বর মাত্র; তাহাতে উদ্দেশ্য সিদ্ধ হইতে পারে না। সভা মধ্যে নিমেষ মাত্র সাক্ষাতে কি কখন যাবজ্জীবনের প্রণয় পরীক্ষা হইতে পারে—কদাচ হয় না?। আর,—

(রুদ্ররামের কথা শেষ না হইতে হইতেই)

ভূধর। (বিরক্ত ভাবে)। দূর হোক মহাশয়! আপনার ও সকল কথা ভাল লাগে না, ক্ষান্ত হউন। আপনাদের তো এই দোষ।

রুদ্ররাম। (মনে মনে)। রাম রাম! কি বিস্মৃতি! ইহাদের নিকটে ও কথা কহাই অন্যায্য হইয়াছে; যা হউক, আজ বড় কুযাত্রা, একটা মিষ্টালাপ করিয়া বিদায় হই, কালি তখন আসা যাইবে, যদিই কিছু হয়। (প্রকাশ)। ভূধর বাবু! আচ্ছা, আজ বেলাটাও অনেক হইয়াছে, মধ্যাহ্ন সন্ধ্যাদি কিছুই সারা হয় নাই। তোমার উত্তরোত্তর শ্রীবৃদ্ধি হউক, কমলা বিরাজ করুন; তোমাদিগের কল্যাণে এবৎসর নবদ্বীপের কয়েকটা ছাত্রকে বাড়ীতে অন্ন দিয়া রাখিয়াছি; এখন চলিলাম? যাও তোমরাও, বেলাটা অধিক হইল, তোমরা সব, সকলথেকে লোক, স্নান কর গ্যে, গরম জলেই স্নান হয় তো?।

ভূধর। হাঁ মহাশয়! আচ্ছা, তবে আজ আসুন, প্রণাম। আমি আরও দুই একদিন বাড়ী আছি।

রুদ্ররাম। ভাল ভাল। (প্রস্থান)

ভূধর। হাঁ—কি বলিতেছিলাম আচার্য্য মহাশয়! (ক্ষণ চিন্তা) হাঁ!—মনে হইল। (পুনর্ব্বার ক্ষণকাল চিন্তা করিয়া সর্ব্বনাথ রায়ের প্রতি দৃষ্টিপাত)। রায় মহাশয়! আর বিলম্ব কেন? বন্ধুর কার্য্য করুন।

সর্ব্বনাথ। হাঁ ভাই! আর বিলম্বে প্রয়োজন নাই বটে, বেলাটা অধিক হইতেছে, তবে কি আমাকেই বলিতে হইবেক?।

(সূর্য্যকান্তকে সম্বোধন পূর্ব্বক)

গণক মহাশয়! ভূধর বাবু আপনাকে একটা কথা বলিতে চান?

সূর্য্যকান্ত। বিলক্ষণ! আমি তো আপনকারদেরই প্রতিপাল্য।

সর্ব্বনাথ। তেমন নয় মহাশয়! ভূধরবাবু এবার আপনাকে বড় একটা শক্ত কথা বলিবেন। আমরা নিশ্চিত জানি বটে, এ প্রদেশে আপনার সঙ্গে কথা কয় এমন মনুষ্যই নেই, আপনি দিনকে রাত, রাতকে দিন করিতে পারেন, কিন্তু এবার বোঝাপড়া।

সূর্য্যকান্ত। (সভয়ে)। শক্ত কথা কি গো সর্বনাথ বাবাজী! শুন্যে যে ভয় হয়!!
সর্বনাথ। না, না, না মহাশয়। তেমন শক্ত কথা নয়, একটা দুঃসাধ্য বিষয়
সাধন করিতে অনুরোধ করিবেন, তাহাতেই শক্ত কথা বলিলাম।

সূর্য্যকান্ত। (কিষ্কিৎ দস্ত করিয়া)। ওহে বাপু! সূর্য্যকান্ত শর্ম্মার আবার অসাধ্য
কি আছে? “হাঃ হাঃ হাঃ” হাস্য করিয়া।

পদ্য।

চরাচর ধরাতল, জ্ঞান করি কর তল,
আকাশ পাতাল ত্রিভুবন।
নাহি কিছু অবিদিত, হিতাহিত সুবিদিত,
বল্যে দেই জনম মরণ॥
রোগ হয়ে রুগী করি, বৈদ্যী হয়ে থলী ধরি,
সব কাজে হই সুনিপুণ।
যে প্রকার নোক যারা, বিশেষ জানেন তাঁরা,
আর আর আছে যত গুণ॥
বয়েস হয়েয়ে ঘাটী, কোন কর্ম্মে নাহি ঘাটী,
আঁটা আঁটা জানি ভাল রূপ।
পরিচয় নাই যাই, বিশেষ জান না তাই,
সূর্য্যকান্ত নিজে বহুরূপ॥
যে কর্ম্ম করিতে বল, যথা ইচ্ছা তথা চল,
কোন কাজে না হইব কম।
জানি কত ফের ফার, সাধ্য আছে বোঝে কার,
সূর্য্যকান্তে ভয় করে যম॥

এই শুনিলে বাপু! যা বলিলাম বুঝিতে পারিলে কি না? “হাঃ হাঃ হাঃ”
বাপু! ইহা ব্যতীত সূর্য্যকান্তে আর কত গুণ আছে তা শুনবে? তবে বলি
শোন, বাল্যকালে বিদ্যা শিক্ষায় কত মনোযোগ ছিল এবং কেমন সুশিক্ষে
করিয়াছি, আগে তাই বলি।

পদ্য।

বাবার জ্যোতিষ গ্রন্থ ছিল ঝুড়ী ঝুড়ী।
পড়িতে দিতেন ছিঁড়ে করিতাম ঘুড়ী॥
তিনি বড় ছিলেন পেটুক পাঁঠা খোর।
চুরী বিদ্যা শিখে আমি খ্যাত পাঁঠা চোর॥
অদ্যাপি বাছিলা বাপু! পাঁঠা আর পাঁঠী।

হাড়ী পাড়া ঢুকিলে মারিতে আসে নাটী।।
 জ্যোতিষেতে নেখা আছে সীতার হরণ।
 ব্যাকরণে শিখিয়াছি বারণের রণ।।
 দ্রৌপদী বসিয়া কাঁদে অশোকের বনে।
 না বুঝে করিয়া ধেম বেহুলার সনে।।
 কীচক বিনাশ করি চাঁদ সদাগর।
 রাজত্ব কাড়িয়া নিল সোণার লাহোর।।
 শক্তি শেলে পড়িলেন অর্জুন সারথি।
 হনুমান্ আনিলেন গঙ্গাভাগীরথী।।
 গৌরাঙ সন্ন্যাসে যান্ চড়িয়া জাহাজ।
 টুপী খুল্যে কাঁদে আসি সকল ইংরাজ।।

কেমন বাবু! শুনিলে? সব বুঝিলে তো? কবিত্ব শক্তিই পৃথিবীর সার পদার্থ।
 ঈশ্বরের ইচ্ছায় তার অপ্রতুল নাই। শাস্ত্রেও নাকি কবিত্ব শক্তির বিস্তর প্রশংসা
 করিয়াছেন, বাবার মুখে এ কথা শুনিয়াছিলাম। ছেল্যে ব্যালা ধরাধরী করিয়া
 বাবা আমাকে এই বচনটী শিখাইয়া দিয়া গিয়াছেন, তা এখনও ভুলি নাই,
 কড়ায় গশায় মনে আছে, যথা

“নরত্বং দুর্নতা নোকে, আবার বিদ্যা তত্ত্ব সুদূর্নভঃ।

তারপর কপিষ্বং দুর্নভা তত্ত্ব, ফেরশক্খি তত্ত্ব সুদূর্নভং।।”

“মানি যাদু পিতিষ্ঠান্ত, মগম শাস্ত্রী সমে,

যৎকিঞ্চিৎ মিথুলা দেকা, মবধি কাম মোহীনীঃ।।”

কেমন বাপু! ঠিক রাখিয়াছি কিনা? এ তো কাঁচা সমস্কার নয়? আবার এ
 ভিন্ন আপনি পড়ে পড়ে আর একটী ভাল প্রেমাণ পেয়েছি তা শুনবে?
 এই শোন বলি, দেখ দেখি নাগে কিনা।

“নঙ্কায় রাবণ মলো, বেউলো কেঁদে রাঁড় হলো,

ও শিব! তোর মাথায় সাপ।।।”

সে যা হোক, এখন বল দেখি বাপু! বিষয়টাই কি শুনি।

সর্বনাথ। (চতুর্দিক্ নিরীক্ষণ করিয়া)। আসুন, এদিকে সরো আসুন, একটু
 গোপনে বলিব।

(সকলের স্বয়ং নিকটে উপবেশন)

সর্বনাথ। (মৃদু মৃদু)। কোথা? লাহিড়ি মহাশয় কোথা? (পশ্চাদিকে দৃষ্টিপাত
 করিয়া) কোথা হে ত্রীকণ্ঠ ভায়া! এখানে আছ কিনা?

গদাধর একত্র। (মৃদু মৃদু)। হাঁ এই যে আমরা সকলেই আছি (ভূধরকে
 ত্রীকণ্ঠ। সন্মোদন করিয়া)। যান্, কিছু অগ্রসর হউন, “শুভস্য শীঘ্রং”।

ভূধর। (মৃদু হেসে)। এই যে হইয়াছে, বলুন না রায় মহাশয়! আর গৌণ
 কি?

সর্বনাথ। (চারিদিক চাহিয়া, মৃদু হেসে)। কথাটা কি মহাশয়! আঃ! আপনি তো সকলই জানেন, ভূধর বাবুর অতি অল্প বয়সে বিবাহ হইয়াছিল, সুতরাং এ স্ত্রীটি ওঁর বড় মনোনীতা নয়, কিন্তু কি করেন, অগত্যা তথাপি উনি তাহাকেই অবলম্বন করিয়া এক প্রকার কষ্টশ্রেষ্ঠে কাল ক্ষেপ করিতেছিলেন। এক্ষণে উহার সেই অপাত্রে অনুচিত সমধিক—অনুরাগই মঙ্গলের বীজ স্বরূপ হইয়া উঠিয়াছে; উহার মাতা ভগিনী প্রভৃতি গুরুজন ও গৃহজনেরা মনে করিয়াছেন ভূধর ঐ স্ত্রীর বশীভূত হইয়া ক্রমে ক্রমে তাঁহাদের মতের বহির্গত হইতেছে। বিশেষতঃ ঐ বধূটিকে তাঁহারা কেহই দেখিতে পারেন না; এই নিমিত্তই সকলে একবাক্য হইয়া মনস্থ করিয়াছেন ভূধরের আর একটি বিবাহ দিয়া, স্ববশে আনিবেন;

ফলতঃ ভূধর বাবু কিছু তাঁহাদের মতের বহির্গত নন। সে যাহা হউক, যে পাত্রীটির সহিত এক্ষণে সম্বন্ধ নিবন্ধ হইতেছে; সেটি ইহার অত্যন্ত মনোনীতা, ইনি তাহাকে ইতঃপূর্বে বারংবার দেখিয়াছেন, এবং তদর্থ ব্যাকুল আছেন অতএব ইহঁর বাসনা, মাতা, ভগিনী প্রভৃতি, যে উদ্যোগ করিতেছেন, সে কার্যটি সম্পন্ন হইয়া যায়। কিন্তু কথা কি জানেন? এবিষয়ে কস্তাটির একান্তই মত নাই; অতএব যদিও অদ্য কল্য কোন সময়ে আপনি একবার আসিয়া, গণনা করিয়া ভালরূপে বলিয়া যান্ এ বৌটির সন্তান সন্ততি হইবেক না; তবেই সকলকার এক মত হয় এবং বিষয়টি সম্পন্ন হইয়া যায়।

সূর্যকান্ত। “হাঃ হাঃ হাঃ” এই বৈ তো নয়? এ আবার শব্দ কথা কি? আচ্ছা; আপনারা নিচ্চিন্দী বসিয়া থাকুন; কস্তা আছেন, আমি আছি; এক্ষণে উজ্জুগ সঞ্জুগ করুন গ্যে। (ক্ষেপে চিন্তা করিয়া)। তবে আমার কথাটা কি বাপু জানেন? আমরা সব, হইলাম দুঃখি দারিদ্রী মানুষ; দু-দণ্ড দুঃখ সুক্ষু না করিলে সংসার চলে না, আবার সুমুখে পোড়া কিস্তিটা পড়িয়াছে, যে দুরাস্ত জমীদার; টাকা কাছায় বান্ধিয়া নিদ্রা যাইতে হয়; তাই বলিতেছি, খাজনার ৪টা টাকার এ পর্য্যন্ত ভারী অসমস্থান রহিয়াছে, অতএব এ মাসের এ কটা দিন চূপ করিয়া থাকুন, পরে আমি কায শেষ করিব।

সর্বনাথ। (মনে মনে)। বোঝা গিয়াছে; ইহারা সেকেল্যে ঘাগী; কথার নয়; কাযের। (ভূধরের প্যাকেট হইতে ৪টা টাকা লইয়া প্রকাশ)। না না গণক মহাশয়! তা হবে না; কালই সকাল বেলা আসিতে হইবে; এ আপনার খাস তালুক, এই খাজনা ধরুন। (হাতে হাতে প্রদান)।

সূর্যকান্ত। (অর্থ পাইয়া পরিতোষ)। আচ্ছা বাপু! তবে আজ আসি।

(সকলের প্রস্থান)

সূর্যকান্ত। (পথে যাইতে যাইতে উর্ধ্বদৃষ্টি করিয়া, স্বগত)। আঃ! ব্যালাটা এত হইয়া গিয়াছে। যা হউক, আজকার সুপ্রভাত বটে, ৪ চারিটা টাকা হাত হইল, গিন্নীর মলের দায়ে নিচ্চিন্দী হইলাম। উঃ—। কি রোদ্ধ!

(দ্বিতীয় গ্রন্থ বর্ণন)

অভি প্রায় ।

পদ্য ।

প্রথর গগনে দিনকর,
দিবা হৈল দ্বিতীয় গ্রন্থর ।
জিনিয়া জ্বলন ছবি, উপরে উদিত রবি,
উত্তাপে ধরনী খরতর ॥

মর্ত্যদের দুষ্কৃতি জ্বালায়,
ধরা বুঝি ধরাতল যায় ।
তাইতে সহস্র কর, প্রসারি সহস্র কর,
রাখে বুঝি ধরিয়া ধরায়? ॥
মরীচিকা ঝিকি মিকি জ্বলে,
ভূভাগ ডুবিল যেন জলে ।
বিলোল কমল মালা, তক মক করে খেলা,
ভ্রম হয় জলে আর জ্বলে ॥

অথবা এরূপ মনে লয়,
ভূধাম হইবে বুঝি লয় ।
সাগর ডাগর হয়ে, - ডুবায় ঝাপান বয়ে,
সংসার করিল জলময় ॥

জীব জন্তু আকুল অন্তরে,
আতপে তাপিত কলেবরে ।
কি বিপত্তি রাম রাম, ঝর ঝর ঝরে ঘাম,
তবু দাহ, দেহ দাহ করে ॥

শুকাইল তরুলতা দল,
ধর্যে ছিল নব নব দল ।
পথে না চরণ চলে, সবে বলে যাই জলে,
প্রাণ করে সদা জল জল ॥

বৈকাল সুখের কাল বটে,
কবিতা এরূপ ভাব রটে ।
কিন্তু দুপুরের বেলা, যমে আর জীব খেলা,
,

যদি রয় এ জীবন এ জীবন ঘটে।।

আহা! একি স্বভাবের ধারা,
একি দেখি বিপরীত ধারা।
এইমাত্র ছিল যাহা, আর নাহি হেরি তাহা,
আহা মরি! ভেবে হই সারা।।

নিশি নাই শশী নাই আর,
কোথা সেই বাতাস উষার।
এখন ভানুর কর, দক্ষ করে কলেবর,
সংসার করিল ছারখার।।

পশু পক্ষী ভূচর খেচর,
উত্তাপে হইয়া জ্বর জ্বর।
গাছের ছায়ায় গিয়া, রহে সবে ঘুমাইয়া,
নিদ্রাবেশে হইয়া কাতর।।

মন্দ মন্দ মলয় পবন,
বহিতেছে বটে অনুক্ষণ।
কিন্তু আগুনের কণা, ছুটে তাতে অগণনা,
ভস্মরাশি করিল জীবন।।

পথিকেরা শুয়িয়া ছায়ায়,
চাদর পাতিয়া নিদ্রা যায়।
কারু আছে বোচকা সাতে, কেহ দেয় হাত মাতে,
কেহ কেহ লুপ্তিত ধুলায়।।

পিয়ু পিয়ু পাণ্ডিয়ার রব,
খঞ্জন খঞ্জনী নাচে সব।
ছায়া পেয়ে ডালে ডালে, নাচে গায় তালে তালে,
করে মদনের মহোৎসব।।

কুহু কুহু কোকিলের ধ্বনি,
উহু উহু করে বিরহিনী।
কোকিলের কুহু নয়, হেন ভাব মনে লয়,
দুঃখ দেখি করে উহু ধ্বনি।।

বানর বানরী কুতূহলী,
শাখায় বসিয়া গলাগলী।
মাতিয়া মদন বাণে, মত্ত মুখ মধুপানে,
বলাবলি আর বলাবলী।।

ভ্রমর ভ্রমরী দৌহে মেলি,
বকের স্তবক মাঝে কেলি।
টকাটক্ করে রণ, শ্বাস বহে ঘন ঘন,
শেষে প্রেমরসে ঢলাঢলী।।

হোই হোই রাখালের দলে,
গোকুলে গোকুলে লয়ে চলে।
কবলে তৃণের গুচ্ছ, উচ্চদিকে উটে পুচ্ছ,
হুয়া রব ধেনু বৎস দলে।।

ধবলি! শ্যামলি! বলি মুখে,
রাখাল চলিল গোষ্ঠমুখে।
হারে রেরে রেরে রব, বলে চল ভাই সব,
গোরু বান্ধি নিদ্রা যাই সুখে।।

ঐ ভাই! গেল তোর গুড়ো,
ফিরালে মারিতে ধায় তেড়ে।
শ্যামল শস্যের ক্ষেতে, হামুড়ে পড়িল খেতো,
যেতে চাও চল ভাই! ছেড়ে।।

কৃষকেরা ছাড়িয়া লাঙ্গল,
ঘরে যায় হইয়া পাগল।
গৃহিণী লইয়া তেল, পরিবারে দেয় চেল,
খায় পরে যেমন সন্মল।।

সে সময় সুসময় নয়,
বনিতারা যত মিষ্ট কয়।
গায়ে যেন বিষ লাগে, রেগে উঠে আগেভাগে,
বলে মাগি! এ দুঃখ কি সয়?।।

তোমা লাগি হয়েছি পাগল,

আর কি করিতে বল, 'বল'।
কটিতে কৌপিন পরা, মাতায় চুলের ভরা,
রাঙ্গা আঁখী সদা ছল ছল।।

(১) (নেপথ্যে মহান্ কলকল)

অভি প্রায়।

কবিতা।

ধর ধর পুরবাসি!
গলায় বসিল ফাঁসী।
এমন ঢলানী, আগে নাহি জানি,
কি করিল সর্বনাশী।।

আলো আলো মর্ ছুঁড়ি!
এখনি হনা লো কুড়ী।
জানি তোর গুণ, দাদা হৈল খুন,
আহা কি রূপের বুড়ী?।।

কি হৈল কি হৈল হায়!
পড়িলাম খুন দায়।
একে নারী বধে, পাপ উর্দ্ধ অধে,
ধন মান ধর্ম্ যায?।।

সেকি সেকি কেন কেন?
প্রেরসি! সাহস হেন?
হৈলে দোষ গুণ, হতে হয় খুন?
আপনি সুবুদ্ধি যেন?।।

বৃথা কেন করি রোষ,
বাবার কি দিব দোষ।
পোড়া দেশ ছার, পোড়া দেশাচার,
ভারত কষ্টের কোষ।।
(প্রান্তর মধ্যবর্তী মহাশ্মশান, প্রকাণ্ড বটবৃক্ষ)

(মাহেশ্বরী, রাসবিলাসিনী, সর্বসুন্দর শিরোমণি, ব্রজবিলাস, ভুবনেশ্বর, এবং হস্তে রজ্জু লইয়া আলুলায়িত কেশা, জীবিতাবশেষা, মরণাবশেষা, উন্মাদিনী মোহিনীর প্রবেশ)(১)

মাহেশ্বরী। (ক্লেষাধিতা ও চকিতা)।

ধর ধর পুরবাসী!
গলায় বসিল ফাঁসী।
এমন ঢলানী, আগে নাহি জানি,
কি করিল সর্বনাশী।

রাসবিলাসিনী। (দণ্ডে)।

আলো আলো মর ছুড়ি!
এখনি হনা লো কুড়ী।
জানি তোর গুণ, দাদা হৈল খুন,
আহা কি রূপের ঝুড়ী?।

সর্বসুন্দর। (ব্যস্ত সমস্ত ও বিমর্ষভাবে)।

কি হৈল কি হৈল হায়!
পড়িলাম খুন দায়।
একে নারী বধে, পাপ উর্দ্ধ অধে,
ধন মান ধর্ম যায়।।

ব্রজবিলাস। (অবাক হইয়া)। -

সে কি? সে কি? কেন? কেন?
প্রেয়সী! সাহস হেন?
হৈলে দোষ গুণ, হতে হয় খুন,
আপনি সুবুদ্ধি যেন?।।

ভুবনেশ্বর। (চকিত, বিরক্ত ও ভীত হইয়া)।

বৃথা কেন করি রোষ,
বাবার কি দিব দোষ।
পোড়া দেশ ছার, পোড়া দেশাচার,
ভারত কষ্টের কোষ।।

সূর্য্যকান্ত। (পার্শ্বে দৃষ্টিপাত করিয়া সবিস্ময়ে)। য়োঁ! উদ্ভ্রমণ?

মোহিনী। (বটবৃক্ষ শাখায় রজ্জু সংযোগ করিয়া রোদন করিতে করিতে, স্বগত)। হা! এ

(১)শাওড়ী, ননদ, শশুর, স্বামী, দেবর এবং ব্রজবিলাসের প্রথমা স্ত্রী জয়শঙ্কর বন্দ্যোপাধ্যায়ের পার্শ্বগ্রামবাসী কোন গৃহস্থ পরিবার। ভুবনেশ্বর,—গবর্ণমেণ্ট স্কুলের ছাত্র।

হতভাগিনীর সংসার আশ্রমের সুখ সন্তোষের আশা সকলি ফুরাইল।। (বোম্পকর্মে মৃদু মৃদু)। হা বিধাতা! তোমার মনে কি এই ছিল। হে জগদীশ্বর! এই দুর্ভাগিনী, অসহ্য সতিনী যন্ত্রণা ও পতির চির বিরহ একান্ত সহ্য করিতে না পারিয়াই এই অকর্তব্য পাপ কর্মে প্রবর্ত হইতেছে—উদ্বন্ধনে প্রাণ বিয়োগ করিতেছে, দেখ্যো দেখ্যো, হে ভগবান! তুমি দয়াময়, যেন ও নামের মহিমা থাকে। আমি এই তোমাকে স্মরণ করিয়া তোমার নিকট ক্ষমা প্রার্থনা করিতেছি, যেন স্মরণ রয়, এক্ষণে আর কিছুই চাই না। হে দয়াময়! দয়া করিয়া কেবল এই দুস্তার পাপ পঙ্ক হইতে নিস্তার করিও, দোহাই তোমার, হে দীননাথ—শুনিয়াছি “অপঘাত মৃত্যুতে বড় পাপ হয়” (রোমাঞ্চ ও গাত্র শিহরণ) দেখ্যো ঠাকুর! আবার এ অভাগীর যেন সে পাপটিও না হয়, এই ভিক্ষা দিও। (ক্ষণকাল রোদন করিয়া) হে ঠাকুর! শুনিয়াছি “মনুষ্য জন্ম বড় দুর্লভ জন্ম” অতএব মরিয়া আর একবার যেন মনুষ্য দেহ পাই, এই করো। যদি পুরুষ হই, তবে যেন এক স্ত্রী থাকিতে অন্য বিবাহে মতি না হয়। যদি নারী হই, তবে যেন আবার এই দুর্নিবার সতিনী যন্ত্রণায় না পড়ি।

হে অগতিনাথ! পতিত পাবন দীনবন্ধে! পতি কুরূপ কদাকার হন, তায় দুঃখ নাই; কিন্তু তিনি যেন এককালে একটী বৈ অনেক স্ত্রীর পতি না হন এই প্রার্থনা। আর, পতি দুঃখী হন, তাও ভাল, দিনান্তে ভক্ষণ করিয়া কাল যাপন করিব, ঘর না পাই, নাই নাই, তথাপি যেন মনের মত একটী বড় পাই ঠাকুর!—বনে বনে বেড়াইব, গাছের ছাল পরিব, গলিত পত্র খাইব, গিরিশুহা বাস গৃহ হইবে, শ্যামায়মান নব নব দুর্বাদল সুশীতল শয্যা হইবে, দক্ষিণহস্ত বালিশ করিয়া পতিকে শয়ন করাইব—তাহাতেই সুখে শয়ন করিব, হে ঠাকুর! তথাপি যেন পতি, সতিনীর পতি না হন, অবলার গতি পতিরদ্বের যেন অংশী না থাকে, সাধবী স্ত্রীর পরম ধন পতির প্রেমধন যেন সতিনী হস্তে না যায়। দোহাই—দোহাই—দোহাই অন্তর্ধামি! এই ভিক্ষা দিও, নচেৎ এই স্ত্রীহত্যার পাপ তোমার হইবে, আমার নহে।

হে বিশ্বনাথ! আমি মনে জ্ঞানেও তো কখন তোমার নিয়মের অন্যথা করি নাই, বরং তাহা প্রাণপণে রক্ষা করিয়া চলিয়াছি, পতিকে এক নিমেষের নিমিত্তও অভক্তি করি নাই স্বপ্নেও পরপুরুষে অভিরুচি জন্মে নাই। যদি সে পথ সুপথ জ্ঞান করিতাম, তবে কেন এ পাপ কর্ম করিব, এবং তবে কেন ভীতা হইয়া তোমার নিকট এত বিনয় করিতে হইবে; যে জন্য এই আত্মহত্যা করিতেছি, পরপুরুষ বিশেষেও তো আপাততঃ ইহার অনেক দুঃখ দূর হইতে পারিত? না, না, তা ভাল নয় ঠাকুর। তাহাতে তোমার নিয়ম লঙ্ঘন করা হয়। সে পাপ স্ত্রীলোকদিগের পক্ষে সামান্য পাপ হয়, অক্ষয় পাপ। যত দিন

চন্দ্র সূর্য্য থাকিবেন—যত দিন দিন যামিনী হইবে, তত দিন পর্য্যন্ত কামিনীদিগকে সেই মহাপাতক জন্য দুষ্কর কষ্ট ভোগ করিতে হয়, সন্দেহ নাই, জগন্নিয়ন্তা! আমি সাহসপূর্ব্বক বলিতে পারি তদপেক্ষা আত্মহত্যা উচিত ও বিস্তর পুণ্যের কর্ম্ম, বরং বিষ পান, বরং উদ্বন্ধন, বরং উর্দ্ধ হইতে নিপতন, বরং জলপ্রবেশ, বরং জ্বলন্ত হত্যাশন দ্বারা আত্মহত্যা করা ভাল, তথাপি ত্রীলোকদিগকে পরপুরুষের মুখাবলোকন করিতে হয় নাই। এ বিষয়ে শাস্ত্রেও গুরুতর নিষেধ আছে।

(ক্ষণেক চিন্তিতার ন্যায় দাঁড়াইয়া)

হা! এত বিলম্ব করিতেছি, ত্বর করি; কেউ দেখিয়া ফেলিবে। (রজ্জু ধরিয়া উর্দ্ধমুখে কৃতাজ্জলি)। হে জগদীশ্বর! হে ভুতভাবন! হে দয়াময়! হে সর্ব্বাঙ্গস্বামী! তুমি সর্ব্বস্থানেই বিরাজ করিতেছ, সকলি দেখিতেছ, এ হতভাগিনীর সময় শেষ হইয়াছে, কাল নিকটবর্ত্তী, আর কিছু বলিতে পারিল না, ঠাকুর! আর কি বলিব; যাহাতে তোমার নিষ্কলঙ্ক করুণাময় নামে কলঙ্ক না হয়, যাহাতে তোমার দয়াময় নামের মহিমাটি বজায় থাকে, করো।

(ক্ষণকাল রোদন করিয়া)

হা পিতঃ! হা মাতঃ! হা ভ্রাতৃবর্গ! হা ভগিনীগণ! হা আত্মীয়স্বজন! এমন সময়ে তোমরা কোথায় রহিলে, শেষকালে তোমাদিগের সহিত একবার সাক্ষাৎ হইল না, এই খেদ রহিল! হা! তোমাদের মোহিনী এই জন্মের মত বিদায় হয় কোথায় যাইতেছে, একবার আসিয়া দেখিলে না? হা! তোমরা বলিতে “আমাদের মোহিনী অতি শাস্ত মেয়ে, বড় সুধীর, দিবানিশি মুখে হাসি লাগিয়া রহিয়াছে, উচ্চ কথাটি নাই।” হা, এসো এসো, দেখ এসো, একবার দেখো যাও, তোমাদের সেই মোহিনীর সেই হাস্যমুখের কি দুর্দশা হইয়াছে, হাস্যের পরিবর্তে এখন হা হা শব্দ অনবরত নির্গত হইতেছে, অজস্র অশ্রুধারা বহিতেছে, এসো এসো একবার দেখ, এখন কেমন দেখায়।।

হা! তোমার বলিতে “মোহিনীর গড়ন খানি কি সুডৌল! হাত দুটি যেন পদ্মের মুগাল! মুখখানি যেন আধফুটো পদ্মফুল! আহা! অভাগী, চক্ষুদুটী যেন হরিণী হইতে হরণ করিয়া এনেচে! চুলগুলি যেন চামরের মত! কথাগুলি কি মিষ্ট মিষ্ট!—যেন মধুমাখা, কোকিলের কুহ ধ্বনি জিনিয়াছে। আহা! এ সময়ে তোমরা রহিলে, দেখিলে না? তোমাদের সেই সর্ব্বাঙ্গসুন্দরী মোহিনী, এখন আবার কেমন এক নূতন মুষ্টি ধারণ করিয়া শ্মশানের বটবৃক্ষে বুলিতেছে। সে তোমাদের নিকট আর যাইবে না, তোমরাও আর তাহাকে দেখিতে পাইবে না, তার মানবীলালা সাজ হইল, তার পতিব্রত উদ্বাপন, আসিয়া দেখিলে না?।

হা! তোমরা বলিতে “মোহিনীর কপালটা ভাল, যেমন হোক একটা চাকুর্যে

ভাতারের হাতে পড়িল, দশখানা অলঙ্কার। প্রতীকার পরিয়া মনের খেদ মিটাইতে পারিবে।” আহা! এ সময়ে তোমরা কোথায়? তোমাদের সেই ভাগ্যবতী মোহিনী গলদেশে কেমন অলঙ্কার পরিতেছে দেখিলে না?। (রজ্জুর প্রতি দৃষ্টিপাত করিয়া, রোদন করিতে করিতে)। অলঙ্কার প্রতীকার হইবে, তোমরা বলিয়াছিলে, তোমরা স্বজন ও গুরুজন, তোমাদের কথা মিথ্যা কেন হইবে? এই দেখ তোমাদের মোহিনীর অলঙ্কারই প্রতীকার হইল, লোক পাঁচনরী পরে, তোমাদের মোহিনীর এই তে নরীতেই পৃথিবীর সকল সাধ মিটিল। তা নিষ্ঠুর অদৃষ্ট! তোমাকে নমস্কার দি।

(ক্ষণেক চিন্তা করিয়া, একান্ত ধৈর্য্যাবলম্বন করিতে না পারিয়া)।

হা নিষ্ঠুর সতিনি! হা নির্দয় স্বামি! হা, পাষণ হৃদয় শ্বশুর! হা ডাকিনি শাশুড়ি! হা রাক্ষসি ননদি! পোড়া পাড়া পড়সি! তোমরা আর মোহিনীকে কটু কহিও না। মোহিনী তোমাদের কত উপকারিণী, এবার বিশেষ জানিতে পারিলে তো?। এই দেখ, মোহিনী প্রাণান্তপণে তোমাদের উপকার করিয়া গেল। আর কি উপকার করিতে বল, বল?।

(ক্ষণেক চিন্তা করিয়া)

হা দেবর ভুবনেশ্বর! এ সময়ে তুমি কোথায় রহিলে! আহা! চাঁদমুখে একবার “বড় বৌ, বড় বৌ” বলিয়া কি আর ডাকিতে হইল না?। আজ তোমার নির্দয় বড় বৌ তোমাকে ফাঁকী দিয়া কোথায় চলিল আসিয়া দেখ। হে প্রিয়তম আজ হইতে তোমার অযত্ন আরম্ভ হইল! তোমার যে ডাকিনী মা — যে দুরন্ত বোন, আমার কাছে যে দুরন্তপণা করিতে, আর তাহা করিও না, করিলে অভিমানে বিস্তর কষ্ট হইবে, তাহারা কি তোমার সে আব্দার সহিবে;। আর, আমার নিকট “মা মা” বলিয়া যেমন আসিতে, কি করিবে; দুষ্টকে দূর পরিহার। ছোট বৌর নিকট আজ অবধি সেইরূপ করিও। হা যাদু রে! তুমি আজ অবধি মাতৃহীন হইলে, সাবধানে চলিও। কেহ কিছু বলিলেও তাহাতে কদাচ উত্তর করিও না। ছোট বৌ, দয়া করিয়া তোমার প্রতি যে সদ্যবহার করে, তুমি তাহাই প্রচুর মানিও!

হা বাছা! বুক যে কেমন কেমন করিতেছে রে? আর তোকে মনে করিতে পারি না। ঘরে জল খাওয়ার রাখিয়া আসিয়াছি, স্কুল হইতে আসিয়া অগ্রে তাহাই খাইও। বাছা! আমার মাথা খাও, আমার জন্য আর হাছতাশ করিও না, পীড়া হইবে, পীড়া হইলে তোমাকে কে দেখিবে, বল? আর তোমার দেখিবার মানুষ নাই!।

(গোষা বিড়ালটিকে কোলে লইয়া)

বাছা! যাও, ঘরে যাও, আর কেন এ অভাগিনীর চারিদিকে “মাঁও মাঁও” শব্দ

করিয়া, ঘুরিয়া ঘুরিয়া বেড়াও, মায়া বাড়াও বল?। তোমার নিষ্ঠুর মাঁও, এই তোমাদিগকে ছাড়িয়া চলিল। যাও, বাছা! ঘরে যাও, এ শ্মশানভূমি, বড় ভয়ঙ্কর স্থান, ঐ দেখ শৃগাল কুকুর সব চারিদিকে “হেঁ হেঁ” করিয়া বেড়াইতেছে, আর কিছুকাল পরে এখানে পাল পাল আসিয়া আমার মাংস শোণিত খাইবে। বাছা! যাও যাও, আমি জীবিত থাকিতে থাকিতেই ঘরে যাও।

(মুখচুষন করিয়া)

বাছা! আমার ভুবনেশ্বরকে বলিও যে আমি মাঁওর সঙ্গে সঙ্গে শ্মশান পর্য্যন্ত গিয়াছিলাম, সংকার করিয়া আসিয়াছি। আর, দাদা! মাঁও, তোমাকে কাঁদিতে বারণ করিয়া গিয়াছে। এবং আমাদিগকে অতি সাবধানে ঘর করিতে কত আশীর্বাদ করিয়া গিয়াছে। (পুনর্ব্বার মুখ-চুষন পূর্ব্বক বিড়াল পরিত্যাগ এবং উচ্চৈঃস্বরে রোদন)। বাছা! যাও যাও, শীঘ্র ঘরে যাও, আবার কেন “মাঁও মাঁও” কর, আমার আর বিলম্ব নাই, আমার মৃত্যুর পর এ স্থান অতি ভয়ঙ্কর হইবে! তোমরা আর এখানে আসিও না।

(এই সময়ে বটবৃক্ষে এক টিক্‌টিকী ডাকিয়া উঠিল, তাহাকে লক্ষ করিয়া)

অরে অদূরদর্শি টিক্‌টিকি! তুই আর কেন এখন বৃথা টিক্‌টিক্ করিস্?। নিষ্ঠুর বরের সহিত যখন এ হতভাগিনীর বিবাহ হয়, তখন তুই কোথায় ছিলি?। তোর দোষ কি? সকলি জন্মান্তরের তপস্যার ফল!।

(এই সময়ে বটবৃক্ষে বাতাস বহিতে লাগিল, তাহাকে লক্ষ করিয়া)।

ও বায়ু! তুমি কি আমার আয়ু গ্রাস করিতে আসিয়াছ? ভাল ভাল! তুমি কি আমার প্রাণ বায়ুর সঙ্গী হইলে, বেশ বেশ! তুমি এ অভাগিনীর প্রাণবায়ুকে সঙ্গী করিয়া লও, ভাল হইল, অভাগিনী একাকিনী কোথায় যাইত!।

(বটবৃক্ষের অধিষ্ঠাত্রী দেবতাকে সম্বোধন করিয়া)।

হে বটধিষ্ঠাত্রী! তোমাকে প্রণিপাত করি, এ দুর্ভাগিনীর যেন পরকালটা ভাল হয়, হে ঠাকুর! এই আশীর্বাদ কর, জগদীশ্বর দয়া করিয়া যেন এই অপঘাত মৃত্যু জন্য মহাপাতক ভিক্ষা দেন।

(এই বলিয়া উর্দ্ধ মুদিত নয়নে গলে রজ্জু প্রদান)

সর্ব্বসুন্দর। (তাড়াতাড়ী নিকটে গিয়া)। হাঁ হাঁ। কি সর্ব্বনাশ। মা! ক্ষান্ত হও, ক্ষান্ত হও, ও কি কর কর! এমত অপকর্ম্ম করিতে নাই। (বলপূর্ব্বক রজ্জু মোচন)

ভুবনেশ্বর। (রোদন করিতে করিতে)। ও কি! ও কি! হাঁ হাঁ, মা! ও কি করিতেছ! স্থির হও, স্থির হও, এমন মহাপাপজনক দুঃসাহস করিতে নাই। (হস্ত ধারণ)।

মাহেশ্বরী } (একত্র, দন্ত কিড়িমিড়ি পূর্ববর্ক গালে
রাসবিলাসিনী। } চোনা মারিয়া আক্রোশে)।

মুঁয়ে আশুন, আটকুড়ীর খী, ভাই খাগী, আ মরণ। কৈ? মন্তে পান্নি না? সোগ্ কচ্চিস্ বুঝি? মরবি্য তো এমন শুষ্ঠী শুদ্ধ বাঁধ্যয়ে মরিস্ কেন? মন্তে জানিস্ না? অমনি অমনি কি মন্তে পারিস না? মরবার কি আর ওবুধ পাস্ না।

মোহিনী। (মৃদুস্বরে রোদন করিতে করিতে সক্রুণ)। ওগো! তোমরা আর কেন আমাকে যজ্ঞণা দেও! আমি আর সৈতে পারি নে।

(শ্বশুর ও দেবরকে সম্বোধন করিয়া কাকুস্বরে)

ওগো! আমাকে ছেড়ে দেও, আমি এ প্রাণ আর রাখবো না।। (আকর্ষণ)।

রাসবিলাসিনী। (আক্রোশে)। আঃ! মর্! মরণ! হিংসায় মল্যেন আর কি?

মোহিনী। (কাঁদিতে কাঁদিতে কাকুস্বরে)। ও গো! তুমি আর এখনও আমাকে বক! এখনও তোমাকে একবার ভাল করয়ে দেখতে ইচ্ছা হয় কেন।।

(উচ্চৈশ্বরে রোদন)

সুন্দর } (একত্রে, উহাদিগকে যথোচিত তিরস্কার
ভুবনেশ্বর। } করিতে করিতে তাড়াইয়া দিয়া)

চল মা! চল, চল চল, ঘরে চল, ছিঃ মা! অমন কি কাঁদতে আছে, তুমি বুদ্ধিমতী কুলবধ, এখানে লোকারণ্য নেই, আর এ স্থলে থাকিতে আছে? কলঙ্ক হইবে, চল চল, চল, চল, শীঘ্র চল, ঘরে যাই। (আকর্ষণ)।

মোহিনী। (উচ্চৈশ্বরে রোদন করিতে করিতে)। ওগো! তোমরা আর কেন আমাকে দুঃখ দেও!, আমি কোথা গিয়ে কেমন করয়ে আর এ মুখ দেখাব!

(উচ্চৈশ্বরে রোদন)

সূর্য্যকান্ত। (তঁাহাদিগের সন্নিহিত হইয়া, সবিম্বয়ে)। কি? কি? কি এ মহাশয়! ব্যাপারটা কি?

ভুবনেশ্বর। (বিম্ব ও সলজ্জভাবে)। কেন আর মুখ পোড়ান মহাশয়! মাথা মুণ্ড কি বলিব। পিতৃ দোষ বাল্য বিবাহের ফল—অবঘাত।

সূর্য্যকান্ত। (কান পাতিয়া)। কি? কি বন্ধে গা? কিছুইতো বুজ্জে পান্নোম না।

ভুবনেশ্বর। আর কি বলিব মহাশয়! বলিতে রোদন আইসে,—বুক ফাটিয়া যায়। পিতা, আমার জ্যেষ্ঠের অতি-বাল্যকালে বিবাহ দিয়াছিলেন। পরে উপযুক্ত বয়ঃক্রম সময়ে সে বধূটী দাদার নিতান্ত অমনোনীতা হইল! এবং সেইটিতেই নিতান্ত রত হইলেন। ইনিই দাদার সেই অভাগিনী প্রথমা স্ত্রী। দুঃসহ সতিনী যজ্ঞণা সহ্য করিতে না পারিয়া এবং পতির চির বিরহে একান্ত অধীরা ও সংজ্ঞা শূন্য হইয়া এই নৃশংস ব্যাপারে আসিয়াছিলেন। তাই বলিলাম পিতৃ দোষ বাল্য বিবাহের ফল—অবঘাত।

সর্বসুন্দর। (সন্তানের মুখচূষন করিয়া)। বাছা! আর কেন মুখ পোড়াও বল, আমি কি করিব; পোড়া দেশাচারই সর্বনাশের মূলীভূত হইয়াছে।

আমি নিশ্চিত জানি বটে “বাল্য বিবাহ অত্যন্ত ভয়াবহ। বাপু! এই নিমিত্তই ভগবান্ মনু স্বয়ং লিখিয়াছেন—

“ত্রিংশদ্বর্ষো বহেৎ কন্যাং, হৃদ্যাং দ্বাদশ বার্বিকীম। ষ্যষ্টবর্ষো হষ্টবর্ষাং বা, ধর্ম্মে সীদতি সত্ত্বরঃ।।”

বাপু! আমরা ব্রাহ্মণ পণ্ডিত লোক, বিলক্ষণ অবগত হইয়াছি এই বচনে হৃদ্যা শব্দের পরমার্থ এই যে বর আপনি কন্যা মনোনীতা করিয়া বিবাহ করিবে। বর ত্রিশ বৎসর বয়সে দ্বাদশবর্ষ বয়স্কা হৃদ্যা কন্যা বিবাহ করিবে, অথবা চব্বিশ বৎসর বয়ঃক্রম কালে অষ্ট বর্ষ বয়স্কা হৃদ্যা কন্যা বিবাহ করিবে। এই কাল নিয়ম অতিক্রম করিয়া চলিলে ধর্ম্মভ্রংশ হয়। আর, বাপু! তোমরা যে সব কথা বল, সে সমস্তই আমার বিলক্ষণ মনে লাগে। অমনোনীতা বনিতাতে সন্তান সন্ততির উৎপাদন কদাচ হয় না। আমাদের ধর্ম্মশাস্ত্র কর্ত্তারা এ কথাটা স্পষ্ট লিখিয়া গিয়াছেন।

“যদি হি জ্ঞী ন রোচেত, পুমাংসং ন প্রমোদয়েৎ। অপ্রমোদাৎ পুনঃ

পুংসঃ, প্রজনং নৈব যায়তে।। মনুঃ

জ্ঞী পুরুষের মধ্যে পরস্পর অপ্রণয় থাকিলে বংশবৃদ্ধি হয় না। অতএব বাছা! আর কেন মুখ পোড়াও।

আহা! এই দুঃসময়ে রাজা রামমোহন রায়কে স্মরণ হইল। হা! রাজা মহোদয়! ভারতবর্ষের দুর্ভাগ্যবশতই কি তুমি অকালে মানবী লীলা সম্বরণ করিয়াছ? হিন্দু ধর্ম্মশাস্ত্রের যথার্থ মর্ম্ম তুমিই পরিগ্রহ করিয়াছিলে।

হা! বাছা ভুবনেশ্বর! তুমি আমাকে কি তিরস্কার কর? তোমার মাই এই সর্বনাশের মূল।

ভুবনেশ্বর। তা বৈ কি মহাশয়! পিতা মাতাই তো অনর্থের হেতু।

হায়! কি অদ্ভুদ কাল পড়িয়াছে! বলিতে হৃদয় বিদীর্ণ হয়;—শোক সিঙ্ঘ উচ্ছলিত হইয়া উঠে!। অরে দুর্ভাচার দেশাচার! তুই দীর্ঘায়ুঃ হইয়াই স্বর্ণময়ী ভারত ভূমিকে এককালে ছারখার করিলি!। তোর কি আর বিনাশ নাই রে!। তোর প্রতাপে পৃথিবী এককালে পাপে পরিপূর্ণ হইল!। হারে! তুই কি ভারতবর্ষকে পরিত্যাগ করিবি না? তোর প্রতাপে অধর্ম্মই ধর্ম্ম হইয়া উঠিয়াছে,—অপকর্ম্মই কর্তব্য কর্ম্ম বলিয়া সমাদরণীয়। তুইই শাস্ত্রকে অশাস্ত্র,—ধার্ম্মিককে অধার্ম্মিক,—পুণ্যকে পাপ, সুমনুষ্যকে কুমনুষ্য করিতেছিস্।

হা প্রিয় স্বয়ম্বর! দুঃসময় দেখিয়া তুমিও কি আমাদের প্রতি এককালে স্নেহ
সম্বরণ করিলে?—দয়াশূন্য হইলে?। আর কি তুমি এ পাপিষ্ঠ ভারতভূমির
মুখাবলোকন করিবে না?।

॥পদ্য॥

হারে দুষ্ট দেশাচার!, করিলি রে ছারখার,
তবু তোর না হয় সন্তোষ।
সোনার ভারত ভূমি, করিলি শ্মশান ভূমি,
ক্রমে তোর বাড়িতেছে রোষ॥
সর্বশাস্ত্রে এই পাই, ছেল্যে মেয়ে ভেদ নাই,
তোর মতে বিস্তর প্রভেদ।
সন্তানেরা পড়ে লেখে এ তিন ভুবন দেখে,
দুহিতারা মনে পায় খেদ॥
এ দেশের শুভকর, ছিল এক স্বয়ম্বর,
পলাইল ক্রমে তোর ত্রাসে।
যদি সে আসিতে চায়, তোর ভয়ে আসা দায়,
তেড়ে দিস্ তাহাকে উল্লাসে॥
বাল্যকালে দিস্ বিয়া, পরস্পর ভিন্ন হিয়া,
বর কন্যা মিলন না হয়।
তাহাতেই বংশ নাশ, ধন নাশ ধর্ম নাশ,
সর্বনাশ শোকের উদয়॥
পুরুষেরা যত চায়, বিবাহ করিতে পায়,
নারীর কপালে গণ্ডগোল।
পতিহারা বালিকারা, প্রাণে সারা হয় তারা,
আর নাহি পায় পতি কোল॥
এ তোর কেমন কর্ম, না বাহিস্ ধর্ম্মাধর্ম্ম,
মর্ম্ম ভেদ ধর্ম্ম ভেদ কারি॥
কে বুঝিবে এ চাতুরী, ধর্ম্ম পথ করি চুরী,
নিজে হোস্ অধর্ম্মের দ্বারী॥
শাস্ত্র সব মিথ্যা হয়, ধন ধর্ম্ম ধতি ক্ষয়,
সুনর দুর্নর তোর কাছে।
লোকের কর্তব্য যাহা, অকর্তব্য তোর তাহা,
হেন গুণ শত শত আছে॥

পাতিয়া বঞ্চনা ফাঁস, করিলি রে সর্বনাশ,
 নহিলে কি হয় হেন দশা।
 আহা তোর কি কৌতুক, তুচ্ছ হলি সারী শুক,
 পাখীর প্রধান হৈল মশা।।
 ভেবে মনে পাই ব্যথা, সোনা, হৈল শোনা কথা,
 রাসের বাড়িল রঙ্গরস।
 তাই ওরে তোরে বলি, যারে অন্য দেশে চলি,
 ভাল বলি গাই তোর যশঃ।।

সূর্যকান্ত। (কিঞ্চিৎ ঈর্ষায়ুক্ত হইয়া, সর্বসুন্দরকে সম্বোধন পূর্বক)। মহাশয়! এটা কে? আপনকার কনিষ্ঠ সন্তান বুঝি?

সর্বসুন্দর। (প্রসন্ন বদনে)। হাঁ! মহাশয়! এখন আমার নয়, দশজনের, রাখিয়া মরিতে পারিলেই আমার।

সূর্যকান্ত। (রাগভাবে)। এটা কেলিজে পড়ে বটে?

সর্বসুন্দর। হাঁ! মহাশয়! সকলি দশজনের আশীর্ব্বাদ।

সূর্যকান্ত। (মুখভঙ্গিমা করিয়া)। হাঁ, হাঁ, বোঝা গিয়াছে, যাও; আর বলিতে হবে না।

সর্বসুন্দর। (ত্রস্ত হইয়া)। কেন মহাশয়? বড় যে বিরক্ত হইলেন?

সূর্যকান্ত। বিরক্ত হই নাই, দুঃখিত হইলাম।

সর্বসুন্দর। কেন? কেন? দুঃখিত হইবার কারণ কি?

সূর্যকান্ত। (দস্তে)। বল কি গো! দুঃখিত হইব না? তোমাদের গ্রামে নাকি কোম্পানি থেকে একটা কেলিজ বসিয়াছে?

সর্বসুন্দর। হাঁ, হাঁ, তার কি? বিস্তর যত্নে আমরা সরকারের দয়ার পাত্র হইয়াছি, ছেল্যে পেল্যেগুলো মানুষ হইবার আশা হইয়াছি।

সূর্যকান্ত। (মুখ বাঁকা করিয়া)। হাঃ! বিলক্ষণ!। এত বড় ভবিষ্যৎ সবি নোক হইয়া আপনিও যে গভের ছাদে গিয়াছেন?। এর চেয়ে গ্রামে মদের দোকান, গুলীর আড়ডা, কসবীর ঘর বরং ভাল ছিল। আপনকার টোল ছিল লয়?। হেঁঃ!—ছেলেটিকেও এই যে বিলক্ষণ থিষ্টেন করিয়া তুলিয়াছেন। যান্ যান্, এখন বৌমাকে নিয়ে ঘরে যান। এত উতলা হইবেন না, ঘর করিতে গেলেই এমন কি? এরে চেয়েও বাড়ী হইয়া থাকে, সব সৈতে হয়। তা বলিয়া কি ধম্ম কষ্ম নোপ কন্ত্যে চান?। ও সব তো থিষ্টেনের কথা, শুনিলে রাগ জন্মে। ব্যালাটা অধিক হইয়াছে, অনেকক্ষণ হইল আসিয়াছি। আমিও বাড়ী চলিলাম।

(সকলের প্রস্থান)

সূর্যকান্ত। (পথে যাইতে যাইতে, স্বগত)।

পদ্য।

একি দেখি ঘোর কলি, ভাল মন্দ কারে বলি,
 সকলি হইল একারার।
 দেশে যত ছিল টোল, তারাও মানিল গোল,
 ধম্ম কষ্ম হৈল ছারখার।।
 যাহা যার মনে ভায়, বাধা আর নাহি তায়,
 করে তাই যাহা লয় মনে।
 নাহি আর বলাবলী, উঠে গেল দলাদলী,
 চলাচলী সকলের সনে।।
 হইল রাঁড়ের বিয়া, শূন্যে, রাগে জ্বলে হিয়া,
 আর বা দেখিতে হয় কত।
 মেয়েগুলো নিখে পড়ে, কবে তারা ঘোড়া চড়ে,
 দেখে শুন্যে হই বুদ্ধি হত।।
 যে দিকেতে করি দৃষ্টি, দেখি কেলিজের সৃষ্টি,
 ধরা বুঝি একাকার হবে।
 অনুমানে বুঝি ভাবে, শাস্ত্রের সম্মান যাবে,
 স্বয়ম্বর চল্যে যায় কবে।।
 ছিল যত সুরালয়, হৈল সব সুরালয়,
 গোহত্যেতে নাহি গণ্ডগোল।
 বাবুগিরী ধুমধাম, খোষনাম বদকাম,
 বাজিয়াছে বজ্জাতীর খোল।।
 যে ছিল সমাজ সব, তারা সব হত রব,
 কেলিজের দেখিয়া কৌশল।
 বালী বাকসা হত জ্ঞান, নবদ্বীপ প্রিয়মান,
 নাই কৃষ্ণ নগরের বল।।
 যারা সব বড় নোক, তারা সব বড় নোক,
 ধম্ম নোপ হইতেছে তাই।
 দেখে এই টেনাপোঁদা, ঠোট ফাটা পা গোদা,
 আমাদের সমাদর নাই।।
 তাই হৈল ধম্ম নোপ, ছুটিল ছটার তোপ,
 ফিট ফাট হৈল বঙ্গদেশ।
 পিতা পুত্রে সম ভাব, নঘু গুরু নাহি দাবি,
 নাহি আর সঙ্কোচের নেশ।।

ভেবো হয় ছাতি ভেদ, না রহিল জাতি ভেদ,
হঁকা ন্যয়ে নুকাচুরী খেলা।
ভাত হয় আঁত গত, সবে এক প্রেমে রত,
যত সব সাহেবের চেলা।।
হায় হায় কব কায়, দেখে ছাতি ফেটো যায়,
যায় যায় যায় হিঁদুয়ানি।
মিছে আর ঢলাঢলী, হইয়াছে গলাগলী,
এই বেলা ঋষিখিষ্ট মানি।।

দর্বসুন্দর। (পথে যাইতে যাইতে, স্বগত)।

পদ্য।

কি দুরন্ত কলিকাল বলি কার কাছে।
ফুটিল ঘেঁটুর ফুল গোলাবের গাছে।।
বেদ স্মৃতি পুরাণেতে মিশায়েছে মলা।
পাপিষ্ঠ কলির চেলা নিতে রঘো, বলা।।
স্মার্ত লয়ে আর্ন্তনাদ করি হায় হায়।
কে কহিল হেন বিধি লিখিতে তাহায়?।।
অবিধি রাঁড়ের বিয়ে কোথা পেলো সেটা?।
স্বয়ম্বর নিষিদ্ধ বলিল তারে কেটা?।।
মেয়োদের লেখা পড়া শিখাইতে নাই।
কোন্ শাস্ত্রে লেখে ইহা দেখিতে না পাই।।
তবে কেন করিল, সে হেন গণ্ডগোল।
কে বলিল বাজাইতে বজ্জাতীর ঢোল?।।
তাইতে এখন এই ঠেকিতেছি দায়।
পদে পদে ধন মান আর ধর্ম যায়।।
নবদ্বীপে সচী পিশী, তাহার সন্তান।
রিরি রিরি করি এক তুলিয়াছে তান।।
বেদে নাই ভেদে নাই হেদে ওরা কেটা?।
এ পর্য্যন্ত জ্ঞানিতে না পারিলাম সেটা।।
ওদিকেতে বাঙ্গাল বঙ্গাল মহাশয়।
তানা নানা নানা নানা তুলিলেন লয়।।

সে লয় সামান্য নয় প্রলয়ের লয়।
 তাহাতেই হইয়াছে এ মহা প্রলয়।।
 কুলীন প্রবাহে ধরা হইল কুলীন।
 ম্যাও ম্যাও বাজিতেছে নষ্টামীর বীণ।।
 মাঝে মাঝে তাল দেন দেবীবর ভায়া।
 সে তাল বেতাল যেন বেতালের মায়া।।
 দূর হোক সে সব কথায় নাহি কায।
 সব জ্বালা ঘুচাইবে এবার ইংরাজ।।
 শিশু ফাঁদ ইহাদের যীশু ফাঁদ যেটী।
 সকলের সব ফন্দী ঘুচাইবে সেটী।।
 দিন কত কর গত হবে একাকার।
 কলিকাতা চেয়ে দেখ নমুনা তাহার।।
 সাহেব বাঙালী আর নাহি যায় চেনা।
 উইলসনী খানা আনি বল খান কে না?।।
 গোটা কত মোটা মোটা বড় লোক আছে।
 ধর্ম্মাধর্ম্ম সুবিচার তাহাদের কাছে।।
 তাহা বই হোই হোই ঢাকের বাঁ দিক্।
 বাজে নাই কাষে নাই লাজে নাই দিক্।।
 কোথা গেলে মহারাজ শ্রীরাম মোহন।
 তোমার ভারতভূমি হৈল কাঁটা বন।।
 কি কর গো রাধাকান্ত রাজা মহামতি।
 মনোযোগ কর দেশে হইল দুর্গতি।।
 কেটে ছিড়ো হিন্দু ধর্ম্ম কর পরিষ্কার।
 গোলযোগে কষ্ট ভোগে বাঁচি না যে আর।।
 হয় রে হিন্দুর ধর্ম্ম সনাতন তুমি।
 তবে কেন এ হেন হইল বঙ্গভূমি।।
 বারো জনে গোল করি তোমারে হারায়।
 দেখিলে তোমার দশা প্রাণ ফেটে যায়।।
 কবে তুমি পুনর্ব্বার হইবে নির্ম্মল।
 কত দিনে প্রচল হইবে তব বল।।
 উঠিয়াছে যে দেখি বিষম গোলযোগ।

এ রোগ সুরোগ নয় সাংঘাতিক রোগ।।

কবি কয় মিথ্যা নয় এইরূপ বটে।

যে কাল পড়েছে দেখ কি বিপত্তি ঘটে।।

(জয়শঙ্কর বন্দ্যোপাধ্যায়ের অন্তঃপুর)

(হরিশ্চিয়া ও হরমণির প্রবেশ) (১)

হর। (কর্ণপাত করিয়া আস্তে আস্তে)। ও মা! ঐ বুঝি পাড়াগাবনী পোড়ারমুখী পদী আশে গো! আ মরণ! কি পোড়া! মর!—ওর আর খেয়ে দেয়ে কোন কন্ম নেই? কেবল হুজুক নিয়েই আছে।

হরিশ্চিয়া। (সবিস্ময়ে)। কৈ? কি পদী? দেখ্যো, ও যেন আবার ওখানে যায় না; খপ্পরা একে তো নেচে রয়েছে। (সৌদামিনীর প্রতি মুখভঙ্গী)।

(পদ্মমুখীর প্রবেশ) (২)

পদ্ম। কোথা রে হর! কৈ? বৌ কোথা লো! তোরা সব কি কচ্ছিস্! আহা! শুনেছিস লা! জ্যেঠাই কোথা গো!

হরিশ্চিয়া। (ব্যস্তভাবে)। থাক্ মা! থাক্; ও সকল কথা আর আমার বাড়িতে আনিস না মা! একে মন্সা নিয়ে ঘর, তায় আবার ধুনোর গন্ধ পেলে কি আর রক্ষা থাকবে?।

হর। (ব্যস্তভাবে চুপ চুপ)। হেঁলা পদ্ম দিদি! ও ভাই! গোড়া ভাই! শুনে অর্ধি আমার বুকটা যেন গুর্ গুর্ করে উঠতেছে, মেয়ের কি বুকের পাটা বোন! সর্বনাশী কেমন করে গলায় দড়ী দিলে গা!। আমি হল্যে এমন সাজাতকে অমনি আঁসবটী দিয়ে দুখানা কঙুম, আর কি দেখতুম?।

(ভূধরের প্রবেশ)

ভূধর। (আক্ৰোশে)। মা! তোমাদের ও সব কি হইতেছে গো! হর বুঝি কিছু জানে না? পদ্ম! তোর কি আর গপপ্ করিবার জায়গা নাই? আর বুঝি কিছু কথা পাও না?

(জয়শঙ্কর বন্দ্যোপাধ্যায়ের প্রবেশ)

জয়শঙ্কর। (সকলকে সম্বোধন করিয়া, বিরাগে)। তোমরা সব চুপ করনা গা!—চুপ কর, ও সকল কথায় তোমাদের ক'য় কি, বল দেখি?।

(অন্তঃপুরে গলায় দড়ীর কথা চুপ চাপ, সকলের প্রস্থান)

পদ্মমুখী। (তথা হইতে প্রস্থান করিতে করিতে, মনে মনে)।

অভিপ্রায়।

পদ্য।

(১) ভূধরের মাতা ও ভগিনী

(২) প্রতিবেশিনী ব্রাহ্মণ কন্যা, বাল্যরতা

পোড়া দেশ বাঙ্গালার মুখে দেই নুড়ো।
 বেছো বেছো গড়িয়াছে চতুর্মুখ বুড়ো।।
 আর যত দেশ আছে পৃথিবীর মাজে।
 ব্রহ্মার সুখ্যাতি করা সেই খানে সাজে।।
 যে শুনি সবার মুখে সে দেশের(১) কথা।
 সে দেশ পড়িলে মনে, মনে পাই ব্যাথা।।
 বিশেষতঃ ছেলেরা যখন পড়ে বই।
 কিছুই লাগে না ভাল শুধু তাহা বই।।
 আহা মরি কেমন সুন্দর সব কথা।
 শুনিলে অন্তরে যায় অন্তরের ব্যাথা।।
 মেয়ে নাই, মদ নাই সবাই সমান।
 সবাই সমান সুখী সম ধন মান।।
 পিঞ্জরে থাকে না বদ্ধ গৃহস্থের নারী।
 কি সুখে কাটায় কাল আহা মরি মরি।।
 বিবাহের কেমন সুন্দর সুনিয়ম।
 শুনিলে সন্তোষ জন্মে দূরে যায় ভ্রম।।
 কেমন সুন্দর করে আহার বিহার।
 কেমন গম্ভীর ভাব অন্তরের ভার।।
 কেমন সুন্দর সব কাস্তিময় দেহ।
 না হয় সন্দেহ তথা না হয় সন্দেহ।।
 কেমন সুন্দর নর নারীর প্রণয়।
 না হয় সংশয় তথা না হয় সংশয়।।
 কেমন সুন্দর সত্য বিরাজিত তথা।
 না হয়, অন্যথা তথা না হয় অন্যথা।।
 কেমন সুন্দর নর নারী অসংকোচ।
 না হয় সংকোচ তথা না হয় সংকোচ।।
 সেদেশের লোক সব সরল সুজন।
 এদেশের লোক সব নিষ্ঠুর দুর্জ্ঞান।।
 সেদেশে অসুখ নাই সর্বদাই সুখ।
 এদেশেতে সুখ নাই সর্বদা অসুখ।।
 সেদেশেতে লেখাপড়া গুরুমন্ত্র জপ।
 এদেশেতে পরহিংসা তপস্বির তপঃ।।

(১) ইংলণ্ড প্রভৃতি।

সেদেশেতে সসন্তোষ সর্বদাই লোক।
 এদেশের লোকের যেন সদা পুত্র শোক।।
 পরদেষ পর হিংসা পর প্রতারণা।
 পরদার চৌর্য্য শাঠ্য কেবল যন্ত্রণা।।
 এ দেশেতে যত দেখি নাহি কোন দেশে।
 এতে কি মনের সুখ হয় পোড়া দেশে।।
 অসুখ এদেশে দেখি প্রধান সম্পদ।
 আত্মহত্যা এ দেশেতে যেন মুক্তি পদ।।
 ভাতারের মুখ যেন আকাশের ফুল।
 আর গর্ভে এ দেশেতে মান্য করে কুল।।
 স্বামির সঙ্গেতে যেন শত্রু ব্যবহার।
 কদাচার এই দেশে সত্য সদাচার।।
 মহাপাপ এ দেশেতে মহাপুণ্য গণি।
 জড় কিস্বা জন্তু সম এ দেশের ধনী।।
 এ দেশের পুরুষ যেন এ দেশের মেয়ে।
 এ দেশের মেয়ে বরং ভাল তার চেয়ে।।
 দিবানিশি বহিতেছে অসুখের ঝড়।
 দেখ্যে শুন্যে সদা ভাবি ভয়ে হই জড়।।
 আর নাহি সয় দেহে নাহি রয় প্রাণ।
 জন্মিয়া যে জন মরে সেই পুণ্যবান্।।
 হয় বিশ্বনাথ! তুমি এমন নিষ্ঠুর।
 তোমার অন্তরে নাহি দয়ার অঙ্কুর।।
 তোমার আকার বিশ্ব তুমি বিশ্বময়।
 তোমার এ পঙ্কপাত উচিত তো নয়।।
 প্রকৃতির সঙ্গে তুমি পরামর্শ করি।
 অবশেষে করিয়াছ এই কারিগরি।।
 তোমার প্রকৃতি যিনি ভাল জানি তাঁরে।
 প্রধান কুহকী তিনি কে চিনিতে পারে।।
 করিয়াছ এই কাণ্ড তাঁর সঙ্গে যুটে।।
 সাথে কি তোমারে বলি দুরন্তের মুটে।।
 কবি কয় কুল কন্যে! কেন নিন্দা গাও।
 হবিষ্য ছাড়িয়া বুঝি খানা খেতে চাও?।।

(দ্বিতীয় অঙ্ক সমাপ্ত)

তৃতীয় অঙ্ক

(জয়শঙ্কর বন্দ্যোপাধ্যায়ের অন্তঃপুর)

(সৌদামিনীর প্রকোষ্ঠ)

(কাদম্বিনী, নিতম্বিনী ও চঞ্চলার প্রবেশ)

চঞ্চলা। (সৌদামিনীকে সম্বোধন করিয়া হাস্যবদনে)। কি লো বড় বৌ! কি কচিস্? কই লো, বড় যে তোর গাটা কালো দেখছি,—হলুদ মাখিস্ নি?।
নিতম্বিনী। (কাদম্বিনীকে সম্বোধন করিয়া, জিব কাটিয়া, বিষ্ময়ে)। ও দিদি ও মা! চলী কল্লে কি মা! কালো বল্লে কি গো! (চঞ্চলাকে সম্বোধন করিয়া) ও লো! ও যে তোর ভাতারের নামে আসে লো! তোকে যে নালো বলতে হয়!!
চঞ্চলা। (বিরাগে)। যা ভাই! তোর ঐ বড় দোষ, কথায় কথায় ছল খরিস্,—ঈস্! কুলীনের ঘরে আবার ভাতারের নাম ধন্ত্যে নেই? মরুক্ গো, কি আমার পর কালের ভাতার রে! মল্যে সাক্ষী দেবে,—সে ব্যো ভুল্যে গেছি যা!!

নিতম্বিনী। (সৌদামিনীকে সম্বোধন করিয়া)। ও বড় বৌ! বড় যে ঘটা দেখছি লো! বাজনা হলো, বমের গাছ হবে, আবার শুনতে পাচ্ছি নাকি ইন্দুরিজী বাজনা আসবে! ভূধর দাদার এ ব্যের যে বড় ঘট শৃঙ্খি লো! হর দিদি তো অধিকী ভালো দেখছি! তোর ব্যেতে ভাই! অন্যে কি আমরাও জান্তে পারি নেই! “বেরাল দেখে নি ভাত, কুকুর দেখে নেই পাত।”

কাদম্বিনী। (দুঃখিনী ভাবে)। দুর্ হোক্ বোন! ও কথায় আর কথা কইতে ইচ্ছে হয় না!—“কারো সাগে বালী, কারো দুখে চিনী” দেখ্যে বড় দুঃখু হয়! তোরা কি জানবি বল্ ভাই? যার আঁতে ঘা, সেই জান্তে পেরেচে!। ঘট হবে না কেন বল বোন? এ ব্যে ভূধর দাদার হাতে কলমের ব্যে, এতো পৈত্রিক ব্যে নয়? যে যা হোক্ কর্যে সারব্যে, চুপ্ কর্যে থাকতে হবে।

সৌদামিনী। (চক্ষের জলে বক্ষঃ ভাসাইতে ভাসাইতে, বাম পায়ে বন্ধ দ্বারা ভূমি ঝুড়িতেই, অধোবদনে, মনে মনে)। হা! যাহা ভাবিয়াছিলাম, হতভাগিনীর পোড়া কপালে কি তাহাই ঘটিল! এখন কি করি!—এই প্রতিবাসিনীরা কুলীন কন্যা, জন্মে কখন স্বামির মুখ দেখিতেও পায় না, উহারাও আমাকে উপহাস করিতেছে,—না করিবেই বা কেন? আমি উহাদের কাছে ভাতার ভাতার করিয়া ভাতারের বড় অহংকার করিতাম! হা! এখন যে মুখ তুলিয়া কথা কহিতে পারি না।

হা নিষ্ঠুর পতি! তোমার কি এই ধর্ম কর্ম!—বিশ্বাসঘাত করিলে!!
হা ভারতবর্ষের ধর্ম! তোমার বিচিত্র কর্ম কিছুই বুঝিতে পারি না। পুরুষ জাতি যত ইচ্ছা বিবাহ করিতে পারে? নারীদিগের বেলাই মহাপাপ। (ক্ষণকাল চিন্তা) হা! তাহা হইলেই বা কি হইত! যদিই সে বিধান চলিত থাকিত, তথাপি কি এ মর্মান্তিক দুঃখ দূর হইত? একটা কুকুর বিড়াল পুষিয়া যদি তাকে ভালবাসা যায়, সেটা হাত ছাটা হইলে সে দুঃখ এত হয় যে আর প্রাণ থাকিতে অন্য কুকুর বিড়াল পুষিতে ইচ্ছা হয় না!— সে দুঃখই যখন এত মর্মান্তিক দুঃখ হয়! তখন এ দুঃখের কথা কি কহিব!। (স্বামিকে লক্ষ্য) হা! নিষ্ঠুর! লোকে দুটো বিবাহ করে বটে, কিন্তু এত ঘটা করে না, গোপনে গোপনে সারিয়া থাকে, আর প্রথম পক্ষের স্ত্রীর সহিত হঠাৎ ব্যবহার পরিত্যাগও করে না, দুই দিক রক্ষা করিবার চেষ্টা করে। হয় তো ক্রমে ক্রমে তাহা করিয়া লইতেও পারে। (ক্ষণকাল চিন্তা) হা নিষ্ঠুর! তোমার মনে কি এই ছিল? তুমি যে আমাকে—এত মন্দ বাসিবে! এমন করিবে! একবার দেখাও দিবে না! আমি স্বপ্নেও জানিতাম না। হা! এখনও কি আমি তোমাকে পাসরিতে পারি? আমি বড় পোড়া কপালী! না হইলে আমার কেন এই দুর্দশা হইবে!— অমৃতে গরল উঠিল রে নির্দয়!!!!

অভিপ্রায়।

পদ্য।

বিধি, বিশেষ যতনে।২।

সৃজিলেন যত রত্ন এই ত্রিভুবনে॥

ভাবি, পাত্রাপাত্র মনে।২।

দিলেন সে সব রত্ন এক এক জনে॥

শুনি, পুরাণ শ্রমাণ।২।

গজ রত্ন পুরন্দরে করিলেন দান॥

নাম, ঐরাবত তার।২।

তরু রত্ন পারিজাত দিয়াছেন আর॥
 উচ্চৈঃ,— শ্রবা নাম যার।২।
 এই অশ্ব রত্ন, রত্ন হইল তাঁহার॥
 হংস, যোজিত বিমান।২।
 এ রত্ন ব্রহ্মারে বিধি করিলেন দান॥
 মহা,— পদ্ম নামে নিধি।২।
 এই রত্ন ধনেশ্বরে দিয়াছেন বিধি॥
 বিধি, দয়ার সাগর।২।
 কিঞ্জঙ্কিনী মাল্য রত্ন পাইল সাগর॥
 দয়া, উপজিল তাঁয়।২।
 সেইরূপ পতি রত্ন দিলেন আমায়।!
 শোকে,বুক ফেটে যায়।২।
 তবে কেন এ দুর্দশা হৈল হয় হয়॥
 মনে, ভাবিতাম আমি।২।
 হইলাম শচী সম, ইন্দ্র সম স্বামী॥
 আজি, কি দশা আমার।২।
 হৃদয় বহিয়া পড়ে বাষ্প বিষ ধার॥
 মুখ তুলিব কেমনে।২।
 অভাগী আমার তুল্য নাহি ত্রিভুবনে॥
 যদি, জানিতাম হেন।২।
 যতনে পরাণ তবে সঁপিতাম কেন॥
 সঁপি, পাষণ্ডে জীবন।২।
 লাভ মাত্র হৈল শুধু অদন রোদন॥
 জীব, যত কাল আর।২।
 হইয়া রহিনু শুধু শোকের আধার॥
 মুখে হাহাকার ধ্বনি।২।
 শুনিয়া হাসিবে সব ভাগ্যবতী ধনী॥
 সাধ,ছিল যত মনে।২।
 একত্র হইল আসি বিষাদের সনে॥
 জ্বালা,সতিনীর যত।২।
 ভুগি নাই তবু হই ভেবে জ্ঞান হত॥
 তাহা ভুগিব যখন। ২।

ভাবিয়া না পাই জ্বালা হইবে কেমন।।

আছে, দুষ্ট লোক যত। ২।

পাইয়া অনাথা ছল করিবেগ কত।।

কিসে, বাঁচিব সে দায়। ২।

ভাবিয়া সে সব আগে ভাগে প্রাণ যায়।।

পতি, এমন নিষ্ঠুর। ২।

একবার ভাবিল না অধর্ম অন্ধুর।।

করে, হেই হেই লোকে। ২।

কত আর সই বল সারা হই শোকে।।

কবি, করে হয় হয়। ২।

সতীত্ব রাখিয়া চলা বড় ঘোর দায়।।

নিতম্বিনী। (কাদম্বিনীকে সম্বোধন করিয়া)। চ ভাই! আমরা সব ঘরে যাই, আজ কন্ম ঘর,—বড় বউয়ের ভাতারের ব্যে, দুটো আমোদ আত্মদ করবো, রান্তিরে জল সৈতে যাব, কুটুম্ব সাক্ষাত্ কত নোকের সঙ্গে কত আমোদ হবে, তাই বুঝি বড় বৌ আজ কথা কয়না, কাযকি বোন!—“মান্ বা নেই মান্, তোর বাড়ীতে মেজ্ মান্?” তা কি ভাল নাগে?

(ক্ষেমঙ্করীর প্রবেশ) (১)

ক্ষেমা। (অন্তর্বাৎস নয়নে গদগদ কষ্টে, কাদম্বিনী, নিতম্বিনী ও চঞ্চলাকে সম্বোধন করিয়া)। তোমরা এসেছ মা! বেশ করেছ; তাই ভাবতে ছিনু—বলি আবার ডাক্তে যাব নাকি; দিদি ঠাকুরণ, মা, ঠাকুরণ, তোমাদের খুজ্জে ছেলেন। ব্যালা হয়ে গেল, এখনও কিছু উজ্জুগ সুজ্জুগ হলো নি; এখনি আবার বার ব্যালা পড়বে, যাও না মা! এই ব্যালা কামান পাতনা গ্যে, সব উজ্জুগ সুজ্জুগ করে সকাল সকাল সেরে নেও গ্যে; তোমাদের দাদার ব্যে, তোমরা করবে না তো কে করবে বল?

চঞ্চলা। না মা! আমরা ঘরে যাই; যার বাড়িতে কন্ম, সেই যার আমাদের সঙ্গে কথা কয় না; আর কি থাকতে আছে?

নিতম্বিনী। বটে তো গা! আমরা কি অমনি এয়েছি, না, কখনো হলুদ মাঁখিনি? ক্ষেমা। না মা! অমন কথা বলো না; তোমরা সব বুজ্জুদার মেয়ে; বুজ্জুদে পার না কি মা! —ও কি আজ আছে যে তোমাদের সঙ্গে আমোদ করবে? —ও মর্যে রয়েছে। যাও মা! যাও; তোমরা সব আমোদ আত্মদ কর গ্যে; ওকে আজ আর কিছু বল্যে কায্ নি।

(সকলকে সঙ্গে লইয়া এয়োকামানে গমন)

(১) সৌদামিনীর পিতৃকুল হইতে আগত দাসী। ক্ষেমার আর কেউ নাই, ক্ষেমাই সৌদামিনীকে মানুষ করিয়াছে। কন্যা বাৎসল্য করে। সৌদামিনী ক্ষেমাকে মা বলেন।

(বিবাহের দিবস পূর্বাহ্ন)

(ভৃত্যদিগের গৃহ)

বেচারাম। (১) (নিধিরাম (২) কে সম্বোধন করিয়া) এই নিদে!—দুঃশালা; তুই ব্যাথ্যাই বামুনদের বাড়ী চাকরী করে মরিস? (ক্ষণকাল চিন্তা) না, তো শালার কাছে বলা হবে নি; তুই বড় বেআন্দজ নোক, ও সকল দেখতে পারিস্ নি। নিধিরাম। (আহ্বাদে)। কি রে ভাই! মোকে বল না? বল্‌বি নি? রোস; তোশালাকে নন্দামায় পেলে দি। (জড়াজড়ী আমোদ)

বেচারাম। (হাতাহাতী করিতে করিতে আহ্বাদে অর্ধউক্তি) ছা ভাই! ছা;— বয়ি বয়ি; বয়ি রে! শা!!

নিধিরাম। হেঁ ব শালা। (জড়াজড়ী ছাড়াছাড়ী)

বেচারাম। আজ আত্তিরে কি জানিস্?।

নিধিরাম। কি রে ভাই?।

বেচারাম। দুঃশা!—দিদী ঠাকুরুণ রা সব জল সৈণ্ডে যাবে যে রে। দেখেছিস পার্গার একটা কেমন দিদী ঠাকুরুণ এয়েছে!।

নিধিরাম। (আহ্বাদে) হেঁ হেঁ, বোটে তো রে। —মুই যাব মুই যাব।

বেচারাম। মুই ভাই! একটা বড় বুদ্ধি করে একেছি।

(বৈঠকখানা হইতে)

জয়শঙ্কর। (ভৃত্যদিগের প্রতি)। কে আছিস রে!।

নিধিরাম। এত্তে যাচ্চি।

(নিধিরামের গমন)

(অন্তঃপুর)

(কুলকামিনীগণের মনে মনে সন্তোষ)

অভিপ্রায়।

পদ্য।

কি আনন্দ নিশিযোগে সুযোগ সময়।

সয়িতে যাইব জল কোলাহলময়।।

কে কার লইবে তত্ত্ব কোথা রবে কেবা।

আনন্দে করিব আজি বাসনার সেবা।।

পিঞ্জরে থাকিয়া বদ্ধ যত কষ্ট পাই।

যোগে যাগে দূরে যাবে সে সব বলাই।।

সাজিব সুসাজে আজি যাব বেশ্যাবেশে।

বলাবলী গলাগলী ঢলাঢলী শেষে।।

(১) ভৃত্য

(২) ভৃত্য

বাসর আসরে বটে মজা আছে কিছু।
 কিন্তু সে একাকী বর মেয়ে থাকে নিছা।।
 ভাগ্যবলে আলো যদি নেবে একবার।
 ভাগাড়ের মধ্যে শত শকুনী সম্ভার।।
 এ নয় সেরূপ শুধু রমণী বাজার।
 পুরুষ পরেশ আছে হাজার হাজার।।
 বিশেষে যাহার সঙ্গে আছে যার মন।
 সে কি কভু ছেড়ে দেয় সুযোগ এমন?।।
 লইয়া ফুলের তোড়া ছেঁড়াগুলো যত।
 হেই হেই করিতেছে সাজিতেছে কত।।
 হেরিয়া সে সব সাজ ব্যাজ নাহি সয়।
 মনে করি কোলে করি যা হয় তা হয়।।
 অপরাধ কাম কুপ কি গোঁফের রেখা।
 রতির সহিত যেন মদনের দেখা।।
 মুখে মৃদু মৃদু হাসে ভাসে মধুময়।
 আকাশের মাঝে যেন বিজলী উদয়।।
 সে হাস সে হাস নয়, সে ভাষ সে ভাষ।
 সুধাকরে করে যেন কত উপহাস।।
 এ বাড়ি ও বাড়ি পরিয়া ঢাকাই।
 ঢাকাই কেবল মাত্র কিছু না ঢাকাই।।
 মাঝে মাঝে রং মঁশাল জুলিবে যখন।
 দেখিব দেখাব রং রসাল তখন।।
 চম্কে উঠি থমকে থাকি নাড়ির কাপড়।
 পরস্পর পরস্পরে মারিব চাপড়।।
 কি আনন্দ সে সময় রসময় যদি।
 কাছে থাকি আঁখি ঠারে বাড়ে প্রেমনদী।।
 ধন্য রে হিন্দুর ধর্ম ধন্য আচরণ।
 নাহি হেরি কোন দেশে আনন্দ এমন।।
 ঘোমটা দিয়া খেমটা নাচ নাচে কোন দেশে।
 বলিহারি দণ্ডবৎ বাঙালির দেশে।।

(সীতাপুর) (১)

(রামকিঙ্কর মুখোপাধ্যায়ের অন্তঃপুর) (২)

(রামীর প্রবেশ) (৩)

(১) কন্যা কর্তার বাসগ্রাম

(২) কন্যা কর্তা

(৩) নাপতেনী বড় শুনী, শুন গান অধুনা বিবুধ কত জানে তার সংখ্যা নাই।

রামী। কোথা গো মা ঠাকুরাণ! কি কচ্চ? ব্যো বাড়ী, সব চুপ্‌চাপ্ কেন?

ভবমোহিনী। (৪) কেও!—রামী এলি, আয় মা! আয়; তোকে যে ডাকতে গেছে রে। এত গৌণ কেন?

রামী। পোড়া কপাল! রামীকে আবার ডাক্‌ব্যে কে মা! সে আপনিই আসে, আপনিই যায়। হোগ্ মা! তোমরা সব যে ভালবাস, হোসে হেসো দুটো কথা কও, তাই ভাল।

ভবমোহিনী। সে কি রে। ওমা! অমন কথা বলিস্ নে। শুনিস তখন, শামীর বাপ তোরে ডাকতে গেছে।

রামী। হোগ্ মা! হোগ। তোমরা সুখে থাক, সে সব গেছে কোথা! সকলি হবে। তুমি কি তেমন গিন্নী; তোমার কাছে কি কিছু বৈতে পাবে? তবে? এত তাড়াতাড়ী কেন ডাকতে পাঠিয়েছ?

ভবমোহিনী। তোরে ডাকবোনা গা! তোর বোনের ব্যো, ও মা! তোরা অমন করে বসো থাকলে কি চলে? তায় আবার দোজ পক্ষের বর, তোর হাতেই গোড়া, তুই না এলে কি কোন কিছু হবে?

রামী। (হাস্য বদনে)। বটে তো! আমার বোনের ব্যো, আমি আসবো না তো আর আসবে কে; অবিশ্যি অবিশ্যি! তা যা বলতেছ মা! তা সত্যি কথা! দোজ পক্ষের বর জন্ম করা, না ঘোল ষাঁড় জন্ম করা। তা হোগ্‌না! রামী তোমার এমন মেয়ে নয়, যে, যাদু আবার উঠে ঘাস খাবেন, তার কি যো রাখবো? দেখো তখন, যদু গোলাম বন্যে থাকবেন—ছেয়ার মত সঙ্গে সঙ্গে থাকতে চাইবেন।

ভব। তোর কণ্যানে তাই হলেই বাঁচি, রামী! সেই আশীর্বাদ কর। ভেবে আর বাঁচিনে; তিনি কারু কথা শুনলেন না, মেয়েটাকে দোজ বরে কল্লেন,—ভেবে ভেবে রেতো ঘুমুতে পারি নে!

রামী। তার আবার চিন্তে কি! সব হব্যে এখন যা যা চাই, তা সব এনে রেখেছ তো?

ভব। তাই তোমাকে ডাকতে পাট্টিয়ে ছিনু মা! আমরা তো ও সব জানিনে; কি কি কস্তে হবে, সব জেন্যে রাখি, অমুখ বিমুখ গাছ গাছড়া কি কি আস্তে হবে বল?

রামী। আর এমন কিছু আস্তে হবে না; রামী মস্তরে না কস্তে পারে এমন কম্বই নেই, তবুও অন্য অন্য, সামিগ্‌গিরী গাছ গাছড়া কিছু চাই; তা এই আনিও। রাঙ্গা ধুতরোর শেঁকড়, চিতের শেঁকড়, এয়ো জ্বীর বগলের মলা, তেপলতের পাতা, এই চারটা সামিগ্‌গিরী আনায়ে রেখো, আর যা যা চাই, আমি আনবো তখন।

আর হাই আমলা, ঝাল ঝাড়া বাটা, এ সকল তো জানই! এ সয় কটা মাকু, আর, একটা কুলুপ আনিও। আর বলতে কি মা! —ভাতার সোহাগী এয়োরাগীর একটু নেকড়া চাই, এই হলেই হৈল, আমি এখন আসি! আসবো তখন। আমার কি এক জ্বালা মা!— শতেক জ্বালা! আর পারি নে। হাদে কি পোড়া মা! আবার ও পাড়ার চাটুয্যেদের ছোট বৌ টো নাকি ভাতারের কাছে শুতে চায় না। তাই ডাকতে এয়েছিল। (কিছু দূর গিয়া পুনর্ব্বার আসিয়া) আ মরণ! পোড়া কপালী আসল কথাটাই ভুল্যে গেছলাম গা! হা দেখ মা! আশুণ খাকীর দুক্‌ড়ো কড়ী, আর একটু সিঁদুর আনিও।

(রামীর প্রস্থান)

(বিবাহের রাত্রি)

(বিবাহ সভা)

(রতিকান্ত কুলার্গবের প্রবেশ) (১)

রতিকান্ত। (উপস্থিত ঘটক ও ব্রাহ্মণদিগের উদ্দেশে) ব্রাহ্মণেভ্যো নমঃ; (জনেক ঘটককে সম্বোধন করিয়া) অহে কুলদেপক ভট্টায়া! সব চুপচাপ কেন হে! এ সামান্য নোকের কন্যের বিবাহ সবা নহে? এ সবায় ইন্দ্রী, চন্দ্র, বাউ, বরুণ, কুবির প্রভৃতি দিক্‌পাল সকল আসিয়াছেন, কেবল যমরাজ আসিতে বাকী ছিলেন, তাই শম্মা উপস্থিত। এই সবায় কন্যেরদ্বি কুলতিলক দাতা ভোক্তা বদান্য মান্য ধন্য গণ্য সৌজন্য (মনে মনে) “পণ্যের বিনয়টিও কন্যে ওজন করিয়া মষ্টে মষ্টে বর্ষ গুণ নওয়া হইয়াছে, তায় কসুর নেই” শাণ্ডিল্য শিরোমণি শ্রীলশ্রীমান্ শ্রীযুক্ত রাম কিস্কর বান্দ্যঘটীয় মহাশয় মহোদয় মহাত্মা মহাপ্রতাপ মহাপ্রতাপচন্দ্র রায় বাহাদুর কুলীন কেশর, আপনার উপযুক্ত পাত্র রূপগুণে অদ্বিতীয়া শ্রীযুতা শ্রীমতী শ্রীলা কন্যা সম্প্রদান করিবেন। আজ আর আনন্দের পরিসীমা কি। যেন, বন্দাল ঠাকুর নিজেই আসিয়া মট্‌কায় বসিয়া দেখিতেছেন। অহে কুলদেপক! কুল বাগীশ! কুললঙ্কার ভট্টায়া! তোমরা কুল সংকীর্তন আরম্ভ কর।

উপস্থিত } হাঁ মহাশয়! আসতে আজ্ঞা হয়, এই যে কেবল আপনকার
ঘটকগণ } অপিস্কা ছেল। (ঘটক স্বরে কুলচিপাঠ)

“অগ্নিদক্ষাচ যে জীবে, যে চ দক্ষো কুলাগণে।”

রতিকান্ত। (উহাদিগের বচন পাঠ শেষ না হইতেই হইতেই দস্তে) বিলক্ষণ! তোমরা সব ভুলিয়া গিয়াছ হে, ওটা এ বিবাহের কারিকে নয়, পুনবিবর্বাহের; এই আমার সঙ্গে এ বিবাহের কারিকে বল। (ঘটক স্বরে)

“শশানানল দক্ষাহি পরিত্যক্তোহি বান্ধবাঃ”।

কুলচন্দ্র।(১) বিলক্ষণ! ও কি হে ওট' নয় যে, এই আমার সঙ্গে বল।
(ঘটকস্বরে)

“বাছদৌচ মিণাল মাস্য কমলং ধম্মিন্য শৈবালকং কান্তায়া স্তন
চন্দ্রবাক যুগলং।”

কুলঘট।(২) (দস্তে) আঃ, ও কিও শম্মা না হইলে একটা সবাও ফতে
হয় না। ও কি বলছ, আমার সঙ্গে বল। (ঘটক স্বরে)।

“ও নমঃ শ্রীকুল দেবতাই।

“নত্বা তং কুলদেবতং খলুসদাং, সম্মান সে হংসতং, হাতং ভক্তি বিশেষত
কুল সবা মাতে্যে সদা রোদিতা। শ্রীমান বান্দঘটীয় কাদিক মহাবংশাবলী বেত্তি
তো, বক্ষে তৎপরিবস্ত কন্মণ বিধৌ মিত্রো গ্রীবানন্দকঃ।।

আদিতশ্চ পরীবস্ত, আত্মা দেবনোকে পুরা। চট্টেন বধু মকরন্দেন ভেদিতঃ।।
নৃসিংহ বন্দের ছয় সন্তান—গাধিরাম, দধিরাম, অধিরাম, বিধিরাম, বন্দিরাম।
গাধিরাম নিঃসন্তান, কাশীবাসে রাসনীলা সাজ করেন। দধিরাম বর্ণব্রাহ্মণ
হইল। অধিরাম বিবাহের পূর্বেই মদ্যপানে প্রাণত্যাগ করে।
বিধিরামের কথা বলিবার নয়। বন্দিরামই বংশ তিলক, যথার্থ বংশধর
জন্মিয়াছেন। তাহার ৭ সন্তান। ধন পুত্র লক্ষ্মী লাভ।

(রামকিঙ্করের প্রবেশ)

রামকিঙ্কর। (গলবস্ত্র কৃতাজ্জলি, সকলকে সম্বোধন করিয়া)। মহাশয়! রাত্রি অধিক
হইয়াছে, লগ্ন উপস্থিত! আজ্ঞা হয় তো কন্যা পাত্রস্থ করি।

ঘটকগণ
কন্যাষাত্র } হ্যাঁ, মহাশয়! ‘শুভস্য শীঘ্রং’ বরপাত্র লইয়া গমন করুন।
ও বরষাত্র }
সকল

(অন্তঃপুরে শঙ্খধ্বনি, বর প্রবেশ)

(বাসর জাগরণের অনুষ্ঠান)

(কুলবতীদিগের মনে মনে সন্তোষ, কোন কুরূপপতি কুলকামিনীর অভিপ্রায়)
কবিতা।

আহা মরি কি বিচিত্র দেশের আচার
এদেশে বাসনা পূর্ণ না হয় কাহার।।
ভাবে যারা সতী রব, সতী রয় তারা।
আছে অপরাপ ধর্ম নিয়মের ধারা।।

(১) ঘটক

(২) ঘটক

যারা ভাবে গৃহে রব, পাব গৃহ সুখ।
 কিন্তু ভালো বাসে পরপুরুষের মুখ॥
 এদের কারণ আছে কতই কৌশল।
 বাসর আসর আর জল সহ্য ছল॥
 খুদ মাগা, পড়সি জামাই লয়ে খেলা।
 মুখের আচার ভ্রষ্টা কুলদ্বীর বেলা॥
 জগন্নাথে যেমন সুখের সুনয়ন।
 সেই রূপ এ সব আচার প্রিয়তম॥
 ধন্য ধন্য বিধিকর্তা, মুনি মহামতি।
 ভাল মন্দ সকলের করিয়াছ গতি॥
 মদ খোর মদ খায় তত্ত্বের শাসনে।
 পরনারী রহে পরপুরুষের সনে॥
 কেহ কহে ছুঁই ছুঁই কেহ নাহি ছোঁয়।
 বাঘিনী বৃষভবর একস্থানে শোয়॥
 শাস্ত্রকার যত আছে তত আছে মত।
 বুঝিতে না পারে কেহ সুমত কুমত॥
 কেহ বলে এ কৰ্ম করিতে আছে মানা।
 কেহ কয় না করিলে হয় চক্ষুঃ কাণা॥
 কেহ বলে স্বর্গ আছে ভিন্ন এক স্থানে।
 কেহ কয় তাহা নয় স্বর্গ এই খানে॥
 দূর হোক সে সব কথায় কিবা ফল।
 পড়িব বরের গায়ে করি নানা ছল॥
 যদি দেখি এ বরের মুখখানি ভাল।
 কবির যা মনে আছে রয় রবে আলো॥
 যদি হয় সে মুখ শারদ সুধাকর।
 বিশ্ব ফল জিনি যদি হয় সে অধর॥
 অধীরা হইয়া তবে বেধিবার যত।
 শুনিব না হাসুক বলুক 'যেবা যত॥
 চক্ষুঃ মুদি করিব সে মুখ সুধাপান।
 অভাগা পতির রাগে যায় যাবে প্রাণ॥
 না হয় না রব ঘরে যাব বেশ্যা হয়ে।
 ইংরাজ রাজত্বে বাস কিবা যাবে বয়ে॥
 পুলিশেতে লিখাইব বেশ্যাখাতে নাম।

তা হৈলে তো পুরিবেক, সব মনস্কাম॥
 মনোমত জন পাব ধন পাব কত।
 দিবানিশি আমোদ প্রমোদে রব রত॥
 টাকা হৈলে ধর্ম কর্ম সব যায় রাখা।
 মিছে কেন ঢেলুতি হইয়া কুঁড়া মাখা॥
 পিঞ্জরে থাকিয়া বদ্ধ কষ্ট পাই কত।
 কি ফল করিয়া ছাই পতিব্রতা ব্রত॥
 না হয় সুচেষ্টা তথা, যে প্রকার রোগ।
 গৃহস্থের গৃহে থাকা একি কর্মভোগ॥
 কপালে কুরূপ পতি দিলেন গৌসাই।
 বরঞ্চ থাকিব একা তারে নাহি চাই॥
 ভাগ্যবলে পাই যদি প্রিয় রসময়।
 না পাই নিঃস্বর্ণ স্থান, না পাই সময়॥
 কে শোনে কে দেখে পাছে সদা ভয় মনে।
 অমৃতে গরল উঠে আঁখির মিলনে॥
 গুরুজন চখে চখে সাবধান রয়।
 ধর্মের ধোকড়া বাঁধে পরের সময়॥
 দিবানিশি দন্ধ হই বিশ্বের জ্বালায়।
 হায় হায় ভেবো ভেবো বুঝি প্রাণ যায়॥
 কবি বলে কুলবতি কি করিবে বল।
 এ ঘোর সংকট কালে বুঝে সুঝে চল॥

(ব্রাহ্মণ পণ্ডিতদিগের বিষয়, ফলারের ছড়াছড়ী, কন্যার
 মায়ের কায়া এবং স্ত্রী আচার প্রভৃতি)

কবি কয় বড় দুঃখে রহিনু নীরব।
 পুতী বেড়ো যায় ভয়ে না রচি এ সব॥
 সারগ্রাহী রসিক পাঠকগণ যত।
 কৃপা করি যদি এ নাটকে হন রত॥
 বিশেষতঃ যার ধন যার অনুমতি।
 ক্রমে যদি বাড়ে তার মানসিক গতি॥
 পুনর্ব্বার এ নাটক যদি হয় ছাপা।
 দেশের দুর্নীতি কিছু না রাখিব ছাপা॥

কিন্তু মনে মনে সদা এই হয় ভয়।
 দুর্দেশের দ্বেষে পাছে মারী খেতে হয়।।
 দেশের আচার লয়ে করি এই খেলা।
 শেষে কি হইব গোলড ইসমিতের চেলা।।
 যেখানে যে ক্রটি আছে ছুটিয়াছে তোষ।
 টুটিয়াছে রস ভাব যুটিয়াছে দোষ।।
 ফুটিয়াছে অশীল সুশীল দুষ্টকারী।
 লুটিয়াছে কাব্যলতা চাতুরী মাধুরী।।
 ঘুচিয়াছে সারল্য সুখের সরোবর।
 ঘটয়াছে কুভাবের ভ্রম তরুণর।।
 দুটা আছে, কবিদের সুসহায় যাহা।
 উটা আছে, এটা নাই নাই বটে তাহা।।
 দ্বিতীয় বারের বারে বাকী নাই রবে।
 সিদ্ধির সাহায্য ধরি ঋদ্ধি লাভ হবে।।
 বুদ্ধি হৈলে যশঃ আর সম্ভ্রম প্রসার।
 লৌকিক সংকোচ তবে না রহিবে আর।।

(জয়শঙ্কর বন্দ্যোপাধ্যায়ের বহির্বাণী)

(রামব্রহ্ম ব্রহ্মচারীর প্রবেশ)(১)

রামব্রহ্ম। (ওদাস্যে দীঘনিশ্বাস পরিত্যাগ-পূর্বক সংস্কৃত ভাষায়) হা রামচন্দ্র! হা পরমাত্মন! কঃ কুত্র ভো গৃহাশ্রমিন্! অতিথিঃ ক্ষুধার্তো অহং। হা রামচন্দ্র! হা পরমাত্মন! কে কোথা গো! ক্ষুধার্ত অতিথি আমি।

(বাঘছাল পাড়িয়া উপবেশন)

জয়শঙ্কর। (বৈঠকখানা হইতে বহির্গত হইয়া, স্বগত)। হাঁ ভক্তি হয় তো বটে; যথার্থ কি?। (নিরীক্ষণ) হাঁ ভেকধারী না হইতে পারেন; বিলক্ষণ ব্রহ্মজ্যোতিঃ দেখিতেছি। (প্রকাশ) গোঁসাই! নমস্কার।

রামব্রহ্ম। (ব্যস্তভাবে, সংস্কৃত ভাষায়)। কস্ত্বং দ্বিজাতি রসি! (তুমি কি ব্রাহ্মণ!)। (করপুটে, প্রকাশ)। নারায়ণ! নারায়ণ!। (মস্তকে হস্তোত্তোলন)।

জয়শঙ্কর। (ভক্তিভাবে)। ঠাকুর! পূর্বাশ্রম কোথায় ছিল? এক্ষণে কোথা হইতেই বা শুভাগমন হইল?

রামব্রহ্ম। ভো সম্প্রতিহং ব্রহ্মানন্দপুরবাসী; নির্গতো যা; পুণ্যাশ্রম কপিলাশ্রম সন্দর্শন প্রসঙ্গেনাত্মানং নহে। উদাসীনস্য নিবাসেন পুনঃ কিমুতো ভবতাম্?।

(১) একজন পণ্ডিত ব্রহ্মচারী।

আমি ব্রহ্মানন্দপুরে বাস করি; বারাণসী হইতে আসিতেছি; কপিলাত্রম সন্দর্শন প্রসঙ্গে আত্মাকে পবিত্র করিতেছি, আমি 'উদাসীন'; 'উদাসীনের নিবাস জানিয়া আপনকার কি উপকার?।

(একত্র, স্বগত) হাঁ বেশ বেশ! ব্রহ্মচারীটি পণ্ডিত বটেন। (প্রকাশ) ভাল ভাল, গোসাঁই! এক্ষণে ক্ষুধা নিবৃত্তি ও দূর করিতে আজ্ঞা হউক, পরে আলাপাদি হইলেই মহাশয়! আপনাকে একটি কথা জিজ্ঞাসা করি, আপনি কি আমাদের এই বঙ্গ চলিত বাঙ্গলা ভাষায় আলাপ করিতে পারেন না? তাহা হইলে, আমরা আরও সুখ পাই।

রামব্রহ্ম। (ঈষদহাস্যবদনে, ঘাড় লাড়িতে লাড়িতে)। হাঁ! গুরো! তোমার ইচ্ছা! ওঁ একমেবাদ্বিতীয়ম। (নির্ম্মেদ প্রকাশ)।

(ব্রহ্মচারীর ভোজন সমাপন)

জয়শঙ্কর। গোসাঁই! আপনাকে গৃহস্থপূর্ব্ব অপূর্ব্ব সম্পত্তিশালী মহা সন্ন্যাসী দেখিতেছি। বোধ হয়, আপনি সংস্কৃত মনুষ্য না হইতে পারেন। সর্ব্বশাস্ত্রপারদর্শী সুদূর সংপাত্র হইবেন, সন্দেহ নাই। যাহা হউক, আপনকার এপ্রকার আয়াসাতিশয়ীন অবস্থান্তর অবলম্বনের হেতু কি? অনুগ্রহ পূর্ব্বক যৎকিঞ্চিৎ পরিশ্রম স্বীকার সহকারে তাহা প্রকাশ করিলে, বিষমবিরুদ্ধ সংসারাত্রমবিমুক্ত মাদৃশ অতি অকিঞ্চিৎকর, সংজ্ঞাশূন্য অভাজন জনগণের জ্ঞানোদয় সম্ভাবনা, তাহাতে নরাধমেরা চরিতার্থ হই।

রামব্রহ্ম। (সসন্তোষচিত্তে, সবিষ্ময়ে)। মহাশয়! সূর্য্যকান্ত মণির সংসর্গে কাচও নয়নানন্দকারী হয় বটে, একথা মিথ্যা নয়, অতএব আপনি এ নরাধমের বিষয়ে যে প্রশংসাবাদ করিতেছেন, তাহা নিতান্ত অযথাবাদ নহে, প্রমাদবৎ বিসম্বাদও বলিতে পারি না। তা যা হউক, এক্ষণে মহাশয়দিগের স্বভাবসুলভ, সংসার সারভূত, অকৃত্রিম সাধুতা সদ্ব্যবহারে পরিতৃপ্ত ও প্রয়োজিত হইয়াই আমি আপনকারদিগের নিকটে আমার অনাবশ্যক আত্মবৃত্তান্ত সংক্ষেপে বর্ণন করিতে প্রবৃত্ত হইতেছি, শ্রবণে কৃতার্থ করিতে আজ্ঞা হয়।

“সুদৃশ্য বিশ্ব বলয়ের অন্তর্বর্ত্তী এই যে দুর্ভাগ্য ভারতবর্ষ দেখিতেছেন,—

(ব্রহ্মচারীর কথা শেষ না হইতে হইতেই)

রাধাপতি। (বিষ্ময়ে, ব্রহ্মচারির প্রতি)। দুর্ভাগা কেমন?।

রামব্রহ্ম। (দন্তে, এবং খেদে)। হাঁ! জননী ভারতভূমিকে বড় দুর্ভাগা বলিতে হইবেক, না হইলে, এতকালের পর ধর্মভ্রষ্ট, আচারভ্রষ্ট, দয়াহীন, মায়াহীন, বাকজাল মাত্র সম্পত্তি এমন পাষাণপরিপূর্ণা হইবেন কেন? অমন রত্ন গর্ভে এত কুলাঙ্গার কুসন্তানই বা ধরিবেন কেন?

বান্ধুদেব। (ভক্তিভাবে)। গোঁসাই! আপনি কোন্ ধর্মীয় ব্রাহ্মণ?।

রামব্রহ্ম। (সাক্ষেপে, সনির্ব্বেদে এবং সদৃষ্টে)। মহাশয়! আর জিজ্ঞাসা করেন কেন? তবেই বা আর এ অবস্থা হইতেছেন কেন? মাতামুণ্ড কি বলিব? বলিতে হৃদয় ক্ষীণ হইয়া যায়, রোদন সম্বরণ করিয়া রাখিতে পারি না, শ্রেণী, তায় আবার মহারথী কুলীন, শাঙিল্য শিরোমণি মহাত্মা ভট্টানারায়ণ বংশ প্রবাহ।

রাধাপতি। (সকলের মুখ নিরীক্ষণ করিয়া জনান্তিকে)। মহাশয় লোক দেখিতেছি যে!। (ব্রহ্মচারীকে সম্বোধন করিয়া)। মহাশয়! আপনি যে প্রকার পরিচয় দিতেছেন, এ যৎসামান্য জনের পরিচয় নয়? যদিই এমত হইল, হবেই বা, আপনকার এ প্রকার অবস্থার হেতু কি? কিছুই তো অনুধাবন হয় না? এরূপ কুলমর্যাদা থাকিলে সংসার আশ্রমে বিলক্ষণ সুখ সম্ভোগ সম্ভাবনা।

রামব্রহ্ম। (দৃষ্টে)। হাঁ! হাঁ! বিলক্ষণ সুখসম্ভোগ সম্ভাবনা! হা! সাংসারিক সুখ কাহাকে কহে, আদৌ তাহাই আপনারা অবগত নন, অজ্ঞান অবস্থায় আমিও এই প্রকার মায়াজালে জড়িত ছিলাম, বস্তুতঃ আপনারা নিশ্চয় জানিবেন, বর্তমানে বঙ্গালী কুল মর্যাদা লৌহশলাকা (বল্লম) স্বরূপ হইয়া লোকেরদের অন্তর্ভেদ করিতেছে। আমার এরূপ দুর্দশা কেন হইল? তাহা এখনও কি মহাশয়দিগের হৃদয়ঙ্গম হয় নাই, এত কথার পরেও কি আবার মহাশয়েরা বুঝিতে পারিলেন না। আরও কি স্পষ্ট করিয়া বলিতে হইবেক।—বিবাহ? বিবাহ? সকল দোষের ও সকল দুঃখের আকর ঘণিত বহুবিবাহ?। হয়!

পদ্য।

কহিতে সে সব কথা বারে দুনয়ন।
ফুঁক্ দিয়া জ্বালিয়াছি অধর্ম দহন॥
এখনো জ্বলিছে সেই অধর্ম অনল।
উচিত আত্মতি পেয়ে হৈতেছে প্রবল॥
একা আমি করিয়াছি শত পরিণয়।
পরিয়াছি ফণিমালা ছেল্যে খেলা নয়॥
হরিদ্বার আর গঙ্গাসাগর সঙ্গম।
কোথা না কব্যেছি পাপ পাপী নরাধম॥
যেখানে সেখানে আছে শ্বশুর আলয়।
এতে কি নিস্তার পাই আলোয় আলোয়॥
হায় জগদীশ! তুমি কি করিবে গতি?।

চিঙ্কিয়া হইনু সারা পাপিষ্ঠ। দুশ্মতি॥
 কুলীন জনক বড় কুবুদ্ধি জনক।
 না হৈলে কি রাঙ হয় সন্তান কনক?॥
 শত নারী অধিকারী একপতি ধনে।
 কারু কি কুলান হয় সুখ হয় মনে?॥
 সহজে সে ধন বিনা বিফল সংসার।
 সাধে কি রমণী হাটে উঠে হাহাকার?॥
 ছ মাসে ন মাসে যদি যাই কোন স্থানে।
 কতই গুমর করি কুল অভিমানে॥
 আগ্রহ জানায় তারা মনে পায় ব্যথা।
 নীরব হইয়া থাকি মুখে নাই কথা॥
 সতী যারা দিয়া তারা সুতা বেচা কড়ী।
 কান্দিয়া চরণ তলে যায় গড়াগড়ী॥
 যারা করে চোরা বরে চোরা পরিণয়।
 না করে সন্তাষ তারা সোজা লোক নয়॥
 এদিকেতে বয়সে সবার বড় নই।
 দাঁড়াইলে একত্র সন্তান সম হই॥
 সম্পর্কে সকলে প্রায় হন গুরুজন।
 মাসী, পিসী, মামী, ভগ্নী, এরূপ স্বজন॥
 দূরে যাক সপিণ্ডীয় পিণ্ড সম্বয়।
 ভাইঝির সঙ্গে হয় কুল পরিণয়॥
 যা হোক তা হোক কিন্তু পাপে না ডরাই।
 বিবাহ বাণিজ্য করো উদর ভরাই॥
 কত নারী কত রূপে রাখে কুলমান।
 কত করো গটে ধরে কতই সন্তান॥
 সহস্র পুত্রের পিতা হইলে কুলীন।
 তথাপি রৌরবকুণ্ডে হইবে বিলীন॥
 কেবা কার পিতা আর কেবা কার সূত।
 কুলীনেতে চেনা দায় এ বড় অদ্ভুত?॥
 কুলীনের বাবা হন সম্পর্কের বহবা।
 ছেলো যদি বাবা চেনে মুখে মারে থাবা॥
 বালকে ভৎসিয়া বলে কুলবতী বামা।
 বাবা নয়, বাবা নয়, ও যে তোর মামা॥

বিষম অধর্ম জাল, এ বড় জঞ্জাল।
 ইহকাল পরকাল যায় দুটী কাল॥
 সংসারির প্রতি ধর্ম হইলে বিমুখ।
 তাতে কি কখন হয় সাংসারিক সুখ॥
 এ সব ভাবিয়া আমি সন্ন্যাসির বেশে।
 দেশে দেশে ভ্রমিতেছি যাহা হয় শেষে॥

প্রতাপ। (শুনিয়া দুঃখিত ভাবে)। রাম রাম! বঙ্গালী কুলকাণ্ডই এমনই কুকাণ্ড বটে, হা! বঙ্গাল কি পাপিষ্ঠ নরাদম রাজাই ছিলেন! স্বহস্তে কি বিষবৃক্ষই রোপণ করিয়া গিয়াছেন! এক্ষণে ব্রহ্মচারী মহাশয়ের কথা শুনিয়া চৈতন্য হইল।

বাসুদেব। (ব্যস্তভাবে ব্রহ্মচারীকে সম্বোধন করিয়া)। বটে বটে! বটে তো মহাশয়! বড় উত্তম আশ্রয় করিতেছেন।

রাধাপতি। (বিস্মিত হইয়া)। তবে তো বঙ্গাল নারকী লোক!।

রামব্রহ্ম। (জিহ্বাগ্র দংশন করিয়া)। না, না, না মহাশয়! অমন কথা মুখেও আনিবেন না, পাপ স্পর্শ হইবেক, মহারাজ বঙ্গাল সেন, অবতার বিশেষ ছিলেন, তাঁহাকে সাক্ষাৎ ধর্ম বলিলেও বলা যাইত। তিনি মহামহোপাধ্যায় পণ্ডিত অতি সুবিচক্ষণ মহারাজ চক্রবর্তী ছিলেন।

প্রতাপ। (বিরাগে)। পণ্ডিত রাজার কি এই কর্ম?।

শঙ্কর। (ক্ষান্তভাবে)। দূর হোক হে, না হয়, ও সব পাপেই আর কায নাই। আমাদের দেশ জান তো? কথায় কথায় এখনি এখন দলাদলী উপস্থিত হইয়া পড়িবে, লোকে আমাদেরকে খ্রিস্টীয়ান বলিয়া উঠিবে, হঠাৎ বন্ধ করিয়া ফেলিবে, বাড়ীতে তো থাকেই না। এক সময়ে কুটুম্বিতা পর্য্যন্তও পরিত্যাগ করিয়া বসিবে, এমন একেবারে মুখ দেখাদেখীও থাকিবে না, সব জানই এ পাপিষ্ঠ কাণ্ডে বী ঝিউড়ী পর্য্যন্তও পরিত্যাগ হয়! পোড়া দলাদলী,— তাই লইয়া আবার কে ঢলাঢলী করে বল?। ওসব যেমন আছে থাকুক, যেমন চলিতেছে চলুক, অথবা, যা হয়, হউক গিয়া যাক, মরুক, ও সব কথায় আমাদের কায নাই, বঙ্গাল বড় লোক ছিলেন ঐ কথাই। “উচ করে বাঁধ টং, বসে বসে দেখ রং।” এই নিমিষ্টই তো সর্বনাশ ঘটিতেছে, ওদের অমুককে সকলেই বুদ্ধিয়ান বলে, কেন?—কি মনে নাই হে? আমরাই যে কত তার নিন্দা করিয়াছি। ফলতঃ ক্রমে ক্রমে লোকের চক্ষুঃ কাটিতেছে, এ সব ভ্রম আর বড় অধিক দিন রহিবে না, কেবল বুড়ো কটা মরিবার অপেক্ষা মাত্র।

প্রতাপ। ক্ষান্ত হও ভাই তুমি, এখানে আর কে আছে? যে, এত ভয়

করিতেছ, ব্রহ্মচারি মহাশয়ের সঙ্গে তর্ক বিতর্ক করিতেছি বই তো নয়?। না হয় এক হইলাম, তাতেই বা হইল কি?।

শঙ্কর। সে যে বড় সহজ কথা নয় হে ভাই! দেশ শুদ্ধ লোক এক দিক্, আর আমরা তিন জনে এক দিক্, কি প্রকারে বাস করিব? রাজাও তেমন রক্ষা করেন না?।

রামবন্ধ। ও সব কথা যাক্, এক্ষণে যাহা বলিতেছি তাহাতে মনোযোগ করেন মহাশয়! মহাত্মা বম্মাল সেন এ কর্ম মন্দ কর্ম করেন নাই, বরং ভালই করিয়াছেন, এক্ষণে কার্যগতিকে ততোধিক মন্দ হইয়া উঠিয়াছে বলিয়াই যা বলুন। বম্মাল মহোদয়ের অভিপ্রায় বড় ভাল ছিল, এখন আমরা আপনাদিগের দৌষেই আপনারা দুঃখ পাইতেছি বলিয়া সে মহাত্মার দোষ কীর্তন করিতে নাই।

রাধাপতি। বম্মালের কি অভিপ্রায় ছিল মহাশয়!!

রামবন্ধ। তাঁহার অভিপ্রায় ছিল রাজ্যে মহাপাপকর কন্যা বিক্রয় না হয়, প্রজা সকল সাধু সদাচার করে, এমন কি? রাজ্যে বিন্দুমাত্র মহাপাপ সঞ্চারণ না হইতে না পারে ইহাই তাঁহার আন্তরিক ইচ্ছা ছিল!!

প্রতাপ। এখন যে মহাপাপের শ্রোতঃ বহিয়া যাইতেছে?।

রামবন্ধ। হাঁ তাই বলিতেছি, মনোযোগ করুন।

রাধাপতি। (মনোযোগ পূর্বক)। ভাল, আঞ্জা করুন মহাশয়!!

রামবন্ধ। বম্মাল দেখিলেন “রাজ্যে ভদ্র সম্প্রদায় মধ্যেও মহাপাপকর কন্যা বিক্রয় চলিতে লাগিল, একে তো শুধু বিক্রয় পাপে নিস্তার নাই, রাজা নারকী হন, রাজ্য অপবিত্র ও ছারখার হয়, তাহাতে আবার মহানিষ্টকর মনুষ্য বিক্রয়। সুতরাং ধর্ম্মনাশে রাজ্যনাশ আশঙ্কায় তিনি মহা সশক্তিত হইলেন এবং কিসে রাজ্যমধ্যে এই কুপ্রথা এককালে রহিত হইয়া যায়, তাহার সদুপায় চিন্তা করিতে লাগিলেন।

প্রতাপ। কেন? আবার তার একটা এত চিন্তা কি? তিনি তো চক্রবর্তী রাজা ছিলেন, আইন করিলেই তো নিশ্চিন্ত হইতে পারিতেন।

রামবন্ধ। (হাস্য করিয়া)। হাঁ! ঐ কথাই তো বটে!—ঐ ভ্রমেই তো সর্ব্বনাশের মূল,—ঐ ভরসাতেই তো এক্ষণকরি লোকেরা পৌত্তলিক ধর্ম্মে এককালে ভালাঞ্জলি দিতে বসিয়াছেন।

রাধাপতি। সে কেমন মহাশয়! পৌত্তলিক ধর্ম্ম লোপ হইতে বসিয়াছে কেন? রামবন্ধ। রাজনিয়মই বলুন, অথবা পৌত্তলিক ধর্ম্ম নিয়মই বলুন, এই দুয়েরই এক মাত্র মূলোদ্দেশ্য শাস্তি সংস্থাপন এবং চিন্তাশুদ্ধি, এক্ষণকার লোকেরা ইহাই নিশ্চয় স্থিতির করিয়া, ক্রমে ক্রমে সর্ব্বপ্রকার সম্প্রদায়ই স্ব স্ব পৌত্তলিক ধর্ম্ম একেবারে পরিত্যাগ করিতেছেন, বলেন, পরমেশ্বরের অভিপ্রেত কার্যই

শাস্তি, সমুচিত রাজনিয়ম প্রচার দ্বারা রাজাই তাহার স্থাপনা করিবেন এবং বিদ্যা সর্বোপরি কর্তৃত্ব সূতরাং লোকের চিন্তাশক্তি করিব, তবেই আর পৌত্তলিক ধর্মের আবশ্যিকতা কি রহিল? ভাল ভাল রাজনিয়ম প্রচার হউক ও বিদ্যা বিস্তার হইতে থাকুক, মনুষ্য বিদ্যোপার্জন করুন ও রাজনিয়ম শিরোধার্য করিয়া চলিতে থাকুন, দেশে শাস্তি স্থাপন হইবেক এবং চিন্তাশক্তিও জন্মিতে পারিবে, তাহা হইলেই তো ধর্ম উপার্জন হইবেক এবং সদগতি লাভ অবশ্যই হইতে পারিবেক, সংশয় কি, ধর্ম আর কিছুই নয়, পরমেশ্বরের অভিপ্রেত সংক্রিয়ার নামই ধর্ম; আর, সনাতন সুখের নামই সদগতি অথবা মুক্তি। একমাত্র পরমেশ্বরই জীবের উপাস্য, তাঁহার স্মরণ করাই উপাসনা। প্রতাপ। (সন্তোষে)। বেশ বেশ! বেশ কথা তো! এতো বড় ভাল কথা মহাশয়!

রামব্রহ্ম। হাঁ! এক প্রকার বেশ কথা বটে, এটী যে বড় মন্দ কথা নয় ইহা আমিও স্বীকার করি! কিন্তু মহাশয়! এস্থলে একটী নীচ কথা মনে হইল; ছোট লোকেরা বলিয়া থাকে “সে গুড়ে বাণি,—দাদার ভরসায় বামে শূন্য” এ দুইটী কথাও তো বড় ভাল কথা; বিষ্ময়শর্ম্মার সংগ্রহ হইতেও তো নীতি কথা বলিতে হয়।

জয়শঙ্কর। (হাসিতে হাসিতে)। সে কেমন মহাশয়! হাঁ, ছোট লোকেরা এ দুটী কথা বড় ভাল বলে বটে। এ দুটির তাৎপর্য কি?

রামব্রহ্ম। এখানে এ দুটি কথার তাৎপর্যই এই যে কেবল রাজনিয়ম হইতে কখনই ধর্ম রক্ষা হয় না, আর, বিদ্যা পদার্থেরও সর্বত্র সন্ধান হইতে পারে না, বরং প্রায় স্থলেই অত্যন্তাভাব লক্ষিত হয়, ইহা পরমেশ্বরের এক প্রকার অভিপ্রায় বলিতে হইবেক। অতএব মহাশয়েরা এক্ষণে বিবেচনা করুন দেখি, সর্বদা সর্বত্র সর্বথা ধর্ম রক্ষা কিসে হইতে পারে। এমন স্থল অনেক আছে যেখানে রাজনিয়ম প্রবিষ্ট হইতেও পারে না, কর্তৃত্ব করা সুদূরপর্যন্তই রহিয়াছে। এবং বিদ্যার বিলক্ষণ অসম্ভাবও আছে; মনের অগোচর তো পাপ নাই মহাশয়; ভাবিয়া দেখুন না কেন?। অন্যে পরে কা কথা আত্মাতেই বিশ্ব দর্শন হয়।

পদ্য।

চিন্তা কর মহাশয়, ও বড় সহজ নয়,
সকলি তো মনে হয়, বাল্যকালে ছিলাম কেমন গো,
বাল্যকালে ছিলাম কেমন।
দূরন্ত যৌবন অরি, কুমন্ত্রণা অসি ধরি,

নাশিয়াছে রণ করি, যৌবনেও ছিল না চেতন গো,
যৌবনেও ছিল না চেতন।।

বার্দ্ধক্য পরম গুরু, জ্ঞানদাতা কল্পতরু,
করিল উর্বরা মরু, মনে দিয়া উপদেশ সার গো,
মনে দিয়া উপদেশ সার।

পাইয়া প্রবোধ জল, দূরে গেল সব ছল,
জন্মিল বিজ্ঞান ফল, যাহা ভিন্ন সকলি অসার গো,
যাহা ভিন্ন সকলি অসার।

এখন যে দিকে চাই, বিজ্ঞান আলোক পাই,
ভ্রান্তি অন্ধকার নাই, ভুলোক আলোকময় হেরি গো,
ভুলোক আলোকময় হেরি।

লোভ মোহ কাম ক্রোধ, করে নাক উপরোধ,
পলাইল জন্মশোধ, যারা ছিল জ্ঞান রত্ন ঘেরি গো,
যারা ছিল জ্ঞান রত্ন ঘেরি।

ফুটিল প্রবোধ পদ্ম, সুগন্ধি সংসার সন্ধ্য,
ঘুচিল সকল ছদ্ম, জ্ঞান পথে হইনু পথিক গো,
জ্ঞান পথে হইনু পথিক।

জলাঞ্জলি দিয়া কামে, যাইতে আনন্দ ধামে,
ইলাম পরিনামে, নিত্যজ্ঞান পথের পথিক গো,
নিত্যজ্ঞান পথের পথিক।।

ভবে দেখ মহাশয়, সংসার বিরূপময়,
এরূপ সকলে নয়, নরলোকে কতরূপ নর গো,
নরলোকে কতরূপ নর।

বরং মনে অনুমানি, অজ্ঞানী হইতে জ্ঞানী,
অন্ধাংশ বলিয়া জানি, অবিদ্যা সংকুল চরাচর গো,
অবিদ্যা সংকুল চরাচর।।

(জয়শঙ্কর বন্দোপাধ্যায়ের অভঃপুর)

(সৌদামিনীর শয়নাগার)

(ক্ষেমঙ্করীর প্রবেশ)

ক্ষেমা। (আপনার নয়নাশ্রু মুছিতে মুছিতে এবং সৌদামিনীর চক্ষের জল মুছাইতে মুছাইতে)। ওঠ মা! ওঠ; ওঠ ওঠ; ওঠ ওঠ; সারা হলে যে মা! আর কেঁদোনি!! হায়!
সোদু সোদু আমার! তাকে ন্যে আমি এখন কি করি; কোথায় যাই; এমন

করো কি মানুষে বাঁচে। হা! পোড়া কপাল! তোর কি কখনই সুখ দেখতে পেলোম নারে! (হৃদয়দরিত ধারায় রোদন)।

সৌদামিনী। (আরও অভিমানিনী হইয়া দরদরিত ধারায় রোদন করিতে করিতে, মনে মনে)। হা ধর্ম! তোমার কি এই কর্ম! আমি দিবানিশি যেমন ধর্ম কর্ম করি। তুমি, এই কি তেমনি তাহার ধর্ম রক্ষা করিতেছ! হা! তোমার দোষ কি; সকলি অদৃষ্টের দোষ! তোমাকে কি বলিব; অদৃষ্টকেই ভরসনা করিতেছি। হে অদৃষ্ট! তুমি অদৃষ্ট! যদি তাহা না হইতে; তবে কি স্বহস্তে তুলিয়া এই বিষপান করিতাম! এমন নির্দয় নিষ্ঠুরের হস্তে জন্মের মত আত্ম সমর্পণ করিতাম,—না, এত কষ্ট পাইতাম।।

(আপন স্বামি ভূধরকে মনে করিয়া)

হা! জন্ম বিফল হইল রে নৃশংস নিষ্ঠুর! তুই অতি পাষণ্ড মুখ! না প্রাণ ধরিয়া কখন আমার এ দুর্দশা করিতে পারিস! তুই গুরুজন! ইহকাল তো নষ্ট করিলি! আবার পরকালও নষ্ট হইবে বলিয়া তোকে আর অধিক বলিতে শঙ্কা হইতেছে; মনের দুঃখ মনেই রহিল।

ক্ষেমা। (ভূমি শয্যা হইতে সৌদামিনীকে কোলে আকর্ষণ করিতে করিতে)। ছিঃ মা! ছিঃ! অমন কষ্টে আছে? কি কর্বে বল; যেমন তপিস্যা করো এসেছ; তা কি আর কাউকে ভুগ্দ্বে হবে? ব্রহ্মশাপ না হলে সতিনীর জ্বালায় ভুগ্দ্বে হয় না; ক্ষান্ত হও মা! যা হবার তা তো হয়েই গেছে; তা তোমার সাধ্য কি; আমিই বা কি কর্বে বল! এখন তুমি একপ্রকার নিশ্চিন্দী হলে; বাছ! পরমেশ্বর তোমাকে একপ্রকার নিশ্চিন্দী করেছেন; কি কর্বে ভদ্রার নোকের ঘরে জন্মেছ, পুণ্য ধর্ম কর, এখন দুটো খাও দাও, আর ঈষ্টীদেবতার নাম নেও, পরকালে ভাল হবে। যদিও বেঁচে আছি, তদ্দিন ভুগি, মলেই সব ফুরুলো; দেখতে আসবো না।

সৌদামিনী। (ক্ষেমাক্ষরীর গলা ধরিয়া, রোদন করিতে করিতে)। তা নয় মা! বুঝি পোড়া কপালে আবার ব্রহ্মশাপ হলো।। না মা! আমি আর আত্মিক শিখবো না; আমার আত্মিকে কায নেই মা! গুরুমন্তর কাণে যা উঠোছে, তাই ভাল। (উঠেঃস্বরে রোদন)।

ক্ষেমা। (আশ্চর্য্যাবিত্তা হইয়া)। কেন? কেন মা! সে কি? আত্মিকে অচ্ছেদ্য কেন হলো! ঠাকুর মশায় মন্দ নোক নাকি? ওমা! যাব কোথা মা! কি কাল পড়োছে মা! গুরুকেও যে আর বিশ্বাস রইলো নেই! তিনি কি বলেছেন? বল তো?

(সৌদামিনী অধোবদন)

ক্ষেমা। কেন? কেন? কেন মা! আমার কাছে নজ্জা কি? বল না? সব ভেঙ্গে

বল তো? আমি তার গোসাঁইপণা আজ শেখাব এখন, তিনি বড় গোসাঁয়ের ব্যাটা গোসাঁই হয়েছেন,—বাবরী কেটেছেন,—দাঁতে মিশী পরেছেন, — লাগারা পায়ে দিয়া বেড়াচ্ছেন, পৈতের গোচ্ছা করেছেন। মর্ মিন্বে! পিপড়ের পালক বেঁদেছে?

সৌদামিনী। (অধোবদনে)। ওমা! আর বলবো কি, তাঁর দোষ কি? পোড়া কপালেই তো সব্ করো রেখেছে। উনি আজ চারিদিন হলো আমাকে মস্তুর দিয়েছেন; নিত্য নিত্য ডাক্তে না ডাক্তেই আত্মিক শেখাতে আসেন, সে দিন তো কাণে এক রকম একটী মস্তুর দিয়েছিলেন, এখন আবার রোজ রোজই যে কত রকম মস্তুর দেন, তা আর বলবার নয়। আমি সব বুজেছি মা! আমার অমন ধন্য কন্মে কায্ নি। আমি অমন গরু মেরে জুত দান করো পরকাল খেতে পারবো নে। ওই ঠাকুরগুণে বল, আমাকে আর শেখাতে হবে না, আমি সব মস্তুর শিখেছি, তাঁরা, আমার হাতে মালা পৌঁদে খোলা তো দিয়াছেনই, আবার কেন পরকালটী নষ্ট কন্তে বস্লেন। (রোদন)। ক্ষেমা। (সবিস্ময়ে)। য়ো! গোসাঁই? কি সর্বনাশ মা! সৌদামিনী। বলিস্ কি?। রসো রসো; আমি তাঁর এখনি বিহিত কন্তেছি। কি কলিলাম মা!— হা সর্বনাশ।

অভিধায়।

পদ্য।

হায় ধর্ম্ম একি কন্ম মন্ম হয় ভেদ।
পৃথিবী পুরিল পাপে কত করি খেদ।।
যে দিকেতে যাই চাই যে দিকে যখন।
বাত্যা সম বহিতেছে দ্রুতি পবন।।
সমূলে নিম্নূল হৈল ধর্ম্ম রূপ তরু।
চৌর্য্য হৈল তৌর্য্য সম কোথা আর হিত।।
মিলিয়া গিয়াছে সৌর্য্য ত্রৌর্য্যের সহিত।।
দৌর্য্যভাবে পরিপূর্ণ সতের মানস।
ধর্ম্ম দৌর্য্য ধরিবারে কে করে সাহস।।
পুরস্কীরা সৌর্য্য পণ করি পরিহার।
লইয়া নাগর্য্যভাব করয়ে বিহার।।
যদি কেহ থাকে সতী পতি ধন লয়ে।
কি দূরন্ত কলিকাল গ্রাসে শনি হয়ে।।
সুখের সহিত তার ঘটায় শত্রব।

কান্দিয়া কাটায় কাল নাহি পায় ধব।।
 সতিনী যন্ত্রণা আর যে সব উৎপাত।
 একে একে কলিরাজ করে সূত্রপাত।।
 পুণ্য ধন গণ্য করে নাহি কেহ আর।
 ধরণী হইল এক পাপের আগার।।
 নারী আর নর যদি হৈল কাছাকাছী।
 অমনি গ্রাসিল ধর্ম নাহি বাছাবাছী।।
 ধর্মধর্ম বোধ নাহি নাহি পাত্র বোধ।
 হাজার হাজার আছে এরূপ দুর্বোধ্য।।
 এরূপ অনেক আছে আধুনিক জ্ঞানী।
 সেজেকুজে বলে আমি বড় ব্রহ্মজ্ঞানী।।
 অসংকোচ ইন্দ্রিয় সুখের অনুরাগে।
 খাদ্যাখাদ্য বিচার ছাড়িয়া দেয় আগে।।
 মুখের সাপট আর চাপট কেমন।
 লম্পটের শিরোমণি না হেরি তেমন।।
 বিশ্বেষে তাদের নাই আত্ম সম জ্ঞান।
 বাহিরে বড়াই কত কত রূপ ভান।।
 পরদুঃখে দুঃখ বোধ না করে বারেক।
 মমতার বশীভূত না হয় তিলেক।।
 কুকাণ্ডে ব্রহ্মাণ্ড-কিন্তু দেখে একাকার।
 পরদারে মনে করে আপনার দার।।
 পরধন পাইলে স্বধন বলি লয়।
 কালগুণে একালেতে তাহাদেরি জয়।।
 হয় হয় একি পর্ব দেখি হলস্থূল।
 জলেতে কুস্তর ভয় স্থলেতে শাদ্দূল।।
 পাছে কেউ দেখে শোনে তাই সে সতর্ক।
 ধর্মের বিতর্ক মনে নাহিক সম্পর্ক।
 স্থান আর সময় মানুষ যদি পায়।
 পাপিষ্ঠেরা তবে কি ধর্মের মুখ চায়?।।
 রমণী আপনি যদি না করে যতন।
 কার সাধ্য রক্ষা করে সতীত্ব রতন।।
 এত দিনে ধর্ম তুমি ধর্ম নাম হরি।
 করিয়াছ পলায়ন লীলা সাজ করি।।

ভারতে করিতে রাজ্য বাঞ্ছা নাই আর।
 ছাড়িয়া গিয়াছ তাই রাজ্য অধিকার।।
 এখন রাজত্ব করে অধর্ম রাজন।
 তাই এত মনঃপীড়া পায় প্রজাজন।।
 তোমার অমাত্য যিনি সত্য নাম যার।
 তাই বুঝি তাঁর দেখা নাহি পাই আর।।
 অধর্মের মন্ত্রিবর অসত্য রাক্ষস।
 প্রজালোকে করিয়াছে কুমন্ত্রণা বশ।।
 ভৃত্যের উপর স্বামী স্নেহবান্ নন।
 ভৃত্য করে স্বামীর অহিত অশ্লেষণ।।
 বনিতার প্রিয় নন বনিতার পতি।
 পতির প্রেয়সী নয় অবলা দুস্মৃতি।।
 তাই নয় ভাই, ভাই প্রেয়সীর ভাই।
 পিতা মাতা গুরুজনে ভক্তি লেশ নাই।।
 সাংঘাতিক রোগে রুগ্ন সাংসারিক সুখ।
 সত্য সদাচারে দেখি সবাই বিমুখ।।
 লোকে আর কণামাত্র নাহিক সংকোচ।
 নাহিক সংকোচ লোকে নাহিক সংকোচ।।

(সক্রোমে প্রস্থান)

সৌদামিনী। (রোদন করিতে করিতে মনে মনে) হা! আমার মত হতভাগা রমণী
 ত্রিজগতে নাই! স্বামী দ্বিতীয়বার দার পরিগ্রহ করিলেন। সপত্নী যন্ত্রণাই আমার
 জীবনের প্রধান উপভোগ হইল। হউক, তাহাতেও দুঃখ করি না। যেমন
 আরাধনা করিয়া আসিয়াছি তাহাই ভুগিতে হইবেক। শ্বশুর শাশুড়ী ননদ
 প্রভৃতি পিতৃকুল স্বজনের অকৃতাপরাধে এককালে বিষনয়নে দেখিয়াছেন।
 পিতৃকুল নিশ্চল? কেহাই মাতা ও পিতৃকুল স্বজনা; একমাত্র আশ্রয়স্থল।
 একা তাহা হইতেই বা কি হইতে পারে?।

হায়! এসকল সহ্য করিয়াও কি স্ত্রীর পরম ধন সতীত্ব রক্ষা করিতে পারিলাম
 না! জগদীশ্বরের মনে কি আছে জানি না। সতিনীকে ভগিনীর ন্যায় জ্ঞান
 করিতেছি। শ্বশুর শাশুড়ী ননদ প্রভৃতি পিতৃকুল স্বজনেরা যাহা আজ্ঞা
 করিতেছেন তাহাই করিতেছি; হে জগদীশ্বর! এ পাপীয়সীর আবার কি পাপ
 দেখিলে! যে, এখনও এত বিড়ম্বনা করিতেছ।

নির্দয় শ্বশুরকুল--স্বজনগণের মত, আমি এজন্মের ত সাংসারিক সুখে

এককালে জলাঞ্জলি দিয়া, কেবল দাসীবৃত্তি করিয়া কালক্ষেপ করি। ঠাকুর! তাহাই করিতেছি আবার এ অপরাধিনীর কি অপরাধ হইল। শাশুড়ী অনুমতি করিলেন মন্তর নে, গোসাঁইয়ের নিকট পূজা শেখ, ভদ্র লোকের ঘরের মেয়ে এক একবার আহ্নিক করিবি; এই অনুমতি আমি সৌভাগ্য চিহ্ন স্বীকার করিয়া লইলাম। যদিও বাল্যকালে বাৎসল্য উপভোগ করিতে পাই নাই; যৌবনেও যৌবনদশার চরিতার্থতা লাভ হইল না, প্রত্যুত বার্ষিক্য ব্যবহার করিতে হইল, তথাপি আমি অগত্যা দৃঢ়তর ভক্তি পূর্বক তাহাই করিতেছিলাম। হায়! কি পোড়াকপাল! তাহাতেও আবার গরল উঠিল। গোসাঁইয়ের নটবর বেশ দেখিয়া, আমি প্রথমেই বলিয়াছিলাম ঠাকুরাণি! আপনি আমার মাতা, আপনিই আমার কর্ণে মন্ত্র প্রদান পূর্বক কৃপা করিয়া আহ্নিকটা শিখাইয়া দেউন। দুর্ভাগ্যক্রমে তখন তাহা করিলেন না; এখন এই দুর্বিপাক উপস্থিত, এদিকে গুরুভক্তি বড়, এ সকল শুনিলে যে তাহারা বিশ্বাস করিবেন এমতও বোধ হইতেছে না, প্রত্যুত আমাকে তিরস্কার করিবেন। হায়! কি পোড়াকপাল! এ, আবার কি কন্দোল উপস্থিত হইল; গঞ্জনা ভয়ে প্রাণ থর থর করিয়া কাঁপিতেছে। হে ঠাকুর! আর কেন? হইয়াছে; লও লও; এখন এ অভাগিনীকে ভরায় মুক্ত কর।

অভিপ্রায়।

পদ্য।

হায় রে নির্ভুর পতি, তোমা হৈতে এ দুর্গতি
ধর্মপথে রাখি মতি, আঁখিতে না হেরিলে বারেক হে।

আঁখিতে না হেরিলে বারেক।

কিবা দোষ কি কারণ, পাষাণে বাঁধিলে মন,
করিলে নির্ঘাত পণ, পাশরিলে সকলি সাবেক হে।

পাসরিলে সকলি সাবেক।।

আমি দীনা কুলবালা, সুই বল কত জ্বালা,
হই সদা ঝালাপালা, নই কি তোমার ধর্মদাসী হে।

নই কি তোমার ধর্মদাসী।

তবে বল কোন প্রাণে, শুনিয়া না শুন কাণে,
দিবে গলে কেবা জানে, সতিনী যন্ত্রণারূপ ফাঁসী হে।

সতিনী যন্ত্রণারূপ ফাঁসী।।

দুঃখ কব কার কাছে, এখন পরাণ আছে,
দিবানিশি ভাবি পাছে, হারাই সতীত্ব স্বচ্ছ মণি হে।

হারাই সতীত্ব স্বচ্ছ মণি।।

তুচ্ছ করি সর্ব্ব দুঃখ, দুঃখেই মানিয়া সুখ,
নিবারি সুখের ভুখ, জ্ঞান তো সকলি গুণমণি হে।

জ্ঞান তো সকলি গুণমণি।।

সতিনীর ঝালাপালা, মানি মণিময় মালা,
সে বরঞ্চ ভাল জ্বালা, এ যে দেখি বড় সর্ব্বনাশ হে।

এ যে দেখি বড় সর্ব্বনাশ।।

সতীর সর্ব্বস্ব যাহা, চোরে চুরি করে তাহা,
না হেরি ইহার বাহা, শূন্য ঘরে ভূতে করে বাস হে।

শূন্য ঘরে ভূতে করে বাস।।

বারেক সদয় হও, আসি দুটো কথা কও,
এ ঘরে তিলেক রও, তবে যায় ভূতের উৎপাত হে।

তবে যায় ভূতের উৎপাত।।

গুরুজন সমুদয়, তাঁদের এ ধন নয়,
কি জন্যে হইবে ভয়, কেন এত কর পক্ষপাত হে।

কেন এত কর পক্ষপাত।।

দুরাশয় গৃহজন, করিতেছে নিপীড়ন,
ওহে অবলার ধন, প্রাণধন! কর পরিত্রাণ হে।

প্রাণধন! কর পরিত্রাণ।

সকল উৎপাত হর, সতীর কল্যাণ কর,
ওহে কান্ত দয়াকর, দোহাই দোহাই রাখ মান হে।

দোহাই দোহাই রাখ মান।।

শুনিয়াছি শাস্ত্রে কয়, গুরু নিন্দা ভাল নয়,
অস্ত্রে অধোগতি হয়; অতএব মনে পাই ভয় হে।

অতএব মনে পাই ভয়।

কিন্তু ঋষিগণ কন, গুরু যদি দোষী হন,
বলিবেক সে বচন, তাই বলি প্রাণে নাহি সয় হে।

তাই বলি প্রাণে নাহি সয়।

কৃষ্ণলীলা ভাল বটে, গোস্বামির শাস্ত্রে বটে,
কিন্তু কিছু পাপ ঘটে, যদ্যপি না হই সাবধান হে।

যদ্যপি না হই সাবধান।।

যদি হয় কাঁচা মেয়ে, পাশরে গোসাঁদি পেয়ে,
ধর্ম্মাধর্ম্ম সব খেয়ে, তাহারা না পায় পরিত্রাণ হে।

তাহারা না পায় পরিত্রাণ।।

গোসাঁই কষাই প্রায়, কুলবধু ধর্যে খায়,
ধর্ম্মপানে নাহি চায়, এতো দেখি বড় ঘোর দায় হে।

এতো দেখি বড় ঘোর দায়।

দুঃখ কই কার ঠাই, দেশে আর হিঁদু নাই,
কিন্নাপে নিস্তার পাই, দেহ ছাড়ি দেহী না পলায় হে।

দেহ ছাড়ি দেহী না পলায়।।

কে দেয় ইহার সাজা, নিজে গোখাদক রাজা,
মনস্তাপে হই ভাজা, প্রজাকুল আকুলহৃদয় হে।

প্রজাকুল আকুলহৃদয়।

এ সময় দয়াময়! যদি তব দয়া হয়,
তবে সব দিক রয়, দূর হয় এ বিষম ভয় হে।

দূর হয় এ বিষম ভয়।।

(হরিপ্রিয়ার শয়নাগার)

(হরমণির প্রবেশ)

হরমণি। (হরিপ্রিয়াকে সম্বোধন করিয়া, সাহংকারে) শুনেছিস গা! তৎ শুনেছিস? সং দেখ্যে দেখ্যে আর বাঁচিলে যে! জ্বলে জ্বলে, মলেম! গুরু, মনে ধলোঁ নি; আবার একটা কান্ কর্যেছেন! (ক্ষেমাকে লক্ষ্য করিয়া) মরু ডেকরা মাগী; বাপ্ কেল্যে মেয়ো পেয়েছে! —আর সওয়া যায় না! “মা মরে বীয়ের জন্যে, বী মরে নাঙের জন্যে!!!!

হরিপ্রিয়া। (সবিরাগে) মরুক্ মেনে! ক্ষেমী! ভাই! এতক্ষণ আমাকে জালাচ্ছেল; আমি অম্নি গানের রাগ্ গায়ে মেরো মেরো, চুপ্ করো রৈলুম, আর কিছু বল্লুম না।

হরমণি। (ব্যস্তভাবে) কিছু না বলাও কি ভাল হয়ে হে। গোসাঁই শুনে এখন জ্বল্যে উটবেন; মনে কত দুঃখ কবের্ন; আহা! তিনি কি এমন নোক গা! দেখলে চক্ষুঃ জ্বড়ায়; এই যে আমি তাঁকে নিয়ে কত রাত্রি পর্যন্ত কত মস্তুর শিখি; কত উপকথা কই, তাঁর মুখের পানে চেয়ো কত শাস্তরের কথা শুনি; এত কি ঢল্য়ে থাকি? কবের্ন কি বল? “খাট ভাঙিলেই ভুঁই শয্যা” ডাকের কথাই পড়ে রয়েছে; তা হলেই কি এত ঢলাতে হয় গা! না, এত নোক হাসাতে হয়। আমরাও তো সব হলোম কুলীনের মাগ্; স্বামী কেমন সামিগ্রী, কাল কি ধল ভাল করে চক্ষুও দেখি নে! আমরা কি আর পৌদে কাপড় দি না গা! না কাল কাটাই না!—এত ফেচকো ফেচকো উঠি! “নৈয়ের কুকুর পাতে ভোজে”!!!!

হরিপ্রিয়া। চূপ কর মা! ও, যা করে করুক, মরুক! আমাদের আর ও কথাতেই কায নি। কত্তা শুধু আবার বেজার হবেন। ওর এহ কালও নেই, পরকালও নেই; ও, হিংসেতেই ফেটে মলো। দূর হোক, নিত্য নিত্য আর ও সকল ভাল লাগে না।—“অসৈরণ দেখতে নারি, শিকৈয় পৌদদ্যে বুল্যে মরি!!!!

(ক্ষেত্র মোহিনীকে সম্বোধন করিয়া)(১)

লক্ষি! সোণা মা আমার; একটু জল আন তো! তুমি আর ও পোড়ারমুখীর ছাই মাড়িও না!—ওর অসাদী কম নেই, সববনাশী।—“না যাব বঙ্গ, না দেখবো রঙ্গ” বিষ দিয়ে মেরো ফেলবে! ও সববনাশীর কি ধম্মাধম্ম বোধ আছে? কেবল কতকগুলো কল্লা শিখেছে।—“অরুণ নেই, বরুণ আছে!!!!

(রসিককৃষ্ণ গোস্বামীর প্রবেশ)(২)

রসিক। (কুঁড়োজালি হস্তে নটবর ভাবে)। রাধে! রাধে! তোমার ইচ্ছা! (হরিপ্রিয়াকে সম্বোধন করিয়া)। কোথা গো গিমি মা! কোথা গেলে?(হরমণিকে সম্বোধন করিয়া) দিদি কোথা গো! কি করিতেছ? প্রেমময়ী! তব কিঙ্করোহহং। (দীর্ঘশ্বাস পরিত্যাগ)।

হরিপ্রিয়া। (ব্যস্তভাবে) এসো এসো, গোসাঁই! এসো, বসো বসো।

(আসন প্রদান পূর্বক গলবস্ত্রে প্রণিপাত)

হরমণি। (হাস্যবদনে) এই যে গোসাঁই দাদা।

(গলে অঞ্চল দিয়া ভূমিষ্ঠা হইয়া প্রণিপাত)

রসিক। (সন্তোষে সম্পূর্ণমনে) প্রেমময়ী! চিরসন্তোষ মানময়ী! চিরসন্মানে রাখ।

(হাস্য বদনে উপবেশন)

হরমণি। (হাস্য বদনে)। মানময়ীর যে বড় মান শুভে পাই—গুরুভক্তি কেমন দেখ্ছ?

রসিক। (ঈষদ হাস্যবদনে)। রাধে! রাধে! ছেলে মানুষ এখনও বড় বুদ্ধি শুদ্ধি হয় নাই; হইবে ক্রমেই হইবে। সবুরে মেওয়া ফলে!!—“তপ্ত ভাত ফুঁক দিয়া খেতে হয়।!”

হরিপ্রিয়া। (বিরক্তভাবে)। হর! কই? গোসাঁইকে যেন ছল দিলি গো! কথা পেল্যে তোদের কি আর কিছুই মনে থাকে না! বলে “সবাই থাকে রঙ্গে, বুড়ী মরে সঙ্গে সঙ্গে!!!!”

হরমণি। (সবিস্ময়ে)। ও মা! বটে তো, ভুল্যে মরেছি গো! কই আমার পৈতে দাও। (ফল গছানব্রত, হাতে হাতে ফল সূত্র ও কড়ি প্রদান)

(১) ভূধরবাবুর

(২) গুরু গোসাঁই

রসিক। (রোমাঞ্চগায়ে হাস্যবদনে হরর চক্ষে চক্ষুঃ মিশাইয়া নাস্তিকে)। আঁ!!!—
চোরের রাত্রিবাস!!!! (ফলগ্রহণ পূর্বক প্রকাশে)। প্রেমময়ি! প্রসন্না হও; (হরকে
সম্বোধন করিয়া) যেমন হাতে হাতে ফল দিলে, তেমনি হাতে হাতেই ফল
পাইবে।

হরিম্ভিয়া। (বিরাগে)। হর! ও কি কচ্ছিস্ গা? তোরে কি একবারে বন্ধে হয়
না গা! ছোট বৌমাকে নিয়া ফল দেওয়ানা।

হরিম্ভি। আয় লো ছোট বৌ! ফল দেসে?

রসিক। (হস্তে হস্তে ফল গ্রহণ করিয়া)। এসো, কৃষ্ণ মতি হউক।

(আশীর্বাদ করিয়া গ্রহণ)

রামব্রহ্ম। (জয়শঙ্করকে সম্বোধন করিয়া)। হাঁ, কি কহিতেছিলাম মহাশয়? (ক্লণেক
চিন্তা করিয়া)। হাঁ!—আর আপনারা ইহাও চিন্তা করিয়া দেখুন, সংসারে সকল
লোকেই কিছু এককালে এমন বিদ্বান্ হয় না যে বিশ্বরূপ পুস্তক দৃষ্টি করিয়া
ঐশ্বরিক নিয়ম সকলই অবগত হইতে পারে ও তদনুগামী হইয়া চলিতে
পারে। ইহাও জগৎকর্তার একপ্রকার অভিপ্রায় বটে, সংশয় কি? তবেই স্থির
করুন, পৌত্তলিক ধর্মের সার্থকতা আছে কিনা?

প্রতাপ। ভাল মহাশয়! পৌত্তলিক ধর্ম নিয়মের বিলক্ষণ তাৎপর্য আছে বটে
বুঝিলাম; কিন্তু জিজ্ঞাসা করি, এই পৌত্তলিক ধর্মনিয়ম, সম্প্রদায় ভেদে
পৃথক পৃথক হইবার তাৎপর্য কি?

রামব্রহ্ম। হাঁ, জিজ্ঞাস্য বটে; কিন্তু উত্তরকল্পে স্থিরচিত্তে চিন্তা ও বিবেচনা
করুন, যদি এক বিষয় উদ্দেশ্যে পাঁচজনে স্বতন্ত্র পাঁচটি রচনা করা যায়, তবে
কি সেই পাঁচটি রচনাই সমান হয়? সকলেরই উদ্দেশ্য স্থির থাকে বটে,
ফলিতার্থ, প্রক্রিয়া অবশ্যই প্রভিন্ন হইয়া পড়ে। শাস্ত্রেও নির্দেশ আছে
'ভিন্নরূপি হি লোকঃ, ভিন্ন ভিন্ন লোকের ভিন্ন প্রকৃতি। আর, দেশ বিশেষে
আয়ু স্থাপক বায়ুরও গতি শেষ আছে; ইহাও উহার এক প্রধান কারণ হইতে
পারে। বাসু! ভাল ব্রহ্মচারি মহাশয়! পৌত্তলিক ধর্মনিয়ম করিয়া চলা কি
ভাল? তাহাতে কি জগদীশ্বরের আরাধনা করা হয়? এবং সুকৃতি জন্মে?

জয়শঙ্কর। (হাস্যবদনে)। ও কথা আর দ্বিগ্বেষ করিতে হবেক কেন হে?
ব্রহ্মচারি মহাশয় ইতঃপূর্বে তো ইহাই ন্যস্ত করিয়া রাখিয়াছেন। অহহ! কি
আশ্চর্য্য! মহাশয়ের ব্রহ্মচারি মহাশয়ের প্রসাদে দিব্য জ্ঞান পাইলাম।

কবিতা।

পরাত্পর পরব্রহ্ম বিশ্ব বিরচক।

দ্বিতীয় রহিত সনাতন প্ররোচক।।

গড় বল; জ্যোত বল, বল জ্যুপিটর।

খোদা বল, আল্লা বল, বল বা ঈশ্বর॥
 সকলি তাঁহার সংজ্ঞা তিনি বিশ্বময়।
 কি ফল করিয়া বল, বিফল সংশয়॥
 কেহ তাঁরে জ্যোত্স্না জ্যোত্স্না বলি স্মরে।
 কেহ বা জ্যোত্স্না নামে সদা দ্বেষ করে॥
 অদ্ভুত তাঁহার মায়া ছায়াবাজী সম।
 কায়াবাজী করে জীব বহে শুধু ভ্রম॥
 শ্রীষ্ট আর কৃষ্ণ নামে ভেদ জ্ঞান যার।
 তারেই পাষণ্ড বলি পাষণ্ড কে আর॥
 পুরুষপ্রধান তিনি প্রকৃতি প্রধান।
 রচিতে প্রকাণ্ড বিশ্ব বহুরূপ ভান॥
 রাধা নামে বাঁধা যিনি বংশধারি প্রেমে।
 সীতা নামে প্রকাশিতা প্রকৃতির ক্ষেমে॥
 বৃন্দাবনে বনে বনে বাজাইয়া বাঁশী।
 মজান গোপের কুল কংশ বংশ নাশি॥
 জনকের গৃহে শুধি জনকের ধার।
 রামরূপে রাবণের করেন উদ্ধার॥
 বার বার কত বার কত লীলা তাঁর।
 কে যাইতে পারে পার, অপার সংসার॥
 স্থল জল ব্যোম বহি বায়ুরূপী তিনি।
 না চিনে তাহারে কিন্তু সবে বলে চিনি॥
 কেহ বলে বাড়ি তাঁর বৃন্দাবন ধামে।
 কেহ বলে মক্কাবাসী মহম্মদ নামে॥
 কেহ বলে তার বাস জুড়িয়া নগর।
 কেহ বলে অলিম পিয়স্ ধরাধর॥
 কেহ বলে দেখিয়াছি পুরীমধ্যে আমি।
 জগন্নাথ নামে তিনি উড়িষ্যার স্বামী॥
 কেহ কয় সেতো নয় তাহার নিলয়।
 কালীঘাটে তাঁর সঙ্গে সদা দেখা হয়॥
 কেহ কন তিন হন পঞ্জাবের পতি।
 ধরিয়া নানক নাম করেন সদগতি॥
 তা নয় তা নয় বলি আর জন কয়।
 ভৈরব তাঁহার নাম ভোটাণ্ডে নিলয়॥
 নামাশুরু নামে তিনি মর্ত্যমূর্তি ধরি।

তরান তারকব্রহ্ম মৰ্ত্তে অবতরি।।
 কেহ বলে চন্দ্রনাথে বিরাজেন তিনি।
 সে দেশে আমার বাস আমি ভাল চিনি।।
 কেহ কয় তাতো নয় কাশী তাঁর বাস।
 কেহ কহে গয়া কিম্বা প্রয়াগে নিবাস।।
 কেহ বলে আকাশে বিকাশমান তিনি।
 বড় জল আলো অন্ধ রৌদ্র সৌদামিনী।।
 এইরূপে লোক সব করয়ে বিবাদ।
 ফলতঃ নিৰ্ব্বাদ তিনি বিবাদ কি বাদ।।
 যাহা বলি এ সকলি তাঁহার বিকার।
 মনে লয় বিশ্বময় তিনি বিশ্বাধার।।
 পশুপক্ষী কীট আর পতঙ্গ ভুজঙ্গ।
 সকলি তাহার অঙ্গ সব তাঁর রঙ্গ।।
 মৰ্ত্তে এ সকল মৰ্ম্ম করিতে প্রচার।
 হইয়াছিলেন নিজে দশ অবতার।।
 মীনরূপে তিনপুরী তরান্ তারক।
 ত্রিদশ প্রধান তিনি ত্রিতাপ হারক।।
 এইরূপে করিলেন বেদের উদ্ধার।
 হইল ধরণী ধামে ধর্ম্মের সঞ্চার।।
 দীননাথ দ্বিতীয় রূপেতে অবতরি।
 ভাসেন কারণ জলে পৃষ্ঠে ধরা ধরি।।
 কৰ্ম্মভূমি রক্ষা হেতু কুৰ্ম্মরূপ তাঁর।
 অক্রেণে ধরেন এই ধরণীর ভার।।
 বিশাল বরাহরূপ বরাভয় রূপ।
 উদ্ধার করেন বিশ্বরূপ ধৰ্ম্মকূপ।।
 নৃসিংহ আকার তিনি করিয়া স্বীকার।
 হিরণ্যকশিপু ধ্বংস করেন ভূ-ভার।।
 বলিকে ছলেন তিনি হইয়া বামন।
 রামরূপে করিলেন রাবণ নিধন।।
 পরশু লইয়া করে সুশাগিত ধার।
 কোন রূপে করিলেন ক্ষত্রিয় সংহার।।
 গোকুলে গোপের গৃহে আর রূপ ধরি।
 করেন মানবী লীলা অহা মরি মরি।।
 বুদ্ধরূপে বুদ্ধির করেন ভেদভেদ।

কে জানে তাঁহার তত্ত্ব জানে শুধু বেদ।।
 সম্ভল গ্রামেতে বিষ্ণুশ্যার আলায়।
 কঙ্কিরূপে বার বার করেন প্রলায়।।
 কে চিনে তাঁহায় বল কে চিনে তাঁহায়।
 ভোজবাজী সম বাজী এ যে চিনা দায়।।
 বার বার কতবার এইরূপ খেলা।
 এ খেলা খেলিতে তাঁর নাহি অবহেলা।।
 এ সব দেখিয়া জীব ভাব বুঝ ভবে।
 সারাংশ গ্রহণ কর, জ্ঞানী হবে তবে।।
 খাদ্যাখাদ্য বিচার আছে যত আর।
 বলিতে বিস্তার হয় প্রস্তাব বিস্তার।।
 অতএব লোক সব সম্প্রদায় ধর্ম লয়ে।।
 সম্প্রদায় ধর্ম হয় সুখের আকর।
 অনায়াসে হবে পার সংসার সাগর।।
 অন্যথা সংকোচ কিন্না সন্দেহ সংসার।
 কর মন বিসর্জন হইবেক জয়।।
 এটা ওটা সেটা বৃথা ভাব ক্রমে ক্রমে।
 বৃথা শ্রম বয়ঃক্রম কাট বৃথা ভ্রমে।।
 ধরিয়া করালমূর্তি এই বিশ্বপতি।
 সুকৃতি বুঝিয়া অস্তে করিবেন গতি।।
 শেষের সেদিন বড় ভঙ্কর দিন।
 একবার ভাব মন হইয়া প্রবীণ।।
 ভাই বন্ধু সুত দ্বারা তারা নয় কেহ।
 যতই যতন কর না রবে এ দেহ।।
 আত্মীয় স্বজন কেহ সঙ্গে নাহি যায়।
 সুকৃতি সহায় তথা সুকৃতি সহায়।।

(নেপথ্যে মহান্ কল কল)

অভিশায়।

পদ্য।

ও মা! ও মা! সে কি? সর্ববিনেশ্যে মেয়ে একি।
 কানে শুনি নাই, এমন বালাই,
 সোণার সংসার হৈল মেকি।।

মর্ মর্ পোড়ামুখী, এত কি হইলী দুখী।
সতিন কি আর, হয় নাই কার,
জান না তুমি কি কিছু খুকী?।।

কি হল্যো রে সর্বনাশ, ও মা! তুই কোথা যাস্?।
ধর না ধর না, বারণ কর না,
এখন আছে গো বুঝি শ্বাস?।।

তত্ত্ব না করেন রাজা, কে ইহার দেয় সাজা।
বাবারে কি কব, কতই বা সব,
দুঃখানলে হইতেছি ভাজা।।

(জয়শঙ্কর বন্দ্যোপাধ্যায়ের ঝড়কি পুষ্করিণী)
(হরিপ্রিয়া, হরমণি, ক্ষেমঙ্করী ও ভবদেবের(১) প্রবেশ)

হরিপ্রিয়া। (ক্লেদে বিস্ময়ে)।

ওমা! ওমা! সে কি? সর্বনেশ্যে মেয়ে একি।
কাণে শুনি নাই, এমন বালাই,
সোণার সংসার হৈল মেকি।।

হরমণি। (আক্রোশে দস্ত কড়মড়ি করিতে করিতে)।

মর্ মর্ পোড়ামুখী, এত কি হইলি দুখী।
সতিন কি আর, হয় নাই কার,
জান না তুমি কি কিছু খুকী?।।

ক্ষেম। (উচ্চৈঃস্বরে রোদন করিতে করিতে)।

কি হৈল রে সর্বনাশ, ও মা! তুই কোথা যাস্?।
ধর না ধর না, বারণ কর না,
এখন আছে গো বুঝি শ্বাস?।।

ভবদেব। (বিষাদে)

তত্ত্ব না করেন রাজা, কে ইহার দেয় সাজা।
বাবারে কি কব, কতই বা সব,
দুঃখানলে হইতেছি ভাজা।।

(জয়শঙ্করের বহির্বাটী)

ব্রহ্মচারী। (কর্ণধ্ব উদ্ধত করিয়া, জয়শঙ্করকে সম্বোধন পূর্বক সবিষ্ময়ে)। কি এ? কি এ মহাশয়!— অস্তঃপুর মধ্যে এ গোল কেন?

(সকলে চকিত ও উত্থবর্ণ)

জয়শঙ্কর। (চকিত ভাবে) কি এ? (সকলকে সম্বোধন করিয়া সত্ত্বর)। মহাশয়েরা বসুন, আমি আসিতেছি। (অস্তঃপুর মুখে তাড়াতাড়ি প্রস্থান)।

(খটক্লিক সরোবর)

সৌদামিনী। (গলাধঃ সলিলে দণ্ডায়মানা, কলসী হস্তে দরদরধারায় রোদন করিতে করিতে স্বগত)। হা! পতি মুখ চাহিয়া দুঃখ দূর করা দূরে থাকুক, ক্রমেই দুঃখ বাড়িতে লাগিলেন, এবার যখন চাকরী স্থলে গমন করিলেন, কথার কথাটাও বলিয়া গেলেন না! হা! পোড়াকপালীর কপাল! অতঃপর প্রাণনাথের বচন দরিদ্রতাও আরম্ভ হইল রে। হায় হায়! আরও কি এ পাপিষ্ট জীবনে ভার বহন করিতে আছে।।

পতিব্রতা ধর্ম, নারীজাতির পরম ধর্ম। অধিক কি? অবলাবলীর তাহাই বল, তাহাই বুদ্ধি, তাহাই ভরসা, তাহাই রূপ, তাহাই গুণ, তাহাই যৌবন এবং ইহ পরত্র পরিব্রাণের একমাত্র হেতু। শাস্ত্রে বলে, পতি, কান, খঞ্জ, কুব্জ, বধির, মুক, পঙ্গু, যাহাই হউন না কেন, একাগ্র মনে তাঁহার শুশ্রূষা করিতে পারিলেই নারী, নরলোক জয় করিতে পারে, সংশয় নাই। হা! এ দুর্ভাগিনী, কন্দর্পের মত পতিরদ্ব পাইয়াও যত্ন করিতে পারিল না! হায় হায়! বক্ষস্থল বিদীর্ণ হইয়া যায়!!!!

হা! কাস্ত, হতভাগিনীর প্রতি যেরূপ একান্ত বিমুখ দেখিতেছি; আর, পৃথিবীর যে প্রকার ভয়ঙ্কর বিরুদ্ধ ভাব দেখি, ইহাতে সতীত্ব রত্ন রক্ষা করিতে পারিব, ইহাও বিশ্বাস হইতেছে না, অতএব এই দণ্ডেই মরণ, আমার পক্ষে মঙ্গল কর!!!!

হা! শুনিয়াছি অবঘাত মৃত্যু হইলে মহাপাপ হয়, কিন্তু ইহাও আমার বিলক্ষণ বিশ্বাস হইতেছে ধর্ম রক্ষা নিমিত্ত অধর্ম করিলে সে অধর্মও ধর্ম্মাধিক হইবেক, সংশয় মাত্র নাই। না হয়, আমার এ অধর্ম, পরমেশ্বরের অবশ্য ক্ষমা করবেন। আমি মেয়ে মানুষ; তথাপি আমার এটি বিল বোধ হইতেছে, যে, সতীত্ব রক্ষা করা পরমেশ্বরের অভিপ্রায়, সন্দেহ নাই। অতএব আমি তাহার অভিপ্রায় রক্ষা নিমিত্তই অবঘাত করিতেছি। (ক্ষণেক চিন্তা)। আত্মরক্ষাও তাহার অভিপ্রের্ত বটে; কিন্তু বিবেচনা করিতেছি, যদিই সতীত্ব রক্ষা করিতে না পারি, তবে আর আত্মরক্ষা কই হয়, শেষে কি দুকুল হারাইয়া অকুল মহাপাপে ভাসিব!!!! না, না, সে কথা কিছু নয়, অথবা বুঝিতেই পারিতেছি না, যাহউক, ঠাকুর! তুমি এ হতভাগিনীর এ মহাপাপে ক্ষমা করিও।—ক্ষমা

করিও। ঠাকুর ক্ষমা করিও—ক্ষমা করিও।। দোহাই! দোহাই!—দোহাই।
পতিত পাবন, সনাতন!!!!।

(হিংস জলজন্তুগণকে সম্বোধন ও রোদন)

অরে গভীর জলশায়ি কুস্তীরাদি জন্তুগণ! আমি পাপিনী, তোরা পাপ ভয়ে
আমাকে স্পর্শ করিতে অনিচ্ছা করিস না। আমি জন্মান্তরীন পাপে পাপিনী
বাটি, কিন্তু ইহ জন্মে পাপ কাহাকে বলে জানি না। যদি তাহাই হইবে, তবে
কেন প্রাণত্যাগ করিব বল? পাপ স্বীকার করিলে এখনি সুখ হয়!—পাপিষ্ঠ
লোকেরা আমার যৌবন পান করিবার নিমিত্ত অঞ্জলি বান্দিয়া চতুর্দিকে
ফিরিতেছে!!!! হা! কি হইল কি হইল। কেন সংসারে আসিয়াছিলাম। জন্ম
বিফল করিলি আমার নির্দয় পাপিষ্ঠ নরাদম!!!! (পতিকে উদ্দেশ্য রোদন)।

(সুশীল দেবর ভবদেবকে উদ্দেশ্য করিয়া)

হা! বাছা ভবদেব! এ সময়ে তুমি কোথায় রহিলে! তোমার বড় বৌ জন্মের
মত বিদায় হয়, একবার দেখা দিলে না। হা! বাছা! তুমি জ্ঞানবান হইয়াছ!
শুনিয়াছি, সকলে বলে, লেখাপড়ায় মুর্তিমান হইয়াছ। সেই জন্যেই আমাকে
বড় ভাল বাসিতে! মা মা বলিয়া ডাকিতে! হা! এখন তোকে মনে হইলে
বুক ফাটিয়া যায় যে রে! তুমি আমাকে মা বলিতে বলিয়া, ঠাকুরবীর কাছে
কত গালি খাইয়াছ! হা! বাছা! এ হতভাগিনীর জন্যে কত দুঃখ পাইয়াছ রে!
এ সময়ে একবার তোমার চাঁদমুখ দেখিতে পাইলাম না!!!!।

হা! বাছা! তুমি আমার জন্যে ভাবিও না! এখন, তুমি মা বোনের প্রিয় হইতে
পারিবে! কণ্টক ঘুচিল, তাঁহাদের অনুগত হইয়া চলিও!!! (ক্ষণেক চিন্তা)। বরং
তোমার সকল আপদ দূর হল!!!!।

হে জগদীশ্বর! আমার মা, বাপ, ভাই, ভগিনী প্রভৃতি পিতৃকুল স্বজন জনমাত্র
নাই, (ক্ষণেক চিন্তা)। যে এক ভাই আছেন, তিনি কখন কাকের মুখেও তত্ত্ব
করেন না। অতএব এখন আমি এই মনে করিতেছি, অনেক দিনের পর যেন
বাপের বাড়ি চলিলাম, দেখো ঠাকুর! তুমি জগতের পিতা, যেন আমাকে
অনাদর করিও না, দোহাই! দোহাই!—দোহাই বিশ্বপিতা! যেন পথেও কোন
বিঘ্ন না ঘটে!!!! (রোদন)।

(ক্ষেমাকে উদ্দেশ্য করিয়া)

মা ক্ষেমা গো! আমি তোমাকে ফাঁকী দিয়া চলিলাম। আমার বিছানার নীচে
গহনাগুলি রহিল, লইয়া কাশীবাস করিস্!!!! (ক্ষণেক চিন্তা)। আমার ভবদেবকে
কিছু দিস্ গো!!!! (রোদন)।

হা! এইবার পৃথিবীর সকল সুখে জলাঞ্জলি দিলাম!!! (গলে কলসী প্রদান)

(তীর হইতে)

হরিপ্রিয়া। (উচ্চৈঃস্বরে)। ওরে!—একি সর্বনেশ্যে মেয়ে রে! দেশ বাঁধাতে বসেছে!!! আ মর! ও কি লো! ওঠ ওঠ! ‘আঁ!—সতীর সাত বুদ্ধি, ছিনালের ছত্রিশ বুদ্ধি!!!!

হর। (আক্রোশে)। মরণ! এ কি করে রে! আ মর! খাণ্ডাত! আবার একটা সোণ তুলেছ? ঝাটার বাড়ী মেয়ে যমের বাড়ী পাটাব না? বিষ ঝাড়বে এখন, জান না? মা! বাবাকে ডাক্তো গা!!! “আপনার বেলা আঁটি আঁটি, পরের বেলা দাঁত কপাটি!!!!

ভবদেব। (উচ্চৈঃস্বরে রোদন করিতে করিতে)। ওমা! তুই কোথা যাস্ গো!!!

(জলে ঝম্প দিতে উদ্যত)

হর। (ভ্রাতাকে ধরিয়া ব্যস্তভাবে)। রোস্নারে! আগে বাবা আসুন! তুই কোথা যাবি—য়েঁ!—কি সা রে! ময়না মাগী!!!!

ক্ষেমা। (উচ্চৈঃস্বরে রোদন করিতে করিতে)। ওমা! তুই কোথা যাস্ গো, কি করিলে গো!!!! (জলে ঝম্প প্রদান)

জয়শঙ্কর। (সকলকে যৎপরোনাস্তি ভৎসনা করিতে করিতে জলে ঝম্পপ্রদান পূর্বক বিবিধরূপে শাস্ত্রনা করিতে করিতে ক্ষেমা ও ভবদেবের সাহায্যে বধুকে গৃহে আনয়ন, সাবধানে রক্ষা এবং বহির্বাটিতে আগমন)।

ভবদেব। (বাষ্পাকুল লোচনে বহির্বাটিতে আগমন)।

তৃতীয় অঙ্ক ও প্রথম ভাগ সম্পূর্ণ

ভ্যালারে মোর বাপ।

অর্থাৎ

স্ত্রীবাধ্য গ্রহণ

বনিতার বশে দায় জননীকে হুখ।
তার চেয়ে কিবা আর আছে হত মুখ।

শ্রীযুক্ত ভোলানাথ মুখোপাধ্যায়
প্রণীত।

আই. সি. চন্দ্র এণ্ড ব্রাদার কর্তৃক
প্রকাশিত।

[All rights reserved.]

কলিকাতা।

চিৎপুর রোড,—১১৫ নং
জেনারেল প্রিন্টিং প্রেসে
মুদ্রিত। '৫
নন ১২৮৩ সাল।

Printed by D. M. Bhattacharjya

১৮৭৬

ভ্যালারে মোর বাপ প্রথম সংস্করণের আখ্যাপত্র

ভ্যালারে মোর বাপ
ভোলানাথ মুখোপাধ্যায়

আখ্যাপত্রে প্রাপ্ত বিবরণ

ভ্যালারে মোর বাপ অর্থাৎ স্ত্রীবাধ্য গ্রহসন।

বনিতার বশে দ্যায় জননীকে দুখ।

তার চেয়ে কিবা আর আছে হত মুখ।।

শ্রীযুক্ত ভোলানাথ মুখোপাধ্যায় প্রণীত।

আই.সি.চন্দ্র এণ্ড ব্রাদার কর্তৃক প্রকাশিত।

কলিকাতা। চিৎপুর রোড ১১৫নং জেনারেল প্রিন্টিং প্রেসে মুদ্রিত।

সন ১২৮৩ সাল।

Printed by B. M. Bhattacharjya

প্রথম উদ্যম।

(নটীর প্রবেশ)

নটী। (স্বগত) প্রাণনাথ যাই বোলে যে আমাকে এখানে পাঠিয়ে দিলেন, তা এখনও আসছেন না কেন? একাকিনী এ সজ্জন সমাকীর্ণ সমাজে আসাই অন্যায় হয়েছে। যদিপি কেহ কোন কথা জিজ্ঞাসা করেন, আমি স্ত্রীলোক, তার ত কোন উত্তর কোরতে পারবো না, সহজেই নীরব হয়ে থাকতে হবে। কি করি এখন, ফিরে যাওয়াও ত বিহিত বোধ হচ্ছে না, তবে ততক্ষণ একটা গীত গাই না কেন?

গীত

কে বলে রসিক বল রসহীন জনে।
সে জন রসিক য়ার নব রস মনে।
অকৃত্রিম প্রেম রস, তাহে যার মন বশ,
প্রেমিক সে প্রেম রস, পিয়ে সুযতনে।
সঙ্গীত সুরস বলি, যে জন সে রসে অলি,
সদা মন কুতূহলি, রস আশ্বাদনে।
তত্ত্ব রস সম যার, কোন রস নাহি আর,
মোক্ষ ফল, ফল তার, লভে আরাধনে॥

(নটীর প্রবেশ)

গীত।

প্রিয়ে তব প্রেমধীন চিরদিন এই জন।
দিবা নিশি সুখে ভাসি, হেরিলে বদন।
ক্ষণকাল অদর্শনে, সব শূন্য ভাবি মনে,
রাখি প্রণয় রতনে, করিয়ে যতন।
যাবত রবে জীবন, পর বচনে শ্রবণ,
দিও না স্থান প্রাণধন, বিচ্ছেদে কখন।

নটী। (স্বগত) এই যে আসছেন, আমি যখন এসেছি আর কি থাকতে পারেন?
নট। প্রিয়ে! এ সমাজটা কেমন দেখ্‌চো?

নটী। সজ্জনে মণ্ডিত অতি সমারোহের সভা দেখ্‌চি।

নট। প্রিয়ে! এই সকল সভ্য ভব্য মহোদয় মহাশয়-দিগের সমাগমের কারণ
কি তা তুমি জ্ঞান?

নটী। না, তবে বোধ করি এখানে কোন একটা গীতাভিনয় হবে, এস না
কেন! আমরাও একটু স্থান নিয়ে বসি।

নট। প্রিয়ে! তুমি বোসবে কি? আমাদিগকেই যে একটি গীতাভিনয় কোর্সে
হবে।

নটী। সে কি নাথ! আমি যে এর বাষ্পও জানিনে? কি গীতাভিনয় কর্বে
বলুন দেখি?

নট। প্রিয়ে সেই জীবাব্য বিষয়ই স্থির হয়েছে।

নটী। তাতে আর আশ্চর্য্য কি হবে? শঙ্কর শঙ্করির বাধ্য, নারায়ণ কমলার
বাধ্য, ব্রহ্মা সাবিত্রির বাধ্য, ইন্দ্র সতীর বাধ্য, তা তুমি সামান্য মানবের আর
এ বিষয়ে কি বোলবে?

নট। প্রিয়ে! এ বিষয়ে যে অনেকেই জননীকে অসীম কষ্ট প্রদান কচ্চেন,
সেটা ত সহজ ব্যাপার নয়, আর এ দোষটা এখন কেমন প্রবল হয়ে উঠেছে
তা ত দেখতে পাচ্চ। জীবাব্য বশতঃ লোকে যে সকল লোকালয়ের স্বগীত
কর্দর্য্য কার্য্য করেন, আমরা তাহাই গীতাভিনয়চ্ছল প্রকাশ করবো? বোধ করি
ইহাতে সজ্জনগণের সহজেই মনোরম্য ও জীবাব্যগণের চরিত্র সংশোধন হতে
পারবে।

নটী। তা বলতে পারিনে। সজ্জনগণে, দুঃখান্বিত জীবাব্যদিগের কর্দর্য্য
আচরণের কথায় কি কর্ণপাত কর্বে? আর জীবাব্যগণের কি আপনার
সামান্য উপদেশে চরিত্র সংশোধন হতে পারবে? তারা যে এককালে লোক
লজ্জাকে জলাঞ্জলি দিয়েছে। আর আপনিই বা সে অভিনয় কেমন করে

কৰ্বেৰ্ন? তুমি নিজেও ত সেই দলের একজন।

নট। প্ৰিয়ে! ও সব কথা এখন থাক, সজ্জনোৱা এ বিষয়ে বিশেষৰূপে
কৰ্ণপাত কৰ্বেৰ্ন? প্ৰথমতঃ তাঁদের মহত্বতা গুণ আছে, দ্বিতীয়ত এ দেশাচাৰ
সংশোধন বিষয়ে তাদের কি বিৰক্তি আছে? এখন অভিনয় আৰম্ভ কৰ।

গীত।

অধীনিৰে ওহে নাথ এ কথা বল কেমনে।
কি জানি গীতাভিনয়, তুৰিতে সজ্জনগণে।
গুণী জ্ঞানী যে সমাজে, অবলা কি তথা সাজে,
নাৰী জাতি মৰি লাজে, তুমি তা ভাবনা মনে।
নহ তুমি মম বশ, নিয়ে আছ ৰঙ্গ ৰস,
নট বোলে অপযশ, কৰে তব কত জনে॥

নট। প্ৰিয়ে! তুমি অত শক্তি হোচ কেন?

নটী। নাথ! আমাৰ যা হচে তা আমিই জানি।

গীত।

কি কহিব ওহে নাথ যে ভয় হতেছে মনে।
জান ত অন্তরে ভাল ছলগ্রাহী জনগণে।
তুমি দেশ সংশোধনে, কোৱেছ বাসনা মনে,
ছলগ্রাহী জনগণে, ভ্ৰমে ছল অৰ্বেষণে।
বিশেষত কাল দোষে, অনেকে ৰত এ দোষে,
নিন্দিলে নিন্দিবে ৰোষে, নিন্দুকেতে অকাৰণে॥

নট। তা সজ্জনগণে কেহ ছলগ্রাহী নহেন। এক্ষণে চল আমাৰা প্ৰস্থান কৰি।

(নট নটীৰ প্ৰস্থান)

প্রথমাক্ষ ।

(কালীরকাপের অন্তঃপুর।)

বিজয়কালী আসীনা, পরে সিদুরমাতার প্রবেশ।

বিজ্ঞ। ঠান্দিদি! মিতিনের ভাতারের কথা কি কিছু শুনেচো?

সি-মা। না লো! কি হয়েছে।

বিজ্ঞ। মিতে আপিশের কত টাকা ভেঙ্গেছিল, তার তরে কাল সন্ধ্যার সময়ে বেঁধে নে গ্যাচে। এখন কি যে হবে তার ঠিকানা নাই। কেও কেও বোল্‌তে পুলী-পালাম যেতে হবে।

গীত

কি কব দুখো যে মনে।

এ কথা শুনে শ্রবণে হৃদে শেল সম বাজিছে ক্ষণ ক্ষণে॥

আহা! সে মিতিন জীবন তুল, অকুলে কে তারে দিবে গো কুল,
মরি মরি মনে কত ব্যাকুল, হতেছে এই ক্ষণে।

এণ নয়না নবীনা ললনা, জানে না মনে চাতুরি ছলনা,
কি হবে আহা! তারো বল না, কি দুঃখ মরি মনে।

দারুণ বিধি এ কি বাদ সাধে, যত সুখ-সাধে বিষাদ সাধে,
তবে কেন তাঁরো চরণ সাধে, বল আরো জনগণে॥

সীমা। সে কির্যা! আমার যে শুনেই গা কাঁপচে? তা সে টাকা সব কেন ফেলে দিক না?

বিজ্ঞ। সে সব টাকা এখন পাবে কোথা, কন্‌তো নয় পঁচিশ হাজার।

সি-মা। কেন? শুন্তে পাই, তোমার মিতিনের হাতে পঁচিশ তিরিশ হাজার টাকা আছে। এ সওয়ায় তোমার মিতের যখন বাপ মোরে যায়, রূপচটককে পঁচিশ হাজার, আর মাগীকে জ্বীধন বোলে পাঁচ হাজার টাকা দে গেছলো। তা ওদের পঁচিশ হাজার টাকার ভাবনা কি বল দেখি?

বিজ্ঞ। মিতের কথা আর কেন বল? তেমন কত পঁচিশ হাজার টাকা রোজগার কোরেছিল। এখন মিতিনের হাতে যা সম্ভর আশি হাজার টাকা আছে, আর গায়ের গহনাগুলী। মিতে বিষয় রাখতে'পাল্পে কৈ যে খরচ কোন্তে আরম্ভ কোন্‌লে, তাতেই সব ফুঁকে দিলে। মিতিনকে যেমন কাপড় গয়না টয়না দিত আপনার ছোট বোনটাকেও তাই দিত। বুড়ী মাগীকে গরদের কাপড় সওয়ায় আর পরাত না যা দু একটা যোড়া সুতর কাপড় দিত, তারো পাঁচ ছ টাকা দাম। মাগীর আবার একটা আলাদা চাকরাণী, এক শের দুদ, এক পোয়া সন্দেশ বরাদ্দ, আর বার বস্তুর কত আগড়ম্ বাগড়ম্ খরচ ছিল। ঠান্দিদি!

মিতে মা লক্ষ্মীকে যেন গলা টিপে বার কোরে দিয়েছে। এই এখন কি হলো বল দেখি? কেও কারো নয়, মাগীর হাতে 'কি কম টাকা আছে? আজ দশ বছর পাঁচ হাজার টাকার সুদ পাচ্ছে। মিতে প্রথম যখন মুখখানী চুন পানা ক'রে বাড়ীতে এসে টাকার কতা বোললে, এমনি ফ্রেট পিশাচ মাগী, বলতে পাল্লে না যে, “ভয় কি? আমি সব টাকা দিব” কত কষ্টে দশটি হাজার টাকা বার করে দিয়েছে।

গীত।

কি কব তব সদনে।

নহে কাহারো কেহ ভুবনে॥

জননী কি নন্দন, নহে গো আপন জন,

কেবল জানিবে ধন, আপন।

সবে ধন রাখিবে যতনে॥

সি-মা। মাগীর তবে দোষ কি বল? পাঁচ হাজার বৈত আর নশোপঞ্চাশ টাকা ছিল না। মাগী কবার আবার কটা কর্ম্ম কোল্লে; শ্রীমদ্ভাগবত, মহাভারত, রামায়ণ, ও কটা বার বস্ত্র মাগী আপনার টাকায় কোরেচে, তাতো আমরা সব জানি। তবে আর মাগীর দোষ কি? আচ্ছা, মাগী যদি দশ হাজার টাকা দিলে, আর তোমার মিতের আপিশের পঁচিশ হাজার টাকা ভাঙা যার তরে, তাও তো আমরা জানি, তোমার মিতিনকে জড়য়া গহনা কিনে দিয়েছিল। তা তোমার মিতিন পনেরো হাজার টাকা ফেলে দিলে আর ত এ বিপদ ঘটতো না?

বিজ্ঞ। সে কি এ সময়ে টাকা দিতে পারে? তার তিন চাটটি অবগণ্ড ছেলে, মিতের যদি একটা ভাল মন্দ হয় সে গুলিকেতো মানুষ কপ্তে হবে? ঠান্দিদি! আর মেয়েমানুষের টাকা কেমন তা তো জান?

সি-মা। এ সময়ে তোমার মিতিনের টাকা দেওয়া খুব উচিত ছিল। এ কি কম সর্ব্বনাশ। সময় অসময়ের তরে টাকা। ভাতার যার বাড়ী এ পৃথিবীতে আর কিছু নাই, সেই যদি গেলো, তবে আর জকের মতন টাকা বুক করে থাকলে কি হবে? এর চেয়ে তোমার মিতেকে লয়ে তোমার মিতিনের ভিক্ষে করে খাওয়া ভাল।

বিজ্ঞ। ঠান্দিদি! তোমরা সেকেলে লোক বোঝো কম, তাই এ কথা বলচো। স্বামীর অপেক্ষা আর কিছুই না সত্য, কিন্তু কপালের কথা কেউ বলতে পারে না। স্বামী কিছু কারো চিরকাল থাকে না। ভাই আগে সমস্থানটী করা চাই। স্বামীর ভাল মন্দ হলে ধন থাকলে তবু বুক পোঁতা থাকে।—

গীত।

আমি কব তোমারে দিদি কিবা গো এখন।
দেখ এ যে কাল, নহে গো সে কাল,
এখন ধনই হয়েছে সার, খরিলে জীবন।
সেকেলে লোক স্বল্প মতি, তোমরা বুঝ অল্প অতি,
চিরকাল কি থাকে পতি, চিরপতি ধন।।

সি-মা। (স্বগত) এমন ধনের মুখে ছাই, এমন বুক পোঁতার মুখে আগুন, আর এমন যে পুরুষ আপনার হাতে কিছু না রেখে স্ত্রীকে যথাসর্ব্ব্ব দ্যায়, তারো জীবনকে ধিক। (প্রকাশ্যে) তোরা বুজ্জিচিশ ভাল। সে যা হোক, এখন তোমার মিতিন কি কচে বল দেখি?

বিজ্ঞ। ঠানদিদি গো! মিতিনের কথা আর বল না, আহা! যেন মড়ার মতন পড়ে আছে। দুটি চোক দিয়ে জল পোড়চে, কেবল মাঝে মাঝে এক একটা দীর্ঘ-নিশ্বাস ফেলচে। দেখে, আমার যেন বুক ফেটে যেতে লাগলো। বুড়ী মাগীর চোকে জল নাই, হাও হাও করে মায়াকান্না কেঁদে যেন বাড়ী মাথায় করে তুলেচে।

গীত।।

সে কথা কি কব তব কাছে আর।
ধরাতে পড়িয়ে আছে যেন শবাকার।
নেত্রে বহে শত ধার।
কেবল রব মুখে হাহাকার।
বিন্দু বারি নাই চক্ষে, বুড়ী মিছে উপলক্ষে,
আঘাত করিছে বক্ষে, মিছে মায়ী তার।
নাই মনে মায়ী তার।।

সি-মা। বুড়ীর নাড়ী ছেঁড়া ধন। ছেলের প্রতি মা বাপের যে কেমন স্নেহ, তা ছেলের ছেলে না হলে আর জানতে পারে না, তাও পোড়া কালের দোষে কাল-মুখে গুলো ভাবে না। নাতবৌ! তোমার মিতিনের শাশুড়ির যা হোচ্ছে, তা সেই জানে।

বিজ্ঞ। আপনার এক রকমের কথা, মিতিনের চেয়ে আর কার দৃষ্ট বল? বুড়ী মাগীদের হাও হাউনি কেমন এক দশা। আমাদের ঐর একবার বিয়ারাম হলো ডাকতারে জবাব দিয়ে গ্যালো, বুড়ী আবাবী হাও হাও করে কেঁদে বুক চাপড়ে বোল্লে কি? গো আমার যথাসর্ব্ব্ব নিয়ে অমুককে বাঁচিয়ে দাও আমি অমুককে নিয়ে ভিক্ষে মেগে খাব... ঈশ্বরের ইচ্ছায় ইনি সান্তে,

ডাক্তারের দেড়শো টাকার বিল হলো। তখন আবাবী আর একটি পয়সা দিতে চায় না। আমি তোমার নাভীকে এক কড়া কড়ী দিতে দিলাম না। মাগীকে “তোমার নামে বিল হয়েছে। টাকা না দিলে ডাক্তার নালিশ করবে” কত ভয় দেখাতে, কত কষ্টে তবে পাঁচ টাকা কম একশ টাকা ফেলে দিলে। ঠান্দিদি। বূড়ীমাগীদের কথা আর কেন বল? অমন ক্রেট কি আর আছে? আমার একবার একছড়া শেকলানো সাতনর দেখে কিন্তে ইচ্ছে হতে, মাগীকে বোলতে অমনি, “হরিবল আমি টাকা কোথা পাব মা!” বলে এক কথাতে সব সেরে দিলে। সেই অবধি আবাবীর উপর আমার চিন্তির চোটে গ্যাচে। এখনও মাগীর কথা শুনলে আমার গায়ে কে যেন আগুন ছড়িয়ে দ্যায়। আবাবীকে দেখলে আমার পঁাস পেড়ে কাটতে ইচ্ছে করে। সি-মা। এতে তোমার রাগ করা অন্যায় দিদি? ও টাকা কোথা পাবে। কলীরকাপের বাপ আর তো ওকে একটি পয়সা দ্যায়নি, সে ওকে দুচক্ষে দেখতে পাশ্তো না। আর জন্মে ফল দান করেছিল বোলে, তাই এ জন্মে কলীরকাপকে পেয়েচে।

বিজ্ঞ। ঠান্দিদি! মাগী ফল দান করেছিল, তা একটু মধু দান করে নি কেন? ওর কঁটকটে কথা শুলো শুনলে আমার গাটা জ্বালা করে ওঠে।

সি-মা। (স্বগত) মধু দান যা তুমিই করে এসেছ, তার জন্যেই বাক্য গুলি যেন মধুমাখা হয়েছে। স্বামীকে ভ্যাড়া বানিয়ে মাগীকে কেনা বাঁদির বাড়ী করেছে।

(নেপথ্যে রাধামণি)

রাধা। (নেপথ্য হইতে) বৌ মা! বৌ মা!—

বিজ্ঞ। ঐ আবাবী আসচেন, বেটীর মরণ নাই, এসে আবার কি হুকুম করেন দেখ।

সি-মা। (স্বগত) ওমা কলীরকাপ কি আশ্পদদাই দিয়েচে? আবাবী যেন সাপের পাঁচ পা দেখেচে? (রাধামণির প্রবেশ)

রাধা। বৌ মা! বাবাকে কাপড় কিনে দিতে বল মা? হাড়ী বাগ্দির মতন লোকের কাছে এ কাপড়ে বেরুতে লজ্জা করে মা।

বিজ্ঞ। কেমন করে বলবো? সে দিন তোমাকে এক যোড়া কাপড় কিনে দিলে, এখন বচর ফিরেনি। ঘরে আর ত তাঁত বসানো নেই, যে বোললেই অমনি কাপড় দেবে? (সিদুর মাতার প্রতি) ঠান্দিদি। এমন চুশনো আর বিশ্ব সংসারে দেখিনি। কাপ দিলেই অমনি ছিঁড়ে বসেন। আর মাগীর হাড়ে লক্ষ্মী নাই বলে সংসারটারও ভদ্রস্থ নাই।

রাধা। ওমা! কি বলিসগো? বাবা কি সে দুখানি কাপড় আজ দিয়েচে গা? এই পুজো এলে বচর ফেরে তারপর তোমাকে পাঁচ ছ যোড়া কাপড় এনে

দিয়েছেন।

বিজ্ঞ। মর মাগী! আমাতে আর তোতে সমান? (সিদুর মাতার প্রতি) ঠান্দিদি! আবাবগী আমার হিংসাতেই মলেন। শাশুড়ী ত নয় যেন আমার সতীন।

সি-মা। (কানে হাত দিয়ে) (স্বগত) রাম! রাম! কি সর্বনাশ! এ কথা কেমন করে বললে, এ যে কানে শুনলে পাপ হয় গা।

রাধা। বৌমা! আমি আর কদিন বাঁচবো মা? আমাকে এখন আর কুকথা গুলো বলিস্নে। মনে দুঃখ দিয়ে কথা কইলে, যদি আমার চোখ দিয়ে জল পড়ে, কি একটা দীর্ঘনিশ্বাস ফেলি, তা হলে তাতে আমার বাবার অমঙ্গল হবে। বাছা! বাবা আমার রাজ হোক, তুমি রাগীর মতন সুখে ঘর কন্না কর, তোমার সুখ দেখে আমি হিংসা করি এও কেমন কথা মা?

গীত।

কেন মা আমারে বল, বলিছ কুকথা অতি।
তব সুখে দুঃখী হবো নহে গো তেমন মতি।
মনে ব্যথা দিলে পরে, যদি নেত্রে জল ঝরে,
জানি অমঙ্গল করে, তাহে ওগো গুণবতি।
তুমি হওগো রাজ্যেশ্বরী, বাবা বসুন দণ্ড ধরি,
কায়মনে ইচ্ছা করি, নহে মম ভিন্ন মতি।

বিজ্ঞ। মর মাগী! গ্যাজ গ্যাজ কোরে বোকচিস কেন? তোর স্বভাব কি আমি জানিনে? “যার ঘর করিনে সে বড় ঘরনি, আর, যার রান্না খাইনে সে বড় রান্না” (সিদুর মাতার প্রতি) ঠান্দিদি! আবাবগীর বাকড় আর কিছুতেই ভরে না। যার তার কাছে খেতে পাইনে বোলে আমাদের নিন্দে করে বেড়ায়। তা কোন্নেই বা, তাতে কি বয়ে গ্যাল? বোধ করি ঘোষেদের সেজ বোয়ের কাছে কি বোলেছিল, সে তার চাকরানীকে দিয়ে মাগীকে এক ঠোঙ্গা সন্দেশ পাটিয়ে দিয়েছে। আবাবগী আপনার ঘরে বসে মুখ টিপে টিপে খাচ্ছে। আমার কি দরকার পোড়েছে, ওর ঘরে গেচি, আমাকে দেখে অগ্নি সন্দেশ গুলো নুকুলেন। (রাধামণির প্রতি) মর আবাবগী! আমি কি তোর সন্দেশের পিত্তিশি, যে তুই আমাকে দেখে নুকুল, আমার ঘরে কত সন্দেশ পোচে ছাতা উঠে যাচ্ছে। (সিদুরমাতার প্রতি) ঠান্দিদি! চিম্‌সে মাগীর কি আক্কেল দেখেচো, এতে মুখে নুড়ো গুঁজে দিতে ইচ্ছে করে কি না?

রাধা। সিদুর মা! আমার বৌমার কথা শোন, লোকে বলে এরা শাশুড়ী বোয়ে দিবারান্তির ঝকড়া করে। আমি ঝগড়ার কি কথা কয়েচি, যে বৌমা আমাকে হাড়ির তেরস্কার কোচ্ছেন।

বিজ্ঞ। মৰ মাগি! হাড়িৰ তেৰস্কাৰ তোকে কচ্চি, 'না' তোৰ আক্কেলকে কচ্চি? বে আক্কেলে মাগী যেন ক্ষুদে পিপড়ের মতন মুখ টিপে কুট কুট কোৰে কামড়াচেন।

সি-মা। (রাধামণিৰ প্ৰতি) ওগো তুমি ঘৰে যাও। (বিজয়কলীৰ প্ৰতি) নাভবৌ! চূপ কৰ ভাই, এখনি আবার একটা কাণ্ড হবে। (রাধামণিৰ প্ৰস্থান)
বিজ্ঞ। ঠানদিদি! আবাগী যেন আমাৰ দুটী-চক্ষের বিষ হয়েছে, তোমাৰ নাতিৰও মাগীৰ উপৰ এক রক্তি চিঙিৰ নাই।

গীত।

কি কব তোমাৰে আৰ।

দুটী চক্ষের বিষ মাগী হয়েছে আমাৰ।।

যেৰূপ আমাৰ মন, তব নাতিৰ তেমন,

দেখ না ভুলে বদন, গুণেতে উহাৰ।।

মুখের দিকে দৃষ্টি হলে, মন মম উঠে জ্বলে,

বাঁচি এখন মাগী মোলে, যুড়ায় সংসাৰ।

সি-মা। (স্বগত) তুমিই সব চিঙিৰ কোৰে তুলেচো আৰ কি কুলগ্নে ভিটেতে পদাৰ্পণ কোৰেচ, তা আৰ বোলতে পাৰি না। তোমাৰ আগ নেই কলীৰকাপের বাপ মোৰে গ্যালো, ছোট ভাইটে নিউদ্দেশ হোলো, পিসিমাগী পাগল হোয়ে মোলো, সব খেয়ে এখন কলিৰকাপের যেন হত্ভাকৰ্ত্তা বিধাতা হয়ে বসেচ। বুড়ীমাগীকে যে গোড়ান্ পোড়াচ, কলী বোলেই শিগিগিৰ শিগিগিৰ কিছু ফোলচে না; কিন্তু এৰ ভোগ ভুগতেই হবে। বিনা অপৰাধে গুৰুতৰ লোক্বে যে কটু কথা বলা সে বড় সহজ কথা নয়। মাগীৰ মৰণ নাই, অপমানে অপমানে শৰীৰটে যেন কালী হয়ে যাচে, না পেট ভোৰে খাচে, না কাপড়খানা পোচে, না মনের সুখে আছে। পোড়া গৰ্ভেও ছাই, এমন কু-পুত্ৰকে পেটে ঠাই দিয়েছিল, যে মায়ের ভাবলে না! মেগের ভ্যাড়া হয়ে রইলো!

বিজ্ঞ। ঠানদিদি! ভাবচো কি? তুমি এমন মনে কৰো না যে তোমাৰ নাতী এসে আমাকে কিছু বোল্বে, আমি সে পাট রাখিনে। তাকে উঠতে বোন্ধে ওঠে, বসতে বোন্ধে বসে। আমি একটু মুখ ভাৰি কোৰে বোস্লে সে অমনি সৃষ্টি সংসাৰ অন্ধকাৰ দেখতে থাকে।

সি-মা। নাভবৌ! তাতো ভাই দেখতে পাচ্চি, কলিৰকাপকে দিবিব একটী ভ্যাড়া বানিয়েচো। এমন নাহলে, ভাই ভাতাৰ নিয়ে সুখ নাই? আমাদেৰ পোড়া কপালে বিধাতা কি ভাতাৰই লিখেছিলে। একদিন ৰাত্ৰে পান সাজাতে

আঙ্গুলে একটু চুন খয়ের লেগেছিল, তামাসা করে তোর ঠাকুরদাদার গালে দিতে, পুরুষ অমনি রেগে চোক দুটো কপালে তুলতে ভয়ে কেঁচো হয়ে পায়ে ধরেছিলাম। অরসিক কিনা? তাতে রাগ গেল না, আমার গালে এক যে চড় মেরেছিল, তাতে প্রাণটা যেন বেরিয়ে গেছিলো। তারপর লজ্জাতে লোকের সাক্ষাতে দু-দিন তিন-দিন আর মুখ দেখাতে পারিনি।

বিজ্ঞ। ঠান্দিদি! আমাদের সে রকম নয়, আমি যদি তার এক গালে চড় মারি, সে ভয়ে অমনি অন্য গাল পেতে ন্যায়।

সি-মা। তাতে দেখতে পাচ্ছি। আশীর্বাদ করি, পাকা মাথা শিঁদুর পারে যেন নাভীর সঙ্গে এই রকমেই কেটে যায়।

গীত।

আশীর্বাদ করি দিদি সদাকাল থাক সুখে।
চিরকাল এরাপে যেন হরে কাল হাঁসি মুখে॥
গৌরী পঞ্চানন, রতি ও মদন,
সম তোমরা দু-জন, রহ বিবাদ বিমুখে।
সাবিত্রী সমান, যেন বাড়ে মান,
শত্রু সিয়মান, হয়ে থাকে মন দুঃখে॥

বিজ্ঞ। ঠান্দিদি! তোমাকে আর অধিক কি বোলবো, তোমার নাতি যেন আমার কেনা গোলাম হয়ে আছে।

সি-মা। আচ্ছা ভাই নাতিবো? লোকে একটা কথা বলে “মেগের কাছে ভাতার ভ্যাড়া” কৈ তুমি ত ভাই আমার নাতীকে এখন ভ্যাড়া সাজাতে পাবোনি।

বিজ্ঞ। ঠান্দিদি! দেখতে তো পাচ্চ, উপরে কেবল মানুষের চামড়াখানি রেখেচি, তা না হলে ভিতরে সব ঠিক কোরে এনেচি।

সি-মা। আচ্ছা ভাই তোমাকে কেমন আমার নাতি ভালবাসে কই, তাকে একদিন ভ্যাড়া সাজিয়ে আমাকে দেখাও দেখি?

বিজ্ঞ। ঠান্দিদি! এ আর আশ্চর্য কি? একরাত্রে আপনি মোদো চাকর সেজে আমাকে মাথার দিকি দিয়ে তামাক সেজে খাইয়েছে। ভ্যাড়াও অনাসে সাজাতে পারি, তবে মুশ্কিল কি জান, ভ্যাড়ার সে উপরের চামড়া টামড়া কোথা পাব।

সি-মা। আমার সিঁদুর একটা ভ্যাড়ার পোশাক আছে, সে, সেইটে পারে ভ্যাড়া সেজে খালা কোরে ব্যাড়ায়। সেইটে কি আনিয়ে দোব?

বিজ্ঞ। বেস তো! তবে সেইটে আনাও। ঠান্দিদি! আর একটা কথা আছে

ভাই? আমি ঘরের ভিতর তাকে ভ্যাড়া সাজাব, তুমি কিন্তু বাইরে থেকে দ্যাখো।—

সি-মা! দেখতে পেলোই হলো। তুমি যেথেকে বোলবে আমি সেইখান থেকেই দেখবো। তবে সে ভ্যাড়ার পোশাকটা আনাই। তোমার চাকরকে ডাকাওনা ভাই?

বিজ্ঞ। মোদো! মোদো! আমার! ও মোদো।—

মোদো। (নেপথ্যে) আজ্ঞা যাই।—

(মোদোর প্রবেশ)

বিজ্ঞ। মর ব্যাটা? বাবু ঘরে নেই বোলে বুঝি এত ডাকা-ডাকিতেও শুন্তে পাচ্চিসনে? ব্যাটা “যেমন কুকুর সেও তেমনি মুণ্ডর” এক ডাকের উপর দু-ডাক ডাকলে অগ্নি চাবকে দ্যায়। ডাঁড়া ব্যাটা? আজ তোর বাবু আসুক; আমি ডাকলে কেমন তুই চুপ করে থাকিস্।

মোদো। মা-ঠাকুরন! আগ্নি এমন অন্যায় কথা বোলচেন কেন? আমি বাবুর চেয়ে আপনাকে জেয়াদা ভয় করি। আপনিই আমার মনিব। আপনাকে দেখলে আমার গায়ের আদর্শের রক্ত শুকিয়ে যায়। এখন কি আজে করুন।— গোলামতো হুকুমের তলে পোড়ে আছে?—

বিজ্ঞ। মোদো! ঠান্দিদির ছেলের কাছ থেকে ভ্যাড়ার পোশাকটা চেয়ে আন দেখি?

মোদো। (স্বগত) ভ্যাড়ার পোশাক আবার কেনরে বাবু? বাবুকে তো ভ্যাড়া বানাতে বাকি নাই। আমাকে আবার ত ভ্যাড়া সাজাবে না? (প্রকাশ্যে) মা ঠাকুরন! ভ্যাড়ার পোশাক কেন গা?

বিজ্ঞ। আমার দরকার আছে।

মোদো। কি দরকার গা?

বিজ্ঞ। তোর সে কথায় কাজ কি? তুই যা না।

মোদো। কে পোরবে গা বল না?

বিজ্ঞ। কি আপদ। তোর সে খপরে কাজ কি?

মোদো। তা বাবু আমি আগে থাক্তে বোলে রাখছি, আপনি যে আমাকে ভ্যাড়ার পোশাক পরিয়ে মজা দেখবেন? আমি তা পোরবো না বাবু।

বিজ্ঞ। মর ব্যাটা, তোকে পরাব কেন? ব্যাটা কি মানুষের মতন মানুষ, যে ওকে আমি ভ্যাড়ার পোশাক পরাব?

মোদো। (স্বগত) তবে বাবুকেই পরাবেন; তা আমি ডেমাক করে বলতে পারি, এ বিষয়ে আমি বাবুর চেয়ে মানুষের মতন। আমার মাগ যদি আমার মাকে একটা কোন শক্ত কথা বলে, তা হলে সে দিন আর তার রক্ষা থাকে না।

(প্রকাশ্যে) মা ঠাকুরকন! ভ্যাড়ার পোশাকটা কে পোরবে তা বল্লে না গা?

বিজ্ঞ। তোর বাবা পোরবে।

মোদো। বাবু! তিনি এটা পোরে ঘরে থাকবেন না রাস্তায় বেরুবেন গা?

(স্বগত) লোক দেখান তাঁর বাড়ার ভাগ। তিনি যে একটি মেগের আস্ত ভ্যাড়া তা সকলেই জানে।

বিজ্ঞ। বাবু কেন পোরবেন? তোর ঘরের বাবা পোরবে।

মোদো। আমার বাবা ত বাবু এখানে নাই।

বিজ্ঞ। তোর যে বাপকে হোক সাজাবো। তুই এখন পোশাকটা শিগ্গির আন দেখি।

মোদো। (স্বগত) বাবুকেই সাজাবেন তা বুঝেছি, যা হোক দেখতে হবে।

(প্রকাশ্যে) মা ঠাকুরকন! সিদুবাবুকে গিয়ে কি বোলবো।

বিজ্ঞ। আমার নাম কোরে গে চাইলেই দেবে।

মোদো। যে আজে, তবে চল্লেম। (যেতে যেতে স্বগত) মা বাবুর দফা এককালে নিকেশ কোরে ফেলেচেন। তাঁর আর দশ জন ভদ্রলোকের সঙ্গে বৈঠকখানায় বসবার যো রাখেন নি। আজ ভ্যাড়া সাজতে বোললেই দিকির কাশ্মিরি ভ্যাড়া সেজে বোসবেন। (মোদোর প্রস্থান)

বিজ্ঞ। ঠান্দিদি! ভাতার যেমন পেতে হয় তা পেয়েছি। আমার কোন বিষয়ে আর দুঃখ নাই। এখন আশীর্বাদ করুন, একটা ছেলে হোক। ছেলে অভাবে আমার সংসার যেন অন্ধকার হয়ে রয়েছে।

গীত।

পতি গো যেমন পেয়েছি তেমন।

নাহিক বিবাদ, তাহাতে আহ্বাদ,

সদা মনোসাধ হতেছে পূরণ।।

এক দুঃখে মন, পোড়ে অনুক্ষণ, (না জানি)

বিহিন তনয় ধন। এ সংসার বন,

তাহার কারণ, (অধিনী) সতত ব্যাকুল মন।

সি-মা। তা হবে বইকি? এখন ঢের সময় আছে। গাছের ফলতো আশু পিছু ফলে। (স্বগত) বুড়ী মাগীর মনে যে দুঃখ দিচ্চ, তখন তোমার গর্ভে যে বংশ থাকবে সে আশা মিছে। তুমি মলে তবে যদি কলীরকাপের বংশ থাকে।

বিজ্ঞ। ঠান্দিদি! ছেলে যদি আমার হয়, তাহলে আমোদ আহ্বাদ যা করবো তা আমার মনেই আছে। ষাটকোড়ে আর ষেটেরা পুজো খুব ঘটা করে করবো।

সি-মা। আটকোড়েটা আমাদের নিশেই হবে, সেদিন আর তোমার কর্তাকে

কিছু খেতে হবে না? আনরাই পেট ভরিয়ে দোব।

বিজ্ঞ। ঠান্দিদি! আটকৌড়েতো তোমাদের নিয়ে। তবে ভাই তোমার নাতীর পেট ভরাবার সময় আমিও দুএকবার বোলবো।

(ভাঙার পোশাক সহ মোদোর প্রবেশ)

মোদো। মাঠাকুরুন! সিদুবাবুর কাছ থেকে যে কোরে পোশাক এনেচি, তা আর কি বোলবো? আমাদের বাবুকে কত লোক যে কত কথা বোলতে আরম্ভ কোল্লে, তা আর বোলতে পারি না।

বিজ্ঞ। পোশাকটা তো এনেচিস?

মোদো। তা এনেছি বইকি? (হগত) পোশাক আনবোনা! আজ বাবুর ভাড়া সাজা দেখতে হবে? (প্রকাশ্যে) তবে এই নিন। (ভাঙার সাজ প্রদান) মা ঠাকুরুন! তবে আমি চল্লম এখন। (মোদোর প্রস্থান)

সিমা। তোর কর্তা এখন আস্চে না কেন?

বিজ্ঞ। আপিশের কি ভীড় পড়েছে, ক-দিনই আসতে দেরি হোচ্ছে।

সিমা। ভাল কথা মনে পড়েছে। হ্যারে! পরশুদিন রাতে কর্তার সঙ্গে কি বকাবকি কচ্ছিলি।—

বিজ্ঞ। এমন কিছু নয়, আপিস থেকে আসতে একটু দেরি হয়েছিল। মানে জানি, কোথাও যায়নি, তবু বল্লে কি হয়? কেমন জাত তাতো জানেন। ওদের কি ভাই আশ্বে দিতে আছে।

সি-মা। তুমি যে ভাই লাগাম টেনে আছ, নাতীর আর কি কোনদিকে মুখ ফেরাবার যো আছে।

বিজ্ঞ। ঠান্দিদি! সঙ্গ-দোষটা ভারি খারাপ। দিনকতক কতকগুলো কুসঙ্গী যুটে খারাপ কোরে তোলবার উদ্ভুগ কোরেছিল। আমার কাছে কি সে পাট হবার যো আছে? দু-দিন চোক রাঙাতেই কোথায় বা জটলা, কোথায় বা গাওনা বাজনা, কোথায় বা পান তামাকের শ্রাদ্ধ, এককালে বৈঠকখানায় বসাই বন্দ কোরে দিলেম।

(একটা বাক্সো, তাহার উপর এক ওড়া সন্দেশ,

ও কাঁচড়ে গোটাকতক সন্দেশ লয়ে খেতে খেতে মোদোর প্রবেশ)

সি-মা। মোদো! তোর বাবু বুঝি এলো।

মোদো। (মুখে সন্দেশ) হঁ।

বিজ্ঞ। কি খাচ্ছিস র্যা।

মোদো। উঁ হঁ।

বিজ্ঞ। মর ব্যাটা? সন্দেশ খাচ্ছিস নাকি?

মোদো। (সত্বরে চিবিয়ে গেলেন)

বিজ্ঞ। আবার ব্যাটা সব ঐটো কল্লি?

মোদো। কি বলেন আপনি? আমার কি আক্কেল নাই? আমি আপনার সন্দেশ খাই নাই। (স্বগত) খাটবো তোমাদের বাড়ী, আর কি আমার মাসীর মা সন্দেশ খেতে দেবে? সন্দেশ আবার খাবার জিনিস! মধুসূদনের এখন কপাল মন্দ বোলেই যা হোক, তা না হলে সন্দেশকে তো মাটির ঢালা বলতেম। যখন কর্ত্তাবাবুর বাড়ীতে ছিলাম, শাণক শাণক মুরগী আগে পেশাদ কোরে দিয়েচি, তবে সেজবাবু খেতে পেয়েছেন; সন্দেশ ঐটো কোরেচি তবেই তো মহাভারত অশুদ্ধ হয়ে গেছে, কত মাছী, বোলতা, পিঁপড়ে, খেয়ে হেগে মূতে দিচ্ছে, তাতে রুচি হয়; মধুসূদনের ঐটোতেই যেম্মা হোচ্ছে।

বিজ্ঞ। তুই তবে সন্দেশ কোথা পেলি।

মোদো। কে কোথা দিলে আপনি তার খোঁজ নিচ্ছেন কেন?

(আপিস পরিচ্ছদে কলীকাপের প্রবেশ।)

কলি। (সিদুর মাতার প্রতি) ঠানুদিদি কতক্ষণ?—

সি-মা। অনেকক্ষণ এসেচি ভাই, এখন চলেম।

কলি। বসুন না? এত ব্যস্ত কেন?

সি-মা। সিদুকে খাবার টাবার দিয়ে আসি, আবার আসবো এখন। নাতবৌ!

এখন আসি তবে। সেটা যেন হয়। (সিদুর মাতার প্রস্থান।)

কলি। (বিজ্ঞের প্রতি) দেখ, তুমি সন্দেশ ভালবাস; বোলে আমি আপিসে একদিনও সন্দেশ খাইনে? আজ ময়রা ব্যাটা না বোলে সন্দেশ রেখে গেছলো, একটু কামড়ে আর গলাতে উঠলো না? অগ্নি একটু জল খেয়ে উপরে গেলেম। আসবার সময়ে বড় বাজার থেকে সন্দেশ কিনে নিয়ে তবে আস্চি। আগে তুমি খাও দেখি, আমার সন্দেশ কেনা সফল হোক্। তারপর আমি কাপড় ছেড়ে হাতে মুখে জল দোব।

বিজ্ঞ। তোমার ও সন্দেশ খাবে কে? যে চাকর রেখেচো সে আগে পেশাদী কোরে এনেছে। আমি কি তোমার মোদোর ঐটো খাবো?

কলি। (মোদোর প্রতি) মোদো! আ মর ব্যাটা? তোর যে ভারি আশ্পন্দা দেখছি। আমি কি তোর জন্যে সন্দেশ কিনে এনেচি?

মোদো। আমি ও সন্দেশ খাবো কেন?

কলি। তবে ও বুঝি মিছে কথা বোলছে, মর ব্যাটা? তুই এখনি বাড়ী থেকে বেরো?—

মোদো। (স্বগত) কি আপদ! ভালত দুটো সন্দেশ খেয়েচি, এখন চাকরি যে যায় দেখ্চি।

কলি। নজর থেকে যা ব্যাটা, আর তোর মুখ দেখতে চাইনে।

মোদো। (স্বগত) রুটী তো গ্যালো। আমিও নষ্টে ধুস্ত, যাবার সময় একটা মরণ কামড় কামড়ে যাই (প্রকাশ্যে) মশায়! আপনি অনর্থক রাগ কচ্ছেন, আপনি গোলাপবিবিকে যে এক ওড়া সন্দেশ দিতে দিলেন, তাঁকে সন্দেশ দিতে, তিনি আমাকে চাট্টে সন্দেশ দিয়েছিলেন, তারই একটা খেয়েচি। এখন এই দেখুন কোঁচড়ে তিনটে আছে। (কোঁচড় হতে তিনটে সন্দেশ দেখান।)

কলি। বেরো না ব্যাটা! এখন সামনে দাড়িয়ে মিথ্যা কথা কচ্চিস। (গ্রহাণে উদ্যত)

বিজ্ঞ। মোদো! যাস্নে ডাঁড়া না, দেখি ও তোর কি করে।

কলি। ও ব্যাটা সব মিথ্যা কথা বোলচে।

বিজ্ঞ। মিথ্যে কথা বইকি? আর জ্বালাচ্চ কেন? দু-রকম সন্দেশ কিনে একরকম সেখানে দেওয়া হয়েছে। একরকম বাড়ীতে আনা হয়েছে। তা না হ'লে মোদো গোলা কোথা পাবে বল দেখি?

কলি। ও ব্যাটা এই সন্দেশ ভেঙ্গে গড়েচে।

বিজ্ঞ। ভেঙ্গে গড়তে তুমি খুব পার, ও এখন তত শেখেনি। (বাপরে)। পুরুষের পেটে পেটে বুদ্ধি।

কলি। তোমার দিকি কোরে বোলচি, আমি গোলাপীকে চিনিনে।

বিজ্ঞ। এখন আর চিন্বে কেন?

কলি। তোমার মাথায় হাত দিয়ে বোলচি, সে কে আমি তাকে চিনিনে। (মস্তকে হাত দিতে উদ্যত)

বিজ্ঞ। যাও, যাও, আর মাথায় হাত দিয়ে দিকি গালতে হবে না? “পরের মাথায় দিয়ে হাত, দিকি গালে নির্ঘাত” (মোদোর প্রতি) মোদো! একখানা পাঙ্কি ডেকে দে ত, আমি আর এখানে থাকবো না, এখন আমার বাপের বাড়ী যাব।

কলি। (পায়ে পোড়ে) আমার গলায় আগে ছুরী দাও তারপর তোমার বাপের বাড়ী যেও।

বিজ্ঞ। মিছে আর ঢং কোচ্চ কেন? (মোদোর প্রতি) মোদো! পাঙ্কি একখানা ডাক না।

কলি। (মোদোর প্রতি) মোদো! নারে। (বিজয়কালীর প্রতি) তোমার পায়ে পড়ি পাঙ্কে ডাক্তে বোলো না। পাঙ্কি ডাক্তে বোলো আমার প্রাণ উড়ে যায়।

মোদো। (স্বগত) আচ্ছা মজা কোরেচি। চাক্রি তো থেকে গ্যালো। বাবুর মাথার উপর আর এমন মা নাই, যে আমাকে ছাড়ান। এখন মজা দেখা যাক।

বিজ্ঞ। মোদো! পাঙ্কি ডাকনা।

কলি। (পায়ে পোড়ে) দেখ, আমি যদিও দোষী নই, তবু আমার ঘাট হয়েছে।
এ যাত্রা আমাকে মাপ কর।

বিজ্ঞ। কি আপদ পা ছাড় না? আমি আর এখানে থাকবো না?

কলি। (রোদন করিতে) ও বাপরে! আমার একি সর্বনাশ হলো। আমি চারদিক যে শূন্য দেখছি, আমার বুক ফেটে যাচ্ছে। (বিজয়কালীর প্রতি ঘোড় হস্ত করিয়া) আমাকে মাপ কর।

বিজ্ঞ। তোমার মুখ দেখতে আর আমার ইচ্ছে নাই। (মোদের প্রতি) মোদো! পালকি ডাক্ না? মর্ ব্যাটা! এখন তাঁড়িয়ে আছিস?

কলি। (বিজয়কালীর পদ ধরিয়া) তবে আমি এই মলেম। (বুকে করাঘাত করিতে) আমার এ পাপ প্রাণ এখন কেন আছে? আমি মলেই বাঁচি।

বিজ্ঞ। এখানে বুক চাপড়ালে কি হবে? তোমার সেই গোলাপবিবির কাছে যাও, বুকে এখন হাত বুলিয়ে দেবে। হাতে কতকগুলো টাকা হয়েছে বোলে, যা মনে হচ্ছে তাই কোচ্ছেন। টাকা নিয়ে আমার সঙ্গে আবার নুকো চুরি কোরে মরেন। মোদো! পালকি ডাক্ না।

কলি। আমার যা আছে আমি সব তোমাকে দিচ্ছি, ইন্তুক আমার পৈত্রিক বাড়ী পর্যন্ত নাও। আর আমি আপিশে যা পাব, তোমাকে সব এনে দিব, তুমি কেবল আমাকে খেতে পোত্তে দিও। আর আপিসের জল খাবার মাসে চাট্টে টাকা দিও।

বিজ্ঞ। আমি চাট্ টাকা মাট্ টাকা বুঝিনে, রোজ আপিসে যাবার সময় চাট্টে কোরে পয়সা ফেলে দোব, জল খাওয়া বৈত নয়, সেখানে আর তো হাতি ঘোড়া থাকে না?

কলি। আচ্ছা! তাই দিও।

বিজ্ঞ। তবে এখনি আমাকে সব লিখে দাও।

কলি। তা আমি এখনি লিখে দিচ্ছি। (লিখন)

কলি। শোন দেখি? —(পঠন)

স্বস্তি সকল মঙ্গলালয় শ্রীমতী বিজয়কালী দাসী

সূচরিতেষু।—

লিখিতং শ্রীকলিরকাপ বর্ম্ম। কস্য বিক্রয়নামা পত্র মিদং কার্য্যনঞ্চাগে। আমি তোমার নিকট হইতে দফাওয়ারিতে ব্রিটিশ ইণ্ডিয়ার চলিত ২৫০০০ পঁচিশ হাজার টাকা তোমার স্ত্রীধন হইতে কর্ষ লইয়াছিলাম; এপর্য্যন্ত তা পরিশোধ করিতে না পারায় অদ্যকার তারিখে আমার ভদ্রাশন বসত বাটী তাহার পরিবর্তে তোমাকে বিতরণ করিয়া আমি উপরোক্ত ঋণ হইতে মুক্ত হইলাম। ইহা তোমার স্ত্রীধন হইল, কস্মিনকালে আমি কি আমার উত্তরাধিকার কি

বিষয়রক্ষক কি যে কেহ হোক, ইহার দাবি দাওয়া করি কিম্বা করেন, সে নামঞ্জুর এবং বাতিল। এতদর্থে আপন খুসিতে সুস্থ শরীরে তোমাকে এই বিক্রয়নামা পত্র লিখিয়া দিলাম ইতি সন ১২৭৪ সাল তারিখ ১৯ মাঘ। ইসাদী

বিজ্ঞ। তুমি কি লিখলে আমি ত লেখাপড়া জানিনে। মোদো আমার ভাইকে দেখিয়ে আসুগ। (মোদোর প্রতি) মোদো এই কাগজখানা আমার দাদাকে দেখিয়ে আন দেখি। (মোদোর হস্তে কাগজ প্রদান)

(মোদোর প্রস্থান)

কলি। এখন সন্দেশ খাও, আমি বোলতে পারি এ আর মোদো ঐটো করে নি। ও আর তো নিক্বেদ নয়, যে তোমাকে ঐটো খাওয়াবে।

বিজ্ঞ। মোদো আসুক না? কি লিখেচো আগে শুনি।

কলি। তোমার দিবিব করে বলচি, যা পড়েচি তাই লিখেচি। তুমি সন্দেশ খাও, আমি যে যত্ন করে এনেচি তা সার্থক হোক। (হাতে করে দুটো সন্দেশ খাইব আর একটা খাওয়াতে খাওয়াতে) মাকে চাট্টে সন্দেশ দিয়ে আসি।

বিজ্ঞ। মুখ হইতে সন্দেশ ফেলে দিয়ে) এই বুঝি আমার তরে সন্দেশ এনেচ? এ শুয়োরের ও” তবে এখানে আনতে কে বললে?

কলি। ঘাট হয়েছে, “ও” খেয়েচি, ও কথা আর কখন মুখে আনবো না। আমি তোমার তরে সন্দেশ এনেচি। যে না খাবে, সে আমার মাথা খাবে, মরা মুখ দেখবে। (পুনঃ সন্দেশ লইয়া খাওয়ান)।

(রাধামণির প্রবেশ)

রাধা। বাবা! তুমি যে দুখানি কাপড় দিয়েছিলে, সে এই পুঞ্জো এলে লচর ফেরে, এই দেখ বাবা এতে আর বস্তু নাই। ন্যাকড়া গুচিয়ে আর লোকের সাক্ষাতে বেরতে পারিনে। (ক্রন্দন করিতে করিতে) আজ বৌমাকে বোলতে, উনি আমাকে হাড়ির তেরফার করেচেন।

বিজ্ঞ। মাগীর ঢং দেখলে আমার গাটা ন্যাকার ন্যাকার করে। ন্যাকড়া গুচুনো কেমন এক দশা। পুটুলী বেঁধে কাপড় রেখে, লোকের সাক্ষাতে সং সেজে ভেক দেখাতে কি একটু লজ্জা করে না? মলে বুঝি কাপড়গুলো সঙ্গে করে নে যাবে? আজ ঠানদিদী আসতে আর একবার এমনি ভেক করে এসে দাঁড়িয়েছিলেন। (ক্ষণেক পরে) দেখ, মাগী আমার হিংসাতে মরেন। তুমি যে আমাকে রকম রকম যোড়া যোড়া কাপড় এনে দাও, তাতে মাগীর যেন বুক চড়চড় করে। ওর যেন কত ভাতারের ধন তুমি আমাকে দিচ্চ।

রাধা। বাছ! শোন্‌রে ।

বিজ্ঞ। শুন্‌বে কি? তোমার গুণ আর ত জানতে বাকি নাই। তোমার তরে

লোকালয়ে আমাদের মানসস্ত্রম সকলী গ্যাচে। তুমি না ম'লে আর আমাদের হাড়ে বাতাস লাগচে না।

রাধা। পোড়া মৃত্যুই যদি হবে, তবে আর এত অপমান কে সহবে মা? ইচ্ছে করে জলে ডুব দিয়ে মরি, কি নিউদ্দেশ হয়ে কোথাও গিয়ে ঘোরে ঘোরে ভিক্ষে মেগে খাই।

বিজ্ঞ। আমরা বাঁচি তাহলে। দড়ী কলসী কি কিনে দোব? এককালে যাও না। রাধা। বাবা শোন্‌রে।

কলি। শুন্‌চি তো। তা ওর তো কোন দোষ দেখতে পাচ্চিনে? তোমারই তো খুব অন্যায় দেখ্‌চি? যেমন হোক লোকালয়ে আমার মানসস্ত্রম আছে, তুমি লোকের কাছে গ্লানী কোন্‌দ্রে ও সে কেমন ক'রে বরদাস্ত কোন্‌দ্রে পারে? তুমি নিব্বোধ; ও আর ত আমার নিব্বোধ নয়।

রাধা। বাবা! তুমি সিদুঠাকুরপোর মাকে ডেকে এনে জিজ্ঞাসা কর, আমি কোন কথা কইনে।

কলি। আরে মর! মোদো ব্যাটা তামাক দে গ্যাল না। (কোলকেটা নিয়ে রাধামণির প্রতি) একটু আগুন আন দেখি।

(কোলকে সহ রাধামণির প্রস্থান)

বিজ্ঞ। মাগীর যত বয়েস হচ্ছে, বুদ্ধি সুদ্ধি তত যেন লোপ পাচ্ছে। আর এমন বয়েসই বা কি? অথবস তো হন-নি। ওর বইসি গিল্লিবাল্লিরা সংসারের কত কর্ম কাজ কচ্ছে। উনি তেমন হলে আমাদের কি আর চাকর চাকরাণী রাখতে হয়? কড়ার কুটোটা মাড়বেন না? কেবল বাকড় ভোরে খেতে আছেন।

(রাধামণি কল্কেতে 'ফু' দিতে দিতে প্রবেশ)

রাধা। বাবা! তুমি বরঞ্চ সিদু ঠাকুরপোর মাকে ডেকে এনে জিজ্ঞাসা কর, আমি কোন কথা কইনে।

কলি। তোমার আমি ত সব জানি, আমার আর ত কিছু জানতে বাকি নাই; আর সিদের মাকে ডাক্তে হবে কেন? আচ্ছা, তোমাদের যদি বনিবনাও না হয়, তবে তুমি কেন দশ হাত তফাতে গিয়ে থাক না। কুঁদুল কচকচিতে সংসারের ভদ্রস্থ হয় না। তোমার মেয়ে আছে, জামাই আছে, সেখানে গে ত অনায়াসেই থাকতে পারো। তারা খেতে পোন্তে না দ্যায়, আচ্ছা আমি তোমাকে সেখানে খোরাকি দু-টাকা, আর বচ্চরে দু-খানা কাপড় পাঠিয়ে দিব। বিজ্ঞ। এখনি পাঠিয়ে দাও, তা না হলে আমি আজ আর জলস্পর্শ কোরব না। আমি বারানশী চিনেপুত কাপড়গুলো আটপৌরে পরি, বোলে, মাগী যেন দম আটকে মরে। চোখে দেখতে পারে না বোলে বলে কি, "ও বৌমা! এ

গুলো আটপৌরে পোরে পোরে ছিঁড়িচি কেন? ওর গুণ আর কত বলব, হাঁড়ীতে ভাল মাচ রেঁদে রাখবার যো নাই।

কলি। (রাধামণির প্রতি) ওগো! তোমার আর এখানে থাকা হবে না। মোদো আসুক আজই তোমাকে তোমার মেয়ের বাড়ীতে রেখে আসবে।

রাধা। জামাইয়ের বাড়ী গিয়ে থাকবো না বাবা? তা হলে লোকে তোমার নিন্দে কোরবে।

কলি। সে আমার নিন্দে হবে ? তোমার তাতে ক্ষতি কি?

(মোদোর প্রবেশ)

বিজ্ঞ। মোদো! দাদা কি বল্লেন র্যা।

মোদো। সব ঠিক হয়েছে বল্লেন, কেবল কটা স্বাক্ষি বসাতে হবে।

কলি। তা কাল সকালে করে দেওয়া যাবে।

বিজ্ঞ। সে আবার কি? স্বাক্ষী আজই কোরে দিতে হবে ?

কলি। রাস্তির হয়েছে; এখন আর কে আসবে। আচ্ছা তোমার মোদো তো আছে, ঐ একজন ভারবেল স্বাক্ষী রইলো। (মোদোর প্রতি) মোদো! আমি তোর মায়ের কাছে টাকা ধাওঁম, তার বদলে আমার এই বাড়ী খানা তোর মার্কৈ আজ লিখে দিলেম। এতে আর আমার কোন স্বস্তি রইলো না।

মোদো।। (স্বগত) তোমার শরীরেই কোন স্বস্তি নাই, তা বাড়ীতে থাকবে।

বিজ্ঞ। মোদো শুনলী?

মোদো। খুব শুনেচি। (স্বগত) এই বারেই উচ্ছন্ন গেলেন আর কি? জগবাম্প বাবুও এই রকম সব মাগকে লিখে দিয়েছিল, শেষে ছেলে না হতে আর একটা বিয়ে কোন্তে মাগ রাগ কোরে বাপের বাড়ী চোলে গ্যালো। সেখানে তার বিয়ারাম হতে সে ভাইকে সব বিষয়াদি দানপত্রের দ্বারা লিখে দিয়ে মরে গ্যালো। শেষে জগবাম্পবাবুর শ্যালা বাড়ী দখল কোন্তে এলো, তখন আর মুন্সিলের সীমা নাই। একটা পয়সাও হাতে ছিল না। শেষে দশজন ভদ্রলোককে ধোরে, শালার পায়ে পোড়ে বাড়ীখানি ভিক্ষা মেগে নিয়েছিল। মাগমুখোরা দেখে শুনেও তো শিখে না।

বিজ্ঞ। মোদো! আর একটা কন্ম কর দেখি? এ মাগীকে ওর মেয়ের বাড়ী রেখে আস্গে।

রাধা। (কলিরকাপের প্রতি) বাবা! আমি মেয়ের বাড়ী যাব না।

কলি। তা না গ্যালে চোলবে কেন? তোমার এ রোজ রোজ কিচুকিচি আমি আর বরদাস্ত কোন্তে পারিনে। (মোদোর প্রতি) মোদো! ওঁকে রেখে আস্গে।

মোদো। (স্বগত) হায়! হায়! কি সর্বনাশ! দিদিমার ভাগ্যেও এত ছিল। (প্রকাশ্যে) দিদি-মা! আসুন তবে।

রাধা। মধু! আমি সেখানে যাব না। আমি আমার আপনার ঘরে চলেম।
বিজ্ঞ। আর আপনার ঘর বোলতে হবে না। এখন তোমার কোন বাবার ঘরে
যেতে চাচ্চ। (মোদের প্রতি) মোদো! ও মাগী সহজে যাবে না দেখ্চি? হাত
ধরে টেনে নিয়ে যা।

রাধা। (কলিরকাপের প্রতি) বাবা! তুমি কি কিছু বোলবে না?

কলি। আমি আর কি বোলবো? এখন আমার আর তো কোন হাত নাই। ও
আমাকে যতক্ষণ খেতে দেবে ততক্ষণ আমি একমুঠো খেতে পাব?

বিজ্ঞ। মোদো! মাগীকে টেনে নে যানা? এখন উড়িয়ে কি ভাবচিস? মর
ব্যাটা? আমার কথা যেন গ্রাহ্য হচ্ছে না। মাগীকে ব্যাটা না মাগে আর বুঝি
যাবে না।

মোদো। (রাধামণির হাত ধরিয়া) দিদিমা! চলুন, আর কেন?

রাধা। (কলিরকাপের প্রতি ক্রন্দন করিতে করিতে) বাবা! আমি রাতে চোখে
দেখতে পাইনে, পথে কোথা পোড়ে মোরবো, আমাকে কাল সকালে পাঠিয়ে
দিও।

বিজ্ঞ। আমার বাড়ীতে আর তোমাকে থাকতে দোবো না। তুমি গ্যালে তবে
আমি জলম্পর্শ কোরবো। লক্ষ্মী মা আমার, এখন ভালয় ভালয় বেরোও,
আমার ভার তেঁষ্টা পেয়েচে একটু জল খেয়ে বাঁচি।

কলি। মোদো! তবে আর দেরি করিসনে রে, মাকে শিগগির নিয়ে যা। এ
কাল পর্যন্ত তোর মায়ের ক্ষিদে কি তেঁষ্টা পেয়েচে বোলতে আমি শুনি।
দেখ করি আজ ভারি তেঁষ্টা পেয়েচে।

মোদো। (হঃ) দিদিমা আমাকে যে ভালোবাসেন, কেন? কোরে হাত ধরে
টেনে নে যাই কি বোলবো বাবুর চাকরি করি, তা ন হলে কেমন বাবু
আজ দেখতে? (রাধামণির হাত ধরিয়া) দিদিমা! চলুন, আর এখানে কেন?

কি হলে নিয়াদে প্রাণ বাঁচে না।

দিদিমা যে ভালোবাসেন মা তেমন বাসে না।

দুটি নোহে বারি করে, কি কোরে হ'ল করে ধোরে,

নে ফাই ব্যাটার বাহির কোরে, দুঃখ মনে ভাবে না।

জন্মি যাব গর্ভাগারে, বাবু হলেন এ সংসারে,

কি দুঃখ দিলেন তাঁরে, ধর্মো এতো সবে না।

রাধা। ওগো আমার ভাগ্যে কি এই ছিল, আমি ব্যাটার মা হয়ে বোয়ের
ব্যাটা খেয়ে বিদায় হচ্চি। হায় হায়! কলীরকাপের মনেও কি এই ছিল, আমি

যে ন্যাকড়া পোরে, কোন দিন অর্দ্ধাশন, কোন দিন ভাতেহাতে, কোন দিন নিরস্ব, কোন দিন কেবল একটু জল খেয়ে, প্রাণ ধরে আছি, কিন্তু কলীরকাপের মুখ দেখলে আমার যে এসকল দুঃখ আর মনের মধ্যে থাকে না। হায়! কলীরকাপ কি আমার মুখের দিকেও চেয়ে দেখলে না। সে কি ধর্মের দিকে ফিরে চাইলে না? মায়া কি একেবারে তার শরীর পরিত্যাগ কোরে গ্যাচে। এমন রাক্ষসী বৌকেও ঘরে এনেছিলেম, সে তার বিদ্যা বুদ্ধিকে বাকড়ে ভরেচে।

বিজ্ঞ। আ মর মাগী? চৈঁচাচ্চিস্ কেন? কানে তালা ধরিয়ে দিলে। বের না এখন। মোদো! আবাগীকে কুলোর বাতাস দিয়ে কুলো বাজাতে নিয়ে যা। মোদো। (হস্ত ধরিয়া) দিদিমা আসুন।

(রাধামণি ও মোদোর প্রস্থান)

বিজ্ঞ। (কলিরকাপের প্রতি) আর আলক্ষ্মী মাগীকে ঘরে ঢুকিও না? এইবার দেখ তোমার সোনার সংসার হবে। মাগীর অপয়ে সংসারটা যেন ডুবে যাচ্ছিল। মোদোর আসতে দেরি হবে, কাপড় ছেড়ে মুখ হাত পা ধোবে চল, আমি এখন জলটল সব দিব।

(বিজ্ঞকালী ও কলিরকাপের প্রস্থান)

ইতি প্রথম অঙ্ক সমাপ্ত।

দ্বিতীয় অঙ্ক

(কলিরকাপের অন্তঃপুর)

(কলিরকাপ ও বিজয়কালী আসীনা।)

কলি। ঠান্দিদি যে আস্টি ব'লে গ্যালেন, বোধ করি আজ আর এলেন না।
বিজ। এখন এলেও আস্তে পারেন, রাত্তির তো অধিক হয়নি।

(সিদুরমাতার প্রবেশ)

বিজ। এই যে মেঘ চাইতেই জল। ঠান্দিদি! তুমি ভাই অনেক দিন বাঁচবে।
এই তোমার নাম করেছি।

সি-মা। আর বাঁচতে বোলোনা দিদি? এখন সিদুকে রেখে শিল্পির শিল্পির যাতে
যাই তাই বল।

বিজ। বালাই! এখন ও কথা বোলো না। সিদুর বিয়ে দাও, বোয়ের একটী
ছেলে হোক, (একখানা রেকাবিতে আট্টা সন্দেশ দিয়ে) ঠান্দিদি! একটু জল খেতে
হবে ভাই।

সি-মা। নাতবৌ! তুমি কবে না খাওয়াচ্চ ভাই? আশীর্ব্বাদ করি, নাতী আমার
রাজা হোক, তোমার একটী ছেলে হোক, আমরা যেন এম্মি কোরে এসে
তাতে বোসে বোসে সন্দেশ খাই।

বিজ। তাই আশীর্ব্বাদ করুন। এখন আপনি জল খান।

সি-মা। নাতবৌ এ সন্দেশ কটী আমি আর খাব না। সিদুর তরে নিয়ে যাই।

(আঁচলে সন্দেশ বন্ধন)

বিজ। আপনি ও খান্না? আমি শ্বশুরকে আলাদা দাব এখন।

সি-মা। আজ জল খেয়ে এসেচি, এখন আর খেতে পারবো না ভাই?

বিজ। (অপর চাট্টে সন্দেশ লইয়া) তবে শ্বশুরের তরে এই চাট্টে সন্দেশ নিন্।
সন্দেশ কিন্তু আপনি খাবেন। (সন্দেশ প্রদান)—

সি-মা। (আঁচলের গেরে! খুলে সন্দেশ লইয়া পুনঃবন্ধন)

কলি। ঠান্দিদি! তোমার নাতবৌ খুব দাতা। ওর পুণ্যেতে আমার সংসার।
ওর গুণের ক' আমি এক মুখে বলতে পারিনে। আমার শাশুড়ীকে মাঝে
মাঝে কাপড় কিনে দিচ্ছেই; যে দিনকার যে খাবার জিনিস তা না দিলেই
নয়। আপনি সাতনর গড়ালে, ওর ভেয়ের স্ত্রীকেও ঠিক তেমনি সাতনর
গড়ীয়ে দিলে। ওকে আমি এক যোড়া বারাণসী কাপড় কিনে দিলেম, ও
তার একখানা আপনার ভাজকে দিলে। আর আমার কাপড় চোপড় মাঝে
মাঝে ওর ভাইকে দিচ্ছেই। এ সওয়ায় কত জিনিসপত্র ও টাকা দিয়ে তাদের
সংসারের সুসার কোচ্ছে।

সি-মা। ওর মনও যেমন, ভগবান তেন্নি ভালুও কোচেন। মনের মতন পতিও পেয়েছে। (স্বগত) লোকে কথায় বলে “রাজা অন্দরে ধন বিলচেন” আপনার ভাই ভাজ মাকে দিচ্ছে, এর আবার কথা? এমন ভ্যাড়া ত আর কখন দেখিনে?

কলি। ঠান্দিদি! ওর গুণে আমি ওকে ভারি ভালবাসি। ও যদি একটু মুখ ভারি কোরে বোসে থাকে আমার বুকের ভেতরে যে কি কোন্তে থাকে তা আর বোলতে পারিনে।

সি-মা। ভাই! এক হাতে আর তালি বাজে না, তুমি ওকে যেমন ভালবাস, ও ও তোমাকে তেন্নি ভালবাসে। তোমার যেদিন আফিস থেকে আসতে দেরি হয়, ওর ভাবনার সীমা থাকে না।

কলি। ঠান্দিদি! আমার শরীরে আর তো কোন বদচাল নাই। আমি মদ খাইনে, যারা নরাধম তারাই মদ খেয়ে লোক ঢলাঢলি করে। আমি কুসঙ্গে বেড়াইনে, যারা নিন্দুক মনুষ্য তারাই কুসঙ্গে থাকে। পাছে কুসঙ্গ যোটে তার জন্যে আমি বৈঠকখানায় বসা তুলে দিয়েচি। আমি বেশ্যালয়ে যাইনে। যারা বাউব্রে, তারাই খান্দির বাড়ী গিয়ে টাকা নষ্ট করে। ঠান্দিদি, তোমাকে বোলতে কি? আমি আপিশ থেকে আসবার সময় রাস্তার ধারে বারেণ্ডায় খান্দি বেটীরে যেমন কোরে সেজে বোসে থাকে দেখি, ঘরে এসে তোমার নাতবৌকে ঠিক তেন্নি করে সাজাই।

সি-মা। সেইতো ভালো ভাই, বাইরে টাকা নষ্ট করায় কি দরকার আছে। ঘরে সেই রকম আমোদ আহ্লাদ কোল্লেই তো হোলো।

কলি। ঠান্দিদি! একদিন ফিরোজা, বাইআনা পোষাক পোরে বারেণ্ডায় বোসে বিয়ারাকে একছিলিম তামাক দিতে বোলতে, বিয়ারা যেমন কোরে এসে তামাক সেজে দিলে, ফিরোজা যেমন ক’রে তামাক খেতে লাগলো। আমি ঘরে এসে বিয়ারা সেজে তোমার নাতবৌকে ফিরোজা বাই সাজিয়ে ঠিক তেমনি কোরে তামাক সেজে দিয়েছি।

সি-মা। কই ভাই, আমাকে সেটা একবার দেখাও না?

কলি। আপনি তবে বসুন, আমরা ও ঘর থেকে সেজে আসি।

(কলিরকাপ ও বিজয়কালীর প্রস্থান)

(অপর দিকে মোদোর প্রবেশ)

মোদো। আজ, দিদিমার কথা শুনেছেন কি?

সি-মা। নাঃ কি হয়েছে?

মোদো। আজ যে তাঁকে বাড়ী থেকে বিদায় কল্লেন?

সি-মা। বলিস্ কিরে! কি সর্বনাশ! মাকে একমুটো ভাত দিলে না। মধু!

তিনি কোথা গ্যালেন তবে র্যা?

মোদো। তাঁর মেয়ের বাড়ী তাঁকে রাখতে গেছলাম। তাঁর জামাই বরেন্দ্রবাবু, আমাদের বাবুর কথাবার্তা শুনে অবাক হয়ে রইলেন। পিশিমা দিদিমার দুর্গতি দেখে কাঁদতে লাগলেন। দিদিমা যত দিন বেঁচে থাকবেন, পিশিমা আর তাঁকে এ বাড়ীতে আসতে দেবেন না। যাহোক দিদিমার কিন্তু এক রকম ভালো হ'লো বোলতে হবে।

সি-মা। মধু! কলিরকাপ লোকালয়ে মুখ দেখাবে কেমন কোরে র্যা।

মোদো। সে কথা আর কেন বলেন, উনি ত লোকলৌকিকতা কিছুই মানেন না। এক স্ত্রীকেই জীবনের সার্থক জেনেছেন। (চারদিক দেখে) মা আজ বাবুকে যে ভ্যাড়া সাজাবেন, তা বরেন্দ্রবাবুকে বলেচি। তিনি আজ তা দেখতে এসেছেন, আড়ালে লুকিয়ে আছেন। যাতে ভ্যাড়া সাজানো হয় এটা কোরো বাবু।

সি-মা। বরেন্দ্র একলা এসেছে, না সঙ্গে আর কেউ আছে?

মোদো। (চাঞ্চল্য দেখে) পিশিমাও দিদিমাও এসেছেন। বরেন্দ্রবাবুর মত এমন কেউ আর দেখিনি। আমি দিদিমাকে সঙ্গে করে নিয়ে গেছলেম বোলে আমাকে দশ টাকা বোকশিষ দিয়েছেন। এবার আমাকে তিনি তাঁর বাড়ীতে রাখবেন।

সি-মা। তবে তুই আর এখানে থাকবিনে?

মোদো। এখানে কি থাকতে আছে মা? এর যে ভাত খায় তারো মহাপাতক হয়। মা! যাঁর বাড়ী আর কেউ নাই, যার জন্যে সৃষ্টি কোরলে, তাঁকে বাড়ী থেকে তাড়িয়ে দিলে। বরেন্দ্র বাবু কত লোককে ভাত দিচ্ছেন। মাসী, পিশি, মামাতো পিশিতুতো ভাই, আর আর কতো লোক রয়েছে। মানুষই লক্ষ্মী; বাড়ীটাতে ঢুকলে যেন মা লক্ষ্মী বিরাজ কচ্ছেন এমনি বোধ হয়। কত লোক আসছে, কত লোক যাচ্ছে। বরেন্দ্র বাবু কত করে তবে লুকিয়ে বেরিয়ে এসেছেন! যাহোক আজ যেন বাবুকে ভ্যাড়া সাজান হয়।

সি-মা। ভ্যাড়া ত সেজেই আছে, তবে বাড়ার ভাগ কেবল একটা ভ্যাড়ার ছাল উপরে দেওয়া। তা যেমন কোরে পারি সাজাব। সম্প্রতি কি রদ করে, তাঁদের দেখতে বোলগে। দুটোতে কি সাঙতে গ্যাচে।

মোদো। তবে আমি চপ্পেন।

(মোদোর প্রস্থান)

কলিরকাপ ও বিজয়কালীর প্রবেশ।

(বিজয়কালী বাইজীর পোষাক পোরে মাথায় উড়ন দিয়ে

কেদারায় উপবেশন।)

বিজ্ঞ। (কপ্লকপেৰে প্ৰতি) শিউৱৎ! একঠো চিলাম্ ভৱকে লাও।

কলি। (নেপথা হইতে) আ'মে বাইজি!

সি-মা। বড় মন্দ নয়। বেশ বাইজী সেজেচিশ।

(কলিৰকাপ তামাক সেজে কোন্ধেতে “ফুঁ” দিতে দিতে প্ৰবেশ)

কলি। মাথার কাপড় খুলে বোস না? ঠান্দিদির কাছে লজ্জা কি? (মাথার কাপড় খুলে দিয়ে) তামাক খাও দেখি? ঠানদিদির দেখে তাক লেগে যাক।

(বিজয়কালীৰ তামাক খাওয়া)।

সি-মা। বা নাভবৌ বেশ যে তামাক খেতে শিখেচিস?

কলি। ঠান্দিদি! সুদু তামাক খাওয়া কি? আবার কেমন কথা কয় দেখুন। (বিজয়কালীৰ প্ৰতি) বাইজি। হামরা মুন্সুক সে খবর আয়া, মেৰা জৰুকো বেমাৰ হয়, ইসিবাস্তে হাম ছোটি মাংতা।

বিজ্ঞ। তব্ হাম্ৰা নওকরি কোন্ করেগা।

কলি। আপকো হুভুম হোনেসে বদলি লামে।

বিজ্ঞ। ও আদমি আচ্ছা কাম করনে সাকেগা।

কলি। ও বি মজবুত আদমি হয়, ওন্কো কুচ শেকলানে হোগা নেই।

বিজ্ঞ। ঘরমে তোম্হারা কেৎনা রোজ দেৱ হোগা।

কলি। বহুত রোজ হোগা নেই, এক মাহিনা বিচমে আয়েঙ্গে।

বিজ্ঞ। খবরদার! এক মাহিনা বিচমে আনা চাহিয়ে। নেইতো দোশ্ৰা আদমি ভৰ্ত্তি করেছে।

কলি। নেহি (ক্ষণিক পৰে ষোড় হস্ত কৰিয়া) মেৰা তলব।

বিজ্ঞ। কব্ যাওগে।

কলি। আবি রওনা হোনে মাংতে।

বিজ্ঞ। ইএ বড়া মুন্সিল! আবিতো হামারা হাতমে রোপেয়া কৌড়ী কুচ হয় নেই। কাল ৰাতকো মিলেগা।

কলি। (ষোড়হাত কৰিয়া) হামকো জৰুৱা যানা লিখা, মেহেৰবানি কোৱকে গোলামকো আজ ছুটী দিজে বাইজি।

বিজ্ঞ। আচ্ছা! মেৰা ফুফিকো বোলাও।

কলি। (সিদ্ৰমাতাৰ প্ৰতি) ঠান্দিদি! আপনি একবাৰ ফুফি হয়ে দাঁড়ান্।

সি-মা। আমি ত ভাই তোমাদের মতন অমন কোৱে কতা কইতে পাৰ্ব না?

কলি। আপনি একবাৰ কেবল উঠে দাঁড়ান না? আমি আপনাৰ পেছন থেকে ফুফিৰ কথা কচ্চি।

(সিদ্ৰমাতা দণ্ডায়মানা)

বিজ্ঞ। ফুফি! শিউৱৎকো জৰু বড়া বেমাৰি হয়, ও ঘর যানে মাংতা।

কলি। (সিদুরমাতার পশ্চাৎ হইতে) হামসে উও শুনা হয়। (সত্বরে কিঞ্চিৎ অন্তরে গমন)

বিজ্ঞ। আবি উনকো তলব দেনে হোগা, হামারা পাশ পয়সা কৌড়ী কুচ হয়। নেই। ইয়ে! হামারা পেশরাজ লেকে বন্দক রাখকো থোড়া রোপেয়া লেয়াও।

কলি। (সিদুর মাতার পশ্চাতে যাইয়া) মজুরা আনেসে পেশরাজ কাহা মিলেগা। (সত্বরে অন্তরে গমন)

বিজ্ঞ। মজুরা কো আগাড়ী বায়না মিলেগা। তব্ কুচ হরকত হোগা নেই।

কলি। (সিদুর মাতার পশ্চাৎ হইতে) বহুত আচ্ছা। (বলিয়া স্বস্থানে দণ্ডায়মান।)

বিজ্ঞ। শিউরত! দোশরা চিলাম দেও।

কলি। যো হুঁকুম।

(কলিরকাপের কোলকে লয়ে প্রস্থান)

সি-মা। নাতবৌ! খুব মজায় আছিস, ভগবান চেরকাল তোমায় এমনি সুখে রাখুন।

বিজ্ঞ। আশীর্বাদ করুন। ঠান্দিদি! আজ এ কি দেখচেন্ আমরা যে কত মজা করি, তা আর কি বোলবো।

সি-মা। নাতবৌ! আজ যে বড় তোর ঠাক্করনের সাড়া শব্দ পাচ্চিনে?

বিজ্ঞ। ঠান্দিদি! তোমাকে বোলতে মনে নেই ভাই। আজ মাগীকে ভিটে ছাড়া কোরেচি। এতক্ষণ বাড়ীতে থাক্লে চিচ্কারে কানে তালা ধরিয়ে দিত।

সি-মা। তবে আজ তো তোমারু গেরো কেটে গেলো।

বিজ্ঞ। তা আর একবার বোল্চেন।

সি-মা। (স্বগত) মুখে আগুন তোমার। এ কথা বোলতে আর একটু আটকালো না? এমন “ভ্যাড়াকাস্ত” ভাতার ও আর দেখিনে।

বিজ্ঞ। ঠান্দিদি! আমি তোমার নাতীকে যা বোলবো তা না শুনলে তার কি আর রক্ষা আছে?

সি-মা। নাৎবৌ! আজ কিন্তু তোর কত্তাকে ভ্যাড়া সাজিয়ে দেখাতে হবে; তবে জানবো ভালবাসা।

বিজ্ঞ। এই সাজাই আরকি? সে সময়টা তুমি ভাই বাইরে থেকো। এখন যেটা হোচ্ছে সেইটে দেখ।

(কলিরকাপের তামাক সেজে প্রবেশ)

কলি। (তামাক দিয়ে) বাইজি! এক বাবু দরজামে খাড়া হয়, উপর আনে মাংতা।

(বিজ্ঞকালীর সসব্যস্তে প্রস্থান)

বিজ্ঞ। (নেপথ্য হইতে) শিউরৎ! হিঁয়া পান্‌কি বাট্টা আর ছিলাম একঠো লাও।

(কলীরকাপের সসব্যস্তে পানের বাটা ও ছিলাম লইয়া প্রস্থান।)

সি-মা। (স্বগত) ভাল ভ্যাড়া বানিয়েছে, এটা মাগ মাগ করে একেবারে পাগল হয়ে গেছে। জগদীশ্বরের বিশ্বসংসারে যে কত রকম জানোয়ার আছে তার সংখ্যা নাই। তার মধ্যে মাগমুখো এও এক রকম দুপেয়ে জন্তু। মানুষ আর মানুষ বলে না? আর মানুষ হওয়া অত সহজ কথা নয়? মনে মনে আপনাআপনি আমি একজন মস্ত লোক এ আজকাল অনেকেই বোধ করে; কিন্তু তাদের মধ্যে অনেকেই জানোয়ার বোলে বোধ হয়। কেও মাগমুখো হয়ে বুড়ো মা-বাপকে অন্ন দিচ্ছে না। কেও বারমুখো হয়ে লোক লজ্জার মাথা খাচ্ছে। কেউ মাতাল হয়ে নন্দামায় পোড়ে মোচ্ছে। কেউ ধনের লোভে বিশ্বাসঘাতক হচ্ছে। কেউ গণ্ডা পাঁচ ছয় বিবাহ কোরে পাপের মহোৎসব কোচ্ছে। কেউ বাইরে বকখার্মিকের মতন, লোক দেখিয়ে ভিতরে ভিতরে যে কুকর্ম না কোচ্ছে, এমন কণ্ঠই নাই? শতকের মধ্যে একটা মানুষ খুঁজে পাওয়া যায় না। (ক্ষণেক নিস্তব্ধ হইয়া চারিদিকে দেখে) আ মর! রাস্তির হোতে লাগল যে? এখন আসচে না কেন?

(বিজয়কালী ও কলিরকাপের প্রবেশ।)

বিজ্জ। ফুফি! আওর পেশোয়াজ বন্দক নেহি দেনে হোগা। রোপেয়া মিলা হয়। কলুটোলাকি মোট্রা বাবু, যেস্কা পেট ঢাকাই জ্বালাকি মাফিক হয়, ও বরষ যেস্কা বাড়ীমে একবার মজুরা হো গয়া। আবি ও বাবু আয়া থা, পরশু ওস্কা বাড়ীমে সাদী হোগা, আজ পঁচিশ রোপেয়া বায়না দে গিয়া।

কলি। ঠান্দিদি! কেমন মজা।

সি-মা। তোমাদের পেটে ভাই এতও আছে? স্বপ্নেও তা জানতেম না?

কলি। ঠান্দিদি! আমার আর তো কোন সন্ধ্যা নাই, তোমার নাৎবৌই আমার সব।

সি-মা। এই ত ভাল ভাই, তুমিই বুঝেছ ভাল; এ কি সকলে বুঝতে পারে? কলি। ঠান্দিদি! ওকে যে আমি কি ভালবাসি, তা আর বোলতে পারিনে। আর ওকে নিয়ে আমি যে সন্ধ্যা না মেটাই এমন সন্ধ্যা নাই। বিবিয়ানা, বাইয়ানা, ইছদীআনা, ওর সব রকম পোষাক করে দিয়েছি। যে দিন আমার যে রকম দেখতে ইচ্ছা হয়, তাই সাজতে বলি। বিশ পঁচিশ যোড়া ওর জুতোই কিনে দিয়েছি; আপনার ঘরের ভিতর যা করি, কে তা দেখতে আসে ভাই? তোমার সঙ্গে ভারি খোলাখুলি বোলে, তাই আজ সব বোলেম। ঠান্দিদি! আর একটা গোপনীয় কথা তোমার সাক্ষাতে বোল্টি, দেখো, কারোও বলো না। ও দৈবাৎ যদি বাপের বাড়ী কি অন্য কোথাও যায়, ওর পায়ের এক জোড়া জুতো নিয়ে আমি বুকে কোরে শুয়ে থাকি। তাতেও

আমার মন খুব ঠাণ্ডা থাকে।

সি-মা। মিছে বোক্চ কেন ভাই? তুমি এমন হলে নাৎ-বৌয়ের আর ভাবনা ছিল না।

কলি। ঠান্দিদি! আমার কথা বুঝি বিশ্বাস হ'ল না। তবে দেখাই। (বিজয়কালীর প্রতি) একবার তোমার পায়ের জুতো ঘোড়াটা দাওত। (বলিয়া জুতো লইয়া হৃদয়ে স্থাপন পূর্বক সিদুরমাতার প্রতি) ঠান্দিদি! এতে যে আমি কি সুখী হচ্ছি, তা আর বোলে জানাতে পারিনে।

সি-মা। (স্বগত) কি আপদ! এটা মাগ মাগ কোরে এককালে বদ্ধ পাগল হয়ে গ্যাচে?

কলি। ঠান্দিদি! আমি ওর কেনা গোলাম, আমি ওর চাকর, ও আমার মনিব, ও আমার গুরু, ও আমার ইষ্টদেবতা, ও আমার সাধনের ধন। কত তপস্যা করে যে ওকে আমি পেয়েছি, তা বোলতে পারিনে। ঠান্দিদি! আমি এখন আর ইষ্ট মন্ত্র জপ করিনে, সে সব ছেড়ে দিয়েছি। এখন দিবারান্তির কেবল তোমার নাতবৌই আমার ভাবনা হোয়েচে।

বিজ। দেখো, ভেবে ভেবে যেন পাগল হয়ে যেও না।

কলি। ঠান্দিদি! ও ত এক কথা যা মুখে এলো তাই বোল্লে, আমার যা হয় তা আমিই জানি। বুঝেচো।

সি-মা। তার আর ভুল কি আছে, ওকি একটা কম মেয়েমানুষ; শাপভ্রষ্টা জন্মেছে।

কলি। ঠান্দিদি! যদি বোল্লে তবে বলি, আমার চকে আমি এমন আর দেখিনে। ওর কোন অঙ্গটি আমি ত আর নিন্দের দেখিনে।

সি-মা। নাতি! বোল্তে কি? তুমি কিছু মনে করনা ভাই? অমন মাগ যদি অপর কেউ পেতো, সে তার চন্মামেস্তু খেতো।

কলি। (ক্ষণেক হাস্য করিয়া) (স্বগত) ঠান্দিদি মনে করেচেন আমি খাইনে। আমার চেয়ে মাগকে ভাল বাসতে এমন আর কোন্ ব্যাটা আছে। আমি যদি মেগের চন্মামেস্তু না খাব, তবে আর খাবে কে? (প্রকাশ্যে) ঠান্দিদি! চন্মামেস্তু খাই কিনা একবার আপনার নাৎবৌকে জিজ্ঞাসা করে দেখুন না? আর জিজ্ঞাসা কোরেই বা কাজ কি? এখনি আপনাকে দেখিয়ে দিচ্ছি। (নেপথ্যাভিমুখে) মোদো! মোদো!

মোদো। (নেপথ্য হইতে) আঙা যাই।

কলি। ওরে একটু পাংকোর জল আনতো।

মোদো। (এক গেলাস জল সহ প্রবেশ করিতে করিতে) (স্বগত) “মোদো মোদো” আর আজকের দিনটে, যাবার সময় যা হোক আজ একটা রকম সন্ম কোরে

যেতে হবে। দিদি-মা আমাকে যে ভালবাসেন, আজ তাঁর যে দুর্দশা দেখা গ্যাচে, তা মনে হলে আর বেঁচে থাকতে ইচ্ছে করে না।

(মোদের প্রবেশ)

কলি। চলে আয় ব্যাটা!। গেলস হইতে এক গণ্ডুষ জল লইয়া) (মোদের প্রতি) মর ব্যাটা তুই আর এখানে কেন?

মোদো। আঞ্জে আমি রইলেম বা? আমি ত আর কারো সাক্ষাতে বোলতে যাব না? “নেমকের চাকর, আর কুকুর।”

কলি। দেখিস ব্যাটা? আর বলিত বয়েই গ্যালো। আমি ত আর অসৎ কস্ম কচ্চিনে। (বিজয়কালীর প্রতি) একবার চরণটি ডুবিয়ে দাও।

বিজ। (চরণাবৃত দিয়ে) ঠান্দিদি! এ আর আমাদের নতুন নয়? তুমি কিন্তু ভাই কারো সাক্ষাতে বলো না।

মোদো। (স্বগত) আচ্ছ তোমার হাটের মাঝে হাঁড়ী ভাঙ্গা হোচ্ছে। বরেন্দ্রবাবু সব দেখছেন। মধুসূদনও আর ভয় করেন না।

কলি। (বিজয়কালীর চরণগোদক পান করিয়া মস্তকে ও অষ্টাঙ্গে হাত বুলাইয়া) ঠান্দিদি! এ যে আমাকে কি মিষ্টি লাগে, তা আর বোলতে পারিনে। এ চমামেস্ত খেলেই আমার মন যেন নিশ্চল আর দেহ পবিত্র হয়, মনের মধ্যে যে পাপ তাপ আছে, এমন আর বোধ হয় না?

সি-মা। মাগও এক রকম গুরু হে!!!

কলি। ঠান্দিদি! গুরু শব্দ আর ত গাছ থেকে পোড়ে হয় নি? যার ভারিছে আছে সেই গুরু, তা, স্ত্রীতে যে ভারিছ আছে, বোধ করি বিশ্বসংসারে তা নেই। বিবেচনা করে দেখুন, মাগ যদি এ দিকে একটু মুখ ভারি কোরে বসে, ও দিকে অমনি বিশ্বসংসার শূন্য হয়ে পড়ে। নির্বোধ লোকেরা বলে মাগের চেয়ে আর গুরুতর নাই। ঠান্দিদি! এও কি কথা? না এ মনে ধরে? দেখুন! মাগকে ফেলে কত লোক বিবাগী হয়ে যাচ্ছে, মুনি ঋষিরে ত অনেকেই গ্যাছেন, তাঁদের চেয়ে সামান্য নরে আর ত জ্ঞানবান নয়? মাগকে ফেলে কটা লোক বিবাগী হয়েছে বলুন? তবে যারা যায়, তাদের চেয়ে পশুর জ্ঞান আছে। বিশ্বসংসারে মাগই সকলের সার, তাঁর সেবা কোল্লো শরীরে কোন পাতক ভায়ায় না, আমি খুব বোলতে পারি, আমার শরীরে কোন পাপ নাই।

মোদো। (স্বগত) পাপের গন্ধ মাত্রও নাই। তুমি যে মহাপাতকী যম তোমার তরে একটা কেবল মুদ্রফরাধের ‘বিঠায়’ নরক কুণ্ড, আর ফরমাসে ভাঙ্গস গড়িয়ে রেখেছেন। একবার নিয়ং ফুরুলেই হোলো, অমনি কাঁটা বন দিয়ে হিঁচুরে টেনে নে যাবে। সে সময় আমি যদি দেখতে পাই, দিদিমার যে দুর্দশা করেচ, আমিও একটা আস্ত যম দূত হবো। এখন আমার এমনি বোধ হচ্ছে,

মাথাটা ভেঙ্গে ফেললে তবে দুঃখ যায়।
কলি। ঠান্দিদি! একটা গীত গাই শুনুন।

গীত।

যারা গো অল্প বুদ্ধি জন।
স্ত্রী-রতনে অযতনে করে জ্বালাতন।
জগত দেখিলে চেয়ে, কি আছে রমণীর চেয়ে,
এমন রতন পেয়ে, করে অযতন।
বনিতা লয়ে সংসার, সে ধন বিহীন যার,
বিফল জীবন তার, গৃহ যেন বন।।

সি-মা। নাতি! তুমি ভাই যে সব কথা বোলচ, এ গুলি জ্ঞানের কথা। বিস্তর
লেখাপড়া শিখেচ, তাই ভাই তুমি এ জ্ঞান জন্মেচ! সকলের কেমন করে
হবে বল? যা হোক তোমার ঈর্ষা-ভক্তি দেখে আজ খুব খুশি হলেম।

মোদো। (স্বগত) লোকালয়ে দিবিধ নাম কিনলেন। কলির একটা আদত
জানোয়ার হলেন তার অঙ্গ সঞ্চয়? নাই।

সি-মা। নাতি! ঢের রাতির হয়েচে এখন চক্লেম ভাই!

কলি। রাতির অধিক হয়েচে বটে আর বেসতে বোলতে পারিনে। কাল
আবার আসবেন। আজ কি বা দেখলেন? আরো কত দেখাবো।

সি-মা। আসবো বই কি? এখন চক্লেম ভাই। (সিদ্ধুরমাতার প্রস্থান)

বিজ্ঞ। মোদো! তুই ব্যাটা আর এখন কোণে?

মোদো। আমাকে আর কি কোণ দরকার নাই? তবে চক্লেম এখন। (যেতে
যেতে স্বগত) মধুসূদন এখন যাচ্ছেন না, আড়ালে থেকে মজা দেখা যাক্গে।
(কিঞ্চিৎ অন্তরালে দণ্ডায়মান)

বিজ্ঞ। (ভ্যাড়ার পোষাক লইয়া, কলিরকাপকে দেখাইয়া) দেখ, আজ ঠান্দিদির ছেলে
এই ভ্যাড়ার পোষাকটা পোরে এসেছিল, এটা পোরলে ঠিক তার মতন
দেখায়; মানুষ বোলে আর চিন্তে পারা যায় না। তুমি একবার পর না?
কলি। দেখি! দেখি! (হাতে লইয়া) বা! সিদে ছোঁড়া ত মন্দ নয়! এটা বেশ
করেচে। দেখি আমাকে কেমন দেখায়। (পরিধান)

বিজ্ঞ। মাইরি! তোমাকে ঠিক ভ্যাড়াব মতন দেখাচ্ছে।

(বরেজবাবুর প্রবেশ)

বরেজ। (নেপথ্য হইতে বলিতে বলিতে) কলিরকাপ কোথা হে!

কলি। (বিজয়কালীর প্রতি) কি সর্বনাশ! বরেজ লালু যে। যা, এখন এ দিকে
যেন এসেন না!

বিজ্ঞ। (প্ৰস্থানাভিমুখ)

বৰেন্দ্ৰ। (প্ৰবেশ কৰিয়া বিজয়কালীকে দেখে) একি! আজ যে দিব্বি বাইজী সেজেচো। বন্দিকি বাইজী! (সলাম কৰে) কৰ্ত্তা কোথা।

বিজ্ঞ। এই ছিলেন, কে এসে ডাক্তে তাৰ সঙ্গে কোথা গ্যালেন।

বৰে। (ভাড়াৰ দিকে চাহিয়া) বা! বা! দিব্বি ভাড়া যে? এটা কোথা পেলো?

বিজ্ঞ। কৰ্ত্তা আজ এনেচেন।

বৰে। একে কাশ্মিৰি ভাড়া বলে না?

বিজ্ঞ। অত জানিনে ভাই। (নেপথ্যভিমুখে) মোদো! এক ছিলিম তামাক দিয়ে যা রে।

মোদো। (নেপথ্য হইতে) আঞ্জো যাই।

বৰে। হাঁ বৌ! এ ভাড়াটা নড়াই কৰে।

বিজ্ঞ। তা বোলতে পাৰিনে, আজ সবে এনেছেন।

বৰে। খুব তেজি দেখ্‌চি, বোধ কৰি নোড়তে পাৰে।

(তামাক সাজিয়া মোদোৰ প্ৰবেশ)

বৰে। (দু হাতে ভাড়াৰ মাথা ঠেলে দিয়ে তাল ধৰিয়া)(বিজয়কালীৰ প্ৰতি) না, নোড়তে শিখিনি। কোন গুণ নাই, কেবল ভড়ং সার।

মোদো। মশাই! আমি ঢেৰ ম্যাড়ার নড়াই দেখেছি, আর ম্যাড়ার নড়াই শেখাতেও পাৰি, আপনি এইবার হাত পেতে তাল ধৰুন, আমি আগে ওটার কান মোলে দি, তবে রাগবে, না রাগলে টুঁ মারবে কেন?

বৰে। (দু হাতে তাল ধৰা।)

মোদো। (ভাড়াৰ কান মলিয়া) টুঁ! টুঁ! লাগে, লাগে।

বৰে। কইরে কিছুই যে নয়?

মোদো। মশায় একটু রসুন না? না রাগলে তাল মারবে কেন? যতক্ষণ না রাগবে ততক্ষণ কান মল্‌বো। (পুনঃ কান মোলে) টুঁ! টুঁ! লাগে, লাগে, তাল।

বৰে। কইরে কিছুই যে নয়।

মোদো। তাইতো মশায়! এটা যে ভাৰি বোকা ভাড়া। আজ কান মলে মলে টুঁ শিখিয়ে তবে ছাড়্‌বো। মশায়! এইবার তাল ধৰুন দেখি। (পুনঃ কান মলিয়া) টুঁ, টুঁ, লাগে লাগে, অড়ৰ্ অড়ৰ্!!

বিজ্ঞ। মোদো! অত মাচ্চিশ কেন? আর তোকে মারতে হবে না।

মোদো। তুমি জান কিগো? এ রকম কোরে না শেখালে তাল শিখ্‌বে কেন?

বিজ্ঞ। না তোর আর তাল শেখাতে হবে না, ওকে আর তো নোড়তে দোব না।

বৰে। শেখাগ না, তোমার এতে ক্ষতি কি?

মোদো। তাইতো ভাল কোণে মন্দ হয়। (বরেন্দ্র বাবুর প্রতি) আপনি তাল ধরুন দেখি? এবার এমনি কান মোল্‌বো যে টুঁ না মেরে আর বাঁচবে না?

কলি। (স্বগত) কি আপদ! আজ তো ভারি নাকাল দেখ্‌চি? মোদো চাকর ব্যাটা মনের সাথে কাণ মোল্‌চে। ওর দোষ কি? আমার আপনার দোষে এ নাকাল হচ্ছে। ও তো আর আমাকে চিন্তে পারে নাই, ভ্যাড়া বোলে কান মোল্‌চে। এখন যতক্ষণ টুঁ না মারবো, ও কান মোল্‌তে ছাড়বে না, তার চেয়ে একটা টুঁ মারি। পোষাকটা ঠিক ভ্যাড়ার মতন বোলেই রক্ষা; তা না হলে এতক্ষণ চিনে ফেল্‌লে লজ্জার আর শেষ ছিল না।

মোদো। (কান মোলে) টুঁ! টুঁ! লাগে লাগে।

কলি। (মস্তক তুলিয়া টুঁ মারণ।)

মোদো। (বিজয়কালীর প্রতি) মা ঠাকুরকন! দেখ্‌লেন, শেখালেই শেখে। আর ভ্যাড়াগুলোর প্রহারের চেয়ে ওমুখ নাই। (বরেন্দ্র বাবুর প্রতি) বাবু! এবার আর মাস্তে হবে না, তাল ধরুন দেখি?

বরে। (হস্ত পাতিয়া তাল ধরণ)

মোদো। (মুখে) টুঁ টুঁ।

কলি। (তাল মারণ)

বরে। মোদো! তোর বাহাদুরী আছে।

মোদো। মশায়! আমি যে এ ভ্যাড়ার স্বভাব ইন্তক নাগাদ দেখে আসচি। আমি খুব ভাল জানি।

বরে। দিকি ভ্যাড়া! (বিজয়কালীর প্রতি) বাইজি! বোলতে পারিনে, যদি এ ভ্যাড়াটী আমাকে দাও তা হলে আমি বিশেষ বাধিত হই।

বিজ্জ। না ভাই! এ আমার ভারি সকের, আমি প্রাণ থাকতে তা দিতে পারবো না।

বরে। তবে এক কন্ম কর, আজ একবার আমাকে দাও, আমি তোমার ননদকে দেখিয়ে, এখনি আবার পাঠিয়ে দিচ্ছি।

বিজ্জ। আমি তাও পারবো না ভাই? (স্বগত) কি সর্বনাশই আজ কোরেচি।

মোদো। (স্বগত) আজ আচ্ছা মজা করাঁ যাচ্ছে। আমি কিছু কিছু বুঝি, যেমন কন্ম তার তেমনি ফল হচ্ছে। মন তুমি বুঝলে কি না, বাবুরা একেই বলে সভ্যতা।

নবীনকালীর প্রবেশ।

মোদো। (স্বগত) পাঁশ-মা আর থাকতে পাল্লেন না; কি বলেন শুনি।

নবীন। বৌ! তুই যে মাকে বাড়ি থেকে বিদায় কল্লি, লোকালয়ে মুখ দেখাবি কেমন কোরে বল্‌ দেখি? আর এ বাড়ী কি তোর বাপের বাড়ী থেকে

এনেচিশ। কলিরকাপ কোথা গ্যালো, তাকে এখনি ডাকা, আমি দুটো একটা কথা বোলে যাই।

মোদো। পিশি-মা! আজ আমাদের বাবু কেমন একটা ভ্যাড়া এনেছেন দেখুন। নবীন। (ভ্যাড়ার কাছে আসিয়া) এটা কি ভ্যাড়া? (হাল খুলে ফেলে) কলীরকাপ! লোকালয়ে মুখ দেখাবি কেমন ক'রে? তোর কি একগাছা দড়ী কিনে গলায় দিতে যাটে না। ছি! ছি! ছি!!! বাপের নামটা ডুবুলি।

মোদো। (মৌখিক সভয়ে) ওমা একি গো! বাবু যে! আমি যে ভ্যাড়া মনে কোরে কত কান মলেছি। কি সর্বনাশ! কি সর্বনাশ! (স্বগত) শর্মা যেন কিছুই জানেন না, ব্যাটা যেমন কুকুর, আজ তার তেঙ্গি মুণ্ডর হয়েছে।

নবীন। আমার যে কি দুঃখ হচ্ছে তা বোলতে পারিনে। হায় হায়! মায়ের আমার শেষ দশা হয়েছে। তিনি কদিন আর বাঁচবেন, পেটের ছেলে হয়ে তাঁর মুখের দিকে চেয়ে দেখলে না? অন্ধকার রাস্তিরে মোদের সঙ্গে তাঁকে কেমন করে বিদায় করলি? তোদের যদি এতই ভার বোধ হয়েছিল, তা আমায় কেন খপর দিলিনে? তা হলে আমি আপনি এসে তাঁকে নিয়ে যেতেম। (বিজয়কালীর প্রতি) বৌ! পরকালে কি হবে বল দেখি?

মোদো। (স্বগত) পরকালে পোচে পোকা হবেন। (প্রকাশ্যে) পরকাল কি আছে গা? ওরা পরকালের বুকো পাথর চাপা দিয়ে রেখেচেন। (স্বগত) আজ দু চার কথা বোলে নেওয়া যাক। (বিজয়কালীর প্রতি প্রকাশ্যে।) মা-ঠাকুরগণ! কোন কথা কোচ্চ না কেন গা?

বরে। কলিরকাপ! যাহোক লোকালয়ে খুব নাম কিনলে, লেখাপড়া যা শিখেছিলে, তা তোমার ভস্মে ঘি ঢালা হয়েছে। কেবল টাকা উপায় কোল্লই যে মনুষ্য নামের যোগ্য হয় এমন বোধ কোরো না। সুরা সেবন, লাম্পট্যদোষ, বহুবিবাহ, বিশ্বাসঘাতকী, অপব্যয়, আত্মশ্লাঘা, লোকনিন্দা প্রভৃতি যে এইগুলিই কেবল দোষাকর এমন মনেও কোরো না। স্নেহতাটিও বড় সহজ বিষয় নহে। দেখ, এক স্নেহতার জন্যে তুমি যে মহাপাতক কোরেচ, পৃথিবীতে তাহাপেক্ষা আব কি পাপ আছে বল? জন্মভূমিকে পণ্ডিতেরা স্বর্গের গরিয়সী বলেন, আব জননীর তুলনা তাহারা কিছুরই সহিত দিতে পারেন নাই। যদিপি কোন তীর্থ পর্যটক দ্বাদশবর্ষ তীর্থ পর্যটন করে জন্মভূমি দর্শন না করে, তাহার সে তীর্থের সমস্ত ফল ব্যর্থ হয়। তুমি কিনা স্নেহতা পরবশে, যে জননী তোমাকে দশ মাস দশ দিন গর্ভে স্থান প্রদান, ও অসহ্য প্রসববেদনা সহ্য কোরে এই বিশ্বসংসার দর্শন করালেন, যিনি আপনার শরীরের রক্ত প্রদান কোরে তোমার শরীরের পুষ্টি সাধন কোরেচেন, যিনি তোমার সামান্য পীড়াতে অসহ্য মনোকষ্ট পেয়েছেন, যিনি কোন উত্তম দ্রব্য

প্রাপ্ত হোলো, তাহা তোমাকেই প্রদান করেছেন; যিনি তোমার জন্য ঈশ্বরের নিকট সতত হিত চিন্তা করে থাকেন, তুমি কিনা স্নেহতাবশতঃ সেই জননীর অশেষ দুগতি কোরে, শেষে কিনা একমুঠো অন্নের জন্য তাঁকে বাটী হইতে বহিষ্কৃত কোরে দিলে? ধিক্ তোমাকে! আর এই স্নেহতার জন্য তোমার কি দুর্দশা হোলো বল দেখি? তোমার স্ত্রী তোমাকে ভ্যাড়া সাজ্জতে বোলতে তুমি কিনা তাই সেজে বোসলে। লোকালয়ে মুক দেখাবে কেমন কোরে, এখন গলায় দড়ী দিয়ে মর। তোমার মুখে আগুন, তুমি যা কোরেছ, তাহাতে তোমার মরণই মঙ্গল দেখছি।

(রাধামণির প্রবেশ।)

রাধা। বাবা বরেন্দ্র! কলিরকাপকে গালাগাল দিওনা, মায়ের প্রাণে ব্যাথা লাগে। আমার গর্ভকে ধিক্! (কলিরকাপের প্রতি) বাবা! আমি এমন গর্ভও ধরেছিলাম। লোকে পুত্র-কন্যা কিসের তরে কামনা করে? বৃদ্ধ পিতা-মাতাকে প্রতিপালন, শ্রাদ্ধ-শান্তিতে পূর্বপুরুষগণকে সন্তোষপ্রদান, লোকালয়ে লোকলৌকিকতা করিয়া পিতা-মাতার মুখোজ্জ্বল করিবে এইমাত্র কলীরকাপ! তুমি কলির ছেলে তোমার দোষ কি? কালের মতনই কর্ম কোরেচ। বাবা! বেঁচে থাক, সুখে থাক, তোমাকে অধিক আর কি বোলব। যে কর্ম কোরেচ “ভ্যালারে মোর বাপ”!!!

(সকলের প্রস্থান)

যবনিকা পতন

ইহাশেব উদ্ধারের উপায় কি হইবে না? মানুষ চূপ কারয়ঃ
একে থাক্ ভগবান কিন্তু চূপ কবিতা থাকিবেন না: উপায় একদিন
হইবেই হইবে।

এছাট সেরাখার গীর স্থপ বহু! আহারের সময় প্রাতঃ
পাশ্র্ণ পান না, সুদু পরস্ ঠেলে হেলে বুড় আঙ্গুলের নথ দেখে
সায়: তরকারি বাহ। রন্ধন হয় প্রায় স্বামী ও সন্তানগণকে খাওয়া-
ইতে কুইয়া যায়, নিম্নের ভাগে কড় কিছু পড়ে না। পরিধানের
সুখও ঐরূপ, প্রতি ধোপে দুই কি তিন ধানা কাপড় পরেন, তা
ধোপা মহা শয়ের দৌরাত্ম্য পরিষ্কার কাপড় পরা প্রাবই হয়ে উঠে
না; কাপড়ে হলুদ, তেল, রুধ, ওমাটব দাগ প্রায়ই লেখা যায় এবং
বিলম্বন গন্ধও বাহির হয়, চুল বেঁধে এবং আলতা পরে কোন
রকমে নিজ শ্রী বজায় রাখেন। কাজের সীমা নাই, চাকরানী
হইয়া পাট করেন, রাধুনি হয়ে রন্ধন করেন, মেথরাণী হইয়া
ছেলের ময়লা পরিষ্কার করেন, গৃহিণী হইয়া ভাণ্ডার রক্ষা করেন,
গুর্জী হইয়া লোকলোকতার বিষয় স্বামীকে উপদেশ দেন, পরি-
চালিকা হইয়া তাঁহাকে চালান এবং শ্রমিয়ণী হইয়া পতির
হৃদয়গরিজ্ঞ প্রপীড়িত ও সাহেবের তাড়নার স্বর্জবিভ
স্বদয়কে সান্তনা দান করেন। এর উপর আবার ছেলের কঁথা,
পুরাণ কাপড়ের বিছানার চাদর ও বালিসের গুয়াড় সেলাই
করিতে হয় এবং মশারিতে কাপড়ে ও জামাতে তালি দিতে
হয়। ঝির সঙ্গে বকাবকী, শান্তডী ননবের সঙ্গে ঝগড়া এবং
সংসারের ধরচলইয়া স্বামীর সঙ্গে লড়াই করিতে হয়। স্বামীর
স্বীকৃতি অবস্থায়ত এই দশা তাঁহার মৃত্যুর পর বৈকি হয়, তাহা

কেরানী পুরাণ
লেখকের নাম নেই

আখ্যাপত্রে প্রাপ্ত বিবরণ

KERANI PURAN or A true picture of a kerani,
his home, health and his social status by Experience
কেরানী-পুরাণ।

প্রথম সংস্করণ, কলিকাতা, ৬৪/১ নং মেছুয়া বাজার স্ট্রীট,
মঙ্গলগঞ্জ মিশন প্রেসে শ্রী তারিনীচরণ দাস দ্বারা মুদ্রিত ও প্রকাশিত।
১৮৮৬।

মূল্য দুই আনা।

আদিপর্ব-পূর্বভাস।

নারদ ঋষির একদিন মনে হইল যে অনেক দিন হল পিতামহের সঙ্গে দেখা হয় নাই, একবার দেখা করে আসা যাক। নামাবলি খানি কাঁদে ফেলে বীণাযন্ত্র হাতে করে টেকির উপর সোয়ার হয়ে মুহূর্ত্ত মধ্যে ব্রহ্মালোকে গিয়া উপস্থিত। কৃতাঞ্জলি-পুটে ব্রহ্মার চরণ বন্দনা করে তাঁহার সম্মুখে গিয়ে দাঁড়ালেন। ব্রহ্মা কতকগুলি কাগজপত্র লয়ে বড় ব্যস্ত ছিলেন, তথাপি নারদকে আদর করে কুশল বার্তা জিজ্ঞাসা করে বসিতে আসন দিলেন, আর কাগজ পত্র গুছাইয়া রাখিয়া তাঁহার সঙ্গে কথা বার্তা আরম্ভ করিলেন। নারদ! ভায়া তোমায় অনেক দিন দেখিনি, কেমন আছ, কি কর্চো, বল দেখি? কি আর করবো, আপনি আমাকে যে দুটি কাজ দিয়াছিলেন, তার এখন একটীও কাজে লাগে না; মর্ত্যলোকে সংবাদপত্র সম্পাদক আর বক্তা বলে দুই রকম জীব জন্মেচে, তাহারাই এখন বিবাদ বিধান কাজটা আমার হাত থেকে নিয়েচে, আর হরিগুণ গান শুনিবার লোক প্রায় নেই বলিলেই হইল; যে কয়জন লোকের অল্প অল্প মন আছে তাহারা আমার কাছে আসে না, থিয়েটারে গেলেই তাহাদের অভাব মিটে; আমার নিকট হরিনাম শুনিলে সংসারের সঙ্গে গোল বেঁধে যায়, সকল রকম বিলাশের মাথায় লাঠি পড়ে, এবং অহঙ্কার চূর্ণ হয়। থিয়েটারে সে বিপদ নাই, সুতরাং লোকে সেইখানেই যায়। কখন কদাচ দু একটা লোক আমার কাছে আসে তাদেরই শুনাই, আর নিজে পড়ে পড়ে জপ আর গান করি, এই করেই দিন কাটিতেছে। ব্রহ্মা বলিলেন, দেখ নারদ, তুমি ও কিছু মনে করো না, সময়ে সময়ে অমন হয়ে থাকে, আবার সত্য যুগ আসবে, আবার তোমার আদর হবে। আপাততঃ তোমায় একটি কাজের ভার দিতেছি। সেইটা করে এসো দেখি; জীবের অনেক উপকার হবে; আর তোমারও কাজের অনেক সুবিধা হবে। সংসারী জীবের বড় অন্নকষ্ট থাকলে তাহার

ধর্ম কর্মের দিকে তত মন গেলেও কাজে কিছু করিতে পারে না; অন্ন চেষ্টাতেই দিন রাত যায়। শুন নারদ অনেক কাল হল, একদিন আমার বাহন হংসরাজ আমার কাছে এতলা করে, যে, কেরাণী বলে এক প্রকার নূতন জাত জন্মেছে, তাহারা তাহার (হংসের) পরিবারবর্গের ডানা ছিড়ে নিয়ে কলম করে, তাহাতে হংস জাতির মধ্যে বড় কষ্ট উপস্থিত হয়েছে। এই কথা শুনে আমার বড় রাগ হল, অভিসম্পাত করে বলিলাম এই অত্যাচারের জন্য কেরাণীর ঘরে লক্ষ্মী থাকবে না। এই রেজোলিউশান (মন্তব্য) স্থির করিলাম এবং তাহার এক কপি বিষ্ণুর নিকট পাঠালাম এবং তাহা বাহাল হইল। সংপ্রতি পশুপালন বিভাগের সম্পাদক এক প্রকাণ্ড নোট লিখে বিষ্ণুর কাছে পেস করেন, তিনি তার কাপি আমার কাছে পাঠিয়ে দেন এবং রেজোলিউশনটি ‘রিভিউ’ করতে আমাকে অনুরোধ করেছেন। “নোট” পাঠে জান্লেম যে কেরাণীদের পালন কর্তে লক্ষ্মী দেবীর কষ্ট হয়, তিনি আমার অনুরোধে তাহাদের ঘরেও থাকিতে পারেন না, অথচ তাহার কোমল হৃদয় তাহাদের পালন না করিয়া থাকিতে পারেন না। এবং নোটে ইহাও স্পষ্ট প্রমাণিত হইয়াছে যে “যে অপরাধের জন্য আমি দণ্ড দিয়াছিলাম কেরাণীরা এখন সে অপরাধে অপরাধী নয়, তাহারা এখন “স্টীল পেনে” লেখে হাঁসের পালক ব্যবহার করে না। এখানকার ‘ডেসপেচ’, এবং পূর্বকার নথি পাঠ করে আমার স্পষ্ট বোধ হয়েছে যে কেরাণীদের আমার সাবেক দণ্ড ভোগ করা আর উচিত নয়, কেরাণীদের পূর্ব পাতক কাটাইবার জন্য আমি একখানি পুরাণ রচনা করাইব। সেই পুরাণ মূল্য দিয়া ক্রয় করে, ভক্তি পূর্বক যে পাঠ করিবে, তাহার উপদেশ গ্রহণ করিবে, তাহাদের আর দুঃখ থাকিবে না। সেই পুরাণের মূল শ্লোক কটি ভোমার কানে কানে বলে দিতেছি, তুমি মর্ন্ত লোকে গিয়া সেই শ্লোক কটীর মর্ম্ম কেরাণী তারণ শর্ম্মাকে বুঝাইয়া দিয়া এস; তাহা হইলেই সে গ্রন্থ রচনা করিতে পারিবে। নারদের কানে কানে শ্লোক বলে দেওয়া হলে তিনি ব্রহ্মাকে ভক্তিপূর্বক নমস্কার করে বিদায় লইলেন।

আদিপর্ব।

বেলা ৯টা ১০টার সময় নানান রকমের পোষাক পরা ট্রাম-কারে, গাড়িতে, বা পদব্রজে দক্ষিণদিকে ব্যস্ত হইয়া চলিতেছেন, এঁরা কে? কাহার ধুতি চাপকান পরা, কাহার ধৃতিকোট, কাহার পেণ্টালুন চাপকান, কাহার বা পেণ্টালুন কোট; কাহার মাথায় ক্যাপ আছে কাহার বা খোলা মাথা; কাহার ঘড়ি ও সেফটি চেন। পোষাক পরিষ্কার, জুতোগুলি মন্দ নয়, চুল বেশ ফেরাণ, চেহারা ভদ্র লোকের মতন, কোমল দেহ এবং বোধ হয় কোমল

প্রকৃতি। উহাদের নাম কেরাণী। কেরাণী? ঈ(১) হইল কেন? ঈলিঙ্গে ব্যবহার হয়। হাঁ হাঁ কারণ আছে, ঈজাতির সঙ্গে উহাদের অনেক সৌসাদৃশ্য আছে। নারীর ন্যায় উহাদের শরীর কোমল এবং অপটু; বাজার হাটের সংবাদ বড় রাখেন না, গৃহের বাহিরে যাইতে বড় ভাল বাসেন না, বিদেশে গিয়া অবস্থা উন্নত করিতে মত নাই। কোন হাঙ্গামের মধ্যে নাই; নির্বিব্রোধে কোন ক্রমে কাল যাপন করা জীবনের একমাত্র উদ্দেশ্য। ঈলোকের মতন ভীৰু স্বভাব, পাছে সাহেব বিরক্ত হন সর্বদা এই ভয়, ব্যবসায় করিলে পাছে ক্ষতি হয়, শিল্প শিখিলে পাছে লোকে নিন্দা করে, চাষ করিলে পাছে “কোমলাঙ্গে” সূর্যের করস্পর্শ হয়, এই সকল ভয়েই তাঁহারা আকুল। সন্মুখেই ভয় করেন, কিন্তু দুঃখ দারিদ্র্য ও ঋণকে ভয় করেন না। সতী যেমন পতিকে কখন পরিত্যাগ করেন না, নানা প্রকার অসহ্য ক্রেশ বহন করিয়াও পতিতেই রত থাকেন, কেরাণীও যতই ক্রেশ কষ্ট পান না কেন, প্রাণের কেরাণীগিরি ছাড়েন না; দারিদ্রে হাড় মাটি, অম্মাভাবে আপনারও পরিবারের জীর্ণকায়; সম্ভানের বিদ্যোপার্জনর বন্দোবস্ত হয় না; রোগের চিকিৎসা ও ঔষধ পাওয়া ভার, ছেলে মেয়ের বিয়ে দেওয়া ত এক প্রকার অসম্ভব; তবুও আপনাদের প্রাণসর্বস্ব জীবিতেশ্বর কেরাণীগিরি ছাড়িয়া আশ্রয়ান্তর গ্রহণ করেন না; এবং প্রাণান্তেও অপরকে বিধি দেন না। নারীর ন্যায় কেরাণীর সরল স্বভাব—উকীল বাবুর মতন “হয়”কে “নয়” এবং “নয়”কে “হয়” করিতে জানেন না। জমিদার মহাশয়ের মতন মামলা মকদ্দমা করিতে পারেন না। ব্যবসায়ী লোকদের মতন এক প্রকার দ্রব্যের দর করিয়া অন্য প্রকার দ্রব্য চালাইতে ইচ্ছা রাখেন না। চাতুরী এবং বুদ্ধিকৌশলে আপনার উন্নতি সাধন করা কেরাণীর ধর্ম নয়; “কৃতবিদ্য অতি উন্নতিশীল” যুবাদের মত যথেষ্টাচারকে ধর্ম বলিয়া বিশ্বাস করিতে পারেন না এবং সংবাদপত্রের সম্পাদকদিগের মতন বাক্যবুদ্ধি দেশে আঙুন জ্বালাইতে পারেন না। এই সকল কারণেই “কেরাণী” লিখিতে হইলে ঈ ব্যবহার করিতে হয়।

কেরাণী লিখিতে গেলে ঈ (১) লিখিত হইবার কারণ বিশদ রূপে বলিলাম। এখন “কেরাণী” নাম কেন হইল, প্রকাশ করিয়া বলি শুন। কেরাণী, ইহারা জানেন না বলিয়া ইহাদের নাম কেরাণী। রাণীর রাজ্যে বাস করেন, এবং তাহারই রাজ্যে খেটে মরেন, কিন্তু পরস্পরে জানা শুনা নাই। গবর্ণমেন্ট আপিসে অনেকে ভাল কাজ করে থাকেন, এবং উচ্চ বেতনও পান, এবং অনেক গুরুতর বিষয় উহাদেরই “নোট” এবং পরামর্শে মীমাংসা হইয়া থাকে; কিন্তু তাহা রাণীর কানে উঠে না, এবং তাহার জন্য জনসমাজের কাছেও কোন প্রশংসা নাই। ভুল হইলে তিরস্কার আছে এবং মারা পড়িতে তিনিই আগে মারা পড়েন,— যদিও তাঁহার কাজ তাঁহার উপরওয়াল সাহেব বাহাদুরের হাত দিয়া যায়; কিন্তু গৌরব সাহেবের এবং

নিন্দা তাঁহার। সেক্রেটারিয়েট আপিসের কেরাণী বাবুই মুন্সেফ, ডেপুটি মেজিস্ট্রেট এবং সবজজ প্রভৃতির কার্য সমালোচনা করে মন্তব্য লেখেন; এবং তাঁহার উপরে “বাহাদুরেদের” পদোন্নতি অনেকটা নির্ভর করে; কিন্তু ছজুরেরা কেরাণীকে অতি হীন বলিয়া জ্ঞানেন, এবং কাছে বসিতে দিতেও বড় ভাল বাসেন না। রাণী যদি কেরাণীকে জ্ঞানিতেন, ও কেরাণী যদি রাণীকে জ্ঞানিতেন, এবং কেরাণী যদি রাণীকে কোন কথা জানাইতে পারিতেন, তাহা হইলে কি, তাহার এরূপ দুর্দশা হইত?

রাণী নারীশ্রেষ্ঠ; লক্ষ্মীও নারীশ্রেষ্ঠ। তাই রাণী শব্দ লক্ষ্মী অর্থে আমার অভিধান অনুসারে ব্যবহার হয়। লক্ষ্মীকে কেরাণীর চেনেন না বলিয়া তাঁহাদের নাম কেরাণী হইয়াছে। লক্ষ্মী কেরাণীর বাটী আসেন; কিন্তু প্রায় তিন দিনের অধিক আর থাকিতে স্থান পান না। নানা প্রকার উপায়ে কেরাণী লক্ষ্মীকে তাড়াইয়া দেন। যে কয়েকদিন লক্ষ্মী বাটীতে থাকেন, কষ্ট ও ঝনঝাটের সীমা নাই। মেলাই লোকের যাতায়াত এবং গোলমাল। কেরাণী শান্তিপ্রিয়; তাই লক্ষ্মীকে বাটীতে স্থান দেন না। তবে ইহার চলে কিসে? লক্ষ্মী পরম করুণাময়ী; তাই দয়া করে তিন দিনের পর যাইবার সময় তাঁহার সত্যত ভয়ী ঋণদেবীকে কেরাণীর বাটীতে রাখিয়া যান। এই ঋণদেবীই কেরাণীর পরম বন্ধু; ইহার প্রসাদে কেরাণীর খাওয়া পরা চিকিৎসা চলে; সন্তানদের লেখাপড়া শেখান, বিবাহ দেওয়া, স্ত্রীর গহনা ইত্যাদি সকল লেনদেন নগদ হয় না। কেবল “যৌতুক” আর পূজার “প্রণামীটা” নগদ দিতে হয়; এদুটা বিষয় যাহাতে ঋণদেবী হস্তে লন, ইহার জন্য অনেক চেষ্টা করেছেন, কিন্তু এখনও কৃতকার্য হন নাই। ঋণদেবী কেরাণীকে সকল দেন বটে, কিন্তু উনুতে দুনো লাগান। সে যাহা হউক ঋণদেবীর কোলে কেরাণীর বাস; এমন কি দেবী কখন কখন গৃহ পর্য্যন্ত নির্মাণ করে দেন, তাহা কিন্তু কেরাণীর সন্তানেরা প্রায় ভোগ করিতে পায় না।

আফিস পর্ব।

কেরাণী তিনি প্রকার। কুলীন, মৌলিক এবং বংশজ। কুলীন ২০০ হইতে ৪০০, বংশজ ১০০ হইতে ২০০, এবং মৌলিক ৩০ হইতে ১০০ টাকা বেতন পান। ৩০ টাকার নীচে যাহারা পান তাহারা পচা মৌলিক এবং ৪০০ টাকার উপর যাহারা পান তাহারা মুখ্য কুলীন। বিদ্যা কিম্বা বুদ্ধি অনুসারে পদোন্নতি প্রায় হয় না। কিঞ্চিৎ কার্যদক্ষতা, সেলাম, তৈল, ভেট, পরনিন্দা, উপরচালাকী এবং সাহেবের “নেক নজরের” উপরেই পদোন্নতি নির্ভর করে। সকল শ্রেণীর কেরাণীর মধ্যেই বিদ্বান এবং মূর্খ উভয়েরই দর্শন পাওয়া যায়। বিশ্ববিদ্যালয়ের চিহ্নিত এবং সাবেক কলেজের বৃত্তিধারী দুদশ জনকেও

কেরানীদের মধ্যে পাওয়া যায় এবং তাঁহাদের ভিতর সংবাদপত্র লেখক, সমালোচক, বক্তা এবং গ্রন্থকার দেখা যায়। কিন্তু অধিকাংশ কেরানী মা সরস্বতীর সঙ্গে বিবাদ করিয়া আফিসে প্রবেশ করেন। অধমতার গণ কেরানীগিরি না থাকিলে তাঁহাদের যে কি দশা হইত, তাহা কে বলিতে পারে? “পচা আদার বাল বড়”, সরস্বতীত্যাগী কেরানী মহাশয়দের বড় জাঁক। কেহ ভাল নকল করিতে পারেন, কেহ বা ঠিক দিতে পারেন, কেহ বা হিসাব করিতে পারেন, কেহ বা কোন কাগজ কোথায় থাকে মনে করিয়া রাখিতে পারেন, কাহার বা নিয়মাবলী মুখস্থ থাকে, এই সকলের অহঙ্কারে কেরানী আর বাঁচেন না। প্রত্যেকে আপনাকে বড় কাজের লোক মনে করেন এবং এই উপলক্ষ করিয়া অনেক সময় তুমুল বিবাদ লাগাইয়া দেন। এমন কি অশ্রাব্য এবং অবজ্ঞব্য কথার আদান প্রদান হইয়া থাকে। অহঙ্কার! তুমি ধন্য, তোমার কি অসীম মহিমা? দরিদ্রকে ধনী মনে করাও, কুৎসিতকে সুন্দর মনে করাও, মুর্থকে পণ্ডিতভিমানী করিতে পার! কেরানীদের প্রায় বিবাদ হইয়া থাকে, কিন্তু বালকের ঝগড়ার মতন মনে থাকে না। এই মাত্র বিবাদ কলহ করিলেন এবং পর মুহূর্ত্তেই গলাগলি ভাব। ইহাদের আলাপ পেতনীর হাঁতের শাঁখার মতন কখন আছে কখন নেই, কিছু বুঝা যায় না। ইহারা বড় গল্পপ্রিয়, কাজ করিতে করিতে নানান্ প্রকার গল্প করেন, কিন্তু হাত বড় কামাই যায় না। মুখে গল্প হাতে কাজ; এটাই কেরানীর বিশেষ গুণ। গল্পের বাঁধাবাঁধী কিম্বা কোন যোগাযোগ নাই; সাময়িক ছজুগ, পরনিন্দা আর আহারের গল্পই সাধারণত হইয়া থাকে। গল্প করিতে করিতে গম্ভীর চড়ে যায় এবং গালি ও চোঁচামেটিও হয়। এমন কি অনেক সময় অধ্যক্ষ সাহেবের বজ্রধ্বনি না শুনিলে গোলযোগ নিবারণ হয় না।

বিদ্যাশূন্য কেরানী যদি “হেডরাইটর” হন, তাহা হইলে তাঁহার অধীনস্থ কেরানীদিগের ঘোর বিপদ। বড় বাবুর মুখ দিয়া কত কি বাহির হয়, গলার স্বর কাঁসার মত খন্ খন্ করে। “ভাল করিতে পারিব না মন্দ করিব, কি দিবি তা বল?” উপকার করিবার ক্ষমতা নাই কিন্তু অপকার করিতে বড় পটু; কোন নূতন প্রকার কার্য্য বুঝাইতে পারেন না, ধমক দিয়াই সারেন এবং আপনার ভুল পরের মাথায় চাপাইতে পারিলে ছাড়েন না; পাছে তাঁহার “সিদে ভুজ্জির” ব্যাঘাত হয় এই ভয়ে সুশিক্ষিত যুবাকে আফিসে প্রবেশ করিতে দিতে নারাজ; “বন দেশে শিয়াল রাজা” হইয়া থাকিতে তাঁহার বড় চেষ্টা।

সুশিক্ষিত কেরানীদের আচার ব্যবহার ও রুচি অন্য প্রকার। অশ্রাব্য কথা তাহাদের মুখে শোনা যায় না, আপিসে কলহ করেন না, এবং গল্প করিবার সময় কোন সামাজিক বিষয় লইয়া মতামত প্রকাশ করিয়া থাকেন। ইহাদের মধ্যে অনেকে কোন না কোন প্রকাশ্য সভার সভ্য এবং সেই সভার কার্য্যে

আপনাদের কতক সময় ও চিন্তা দিয়া থাকেন। জ্ঞান লাভ করিতেও বিলক্ষণ ইচ্ছা আছে, সাবকাশ পাইলেই লেখাপড়া করিয়া থাকেন। নদের সকলেই পণ্ডিত নয়, সুশিক্ষিত কেরাণীর মধ্যে সকলেই যে সচ্চরিত্র, তাহা নহে। ইহাদের ভিতর শয়তানের প্রিয় চেলাও আছে। তাঁহারা সুরেশ্বরী ও বারাদনা দেবীর পূজাতে সর্বস্ব আছতি দিয়া থাকেন এবং অতি অল্পকাল মধ্যেই সিদ্ধিলাভ করিয়া ইহ সংসার ছাড়িয়া চলিয়া যান; স্ত্রী পুত্র পথের ভিখারী হয়।

কেরাণীর স্বাস্থ্য মন্দ নয়, আহার বিহারের আতিশয্যের অভাব এবং নিয়মিত সময়ে আহার এবং নিদ্রা এবং পরিমিত পরিশ্রম কেরাণীর স্বাস্থ্যের মূল কারণ। কেরাণীর ভাবনা চিন্তা কম এবং মস্তিষ্কের পরিশ্রম অধিক নয় এইগুলিই তাঁহার স্বাস্থ্যের অন্যতম কারণ, কেরাণীর মধ্যে অনেক বৃদ্ধ লোক দেখা যায় এবং তাঁহারা এমন সবল যে সামান্য পীড়া হইলেও না খাইয়াই দু-তিন দিন অনায়াসে কার্য করেন, কিন্তু যুবা কেরাণীদের ভিতর এরূপ লোক অতি বিরল। “সিডেনটারি হ্যাবিট” অর্থাৎ দৌড়-ঝাঁপ করে না বেড়ান পরমায়ু ক্ষয় এবং স্বাস্থ্য হানির একটা কারণ বলিয়া সাহেবেরা নির্দিষ্ট করিয়াছেন। একথা ইউরোপে সত্য হইতে পারে কিন্তু এ দেশে এইটা যে খাটে না কেরাণীর জীবন তাহার প্রমাণ, আমাদের মহিলাগণ যেরূপ করিয়া কাল কাটান, তাঁহাদের ত ইংরাজের মতে সদ্যই যমের বাটা যাওয়া উচিত। ঘরের বাহিরে বাহির হন না, চলা ফেরা নাই কেবল বন্ধ বায়ুতে ও বন্ধ স্থানে চিরদিন বাস, কিন্তু আমাদের স্ত্রীলোকের মত বিশেষতঃ আমাদের বিধবাদের মতন কে সুস্থ এবং দীর্ঘজীবী? আমাদের প্রাচীন যোগীদের মতে যতই অঙ্গ-চালনা কম ততই আয়ুর্বুদ্ধির ও স্বাস্থ্যের অধিক সম্ভাবনা, “বাঁশ মরে ফুলে আর মানুষ মরে বুলে” এই যে চলন কথাটা আছে ইহার মূলে বিলক্ষণ সত্য আছে। গ্রীষ্মপ্রধান দেশে অল্প পরিশ্রম ও শৈত্য সামগ্রী ভোজন করিলে রৌদ্র ও বৃষ্টিতে না বাহির হইলেই শরীর ভাল থাকে। যাঁহারা মদ মাংস সেবন করেন এবং ইংরাজী চালে চলেন তাঁহাদের স্বাস্থ্য প্রায়ই ভালো থাকে না। সাধারণ ভাবে কেরাণীর স্বাস্থ্য ভাল কিন্তু গোটা কত পীড়া আছে যাহা কেরাণীর প্রায় একচেটে; অর্শ, নাসা ও অন্বলের রোগ কেরাণীর ভিতর অনেক দেখা যায়। কিন্তু অন্বল রোগ কেরাণীগিরির জন্য জন্মে না তাহা অফিসের ময়রা মহাশয়ের অনুগ্রহেই জন্মে থাকে। যদিও কেরাণীর মধ্যে অনেকরই অর্থকষ্ট কিন্তু এই অনটনই অধিক পরিমাণে তাহার ধর্ম এবং স্বাস্থ্য রক্ষা করিয়া থাকে। বিধাতার কি আশ্চর্য্য করুণা ও কৌশল! তিনি দুঃখকেও সুখের কারণে পরিণত করেন। যতই অর্থের স্বচ্ছলতা ততই ভোগ-বিলাস ও নানা-প্রকার ইন্দ্রিয় সুখের কামনা এবং যতই অধিক ভোগ ততই শরীর ও মনের স্বাস্থ্যের হানি হয়।

গৃহপর্ব

সাধারণতঃ কেরানীদের মধ্যে পানদোষ অল্প। “ছাই পায় না মুড়কি জলপান” অধিকাংশ কেরানীর খাওয়া পরা চলে না আবার মদ খাবে। “হের্ফের্” ঘোচে না; শীতবস্ত্র গ্রীষ্মকালে, আর গ্রীষ্মবস্ত্র শীতকালে অনেক সময় অনেককে পরিতে হয়। পূজার কাপড়ের দেনা সংবৎসরে আর মেয়ের বিবাহের দেনা সমস্ত জীবনে শোধ হয় না; এ অবস্থায় কি মদ চলিতে পারে? পাছে অফিসে সময়ে পৌঁছিতে না পারেন এবং কামাই হয় এই ভয়েতেও অনেকটা ভালো থাকিতে হয়। অর্থকষ্ট সংসারে বড় মন্দ নয়। যদিও কিছু কষ্ট হয় কিন্তু ইহার প্রসাদে অনেকের চরিত্র ভাল থাকে। যতই ভোগ এবং বিলাসের সুযোগ ততই চরিত্র মন্দ হইবার সম্ভাবনা। ধনী লোকদের ভিতর অসচ্চরিত্র লোক অধিক, না গরীব লোকদের ভিতর? গরীব লোক সমস্ত দিবস খেটেখুটে ক্লান্ত হয়, রাত্রি ৮টা না বাজিতে বাজিতেই ঘুমাইতে পারিলে বাঁচে, মদ পান করিয়া নিশাচর হইবার প্রবৃত্তিও থাকে না, শক্তিও থাকে না।

কুলীন এবং বংশজ কেরানীদের অবস্থা নিতান্ত মন্দ নয়। সংসারে টানাটানি নাই ছেলে-মেয়েদের লেখাপড়া অনায়াসে হয়, জীবন এক প্রকার নির্বিব্রোধে এবং সুখে কাটে, কেরানীদের কেহ গাড়ি ঘোড়াও চাপিতে পারেন এবং মৃত্যুকালে কিঞ্চিৎ সংস্থান রাখিয়াও যান। উচ্চ বেতনের কেরানীর অপেক্ষা অতি অল্প লোকই সুখী ও স্বচ্ছন্দ; দিবসে এমন কোন কার্য করা আবশ্যিক হয় না যে রাত্রিতে নিদ্রার ব্যাঘাত হয়। ব্যবসায়ী বা বেনিয়ান বাবুর মতন এক জনের পাগড়ি অপরের মাথায় দিয়া ভেবে মরিতে হয় না। টাকা অধিক আনেন না বটে, কিন্তু আরামে ও নির্ভাবনায় কাল কাটিয়া যায়। এইরূপ কেরানীর সংখ্যা অতি অল্প। অধিকাংশ কেরানীই টানাটানির মহলে বাস করেন এবং ঋণদেবীর অধীনস্থ। ঢাকের বাজনা যেমন একেবারে দুইদিক বাজে না, সেইরূপ কেরানীর দুইদিক একেবারে চলে না। যে মাসে আহার সেই সেই মাসেই পরিধান হইবার সম্ভাবনা নাই। কেরানীর ঘরে দুই সীমা যে মিলাইয়া দিতে পারে সেই ধন্য, তাহাকে বলি পাকা অর্থমন্ত্রী (ফিনান্সিয়ার)। রাজভাণ্ডারের অনটন নিবারণ করা ত কঠিন নয়, রাজকর বা মাদক দ্রব্যের মাসুল বৃদ্ধি করিয়া দিলেই হয়; কিন্তু ঋণ না করিয়া কেরানীর অকুলান ঘুচাইতে পারে, এমন সুদক্ষ সুপণ্ডিত এবং সহৃদয় ব্যক্তি কোথায় আছে? যদি কেহ থাকেন তবে দয়া করিয়া বাহির হইয়া কেরানীকে ঘোর বিপদ হইতে রক্ষা করুন। কেরানী ঋণ করিয়া কষ্ট পান এবং কখন কখন তাহাকে জেলেও যাইতে হয়, কিন্তু কেন যে ঋণ হয় এবং কি প্রকারেই বা নিবারণ হয় সে বিষয়ে ভাবিবার কি কেহ আছেন? “ঋণ করা বড় দোষ বলিয়া” উপদেষ্টা ধর্মডাক ডাকিয়া ক্ষান্ত পান; বক্তারা “পলিটিকস্” লইয়া ব্যস্ত এবং

সংবাদপত্র লেখক উচ্চ উচ্চ বিষয় লইয়া থাকেন, কেরাণীর বিষয় ভাবিবার সময় নাই এবং বোধ হয় এরূপ ভাবনাকে নীচ মনে করেন। কোন্ কোন্ কারণে কেরাণীর অবস্থা মন্দ এবং তাহা নিবারণের উপায় কি; এ বিষয় ভাবিবারও লোক দেখিতে পাই না। বঙ্গদেশের অধিকাংশ ভদ্রলোক কেরাণী, ইহাদের অবস্থা উন্নত না করিতে পারিলে কেবল বড় বড় “বক্সীমা” করিলেই কি দেশের অবস্থা উন্নত হইতে পারিবে? একা আমি আর কত ভাবি! কেরাণীর “ভারায় মেনে সরায় শোধ”। অনেক বিষয় মাস কাবারের সময়ে করিবেন বলেন, কিন্তু প্রায়ই কিছুই হয় না; “দরিদ্রস্য মনোরথঃ” মনের ইচ্ছা মনেই মিলাইয়া যায়। কাপড়, জুতা, জামা, বিছানার চাদর, মসারী, ছেলের খেলনা, বাটী মেরামত, মেয়ের বাড়ী তত্ত্ব, সময়ের নূতন ফলমূল কত কি মাসকাবারের সময়ে করিবেন ও করিবেন বলেন, কিন্তু কাজে অতি অল্পই হইয়া থাকে। পাঁচ ঘোড়া কাপড়ের স্থানে এক ঘোড়া কেনা হয়, চাপকান করিব ২ ক’রে তিন মাস কেটে যায়; জুতা না কিনে মেরামত করিয়া লন, ঘর মেরামত না করিয়া বাঁশের ঠেকো দিয়া সারেন, খেলনার বদলে মিষ্ট বা রুট কথ্য দিয়া ছেলে-মেয়েকে থামান। মাস কাবারের সময়ে কেরাণীর বড় কষ্ট, ঘরে পরে গঞ্জনা। এদিকে স্ত্রী ধার করিয়া সংসার খরচ চালাইয়াছেন পরিশোধ করিতে হইবে, ও দিকে মুদী, গয়লা ডাক্তারখানার বিলওয়ালা ও কাপড়ওয়ালাকে দিতে হইবে, টাকা আঁটে না, অথচ না দিলে খাওয়া-পরা বন্ধ। এ ঘোর বিপদ হইতে কে উদ্ধার করিবেন? একমাস নয়, এক বৎসর নয়, চির-জীবন এইরূপে কাটাইতে হয়। ইহাদের উদ্ধারের উপায় কি হইবে না? মানুষ চূপ করিয়া থাকে থাক্ ভগবান কিন্তু চূপ করিয়া থাকিবেন না; উপায় একদিন হইবেই হইবে।

ছোট কেরাণীর জ্বর সুখ বড়! আহাদের সময় প্রায়ই ব্যঞ্জন পান না, সুদু গরম্, ঠেলে ঠেলে বড় আগুলের নোখ খোয়ে যায়; তরকারি যাহা রন্ধন হয় প্রায় স্বামী ও সন্তানগণকে খাওয়াইতে ফুরাইয়া যায়, নিজের ভাগে বড় কিছু পড়ে না। পরিধানের সুখও ঐরূপ, প্রতি ধোপে দুই কি তিন খানা কাপড় পরেন, তা ধোপা মহাশয়ের দৌরাঘো পরিষ্কার কাপড় পরা প্রায়ই হয়ে উঠে না; কাপড়ে হলুদ, তেল, দুধ, ও মাটির দাগ প্রায়ই দেখা যায় এবং বিলক্ষণ গন্ধও বাহির হয়, চুল বেঁধে এবং আলতা পরে কোন রকমে নিজ স্ত্রী বজায় রাখেন। কাজের সীমা নাই। চাকরাণী হইয়া পাট করেন, রাঁধুণী হয়ে রন্ধন করেন, মেথরাণী হইয়া ছেলের ময়লা পরিষ্কার করেন, গৃহিণী হইয়া ভাণ্ডার রক্ষা করেন, গুৰ্ব্বী হইয়া লোকলৌকিকতার বিষয় স্বামীকে উপদেশ দেন, পরিচালিকা হইয়া তাহাকে সালান এবং প্রণয়িণী হইয়া পতির দুঃখীদারিত্ব প্রণীড়িত ও সাহেবের তড়নায় দ্রুতরিত হৃদয়কে সন্তুনা দান করেন। এর উপর আবার ছেলের কাঁথা পুরান কাপড়ের বিছানার চাদর ও বালিসের

ওয়াড় সেলাই করিতে হয় এবং মশারিতে কাপড়ে ও জামাতে তালি দিতে হয়। ঝির সঙ্গে বকাবকি, শাশুড়ী ননদের ঝগড়া এবং সংসারের খরচ লইয়া স্বামীর সঙ্গে লড়াই করিতে হয়। স্বামীর জীবিত অবস্থায় ত এই দশা তাঁহার মৃত্যুর পর যে কি হয়, তাহা বলিতে গেলে চোখে জল আসে। চিরবিরোধ ও আদাআদির পাত্রী জা আর ভাজের পদানত হইয়া কোন ক্রমে চোখের জলে ও নাকের জলে কাল কাটাইতে হয়। ভাজ আর ভায়ের খোসামোদ করে ভাত খাওয়া যে কি কষ্টকর, যে খায় সে জানে; অন্য কি বুঝিতে পারে? ছোট কেরানীর স্ত্রীর অবস্থা ত এই। তাঁহার ঘরের শ্রী কেমন? অনেকের ত বৈঠকখানা নাই, সদর দরজায় হঁকা হাতে করিয়া আসিয়া বন্ধু বান্ধবের এবং পাওনাদারের সঙ্গে কথা কহিয়া সারেন। কাহার কাহার বাহিরে ঘর আছে, ঘরটা সাজান বড় চমৎকার। একখানা তক্তাপোষের উপর একটা মাদুর পাতা, দুইটা ঠেকো হঁকা, কেঠো দেব্‌কো কিম্বা য়োতলের উপর প্রদীপ, ঘরের কোণে তামাকের গুল জড় করা, দেয়ালের চূণকাম ভাঙ্গা এবং জানালায় হয়তো একআধ খানা কপাট নাই। ভিতর বাটী “তথৈবচ”; ছাদ দিয়া প্রায় জল পড়ে, কড়ির নীচে বাঁশের ঠেকো এবং দেয়ালের চূণকাম উঠে গেছে, বিছানা অপরিষ্কার এবং ছেঁড়া মসারিতে তালি দেওয়া, ছেঁড়া কাঁথায় মূত্রের গন্ধ, আঁদ্রায় কাপড়গুলি ময়লা রকমের ও ছেঁড়া, সিঁদুক পেটরা বড় বেশী নাই, বাসন কোসন তদ্রূপ; কিন্তু ঘরের সৌন্দর্য্য বৃদ্ধি করিবার জন্য কালিঘাটের ছবি এবং চড়ক ও রথের সময়ে বিক্ৰীত পুতুল এবং সোলার ফুল দিয়া ঘর সাজান থাকে।

ছোট কেরানীর ছেলে মেয়ের অবস্থা কেমন? শিশুকালে অন্যের ছেলে যে সময় ঝির কোলে মানুষ হয়, কেরানীর ছেলে ধূলা-কাদা মেখে আর কেঁদে কেঁদে কাটায়। গায়ে মুখে ধূলা মাখা, গায়ে আবার নানান রকম দরানী, হাত দুটা অপরিষ্কার, হাঁটুতে কাদা মাখা, চুলগুলি আঁচড়ান নয়, তাতে আবার হয়ত দুই একটা জটা। মা রসুই ঘরে কিম্বা অন্য কোন কার্য্যে নিযুক্ত, ছেলেটা ঘুম থেকে উঠিল, মাকে না দেখতে পেয়ে কান্না জুড়ে দিলে। মা হেঁসেলে, বুড় ঠাকুরমা আহ্নিক করিতে বসেছেন, বিধবা পিশিমা নিরামিষ রসুই করিতেছেন, ঝি বাজারে গিয়াছে, বড় পুঁটি ঘোষেদের বাড়ী খেলা করিতে গিয়াছে, ছেলে বিছানা থেকে তোলে কে? ছেলেটা কেঁদে কেঁদে আর আছাড় পিছাড় খেয়ে ধূপ করে তক্তাপোষ থেকে পড়ে গিয়ে ককাইয়া উঠিল। মা কি আর থাকতে পারেন? পোড়া সংসারে আগুন লাগুক, পোড়ার মুখো কোথা গিয়ে বসে রহিল; ছেলেটাকে একটু ধরতে নেই, কাঁড়ি গিলতে হবে না, পুঁটি পোড়ার মুখী বুঝি মরেছে, এইরূপ নানা প্রকার গালাগালি দিতে দিতে ছেলেটাকে তুলে আনিয়া মাই খুলে দিলেন, হয়ত রাগে একটা চাপড় বসাইয়া দিলেন। ছেলে বেচারার অপরাধ কি? খোকা শাস্ত হলো, এখন

“মাধু” (৬ বছরের ছেলে) একজন নিচুওয়ালাকে ডেকে বসেছে, গোটা কতক নিচু হাতে করে প্রফুল্ল মুখে উৎসাহের সহিত এসে বলিলেন মা নিচু কিনে দে না, ভাল নিচু ৪ টা করে পয়সায়। মারও প্রাণ উড়ে গেল, চারি পয়সা নিচু না কিনিলে আর সকলের কুলোবে না, বাজারের পয়সা ভেঙ্গে কত হবে? “ছি বাবা ও কাঁচা নিচু খেলে ব্যাম হবে, ফিরিয়া দাও গে।” “হঁ আমাকে বুঝি ভোলাচ্চ, আমি এই নিচুই খাইব”, বলিয়াই ছেলে কান্না আরম্ভ করিল। “আরে পোড়া কপালে খাবি আর কোথা থেকে? তোদের কি খাবার কপাল?” এই বলে মরি মরি করে দুটো পয়সা ফেলে দিলেন। মাধু হাসতে হাসতে নিচু কিনে আনিল, আর মা আপনার কাজে নিযুক্ত রহিলেন; খানিক পরে বড় খুকী খুকী। বৎসরের মেয়ে, উঠানে খেলা করিতে করিতে একেবারে হঠাৎ চোখ কপালে তুলেছে মাধু বলে উঠিল, “মা দেখ বড় খুকী এক মজা করিতেছে, মার তো দেখেই প্রাণ উড়ে গেল। “ও মা কি সর্বনাশ হলো গো”, বলে মেয়ে কোলে করে নিয়ে দেখেন যে মেয়েটার গলায় নিচুর আঁটি আটকে গিয়েছে আঙ্গুল দিয়ে বাহির করে ফেলে মুখে জল দেন, তবে মেয়েটা বাঁচে।

শিশুকাল গেলে লেখা পড়ার সময় উপস্থিত। ছেলে ত স্কুলে যায়, কিন্তু জুতা থাকে ত, কাপড় থাকে না; মাহিনা সময়ে যোটে না, সকল বইয়ের জোগাড় হঠাৎ হয় না, ছেলে যদি বড় বুদ্ধিমান হয়, তবেই ত প্রবেশিকা দিয়ে লেখা পড়া শিখে। অধিকাংশ ছেলেই “ট্টামটি” শিখে অফিসে এপ্রেন্টিস হয়; অনেক কষ্ট এবং অনেক খোসামোদ করে কুড়ি টাকা বেতনের এক কর্ম জোটায়ে। চাকরির আগেই মা বাপ বিবাহ দিয়ে বসে আসেন, হয়ত নাতির মুখও দেখে সুখী হয়েছেন, আর বিবাহ না দিলেই বা কি করেন? বিলম্ব করিলে ছেলে হয়তো ব্রাহ্মসমাজে গিয়া বৈরাগী হয় নয়ত খ্রীষ্টান হতে যায়, নয়তো বিদেশে চলে যেতে চায়, আর নয়ত রাক্ষসীদের চরণ সেবা করিতে যায়। এইরূপে কেরাণীর দুঃখের স্রোত পুরুষানুক্রমে চলিতে থাকে। ইহা নিবারণের উপায় আছে বলিব কাজে কিছু হউক আর না হউক।

রাজায় রাজায় যুদ্ধ হয়, উলু খাঁকড়ার প্রাণ যায়। কৃতবিদ্য রাজনীতি সংস্কারক ঘাটে, মাঠে, বাজারে, হলে, থিয়েটারে ইংরেজের বিরুদ্ধে দীর্ঘ প্রস্থ বক্তৃতা করেন এবং আপনার কোটে বসিয়া বড় বড় সম্পাদকীয় প্রবন্ধ লেখেন, আর সাহেবেরা তাহিতে রেংগে উঠেন। রাগ চণ্ডাল যাঁহার ঘাড়ে চাপেন তাঁহার আর জ্ঞান থাকে না, জ্ঞান হারাইয়া কি করিতে যে কি করেন, তাহার আর ঠিক থাকে না। যাঁহারা জ্বালাইয়া দেন তাঁহাদের ত কিছু করিতে পারেন না, তাই অধীনস্থ কেরাণীদের উপরে যত ঝাল ঝাড়েন। “পরের কিছু কর্তে নারি, ভাগি ঘরের হাঁড়ি।” পঞ্চানন ঠাকুরের ন্যায়পরতা, তোর ছোট ছেলেকে বারণ করবি ত কর, নইলে বড় ছেলের ঘাড় ভাগিবি। গরিব

কেরাণী বেচারার উপর চোট কেন? ইলবার্ট^১ বিল উল্লেখ করে তাকে এত টিটকিরি দেওয়া কেন? তাহার প্রোমোশন বন্ধ করিলে কি হবে? আপিসে কর্ম খালি হলে বাঙ্গালীর কাজে ফিরিস্কা আনিলে কি ভাল বিবেচনা করা হয়? অবলা নিরীহ কেরাণী কিছুই মধ্যে নেই, “ভাত খায় কাঁসি বাজায়, রগড়ের ধার ধারে না”। কোনক্রমে গোটা কতক টাকা নিয়ে, পরিবারকে মোটা ভাত মোটা কাপড় দিয়া জীবন কাটান তাহার একমাত্র উদ্দেশ্য। বড় বড় বাবুদেরই বা বিবেচনা কি? এমন ভাবে সাহেব ক্ষেপাইয়া গরিব চাকরে লোকের কি প্রাণ বধ করিতে আছে? সাহেবের দোষ ত্রুটির কথা কি মিষ্টি করে বলা যায় না। সাহেবদের রাগাইলে কি হবে? তাহাদের হাতেই তো আমাদের অনেকের প্রাণ? তাহাদের না হইলে যে ঘরে লক্ষ্মীপূজা বন্ধ হয়ে যায়। তাহাদের “ক্যাপিটাল” না খাটিলে কি দেশের উন্নতি হয়? না কারবার ভাল করে চলে? দেশীয় ধন ত গহনা ও কোম্পানীর কাগজে আবদ্ধ। গরিবদের ডান হাতের ব্যাপারটা চলে কিরাপে? সাহেবদের অনেক অন্যায় অবিচার আছে বটে, কিন্তু অমন করে ঝাল ঝাড়লে কি তাহার কোন উপায় হবে, না আরও রোগের বৃদ্ধিই হইবে? বড় বাবুদের একটু ধৈর্য থাকিলে ভাল হয়। আগে কৃষি কার্য, বাণিজ্য, শিল্পের উন্নতি সাধন করা হউক, কুসংস্কার নিবারণ করা হউক, কেরাণীগিরি ছেড়ে অন্য উপায়ে উপার্জন করিবার পন্থা স্থাপন করা হউক, তার পর ইংরেজের কতকটা সমকক্ষ হইয়া পলিটিক্যাল প্রিভিলেজের জন্য বাদানুবাদ করিবার যোগ্যতা জন্মিবে। আর তা নইলে “চরমের পদ অগ্রে” বলিলেই শতফোটা ভট্টাচার্যের মতো চড় খাইতে হইবে। তাই বলি বাবুরা একটু ক্ষান্ত হও; আর কথা বাড়াইও না। কাকেই বলি, আর কে বা আমার কথা শুনে।

ধনীর মাথায় ধর ছাতী— নিধনীর মাথায় মার লাথি এই ত সংসারের ব্যবস্থা, অফিস অঞ্চলে এই বিধিই চলে, এমন কি গবর্ণমেন্ট পর্যন্ত ইহার অনেকটা সম্মান রক্ষা করেন। ছোট কেরাণী প্রায়ই “প্রিভিলেজ লিভ” পান না। যদি বড় পীড়া হইলে কিম্বা অন্য কোন কোন বিশেষ কারণে পান, তাহা হইলে ছুটির মাহিয়ানা পাইবেন না, কিন্তু বড় বড় কেরাণীর উপর এ বিধি নাই। হয় রে খোঁড়ার পাই খালে পড়ে! বেচারী একে রোগের জ্বালায় জ্বালাতন, তাতে আবার উপরি খরচ, তার উপর আবার মাহিয়ানা বন্ধ; সহজেই মাহিয়ানা পাইতে এক দিন বিলম্ব হইলে আঁধার দেখিতে হয়। তা আবার এমন রোগের সময় বেতন বন্ধ থাকিলে যে কি কষ্ট হয়, তা তিনিই জানেন আর ভগবান জানেন। গবর্ণমেন্টের মনে একটু বিবেচনাও নাই, এবং ছোট কেরাণী বেচারার প্রতি দয়াও হয় না। শাস্ত সুবোধ সং এবং নির্বিরোধ কেরাণীর উপর কি কাহারো দয়া হয় না? এমন শাস্ত শিষ্ট প্রজা গবর্ণমেন্ট আর কোথায় পাইবেন? তবু ইহাদের প্রতি এরূপ দৃষ্টিহীনতা কেন? বড়

কেরাণীর ভুল চুক হইলে ভদ্র ভাবে লিখে তিরস্কার করা হয়, কিন্তু ছোট কেরাণীর ভুল হইলে স্পষ্টাস্পষ্টি মুখামুখী ধমকান হয়। প্রশংসা বড় কেরাণীর; কিন্তু তিরস্কার আর গাথা-খাটুনি ছোট কেরাণীর। কর্ম্মখালি হইলে উপর শ্রেণীতে বাহিরের লোক প্রায়ই আসে না কিন্তু নীচের শ্রেণীতে প্রায়ই বাহিরের লোককে আনা হয়, পাঁচ বার নিরাশ হইয়া যদি একবার প্রমোশন পান, তাহা হইলে নীচের কেরাণী আপনাকে ধন্য মনে করেন। ছোট কেরাণীর কাজ বড় কেরাণী হাতে করে লইয়া গিয়া সাহেবের নিকট বাহবা পান, কিন্তু কোন কসুর হইলে ছোট কেরাণীকেই বিপদে পতিত হইতে হয়। একবার একটা হাঁ-র স্থানে না-র ভুল হইয়া একটা কেদা ভাঙ্গা গিয়াছিল, এই ভুল কত বড় বড় সাহেবের হাত দিয়া বাহির হইয়া গিয়াছিল, কিন্তু গরীব নকলনবিস কেরাণীর কর্ম্মটি গেল। “বড় গাছে ঝড় লাগে” এ কথা আফিসে বড় চলে না।

কেরাণীগিরিতে বড় অর্থকষ্ট, কিন্তু এমন সংপথ এ সংসারে আর দেখা যায় না। এখনকার কালে মিথ্যাকথা না কহিয়া এবং অল্প পরিমাণে প্রবঞ্চনা না করিয়া প্রায়ই কোন ব্যবসায় কি পেসা চালান ভার হয়ে উঠেছে। কেরাণীগিরিতে কেবল এই বিপদ নাই বলিলেই হয়, পরকাল বজায় রেখে ভরণ পোষণ চালাইতে হইলে কেরাণীগিরি ভিন্ন বোধ হয় অন্য কোন উপায় এত সহজ নয়। দু-দিনের জন্য পৃথিবীতে আসিয়া যদি ধর্ম্ম হারাইতে হইল, তবে গাড়ি, ঘোড়া, মান, সম্ভ্রম, সম্পত্তি, অলঙ্কার, বস্ত্রাদির প্রয়োজন কি? দু-দিন পরেই ত সব রেখে যেতেই হবে, তবে আর ধর্ম্ম হারাইয়া নিঃসম্বলে পরকালে গিয়া কি হইবে?

পূজার সময়।

কেরাণীর বাটীতে পূজার সময় ধূম কেমন? বড় কেরাণীর বাড়ীতে বড় মন্দ ধুমধাম নয়; ছেলে-মেয়ের ভাল-ভাল কাপড়, সাটীনের পিরাণ, ইংরাজের বাড়ির জুতা। গৃহিণীর বারানসীর বা অন্য কোন রকম ভাল শাড়ী, মাতাঘসা, আতর, পমেটম, অডিকলন ইত্যাদি নানা প্রকার দ্রব্য খরিদ করা হয়েছে। বাবুর নিজের নূতন কাপড় চোপড় ও নানা প্রকার সখের জিনিস কেনা হয়েছে, কেহ কেহ বা দুই-দশ বোতল, লাল পানিও সংগ্রহ করেছেন। কোন কোন বাবু পূজার ছুটিতে নানা প্রকার মজায় কাটাইবেন, সেই আমোদেই আছেন, কেহ বা দেশ দর্শনে গাইবার আহ্বানে আছেন, ছেলে বড় সকলের আনন্দ; কিন্তু ছোট কেরাণীর বাড়ী দুর্গোৎসবের ধূমে অন্ধকার। দুর্গোৎসব নয়, দুর্গাবিশিষ্ট। যে কটা মাহিনার টাকা পেয়েছিলেন তা ত গত মাসের কতক ঋণ শোধে আর সংসারের নিয়মিত খরচেই গিয়েছে, সকল মহাজনকে এখনও থামান হয়নি, পূজার সময় সকলকেই ত কিছু কিছু দিতেই হবে, কিন্তু টাকায় কুলায় না। এইত এক বিষম বিপদ, তার উপর আবার পূজার

কাপড় না করিলেই ত নয়, ছেলেগুলো কেঁদে গড়াগড়ি দেবে। গৃহিণী নবপ্রসূতা সাপিনীর ন্যায় তর্জন-গর্জন করবেন, মেয়ের শাশুড়ী ত রক্ষা রাখবেন না। কি করেন, কোন দিকে আর কুল-কিনারা না দেখে চখে যেন সরিসা ফুল দেখিতেছেন। পূজার সময় সকলেরই অধিক খরচ, কাহার কাছে বা ধার পাবেন? ভাবিতে ভাবিতে ভিতরটা যেন ধড় ফড় করতে লাগল, আর গাটা যেন কাঁপতে লাগলো, আর বসিতে না পেরে ঘরের ভিতর গিয়া উপুড় হয়ে শুলেন। পাশের ঘরে ছোট ছোট ছেলে-মেয়ে গুলো কেহ বা আধ আধ কেহ বা স্পষ্ট কথায় কাহার কেমন কাপড় হইবে, কাহার কেমন জুতা হইবে বলাবলি করিতেছে। একটা ছেলে বলে উঠলো, বাবা আমায় সাহেবের বাটীর বুট জুতা এনে দেবেন, মেয়েটা বলিল ঘোষেদের চপলার মতন আমার সাতীনের ঘাগরা হবে, ছোট পুঁটি (এখন তার কথা ভাল ফোটেনি) বল্পে “বাবা আঁ—আঁ”। ছেলেদের কথা কানে যতই যাইতেছে, আর ততই তাঁহার যেন বুকে শেল বিধিতেছে; এমন সময় গৃহিণী ঘরে প্রবেশ করিলেন। ওকি উপুড় হয়ে শুয়ে রয়েছ কেন? আজ যষ্ঠী এখনও কাপড় আনিলে না, বাছাদের ত আর থামিয়ে রাখিতে পারিনা। বাবুজি কাঁপিতে কাঁপিতে মৃদুস্বরে বলিলেন কাপড় কিনিবার কি হবে, টাকা ত কোন খানে ধার পেলুম না। এই শুনেই গৃহিণী তেলে বেগুনে জ্বলে উঠলেন। তাঁহার চোক ঘোরানির ভঙ্গি দেখে কে? “অমন মিষ্টি কথায় আমি ভুলিনে, যেখানে পাও সেই খান থেকে এনে দাও। এমন যদি দশা তবে হাতে সুতা বেঁধে আমোদ করে বে করিতে গিয়াছিলে কেন?” এই প্রকারে গৃহিণী ত কত প্রকারে তিরস্কার করিলেন, বাবুজি একেবারে নিরুত্তর। অনেকক্ষণ পরে ঠাকুরাণীর একটু রাগ পড়ে গেলে বলিতে লাগিলেন, তোমাকেই বা কি দোষ দেব, সকলি আমার পোড়া কপালের দোষ, তুমি ত চাকবিও কর, মদ-গাঁজাও খাও না, বাজে খরচও কর না। “স্বস্তীভাগ্যে ধন, পুরুষভাগ্যে সন্তান” তা তোমার ভাগ্য ত ফলেছে, আমারি ভাগ্য ফলে নাই। সে যাই হোক পূজার কাপড় আর তত্ত্ব করা চাইই চাই। কথায় বলে “যাক প্রাণ থাক মান” আমার এই বালা দু-গাছা নিয়ে বাঁধা দিয়ে ত এখন খরচ চালাও; পূজার পরে উদ্ধার করে দিও। —বলি ঠাকুরণ, আমার একটা কথা শোন, বালা উদ্ধারের আর নাম করো না, তোমার কোন্ গহনা খানি বাঁধা পড়ে আবার ঘরে ফিরে এসেছে? আজ অবধি কাঁচের চুড়ী সার কর। একি দুর্গাবিপত্তি নয়?

কেরানীর একদিকে যেমন দুঃখ অপর দিকে তাহার সুখও আছে। ক্ষুধায় আহার, অনায়াসে নিদ্রা এবং ধর্ম পথে বিচরণ অপেক্ষা আর কি সুখ আছে? ধন্য ভগবান; তিনি কঠিন পাথর ভেদ করিয়া শীতল এবং সুস্বাদু জল বাহির করেন। কেরানীর অর্থকষ্ট নিবারণ হয়, অথচ ধর্ম ও স্বাস্থ্য রক্ষা হয়, এমন সকল উপায় আছে, ক্রমে বলা যাইবে।

ছোট কেরাণীর মৃত্যু।

দুই-তিন দিন অল্প-অল্প জ্বর হয়েছে, তবু আপিসে যাওয়া হইতেছে, না গেলে যে রোজ কাটা যাবে। কেরাণীর মাহিনা কাটা গেলে হয় ১৫ দিনের বাজার খরচ কমে যাবে। তিন দিনের দিন বৈকালবেলা কাজ করিতে করিতে ঘাড় মুড় ভেঙ্গে জ্বর এল, আর বসিতে পারিলেন না। তামাক খাবার ঘরে গিয়ে শুয়ে পড়িলেন, আপিসের ছুটি হলে একখানা পালকী করে বাড়ী উপস্থিত হলেন। ছোট ছেলে মাধু সদর দরজায় খেলা করিতেছিল, বাবাকে পালকি করে আসিতে দেখে বড় খুসী হয়ে দৌড়ে গিয়ে মার কাছে বসে, মা! বাবা আজ বড় মানুষ হয়েছেন, মিত্রদের কর্তা বাবুর মতন পালকী করে কুটী থেকে এসেছেন। পালকির কথা শুনে মার প্রাণ উড়ে গেল, তবে ত বড় অসুখ হয়েছে; নইলে পালকি করে এলেন কেন? আর ভাড়ার পয়সাই বা কোথা পাই? মাসকাবার প্রায় শেষ হয়ে এসেছে, বাজার খরচই নাই, তার উপর আবার রুগীর সেবা। এ দিকে ত বেহারারা ধরাধরি করে কর্তাকে শোয়াইয়া আসিল। কর্তা বড় পাকা লোক বহুদর্শী, আপিস হতে আসিবার সময় দরওয়ানের কাছে চারি পয়সা সুদে চারিটা টাকা ধার করে এনেছিলেন। ঘরে যে কিছু নাই তাহা তাঁহার বিলক্ষণ স্মরণ ছিল। গিন্নী হৈসেল থেকে তাড়াতাড়ি এসে কর্তার গায়ে হাত দিয়ে দেখেন, যে “ধান দিলে যেন খই ফুটে।” বড় ছেলেরী বৎসর চোন্দ বয়সের; বাবার বড় জ্বর দেখে ব্যস্ত হয়ে ডাক্তারের বাড়ী দৌড়ে গেল, কিন্তু ডাক্তার বাবু ঘরে নাই; আবার রাত্র নয়টার সময় গেল, কিন্তু তিনি এলেন না। গরিব পেসেন্টের বাড়ী হতে ডাক এলে ডাক্তার বাবুদের বড় গা ঝামে না। নগদ ফি দেবার ভয়ে আর অন্য ডাক্তার ডাকা হল না; সে রাত্রি বিনা চিকিৎসায়ই গেল। পরদিন বেলা একটার সময় ডাক্তার বাবু এলেন। রোগীকে দেখেই ত আক্কেল শুড়ুম। হাই ফিবর হয়েছে এবং তার সঙ্গে কমপ্লিকেশন। চটে উঠে বলিলেন, আগে ডাক্তার নেই? বাঙ্গালিরা বড় খারাপ, পীড়া খুব না বাড়িলে আর চিকিৎসা করায় না। বলি ডাক্তার বাবু! মিছে তিরস্কার করেন কেন? গরিব লোক কি আপনাদের সহজে ডাকিতে পারে? না ডাকিলেই সহজে পায়?

দেখিতে দেখিতে পীড়া খুব বেড়ে উঠিল। রক্ষা পাবার আশা প্রায় নাই। যে টাকা কটী ধার করে আনা হয়েছিল, সব খরচ হয়ে গেল। চিকিৎসা চলা ভার হয়ে উঠিল, কেরাণীর আত্মীয় কুটুম প্রায়ই কেরাণী; সুতরাং বিপদ হলে অর্থকষ্টে পড়িলে সাহায্য করিবার লোক প্রায়ই পাওয়া যায় না; দুই একজন ধনী কুটুম থাকিলেও থাকিতে পারে; কিন্তু তাহারা কোন সংবাদ লন না। গরিবের বড় মানুষ কুটুম থাকার সুবিধা প্রথমতঃ মনের মিল হয় না; দ্বিতীয়তঃ লোক-লৌকিকতা রাখিতে গিয়া গরিব মারা যায়; ক্রমে আট-দশ

দিন চলে গেল। পীড়াটা যেন একটু কমে এল; আর ডাক্তার বাবুও একটু আশা দিলেন। কিন্তু এগার দিনের দিন হঠাৎ বেড়ে উঠিল। ১০৫ ডিগ্রি জ্বর, আর তার উপর উপদ্রব। বড় মানুষের ব্যামো নয় যে অনেকে রাত জাগিতে আসিবে; গরিবের খবর কেবা লয়? পাছে কিছু সাহায্য করিতে হয়, এই ভয়ে পাড়া প্রতিবেশী এবং সকল আত্মীয়রা বড় ছোঁ ঘা দেয় না। দেখিতে দেখিতে রাত্রি দুই গ্রহর হইল; জ্বর একেবারে কমে গেল; বিল বিল করে ঘাম বাহির হইতে লাগিল, চক্ষু কপালে উঠিল। তাড়াতাড়ী করে তক্তাপস হইতে যেই নাবান, অমনি একটা কি দুটা খাপি খাওয়া আর মৃত্যু। কর্তা যে আর নড়েন না। ওগো আমার কি হল।— বলে গিন্নি উপুড় হয়ে পড়েই অচেতন। মা ঠাকুরাণী, “বাবা! তোমার বুড়া মাকে কি ফেলে গেলি” বলেই অজ্ঞান; “বাবা আমায় কাকে দিয়া গেলে গো” বলে বিধবা কন্যা চীৎকার করে সংজ্ঞাবিহীন। বড় ছেলেটী একেবারে অবাক! সেই কাল রাত্রের কথা কে বর্ণন করিতে পারে? এদিকে ত এই দৃশ্য, ও দিকে পাশের ঘরে বুড়া ঝির কাছে ছোট-বড় সাতটি ছেলে-মেয়ে ঘুমাতেছিল, একেবারে সকলে কেঁদে উঠে বাবার ঘরে এসে দেখে, যে বাবা মেজের পড়ে, আর মা, ঠাকুরমা আর দিদি তিন দিকে তিন জনে পড়ে আছে। ছয় বৎসরের মেয়েটা দৌড়ে গিয়া বাবার গলা জড়াইয়া বলিতে লাগিল,— বাবা তুমি অমন করে শুয়ে কেন? একটা কথা বল না, ওরা অমন করে পড়ে আছে কেন? দাদা! বাবার কি হয়েছে বল না? বাবা! একবার কথা কও না। খানিক পরে সকলের জ্ঞান হল; ক্ষণ কাল অবাক হয়ে থেকে বিনাইয়া বিনাইয়া কাঁদিতে লাগিলেন। সে কান্না শুনে কার বুক না ফাটে? আর কার চক্ষে জল না আসে? গিন্নী কাঁদিতে কাঁদিতে বলিতে লাগিলেন, “ওগো তুমি আমায় কার হাতে সোঁপে দিয়ে গেলে গো? আমাদের মায়া একেবারে কেমন করে ভুলিলে গো? আর আমাদের মুখপানে কে চেয়ে দেখিবে গো? কাল খাবার চাল ঘরে নেই। আমার অবগন্ত ছেলে-মেয়ে নিয়ে কোথায় যাব গো? ওগো তোমার বড় মেয়ের বিবাহের সময় বাড়ী বাধা দিয়েছিলে; এখন যে ওদরান হয় নি গো; পাছে আমাদের কষ্ট হয় বলে তুমি যে হেঁটে কুটি যেতে গো; বড় মেয়ের এমন দশা হওয়া অবধি তুমি যে আপিসে জল খাবার না খেয়ে তার সংস্থান কচ্ছিলে গো, তুমি যে আমাদের আস্ত কাপড় পরাইয়া আমাদের ছোঁড়া কাপড় পরিতে গো, এত মায়া কেমন করে একেবারে ভুলিলে গো!” এরূপ করে যে কত কান্না কাটা হল, কে লিখে উঠিতে পারে? এত বড় মানুষের মৃত্যু নয় যে কান্না সিকের তুলে রেখে মাল খানার চাবি দেবার ধুম লেগে যাবে। রাত ত প্রায় শেষ হয়ে এল। মড়া ত ঘাটে নিয়ে যেতে হবে। সৎকারের টাকা নাই; নিয়ে যাবার লোক নাই। বড় মানুষকে নিয়ে যাবার লোক অনেক যোটে; কিন্তু গরিবকে কাঁধে কে করে, লাভও নাই প্রশংসাও

নাই। ঘাটে কামানর সময় নূতন কাপড় পাইবারও আশা নাই। কাল রাত্র পোহাইল মড়া ঘাটে নিয়ে যেতে হবে, কেমন করে টাকা যোগাড় হয়? বাজারের টাকা ভাঙ্গানি পয়সা রাখিয়া গিম্বি দুইটি টাকা জমাইয়া ছিলেন। সেই টাকা দুটি বাহির করিলেন, আর খুকীর কানের মাকড়ি আর খোকার পায়ের মল খুলে নিয়ে বাঁধা দিয়ে টাকা যোগাড় হইল। খুকী কি মাকড়ি খুলিতে দেয়? কত কাঁদিতে লাগিল; আর আধ স্বরে বলিল, মা তুই যদি অমন করিস্, বাবাকে বলে দিব। টাকা ত সংগ্রহ হল। লোক কোথা পাওয়া যায়? বড় ছেলেটি আর একটী সহৃদয় প্রতিবেশী অনেক কষ্ট করে লোক জোটালে। প্রায় বেলা আড়াইটার সময় কেরাণীর গঙ্গা যাত্রা হইল।

উদ্ধারপর্ব।

কেরাণীর দুঃখের কথা এমন স্পষ্ট করিয়া বলিলাম যে, হয়ত অনেক কেরাণীর মনে কষ্ট হইল ও কেহ কেহ রাগিয়াও গেলেন “যার জন্য করি চুরি, সেও বলে চোরা হরি” কেরাণীদের মনে কষ্ট দেওয়া কিম্বা তাঁহাদের ঘরের হাঁড়ি হাটে ভেঙ্গে আমোদ করা এই পুরাণের উদ্দেশ্য নয়; কেরাণীর কষ্টের কথা প্রকাশ করে বড় লোকদের দয়া উদ্দীপন করাই মুখ্য উদ্দেশ্য। ভিন্ন ভিন্ন শ্রেণীর লোকদের উন্নতি সাধন জন্য যেমন সভা আছে কেরাণীদের অবস্থা উন্নতি করিবার জন্য সেইরূপ একটী সভা চাই; কারণ কেরাণীর অবস্থা ভাল করা অল্প কাঠখড়ের কর্ম নয়। জনকতক সহৃদয় উন্নতমনা, পরদুঃখ কাতর, ত্যাগস্বীকারশীল কৃতবিদ্য লোক প্রাণ মন দিয়া কেরাণীর অবস্থা উন্নতির ব্রত গ্রহণ করিলে ১০/১৫ বৎসর পরে কিছু ফল ফলিতে পারে। এই সভা কিরূপ হইবে, ক্রমে বলিতে চেষ্টা করিব কিন্তু উক্তরূপ লোক কোথায় পাওয়া যাইবে? আপনাকে ভুলে পরের মঙ্গলে উদ্যোগী থাকিবার লোক আমাদের দেশে কত পাওয়া যায়? কেরাণীর উদ্ধার ব্রতে বড় প্রতিষ্ঠা লাভ করিবার সম্ভাবনা নাই, আর গায়ের ঝাল মিটিয়ে ইংরাজকে গালি দেবার বড় সুবিধা নাই। এমন অবস্থায় কেবল পরোপকার করিবার জন্য কয়জন অগ্রসর হইতে পারেন? যে কয়েকটী দেশহিতৈষী লোক আছেন, তাঁহারা তাঁহাদের নিজ নিজ অবলম্বিত ব্রত সাধনে এমন ব্যস্ত, যে তাঁহাদের কেরাণীর বিষয় ভাবিবার সময় নাই। নূতন লোক চাই, যাঁহাদের হৃদয় আছে, বিদ্যা আছে, বুদ্ধি আছে, ধৈর্য্য আছে, এবং সহিষ্ণুতা আছে। “গান শুনিতে ইচ্ছা করে, ভিক্ষা দিতে প্রাণ পোড়ে”। রিফর্মার হবার সাধ হয় কিন্তু প্রকৃত রিফর্মার হওয়া বড় কঠিন। আপনাকে একেবারে হারাইতে হয়, কত বিদ্যা-বুদ্ধির প্রয়োজন হয়, কত কষ্ট ক্লেশ বহন করিতে এবং সেই সকলের উপরে যাহাদের সেবা করিবার জন্য সর্বস্ব পণ করা হয় তাহারাই আবার অত্যাচার

করে, কত গালাগালি দেয়, চোর বলে, জুয়াচোর বলে এবং কত রকমেই অনিষ্ট করিবার চেষ্টা করে। যিনি কেবল ভগবানের মুখ পানে চাহিয়া পরসেবা করিতে পারেন, তিনি দেশহিতৈষী বা দেশসংস্কারের নাম গ্রহণ করুন! নতুবা হয় হুমবাগ্ নয়ত মিসানথ্রোপ হইতে হইবে। কেরানীরা নিজের চেষ্টায় যতটুকু উন্নতি সাধন করিতে পারেন আপাতত ততটুকু করিতে চেষ্টা করুন, আপনার কাজ আপনি না করিলে অপরে কি সহজে সাহায্য করে? বিবাহে ও লোকলৌকিকতার খরচ কমাইতে পারিলে কেরানীর অনেক কষ্ট নিবারণ হইতে পারে।

আয়োজন ও প্রয়োজন অনুসারে দ্রব্যের দরের কম বেশি হয়। সংসারের সকল প্রকারের কারবার ও পেশা এই নিয়মের অধীন। কেরানী যদিও ব্রহ্মার বরপুত্র, কিন্তু এ নিয়মের অতীত নহেন। স্কুল এবং কলেজ হইতে যতই কেরানীর আমদানী হইতেছে, ততই হাটের দর কমিতেছে, জিনিষের আদর যাইতেছে। সেকেলে কেরানী লেখা পড়া না জানিয়াও যেরূপ সম্মানের সহিত চাকরি করিয়া গিয়াছেন, এখনকার কেরানী সুপরিচ্ছদধারী এবং কৃতবিদ্য হইয়াও তাহার দশাংশের এক অংশের সম্মান বা আদর পান না। এক সময়ে কেরানীগিরি অতি সুখের পেসা ছিল, নতুবা ধোপা নাপিত কামার কুমার চাষা তাঁতি সকলেই আপন আপন ব্যবসায় ছেড়ে কেরানীগিরিতে প্রবেশ করিয়াছেন কেন? “মাতায় পা দিলেই টাকা” এমন সুখের ও মান্যের ব্যবসায় ছাড়িয়া বামুন ঠাকুরেরা কেরানী হলেন কেন? তাঁহারা জ্ঞান ধর্মের আধার হয়ে সমাজের শিরোভূষণ হয়ে লোকের গুরু ও নেতা হয়ে যে কেরানী হলেন, তাহাতেই বেস বুঝা যাইতেছে যে কেরানীগিরিতে এমন অর্থ উপার্জন হইত, যে তাহাদের নির্লোভী বৈরাগী মনকেও আকৃষ্ট করিয়াছিল। এত লোক যে কেরানী হয়েছে, তার আর একটি কারণ এই যে কেরানীগিরিতে প্রবেশ করা সোজা ছিল। একটু মোটামুটি ইংরাজী শিখে আর হাতটা পাকাইতে পারিলেই চাকরি জুটিয়া যাইত। নিজের কোন যন্ত্র চাই না, মূলধন চাই না, কেবল একখানি দরখাস্ত লিখিতে পারিলেই হয়। এই সকল কারণেই কেরানীগিরির ভিতরে এত লোক প্রবেশ করে ফেলেছে। এক্ষণে কেরানী-হাটে প্রয়োজন অপেক্ষা অপ্রয়োজন অধিক হইয়াছে; সুতরাং অপ্রয়োজন কমাইতে হইবে। কিন্তু কিরূপে হয়? প্রথমত কেরানীগিরিতে প্রবেশ একটু কষ্ট সাধ্য হওয়া চাই। যেমন ইঞ্জিনিয়ারিং কলেজ মেডিকেল কলেজ প্রভৃতি আছে সেইরূপ কেরানীগিরির কলেজ চাই, যেখানে প্রবেশ করিবার পূর্বে এনট্রান্স পাশ করা চাই এখানে দুই বৎসর কাল উচ্চ কেরানীগিরির নিয়মে উপযুক্ত শিক্ষা লাভ করিয়া ছাত্রেরা পরীক্ষায় উত্তীর্ণ হইবেন এবং ৫০ টাকার উপরের মাহিনার কাজ তাঁহারা ব্যতীত আর কেহ পাইবে না। নীচের শ্রেণীর কেরানীদেরও প্রবেশ করিবার সময় সামান্য

রকমের পরীক্ষা দেওয়া আবশ্যিক; এবং উচ্চশ্রেণীতে উঠিতে গেলে পুনরায় পরীক্ষা দিতে হইবে। এইরূপ করিলেই কেরাণীর সংখ্যা কমিয়া যাইতে পারে এবং সংখ্যা কম হইলে প্রয়োজন অধিক হইবে সুতরাং দর আর আদর দুই বাড়িবে। কেরাণীদেরও বিদ্যা বুদ্ধি নিপুণতা ক্রমে বৃদ্ধি হইবে, অর্থ কষ্ট অনেক নিবারণ হইবে এবং অবস্থার উন্নতির সঙ্গে সঙ্গে তাহাদের উচ্চ উচ্চ মনোবৃত্তি সকল চালনার সুবিধা হইবে এবং কেরাণীদের ভিতর হইতে যথাকালে ভাল ভাল লোক বাহির হইবে; সুবিখ্যাত মিল সাহেব এক সময় কেরাণী ছিলেন, পূর্বকার সিভিল সারভাণ্টেরা কেরাণী ছিলেন, ভারত পরাজয়কারী ক্লাইভ সাহেব কেরাণী ছিলেন, অধমতারণ কেরাণীগিরিই এখন ভদ্রলোকের একমাত্র জীবিকার উপায়। এখনি ত কেরাণীর সংখ্যা অধিক হওয়াতে চাকরি জোটানো ভার, আবার তার উপর অধিকতর কঠিন হইলে লোকের উপায় কি হবে? “যা ছিল উঠে বসে, তা ঘুচাল কবিরাজ এসে”। যে উপায় বলা হইল তাহাতে কষ্ট না কমিয়া যে বেড়ে যাবে।

এমন সকল রোগ আছে যাহা আগে একটু না বাড়াইলে আরাম করা যায় না। কেরাণীগিরি বর্তমান সমাজের একটা রোগ বিশেষ, এই রোগটা নিবারণ করিতে হইলে কেরাণীদের আরও কষ্ট বৃদ্ধি করা চাই, নতুবা কেরাণীগিরি ছাড়িয়া লোক অন্য কাজ করিতে যাইবে না। আপনার বিদ্যা বুদ্ধি মনের গঠন এবং আয়োজন প্রয়োজনের প্রতি দৃষ্টি রাখিয়া পেশা অবলম্বন করিতে হয়, তাহা না করিলে কষ্ট হইবেই হইবে। যেকোন কাঁটা দিয়া কাঁটা বাহির করিতে হয় সেইরূপ কষ্ট দিয়া সামাজিক কষ্ট নিবারণ করিতে হয়। একদিকে কেরাণীগিরিতে প্রবেশ করা কঠিন করিতে হইবে, অপর দিকে দেশীয় শিল্পের উন্নতি সাধন করিতে হইবে। শিল্প কার্যের বাৎসরিক প্রদর্শনী স্থাপন করা আবশ্যিক এবং উৎকৃষ্ট কারিগরদের পারিতোষিক দেওয়া চাই। দেশীয় দ্রব্য-সকল অধিক পরিমাণে যাহাতে ক্রয় বিক্রয় হয়, তাহার চেষ্টা করিতে হইবে। গবর্ণমেন্ট এক্ষণে এ বিষয়ে অনুকূল। তাঁহারা এইরূপ নিয়ম করিয়াছেন, পাবলিকওয়ার্ক এবং অন্য অন্য বিভাগে দ্রব্য প্রয়োজন হইলে দেশীয় দ্রব্য পাইলে আর বিদেশীয় দ্রব্য খরিদ করা হইবে না। সাধারণে যাহাতে এইরূপ নিয়ম অবলম্বন করেন, তাহার বিধিমত চেষ্টা চাই। আমাদের কৃতবিদ্য লেখক, সম্পাদক ও বক্তারা এই বিষয়ের উপকারিতা সাধারণকে অনেক পরিমাণে বুঝাইয়া দিতে পারেন। ভদ্রলোকের ছেলেরা শিল্প বিদ্যা শিক্ষার জন্য স্থানে স্থানে বিদ্যালয় স্থাপন করিতে হইবে। এই সকল ছাত্ররা আপনাদের পারদর্শিতা এবং সচ্চরিত্রের প্রতিষ্ঠাপত্র লাভ করিলে যাহাতে তাহারা নিজে নিজে কারবার করিতে পারে তাহার জন্য তাহাদিগকে বিশেষ সাহায্য দান হয়, যথাযোগ্য জামিন লইয়া তাহাদিগকে মূলধন (ক্যাপিটাল) কর্ত্ত্ব দেওয়া হয়, এই উদ্দেশে সাধারণ ভাণ্ডার (ফণ্ড) প্রয়োজন এবং

ধনীলোকের সহানুভূতি আবশ্যিক। কিন্তু এইসকল বিষয়ে ধনী লোকের সাহায্য পাওয়া বড় সহজ নয়। যাঁহারা দুখ কাহাকে বলে জানেন না, টানাটানির মহলে বাস করেন না, অভাবের আশ্বাদন পান নাই, তাঁহাদের হৃদয়ে গরিবের প্রতি দয়া উদ্বেক করিয়া দেওয়া বড় দুর্লভ। রাস্তা ঘাট প্রস্তুত করা পুষ্করিণী খনন করা, দেবালয় স্থাপন করা, শ্রদ্ধের সময় কাঙালি বিদায় করা, অতিথিশালা স্থাপন করা, বড়লাট ছোটলাট এবং অন্য কোন বড়লোকের অভ্যর্থনা করিবার জন্য চাঁদা দেওয়া, এই সমস্ত কাজ ধনী লোকেরা বুঝিতে পারেন। ইহাতে ধর্ম, প্রতিষ্ঠা রাজদ্বারে সম্মান আছে, কিন্তু দেশের গরিব ভদ্রলোক এবং সামান্য লোকের অবস্থার উন্নতি করিবার জন্য অর্থ দান কিম্বা অসাক্ষাৎ সম্বন্ধে সাহায্য দান করা কেমন করিয়া তাঁহারা সহজে বুঝিতে পারিবেন? গরিব লোকের অনেক কাল পরে ভাল হইবে এই জন্য কি তাঁহারা বিলাতি জিনিস না কিনিয়া অপেক্ষাকৃত অপকৃষ্ট দেশীয় জিনিস ব্যবহার করিবেন, না গরিব ভদ্রলোকের ছেলে সুখে সংসার যাত্রা নিব্বাহ করিবে বলিয়া টাকা ধার দিয়া পথ খুলিয়া দিবেন? এরূপ প্রত্যাশা করা ঠিক নয়। সাধারণ ভাবে যদিও এই সব কথা ধনীদের উপর খাটে। কিন্তু তাঁহাদের মধ্যে এমন উন্নতমনা এবং সহৃদয় ব্যক্তি আছেন, যাঁহাদের সহানুভূতি অল্প চেষ্টা করিলেই পাওয়া যাইতে পারে। বিদ্যা বুদ্ধি এবং সহৃদয়তা যতই বৃদ্ধি হইতে থাকিবে, ততই এ সকল বিষয় ক্রমে সহজ হইয়া আসিবে। এই সকল বিষয়ে সাহায্য করিলে রাজা যদি কোন সম্মান ও পদ দেন, তাহা হইলে ধনীদের আরও উৎসাহ হইবে। কেবল ধনীদেরই রা প্রত্যাশা কেন? প্রত্যেক ভদ্রলোক যদি বৎসর একটী করে টাকা দেন তাহা হইলে এত অর্থ সংগ্রহ হয়, যে সমাজ সংস্কারকেরা আপাতত কাজ আরম্ভ করিতে পারেন। ভগবানের কৃপার স্রোতে নৌকা ছাড়িয়া দিয়া কসে দাঁড় বাও, ক্রমে কুলে পৌছবে। তাহার উপর নির্ভর করে এবং আপনাদের প্রাণ মন ঢেলে দিয়ে কাজ করিলে কোন্ কাজ না সিদ্ধ হয়? ধৈর্য্য অবলম্বন করে কাজ কর, সফল-যত্ন হইবেই হইবে। যতই কেন ইংরাজ জাতিকে গালাগালি দাও না, তাহাদের মত ধৈর্য্য ও কার্যদক্ষতা না শিখিলে দেশের ভাল হবে না। কেবল কথায় চিড়ে ভিজিবে না।

আমাদের কাম্মার জল কি চোখেই মিলাইয়া যাইবে, মনের দুঃখ কি মনেই থাকিবে? কেন আমি ত অরণ্যে রোদন করিনি, সংবাদপত্রে আমার মন দুঃখের কথা বলিয়াছি এবং পুস্তকাকারে ছাপাইলাম। কেরানী ভাইদের লুকান দুঃখের সংবাদ যত পারিলাম প্রকাশ করিলাম, এত ফুটে বলিলাম, যে কেহ কেহ চটে যাবেন। কেরানীর দুঃখে আমার বুক ফাটে বলে তাই মুখে এত বোল ফোটে। কেমন করে কেরানীর দুঃখ নিবারণ হইতে পারে, সে বিষয়েও কতক কতক বলিয়াছি এবং আরও বলিবার আছে, কিন্তু হয় কেহ কি

আপনি যাইবেন, মাসকাবারের শেষাশেষি মরিলে পোড়াইবার কড়িও থাকিবে না। তবে কোন্ সাহসে চুপ করে বসে আছেন? হৃদয়কেই বা কি বলে প্রবোধ দিতেছেন? আর ভগবানকেই বা কি বলে জবাব দিবেন? আপনাদের মধ্যে যাহারা বেশী মাহিনা পান, তাঁহাদের কষ্ট নাই একথা সত্য বটে; কিন্তু ভাই কয় জন আপনাদের মধ্যে এরূপ অবস্থার লোক? বড় কেরাণী ভাই, আপনাদের বলি আপনারা একটু মনোযোগ করুন, আপনাদের চরণে ধরে বিনয় করে বলিতেছি, আর ঘুমাইবেন না, আপনারা কেরাণীদিগের দলপতি; আপনারা মনে করিলে অনেক কাজ করিতে পারেন। সংকার্যের অল্প আরম্ভ ভাল, আরম্ভ করুন, ভগবান আশীর্বাদ করিবেন। আপনারা যদি একটু উৎসাহ দেন হৃদয় খুলে অনেক কথা বলতে পারি এবং আপনাদের চরণ তলে বসে কাটবিড়ালীর সাগর বাঁধার মতন কিছু কিছু সাহায্যও করিতে পারি।

যতই কেরাণীদের কথা ভাবি ততই বুক ফাটে, আর কান্না ছোটে। ভাবী বংশীয় কেরাণীদের কি দশা হবে তাহা ভেবে উঠা যায় না। এখনি ত চাকরি জোটা ভার একটা কর্ম খালি হইলে দুইসত দরখাস্ত পড়ে, কত “বি এ” উপাধিকারী বড় বড় লোকের সেই সুপারিশ লইয়া একটা ৩০ টাকার বেতনের চাকরি বাগাইতে পারিলে আপনাকে কৃতার্থ মনে করেন। “এল এ” বা “বি এ” উপাধিকারী না হইলে আপিসে এপ্রেন্টিস হইয়া প্রবেশ করিতে পারিবার উপায় নাই। তাই কি আবার প্রবেশ করিলেই কর্ম হয়? কত খোসামোদ করিতে হয়, কত ধমকানি খেতে হয়, এরূপ করে যদি দুই বা তিন বৎসর ঘরের পয়সায় খেয়ে পোরে এবং বাড়ী ভাড়া দিয়ে থাকিতে পারে, তবে অনেক কষ্টে ২৫/৩০ টাকার বেতনের চাকরি লাগিতে পারে। এই কটা টাকায় ন্যায্য খরচ চলাই ভার, তার উপর আবার মনের উচ্চ ভার এবং রুচির কিছু কিছু রক্ষা করিতে হয়। সংবাদপত্র খানি না পড়িলে চলে না, একটা ঘড়ি না রাখিলে সময়ের উপযুক্ত ব্যবহার করিতে পারা যায় না, নিদেন মাসের মধ্যে এক দিন করেও ইংরাজিতর খানা না খাইলেই নয়, নতুবা ইংরাজি পড়াই বৃথা হইয়া যায়। স্ক্রীকেও কারপেট বুনিবার জন্য উল এবং পড়িবার দুই এক খানা বই মাঝে কিনে দিতে হয় এবং অঙ্গ পরিষ্কার রাখিবার জন্য সাবান আর চুল বাঁধিবার জন্য হেয়ার অয়েল, পিন্ এবং জালও কিনে দিতে হয়, এত লেখা পড়া শিখে ও উন্নত ভাব উপার্জন করে এইরূপ না করিলে কেমন করেই বা একজন কৃতবিদ্য যুবা কেরাণীর চলিতে পারে? কৃতবিদ্যেরত এই দশা অর্দ্ধ শিক্ষিতদের দৃষ্ণে ত শিয়াল কুকুর কাদে, কাজ প্রায়ই জোটে না, বাপ পিতামহের যদি কিঞ্চিৎ সংস্থান থাকে সেই টাকা লইয়া কিম্বা স্ত্রীর গহনা বাঁধা দিয়া দরজির দোকান বা মণিহারির দোকান

আমার কথায় কান দিবেন না? বড়মানুষেরাও শুনিবেন না, দেশ সংস্কারকেরাও শুনিবেন না? সংবাদপত্র লোকেরাও শুনিবেন না ভাল, দেশের এত ভদ্রলোক কেরানীগিরি করে খায়, তাহাদের অবস্থা ক্রমেই মন্দ হইতেছে দুঃখ বাড়িতেছে; এ বিষয়ের একটা উপায় করিবার আবশ্যিকতা বুঝাইয়া দেওয়া এবং সদুপায় উদ্ভাবন করা দেশসংস্কারক মহাশয়দের কি ভাবিবার ও বলিবার বিষয় নয়? সাধারণ জনসমাজকে শিক্ষা দিবার ভার যে সংবাদপত্রের হস্তে একথা তাঁহারা কেন ভুলিলেন? অধিকাংশ কেরানী, মেয়ের হৃদ, তাঁহারা ত আপনাদের বিষয় আপনি ভাবিতে জানেন না ও ভাবিতে পারেন না এবং পারিলেও নিতান্ত নিরুপায়। “অন্ন চিন্তা চমৎকারা, ঘরে ভাত নাই জীয়েস্তে মরা” মরা মানুষ কি আর ভাবতে পারে, না কিছু করিতে পারে? যাঁহারা দেশের দুঃখ মোচন করিবার ভার লইয়াছেন, তাঁহারা যদি আপনাদের কর্তব্য ভুলিয়া থাকেন তাহা হইলে আর উপায় কি? আমার মতন লোক কি করিতে পারে? একে মুখ মানুষ তায় নিতান্ত ঘরের খেয়ে বনের মোষ তাড়িয়ে যে এ বিষয়ে বিশেষ আন্দোলন করে, ধনী ও কৃতবিদ্যের দ্বারে গিয়া হাতে পায়ে ধরে কোন একটা উপায় করিব, তা ত আর আমি পারি না; আমার কথাই বা কে শুনিবে? আমার তুঁড়ি নাই, ভাল চেহারা নাই, সোনার মোটা চেন নাই, গাড়ী নাই, ভেকে ভিক্ষা, তা ভেক নাই, কেবল হৃদয় আছে কাঁদিবার জন্য। কিন্তু দুঃখীর কান্না কে শোনে! যখন সুরেন্দ্রবাবু জেলে গেলেন, তাঁহার পরিবারের কান্না নিবারণের জন্য কত লোক কত সহানুভূতি প্রকাশ করিলেন কিন্তু একজন সিপাই যখন বীরত্ব প্রকাশ করে আপনার দেশ রক্ষার্থ মরে, তাঁর দুঃখিনী স্ত্রীকে কে সহানুভূতি করে পত্র লেখে?

কেরানী ভাই, ভাল আপনাদের বলি আপনারা ত নিতান্ত নিবেদী নন। আপনাদের মধ্যে কত কৃতবিদ্য বুদ্ধিমান সহৃদয় লোক আছেন। ভাই, আপনারা আপনাদের দুঃখ নিবারণের সময় একটা কিছু করুন। দেশ যে উচ্ছ্বসে যায় আর কত দিন যাইবে? যার বে তার ঘুম নাই, পাড়া পোড়সির ঘুম নাই তা করিলে কি হয়? উদ্যোগী পুরুষসিংহকেই লক্ষ্মী আশ্রয় করেন। দুজন দশজন লোক কোমর বেঁধে ভগবানের নাম করে দাঁড়াইলে যে কিছুই হবে না এমন মনে করিও না। সাধু কার্যের ভার ভগবান আপনে গ্রহণ করেন। যতই দিন যাইতেছে, ততই কেরানীর দুঃখ ভার বৃদ্ধি হইতেছে তাহা কি জানিতে পারিতেছেন না? আপনারা ত কোন ক্রমে দুবেলা আঁচাইয়া কাল কাটাইয়া গেলেন, কিন্তু ছেলেদের দশা কি হইবে, তাহা কি কিছু ভাবিলেন? তাহারা কি কেরানীগিরি করে খেলে আর ভদ্র সমাজে থাকিতে পারিবে? না তাহাদের মধ্যে সকলে চাকরি পাবে? মরিবার সময় ধনের মধ্যে ত একটি বিধবা স্ত্রী, আর গুটীকতক নাবালক ছেলে, আর অবিবাহিত মেয়ে রেখে

আমার কথায় কান দিবেন না? বড়মানুষেরাও শুনিবেন না, দেশ সংস্কারকেরাও শুনিবেন না? সংবাদপত্র লোকেরাও শুনিবেন না ভাল, দেশের এত ভদ্রলোক কেরাণীগিরি করে খায়, তাহাদের অবস্থা ক্রমেই মন্দ হইতেছে দুঃখ বাড়িতেছে; এ বিষয়ের একটা উপায় করিবার আবশ্যকতা বুঝাইয়া দেওয়া এবং সদুপায় উদ্ভাবন করা দেশসংস্কারক মহাশয়দের কি ভাবিবার ও বলিবার বিষয় নয়? সাধারণ জনসমাজকে শিক্ষা দিবার ভার যে সংবাদপত্রের হস্তে একথা তাঁহারা কেন তুলিলেন? অধিকাংশ কেরাণী, মেয়ের হৃদ, তাঁহারা ত আপনাদের বিষয় আপনি ভাবিতে জানেন না ও ভাবিতে পারেন না এবং পারিলেও নিতান্ত নিরুপায়। “অন্ন চিন্তা চমৎকারা, ঘরে ভাত নাই জীয়েস্তে মরা” মরা মানুষ কি আর ভাবতে পারে, না কিছু করিতে পারে? যাঁহারা দেশের দুঃখ মোচন করিবার ভার লইয়াছেন, তাঁহারা যদি আপনাদের কর্তব্য তুলিয়া থাকেন তাহা হইলে আর উপায় কি? আমার মতন লোক কি করিতে পারে? একে মুখ মানুষ তায় নিতান্ত ঘরের খেয়ে বনের মোষ তাড়িয়ে যে এ বিষয়ে বিশেষ আন্দোলন করে, ধনী ও কৃতবিদ্যের দ্বারে গিয়া হাতে পায়ে ধরে কোন একটা উপায় করিব, তা ত আর আমি পারি না; আমার কথাই বা কে শুনিবে? আমার ভুঁড়ি নাই, ভাল চেহারা নাই, সোনার মোটা চেন নাই, গাড়ী নাই, ভেকে ভিক্ষা, তা ভেক নাই, কেবল হৃদয় আছে কাঁদিবার জন্য। কিন্তু দুঃখীর কান্না কে শোনে! যখন সুরেন্দ্রবাবু জেলে গেলেন, তাঁহার পরিবারের কান্না নিবারণের জন্য কত লোক কত সহানুভূতি প্রকাশ করিলেন কিন্তু একজন সিপাই যখন বীরত্ব প্রকাশ করে আপনার দেশ রক্ষার্থ মরে, তাঁর দুঃখিনী স্ত্রীকে কে সহানুভূতি করে পত্র লেখে?

কেরাণী ভাই, ভাল আপনাদের বলি আপনারা ত নিতান্ত নিবেদ্য নন। আপনাদের মধ্যে কত কৃতবিদ্য বুদ্ধিমান সহৃদয় লোক আছেন। ভাই, আপনারা আপনাদের দুঃখ নিবারণের সময় একটা কিছু করুন। দেশ যে উচ্ছ্বসে যায় আর কত দিন যাইবে? যার বে তার ঘুম নাই, পাড়া পোড়সির ঘুম নাই তা করিলে কি হয়? উদ্যোগী পুরুষসিংহকেই লক্ষ্মী আশ্রয় করেন। দুজন দশজন লোক কোমর বেঁধে ভগবানের নাম করে দাঁড়াইলে যে কিছুই হবে না এমন মনে করিও না। সাধু কার্যের ভার ভগবান আপনে গ্রহণ করেন। যতই দিন যাইতেছে, ততই কেরাণীর দুঃখ ভার বৃদ্ধি হইতেছে তাহা কি জানিতে পারিতেছেন না? আপনারা ত কোন ক্রমে দুবেলা আঁচাইয়া কাল কাটাইয়া গেলেন, কিন্তু ছেলেদের দশা কি হইবে, তাহা কি কিছু ভাবিলেন? তাহারা কি কেরাণীগিরি করে খেলে আর ভদ্র সমাজে থাকিতে পারিবে? না তাহাদের মধ্যে সকলে চাকরি পাবে? মরিবার সময় ধনের মধ্যে ত একটি বিধবা স্ত্রী, আর গুটীকতক নাবালক ছেলে, আর অবিবাহিত মেয়ে রেখে

আপনি যাইবেন, মাসকাবারের শেষাশেষি মরিলে পোড়াইবার কড়িও থাকিবে না। তবে কোন্ সাহসে চূপ করে বসে আছেন? হৃদয়কেই বা কি বলে প্রবোধ দিতেছেন? আর ভগবানকেই বা কি বলে জবাব দিবেন? আপনাদের মধ্যে যাঁহারা বেশী মাহিনা পান, তাঁহাদের কষ্ট নাই একথা সত্য বটে; কিন্তু ভাই কয় জন আপনাদের মধ্যে এরূপ অবস্থার লোক? বড় কেরানী ভাই, আপনাদের বলি আপনারা একটু মনোযোগ করুন, আপনাদের চরণে ধরে বিনয় করে বলিতেছি, আর ঘুমাইবেন না, আপনারা কেরানীদিগের দলপতি; আপনারা মনে করিলে অনেক কাজ করিতে পারেন। সংকার্যের অল্প আরম্ভ ভাল, আরম্ভ করুন, ভগবান আশীর্বাদ করিবেন। আপনারা যদি একটু উৎসাহ দেন হৃদয় খুলে অনেক কথা বলতে পারি এবং আপনাদের চরণে তলে বসে কাটবিড়ালীর সাগর বাঁধার মতন কিছু কিছু সাহায্যও করিতে পারি।

যতই কেরানীদের কথা ভাবি ততই বুক ফাটে, আর কান্না ছোটে। ভাবী বংশীয় কেরানীদের কি দশা হবে তাহা ভেবে উঠা যায় না। এখনি ত চাকরি জোটা ভার একটা কর্ম্ম খালি হইলে দুইসত দরখাস্ত পড়ে, কত “বি এ” উপাধিকারী বড় বড় লোকের সহি সুপারিশ লইয়া একটী ৩০ টাকার বেতনের চাকরি বাগাইতে পারিলে আপনাকে কৃতার্থ মনে করেন। “এল এ” বা “বি এ” উপাধিকারী না হইলে আপিসে এপ্রেন্টিস হইয়া প্রবেশ করিতে পারিবার উপায় নাই। তাই কি আবার প্রবেশ করিলেই কর্ম্ম হয়? কত খোসামোদ করিতে হয়, কত ধমকানি খেতে হয়, এরূপ করে যদি দুই বা তিন বৎসর ঘরের পয়সায় খেয়ে পোরে এবং বাড়ী ভাড়া দিয়ে থাকিতে পারে, তবে অনেক কষ্টে ২৫/৩০ টাকার বেতনের চাকরি লাগিতে পারে। এই কটী টাকায় ন্যায্য খরচ চলাই ভার, তার উপর আবার মনের উচ্চ ভার এবং রুচির কিছু কিছু রক্ষা করিতে হয়। সংবাদপত্র খানি না পড়িলে চলে না, একটী ঘড়ি না রাখিলে সময়ের উপযুক্ত ব্যবহার করিতে পারা যায় না, নিদেন মাসের মধ্যে এক দিন করেও ইংরাজিতর খানা না খাইলেই নয়, নতুবা ইংরাজি পড়াই বৃথা হইয়া যায়। ক্রীকেও কারপেট বুনিবার জন্য উল এবং পড়িবার দুই এক খানা বই মাঝে কিনে দিতে হয় এবং অঙ্গ পরিষ্কার রাখিবার জন্য সাবান আর চুল বাঁধিবার জন্য হেয়ার অয়েল, পিন্ এবং জালও কিনে দিতে হয়। এত লেখা পড়া শিখে ও উন্নত ভাব উপার্জন করে এইরূপ না করিলে কেমন করেই বা একজন কৃতবিদ্য যুবক, কেরানীর চলিতে পারে? কৃতবিদ্যের এই দশা অর্দ্ধ শিক্ষিতদের দুঃখে ত শিয়াল কুকুর কাঁদে, কাজ প্রায়ই জোটে না, বাপ পিতামহের যদি কিঞ্চিৎ সংস্থান থাকে সেই টাকা লইয়া কিম্বা স্ত্রীর গহনা বাঁধা দিয়া দরজির দোকান বা মণিহারির দোকান

করে কম বেশী ১০/১৫ টাকা উপার্জন করিতে পারে; আর নয়ত বাংলা সংবাদপত্রের সম্পাদক হয়ে উদবাল্ল উপার্জন করিতে চেষ্টা করে। সংবাদপত্রে যে কত লাভ এবং সুবিধা, কাগজওয়ালামাত্রেই মনে মনে জানেন, স্পষ্ট করে বলে হাটে হাঁড়ি ভাঙ্গিবার আবশ্যক নাই। কেরাণীগিরির এই তো দশা, তার উপর আবার ফি ‘উনিভারসিটি হইতে বৎসর বৎসর প্রায় নানা প্রকারে দুই তিন হাজার যুবক বাহির হইতেছেন, ইহার মধ্যে প্রায় পনের আনা ছেলের কেরাণীগিরি লক্ষ্য; এক দিকে “মাস এডুকেশন” —সামান্য লোককে শিক্ষা দান, অপর দিকে “ফিমেল হাই এডুকেশন”, চারি দিকে আরম্ভ হইয়াছে। অতি অল্প কাল মধ্যেই এই দুই চাপ দুই দিক হইতে আসিয়া কেরাণীর সর্বনাশ করিবে। ঘেরাপভাবে মাস এডুকেশন দিবার কথা সংগ্রহিত এডুকেশন কমিশন স্থির করিয়াছেন, তাহা কার্যে পরিণত হইলে অচিরে সামান্য লোক অনেক ভদ্রলোক অপেক্ষা অধিক শিক্ষাও পাইতে পারিবে এবং অধিকতর সুখ স্বচ্ছন্দতায় কাল কাটাইতে পারিবে। কেরাণী ভদ্রলোক! যদি আপনাদের মর্যাদা রাখিতে চাও যদি সামান্য লোক অপেক্ষা সুখে থাকিতে চাও এবং তাহাদের অপেক্ষা ছেলেদের টিচ শিক্ষা দিতে চাও বা তাহাদের নেতা হইয়া থাকিতে চাও, তবে এই বেলা তার উপায় কর। কৃষি কার্য এবং শিল্প কার্য ও ব্যবসায় আপনাদের হস্তে গ্রহণ কর। আপনাদের পিতামহ বা প্রপিতামহের আমলে যেমন আপনাদের খাসে চাষ হইত এখন আবার সেইরূপ চাষ আরম্ভ কর, গ্রামের দশ জন মিলে উন্নত ভাবে এবং অধিকতর পরিমাণে ধান এবং অন্যান্য শস্যের চাষ কর, শাক সবজির বাগান কর, তেজারাৎ এবং ধান বাড়ি কর, দেশীয় কারিগরদের চাকর রাখিয়া মধ্যবিধ রকমের কারখানা কর। এই সকল কার্যের তত্ত্বাবধারণের উপযুক্ত হবর জন্য নিজেরা কেহ কেহ ওয়ার্কশপে গিয়া কাজ শিক্ষা কর। কৃষিকার্য বিষয়ক পুস্তক পাঠ কর এবং কৃষি বিদ্যালয় স্থাপন করে ভদ্রলোকের ছেলেদের চাষ কার্য তত্ত্বাবধারণ করিবার জন্য উপযুক্ত কর। সময় থাকিতে যদি এরূপ চেষ্টা না কর পরে অনেক দুঃখ পাইতে হইবে এবং যে সামান্য লোকেদের ছোট লোক বলে ঘৃণা কর, তাহাদের কাছে তোমাদেরই ছেলেদের সরকাব বা কেরাণী হইয়া খাইতে হইবে।

সম্পূর্ণ।

